



6


10-f

n. P. Thomæ
ndarij



6-10, f, 11

AT C. C. 2 p. f 30



ORATIONES
IO. ALDOBRANDINI
CERCHIARI
R II



VENETIIS
APVD PAVLVM BALEONIVM
MDC LVI.



ORATIONES,

Et Carmina

IO. ALOYSII

CERCHIARII

Vicentini,

*Cler. Reg. Congr. Somaschæ
Theologi.*

SVPERIORVM PERMISSV.



VENETIIS, M. DC. LVI.

Apud Paulum Baleonium.



Illustris. Comiti.

IOANNI GRVMELIO

EQVITI PALATINO,

Viro Amplissimo :

I. V. D. Eruditissimo .

Marcus Antonius Rubeus. F.



NON potuit à studio liberalis animi mea me tenuitas adeò deterrere, Vir Amplissime, quin tibi, cuius nutibus tua me iampridem clientela deuouit munusne aicam, an potius debita seruitutis officium exhiberem. Prodeunt nunc rursus ad lucem, Auctoris fama & eruditorum acclamatione non parcè suadentibus; varijs, ac eruditis additamentis illustrate Viri clarissimi Patris IO: ALOYSII CERCHIARII Orationes, & Carmina. Non possunt sub tui Patrocinijs umbra, seu verius luce non feliciter assurgere in peregrinum iubar, quas melioris fortune fulgor inaugurat: perlecta semper sunt auide, audite nunquam sine plausu, quippe quæ geniali eloquentis illecebræ melle respersa nusquam quoque vernanti adimunt stilo eruditos argutiarum sales. Hoc igitur quaecumque mei in te singularis obsequij argumentum ea excipe serena frontis propensione, qua tue addictis tutelæ non exigua soles indulgere studia humanitatis. Vale.

Illustris. & Reuerendiss.

D. D. V I C T O R I
C A P P E L L I O

EPISCOPO FAMAVGVSTANO
Congregationis Somaſchæ

C L E R I C O R E G V L A R I.

IO. ALOYSIVS CERCHIARIUS
eiusdem Congregationis F.



NOVA ista Pontificis dignitas, qua recentè à summo sacrorum Præsìde Urbano VIII. inauguratus es, vt in animo meo tui nominis reuerentiam excitauit, ita tenue hoc à calamo exprompsit eruditi argumentum obsequij. Vindicare putauì orationes meas à seruitute tenebrarum, & nominis obliuione, si libri caput præclarissimæ tuæ familiæ: **P I L E O** donassem. Faxit Deus, ne blatthis, ac rincis ereptæ in dentes incidunt acutiores, & inoppositunam affecutæ libertatem in sordidas detrudantur officinas, vbi ad induendam cordillis penulam miserè lanientur. Sanè si mos fuit Laconibus, nonnisi cum pileis ad arma procedere, vt indomitum aduersus hostes animum, & libertatis vindicem ostentarent, timere non debent insanos morionum ictus, aut bella vellicantium orationes meæ, quia dum in lucem, ac puluerem eruditorum sub tui nominis auspicio prodeunt, **P I L E A T Æ** prodeunt. Vt eas emitterem, iussit primò maiorum authoritas, tum suasit Romæ plausus vbi humanis semper auribus exceptæ sunt, tum etiam, vt eas tibi typis excusas legendas traderem, qui non audite tantum pronuntiatas, sed scriptas etiam percurrere sæpè cupiebas. Collegi ferè omnes in vnum, quæ passim vagabantur, vt vnum in opus congestæ, multiplicata velut eloquentia meum erga te cultum facundiùs eloquerentur.

Bergomi K^ol. Maij anno 1634.

AD

AD LECTOREM.

..... Tenet insanabile multos. Scribendi cacoethes, & ægro in corde senescit.

O præclaram insaniam. Et mirabimur, si membrana solito cariores sint? Auram, & ventum optare, non esse solummodo nautarum his præsertim temporibus experimur. Ne putes tamen ab hoc me Zephiro impulsam, ut vela panderem, cum in portu consistere tutius esse semper agnouerim, nec posse tam astuoso me oceano committere, quin in scopulos merita obtrectationis impingerem. Debui maiorum obsequi imperiis, nè periculosius obruerer. Restituta in pristinum ferè statum eloquentia multos educavit alumnos, qui cum non curta supellectile gauderent, varium orationis cultum induerunt. Alijs placuit Laconico quodam, atque succoso dicendi genere uti, alijs historias, atque similitudines farciendo semper ex commentario sapere, nonnullis exuberanti orationis apparatu redundare, inter quos Franciscus Rugerius nostri ordinis aureo flumine verè copiosus latinam facundiam immortali labore locupletauit. Conatus sum in tanta ingeniorum contentione punctum, si non ferre, saltem attingere, miscens utile dulci. Arrisit valde Rugeriana eloquentia torrens pleno semper alueo decurrens; arrisit etiam mutuatus à Seneca, à iuniore Plinio, & ab alijs, reuocatusque in Mundum oratorium stylus hodiernus.

eruditorum acuminum varietate speciosus, è
quibus mystum quendam, aures, & animos
vellicantem excudere si non potui saltem
volui. Vereor enim, nè purissimos potius
lingua latina fontes pedestri sermone turba-
uerim, aut opus insulsum supinis argutis im-
plerim. Quidquid id est, malui cum Hispani-
ci salis poeta, & cum alijs Alcinoopoma dare,
quàm diuturno, obscuroquè otio languescere.
Si barbara forte vox scribenti tumultuario
excidisset, seuerasquè nostri seculi aures of-
fenderet, præmoneo, quod olim Seneca sibi
sumpsit, cum verbum, **ANALOGIAM**,
à latinis grammaticis ciuitate donatum
vsurpasset, uti me verbo non tantum tan-
quàm recepto, sed tanquàm vsitato. Ce-
terum si qualemcunque laborem meum
triobolares quidam Critici theonino dente
momorderint, patiar libenter, vel quia ti-
neis dimitti, ac muribus proijci pagina iste
merentur, vel quia cordatis etiam scripto-
ribus suos Homeromastiges, Anticatones,
Ciceromomos non defuisse iam legi. Vale.



D. Desiderius Cornalbius Præpositus Generalis Clericorum Regularium Congregationis de Somascha, & Doctrinæ Christianæ in Gallia.

CVM duo nostræ Cōgregationis Theologi, quib. libellum carminum à P. D. Io. Aloyfio Cerchiaro compositum, recognoscendum dedimus, dignum prælo censuerint; Nos eidem Patri facultatem concedimus, vt seruatis seruandis curet imprimendum. In quorum fidem, &c.

Dat. Papiæ in Collegio nostro S. Maioli die prima Octobr. Anno M.DC.XXXIII.

D. Desiderius Cornalbius P. G. & c.

EGo infra scriptus de mandato Reuerendiss. Patris Inquisitoris Bergomi Carmina hæc Adm. R. P. D. Io. Aloyfij Cerchiarij Congregationis Somaschæ diligenter legi, in quib. cum ne minimum orthodoxæ fidei, aut bonis morib. detrimentum, sed ingeniosorum poetarum nationis insignis repererim incrementum, digna quæ perpetuis imprimantur præli characterib. censeo. In quorum fidem &c.

Berg. Non. Ianuar. An. M. DC. XXXIV.

*Aloysius Tassus S. T. D. Canonicus
Ecclesiæ Cathed. Bergomi.*

Imprimatur.

Fr. Io. Baptista de Gauard, Inqu. Berg.

Imprimatur.

Iosephus Iapeffius Vic. Generalis.

Per

Per le Orationi del Padre
D. GIO. LVIGI CERCHIARI.

Sonetto del Signor Canonico

LVIGI TASSO.

Questi di sì bel dir **CERCHI** eloquenti
A' bei **CERCHI** del Ciel pari nel suono,
Forse del Sacro Apollo i **CERCHI** sono,
Onde spira alto ingegno, illustri accenti?
O pur quegli aurei son **CERCHI** potenti
Oue stà Giove à l'hor che scocca il tuono?
Così paion tonando in sù quel trono,
Stillare in pioggia d'oro i suoi concetti..
CERCHI non son di Tessala Magia
Benche i sensi dell'huom quasi incantati.
Con facondia il **CERCHARI** e tolga, e dia..
Detti adunque così dotti, & ornati.
Sono della catena, onde rapia
Le genti Alcide già, li **CERCHI** aurati.

All'istesso.

PER LE MEDESIME ORATIONI.

Sonetto del Padre

D. MICHEL' ARCANGELO BOTTI.

A Te crescan gl'Allori, à te i suoi vanti:
Ceda il Tebro, e'l Cefiso, lior ch'entro i fogli
D'aureo stile **CERCHIARI** vn fiume accogli,
Cui tranquillansi in sen l'ire spumanti.
Eia pregio augurò à tuoi bei flutti auanti.
Romper d'onda restia gl'alteri orgogli,
Da nembofi pensier qualhor distogli
Con giulivo seren gli austri sonanti..
Ecco spoglie nouelle apre pomposo
Il Lauro allo sgorgar d'vn Rio canoro.
Onde appresti al tuo crin fregio frondoso..
E ben conuien, che mentre vn Fiume d'oro:
Di facondia n'inuij, cresca fastoso,
S'oue vn fiume scorrea nacque l'Alloro..

IN-

INDEX RERVM, & Verborum .

- A** Dolescentia præcept. pag. 190.
 Adolescentis luxuriantis descriptio. pag. 31. 39.
 Aesopi descriptio. pag. 65.
 Vitruuij librum incomptum iubet expoliri. pag. 9.
 Villæ Ciceronis parit. pag. 10.
Q. Curtij lectione reficitur. pag. 29.
 Ioui Positorio templum erexit. pag. 170.
 Alexander magnus ab Asino interfectus. pag. 259.
 Alexandri Cardinalis Montalii laudes pag. 225.
B. Aloysij Gonzagæ laudes. pag. 188.
 Lethale peccatum nunquam commisit. pag. 191.
 Carnis impetum nescit. p. 192.
 Eius mira abstinentia. pag. 193.
 Bacchanalibus diebus mulo strigoso vehitur. p. 198.
 Infectis tæbe famulatur. pag. 200.
 Ante mortem corpus volebat lotis contudere. pag. 200.
 Amor diuinus hominem ad cælos euocat. pag. 103.
 & seq.
 Antiochus viperas in classem hostium iniecit. p. 150.
 Animalia mansuefacta, & edocta. pag. 250.
 Apicij gula, & luxus pag. 51.
 Apollo quatuor auribus donatus p. 74. armatus p. 35.
 Apollonius Thyanæus in carcerem truditur. p. 6.
 Ardelionum arrogantia, & descriptio. p. 54. & seq.
 Aristomenis scutum sublatum spes victoriæ, p. 151.
 Arma studij materiam præbent. pag. 33.
 Artemonis effœminata mollities. p. 44.
 Asini Apologia p. 245. hieroglyphicum omnium virtutum pag. 246.
 Asinæ lac nitorem prouocat p. 247.
 Putandæ vitis rationem ostendit p. 248.
 Discipulus in schola Ammonij. p. 249.
 Varios ludos exhibet Romæ. p. 250.
Ad bellum adhibetur p. 251.
 Simulacra eliguntur ab Augusto , à Naupliæ ciuib.
 bus ibid.
 Ioui fert auxilium ibid.
 Homini suppar pag. 252.
 Homini præstat ibid.

In Asinū antilogia. p. 253. eius voracitas. p. 254. igno-
uia. 256. descriptio Asini se leonē veditatis. p. 257.

Isidem ferentis pag. 258.

Alexandrum occidit. 259.

Augustini Spinolæ laudes. p. 231. eius educatio. p. 232:
studia. p. 234. cultus erga maiores. p. 235. pietas
in Deum, ac Virginem. p. 236. moritur inopinato
interitu. p. 237.

Aurea Neronis domus descripta. p. 47.

Aures magis, quàm oculi scientijs inseruiunt. p. 72.

Auri potentia. p. 169.

Hominibus obest. p. 182. vitiorum fomes. ibid.

BAlnearum descriptio, & luxus. p. 49.

Barbæ conformandæ varietas. p. 43.

Bellorum tempus studijs opportunum. p. 23.

Belli tempore auxilium à Virgine. p. 142.

Beneficia in meritos homines conferenda. p. 2.

Bergomensis vrbis descriptio, & laus. p. 19.

Bibliothecæ varix. p. 7 & seq.

Seruabant imagines sapientum. ibid.

Brassicæ elogium. p. 239.

Semper viret. p. 241.

Varijs morbis medetur. ibid.

Brassica sola Varro familiam à peste defendit. p. 242.

Brassicam per sexcentos annos populus Rom. pro me-
dicina adhibuit. ibid. ebrietati resistit. p. 244.

CAlceorum mira varietas. p. 41.

Caligulæ luxus. p. 52.

Capillorum variandorum varietas. p. 42.

Cæci in omnibus artibus excellentes. p. 77.

Cœnæ lautissimæ. p. 50.

Chorda lyræ Neronianæ duabus minis venditur. p. 6.

Christi innocentia pluribus probata. p. 105.

Christus victima voluntaria. p. 117.

Ciceronis villæ parit Alphonsus. p. 10.

Eius laudes. ibid.

Ciuitates in gratiam sapientum non direptæ. p. 11.

Cleopatrz threnus & mors. p. 261.

Comparatio inter Mosem, & Iuonem. p. 173. & seq.

Inter Esaiam & Philippum Benitium. p. 180.

Consilia dare difficillimum. p. 204.

Cor Germanici venenatum non adurit. p. 126.

Cosihoes ab Heraclio auxilio B. Virginis. p. 151.

DAntes poeta Rauennæ sepultus. pag. 16.

Descriptio adolescentis. luxuriantis. p. 33. 39.

De-

- Descriptio Aesopi inter musicum, & grammaticum.
 pag. 65. & seq.
 Descriptio Apollinis. pag. 258.
 Descriptio Asini leonem se venditantis. pag. 257.
 Isidem ferentis. pag. 258.
 Descriptio aureæ Neronis domus. pag. 47.
 Descriptio B. M. Virginis morientis. pag. 137.
 Eiusdem assumptæ. pag. 138.
 Eius triumphæ. pag. 140.
 Descriptio Brassicæ Tritianæ, Pompeianæ, Brutianæ,
 Sabellicæ, Cumanæ, Appianæ. pag. 240.
 Descriptio cæli. pag. 106.
 Descriptio certaminis ad ligneum hominem. pag.
 196. & seq.
 Descriptio ciuitatis euerse. pag. 129.
 Ciuitatis captæ. pag. 32.
 Descriptiones variæ equorum. pag. 197. & seq.
 Descriptio exercitus dispositi. pag. 36.
 Descriptio fluminis exundantis. pag. 152.
 Descriptio Grammatici. pag. 55.
 Descriptio habitus, seu vestis pretiosæ. pag. 31.
 Descriptio hominis ægroti. pag. 29.
 Descriptio incendi j domus. p. 171.
 Descriptio mensæ, & vasorum. pag. 50.
 Descriptio morbi comitialis. pag. 248.
 Descriptio mundi per partes. p. 76.
 Descriptio nautis pretiosæ. pag. 53.
 Descriptio naufragij. pag. 97.
 Descriptio palmæ. pag. 140.
 Descriptio Dei panos. pag. 258.
 Descriptio pontificiæ dignitatis. pag. 183.
 Descriptio pestis & vrbis infectæ. pag. 25.
 Descriptio supellectilis puerilis. pag. 178.
 Descriptio Theologici concessus. pag. 212.
 Descriptio vetulæ rugosæ. pag. 247.
 Descriptio Villæ Ciceronianæ. pag. 10.
 Dianæ simulacrum obuios prostrernit. pag. 153.
 Dion in currum admittitur à Traiano. pag. 12.
 Diuitias proijcit Zeno, vt philosophiæ. vacet.
 p. 31.
 Diuitiæ rarò literis coniunctæ. p. 205.

Eloquentum virorum agnomina. pag. 164.
 Emmanuelis de Mora Regis Hispaniarum ora-
 toris ad Vrbem VII I. laudes. pag. 201.
 Eius

Eius nobilitas. p. 202.

Confiliarius Regis. p. 204.

Ad Pontificem orator. p. 205.

Literis deditus. p. 206.

Famis tempus studijs opportunum. p. 23.

Famis auxilium à Virgine. p. 142.

Fluminis exundantis descriptio. p. 172. & seq.

Franciscus Petrarcha Romæ coronatus. p. 14.

GAspar Contareus à Carolo V. triumphii socius
adhibitus. pag. 12.

Gentes ad Deum verum ab Idolis vocatz. p. 89.

Gymnasia veterum philosophorum. p. 8.

Grammatici cuiusdam descriptio, & arrogantia. p. 55.

Grammaticorum ineptæ p. 57.

Gratia diuina nos excitat, comitatur, cooperatur. p. 96.

D. Gregorij Magni laudes. pag. 154.

Confutat Eutychium. pag. 157.

Tempore pestis Romæ succurrit. p. 158.

Ostenditur ab ignea columna p. 159.

Cursores instituit, qui pauperes adiuuent. pag. 172.

Christum sub specie pauperis alit. pag. 162.

Confutat hæreticos. pag. 164.

Eius eloquentia. pag. 165.

Hebrai in sua perfidia obstinati. pag. 90.

Hæreses interimit Virgo p. 149.

Heliogabali luxus. p. 2.

Henricus IV. Galliarum Rex Cæsaris non fortitudini, sed
sapientiæ inuidet. p. 34.

Henrici Burgi ordinis Seruorum Generalis laudes.
p. 208. eius nobilitas. p. 210. alienus à familiæ
commodis. p. 211. studijs dat operam. p. 212. plu-
ribus ciuitatibus postulatur, vt scientias proficea-
tur. p. 213. eius eloquentia in sacris concionibus.
p. 216. Generalis eligitur. p. 217. eius clementia.
p. 218. eius studia, & libri pag. 219. ægrotat, &
moritur pag. 220.

Hercules cum Musis pag. 34.

Hispaniæ laudes, & Lusitaniæ. p. 206.

Honores concessi sapientibus. pag. 3.

Iacobus Triuultius Imperator Iani

Parthasi scholam frequentat. p. 13.

Incendij descriptio. p. 171.

Ionæ durities. pag. 125. in ventre pisci seruatur p. 97.

Ioannes Zemiscas victor auxilio Virginis. pag. 152.

Isa-

Isabella Scotiæ Regina Alanum virum doctum osculatur pag. 18.

S. Iuonis laudes p. 166. eius studia pag. 168. iudex eligitur p. 168. pauperum advocatus pag. 175. eloquentia ibid. ignem extinguit p. 170. flumen sicco pede pertransit p. 173. Christum hospitio accipit. pag. 174.

Leonis capiti noctua imposita. pag. 35.
Libri ex qua materia confecti. p. 8. ipsorum ornamenta ibid.

Literæ neglectæ pag. 1.

Lucanus Romæ coronatus. p. 14.

Ludouicus XII. Iasonem Mainum in gymnasio audit pag. 13.

Lusitaniæ laudes pag. 21.

Luxus in vestibus. pag. 39.

Mensæ, & vaforum descriptio p. 50.

Michaelis Peretti Principis laudes p. 223. eius educatio p. 227. dux exercitus Pontificij. ibid. eius pietas p. 228. obitus p. 230.

Morbi comitialis descriptio. p. 247.

Mors repentina probatur. p. 237.

Mulierum luxus in vestibus, capillis odoribus p. 45.

Munera corrumpunt iustitiam. p. 168.

Musis sacrificabant Lacedæmonij, cum ad arma procederent p. 35.

Nauis descriptio. p. 53.

Naufragij descriptio p. 97.

Narces victor auxilio Virginis. p. 151.

Neronis aurea domus descripta. p. 47.

Nobilitas absq; literis ignob. p. 205. 210.

Numismata sapientum vultu signata. p. 48.

Palmæ descriptio. p. 140.

Palatia magnifica. pag. 47.

Paupertas inimica studijs pag. 1. & 2. eadem studijs accommodata p. 29.

Peccator filiceus p. 123.

Pestis tempus studijs opportunum p. 23. in Italiam illata anno 1629. p. 25. pestem sedat Palamedes, dum Apollini sacrificat. p. 26. pesti sedandæ Romani clauum figebant in templo Mineræ. p. 26. pesti ultimò succumbunt melancholici. p. 28. pestis

& VI-

& urbis infectæ descriptio. pag. 26. pestis auxilium à Virgine. pag. 143.

B. Philippi Benitij laudes. pag. 176. infans ieiunauit. pag. 178. infans loquitur. pag. 199. missam primam celebrante canunt Angeli. pag. 180. apud diuersas gentes concionatur. p. 181. meretrices data pecunia à turpi quæstu reuocat. pag. ibid.
Pontificatum respuit. pag. 182.

Sapiens statua Memnoniæ comparatur. pag. 2. Sapientum nomina apud antiquos varia. pag. 8. Sapientibus erecta templa. pag. 16. coronæ, imagines. pag. 8. Sepulchra. pag. 14.

Ad sepulchrum Hippocratis apes mellificabant. p. 15. In sepulchro Virgilij Silius Italicus aliquando delituit. pag. 16. Apud tumulum Orphi lusciniæ dulciùs cecinerunt ibid.

Sixti V. Pontificis laudes. pag. 224.

Sophocles Athenas ab excidio liberat. pag. 16.

Statius Romæ coronatus. pag. 14.

Studio vitam producimus. pag. 24.

Supellectilis puerilis descriptio. pag. 178.

Terræ descriptio. p. 106.

Theologici confessus descriptio. pag. 212.

Torquatus Tassus à Clemente V I I I. coronandus. pag. 14. eius laudes. pag. 19.

Veneris simulachrum imperfectum. pag. 99.

Veritas ciuis, & exul. pag. 111. in aulis principum supprimitur. pag. 113.

Vestium luxus, & varietas. pag. 39. & seq.

Vetulæ rugosæ descriptio. pag. 247.

Villæ Cicetonianæ descriptio. pag. 10.

Vini laudes. pag. 146.

Virgo Deipara moritur, sepelitur in horto p. 129. assumitur in cælum. pag. 130. hæreses profligat. pag. 148. pestem famem, bellum discutit. pag. 142.

Virgilio surgebat populus Romanus theatrum ingrediti. pag. 12. statuam eius in flumem proijci iubet quidam centurio. pag. 15. sepulchrum. pag. 16.

Virginij Cæsarinæ statua in Capitolio Romano. p. 16.

F I N I S.

SA-

fuoi
di M

onfig
to su
n S. A
ditors

e pro
la lo
dell'

H

'i



SAPIENTIS

A D O R E A.

Hoc est :

Quanto in honore fuerint omni ætate
Sapientes.

O R A T I O.

Habita Bergomi in Templo D. Mariæ
Maioris, cum publica primùm
gymnasia Congreg. Somaſchæ
Patribus delata ſunt.

Anno Domini M. DC. XXXII.



Niusta peruagatur iam, atque
crebrefcit in dies à pluribus
vſurpata ſapientibus querimo-
nia, diſciplinæ liberales laben-
tium iniuria temporum adedò viluiſſe, vt
quæ prius omnium animos ſui amore de-
uinxerant, modò neglectè, velut è triuio
meretriculæ, ſine cultu procedant, nullo
Mœcenate ſubnixæ. Græciæ vniuerſæ, do-
ctrinarum olim altrici Thraſymacum, &
Carinatem nobiles retores ob ſterilem ca-
the-

thedram conticuisse, Iuuenalis obiectat; perinde quasi à suo illa oratore Demosthene non didicisset, eloquentiam paupertate, velut angina correptam, esse non posse vocalem. Et sanè quot reperiuntur ignaui prædiuites, aurei velleris ouiculæ, qui, quod eruditorum hominum subleuandæ largiantur inopiæ non habent; sat habent, quo feram psittacis, & phasianis Heliogabali more saginent; quasi verò leuiori sumptu ventris immensi constet ingluuius, plus capiant intestina poetæ. Quot viri Principes, dum in immerentes beneficia non tam conferunt, quàm congerunt, Gratias, pudicas alioqui Virgines, quod Socrates deplorabat, in fœdo lupanari prostituunt, quæ sapientiæ malent amasijs gratuiti muneris dote coniungi? Sapiebat ille, qui literatorum nationem statuæ Memnoniæ opportuna comparatione conferebat, quæ, sole prodeunte, matutinis icta fulgoribus sonum emittebat, quamuis lapidea perdulcem; cum isti quoq; ubi principum beneficentiæ radius affulserit, canere incipiant, & digna perenni commendatione volumina meditari. Gratulabor igitur nostræ Congregationi, seu potius inclitæ Vrbi Bergomeni referam gratias, quod informandæ bonis artibus iuuentuti sodalitij nostri Patres adscinerit, & nostram qualemcumque operam ingenti ciuium alacritate postularit. Vos equidem, viri patritij, quod olim Traiano tribuebat nobilis vates, tristes Camœnas hac tempestate respexistis, totoque penè iam exules orbe ad amœnissimos agri vestri colles, velut

lut ad beatiorē Parnassum reuocastis ; Vos, ne vnquā fugam arriperent, opportuno scholarum domicilio, religiosorum hominum societate multiplici beneficiorum vinculo catenastis . Sed ne videar hęc titillandis auribus in speciem adornasse, retroacta breui orationis periodo tempora, præteruolabo ; Sapientemque vestris obiciam oculis omni semper Adorea laureatum .

Repetite igitur animo primos literarum antistites Linum, & Orpheum, Musæum, & Amphionem, quos bruta traxisse, vel lapides, venerabunda confinxit antiquitas, non tam lapideam sui temporis confessa barbariem, quā flexanimam virorum illustriū testata dicendi suauitatem . Repetite septē illos Græciæ Sophos, lapsos de cœlis homines, tripodis aurei munere commendatos, qui non tam pretium à raritate deriuarūt, quā pretiosam in septenario numero doctrinæ raritatem attigerunt . Repetite Mosem per beatissima Ægypti gymnasia celeberrimum, cuius historiam Ptolemæus ille regum Philosophus, rexque Philosophorum quondam osculatus in eburneo scriniolo summo iussit studio reponi : Repetite maximorum edicta Cæsarum, vbi vectigalibus immunes, vrbium ciues, dignitatibus idonei, Principum domestici declarantur, distantur muneribus, excipiuntur conuiuio, colloquijs adhibentur, ne tantum virtuti fortuna comes, sed supremæ quoque fortunæ virtus posset comes appellari . Hinc regum lateribus leguntur sapientes vbiq; de-

fixi, Alcynous Vlyssi, Chiron Achilli, Aristoteles Alexandro, Telemacho Menalaus, Anacreon Policrati, Nestor Agamemnoni, Antigono, Zeno, Apollodorus Augusto, Xenophon Cyro, adeò vt nullum ferè vquam è regij cortina palatij decretum prodierit, quin prius sapientis fuerit consilio, velut oraculo, confirmatum. Virtute duce summos ad apices iter sibi complanauere sapientes, ad consulatum Silius Italicus, ad præfecturam Aurelius Prudentius; ad tribunatum Cornelius Gallus; ad equestre ordinem Martialis Hispanus; ostenderunt laureati vates, ac viri planè triumphales, tam Parnassi culmen adire se posse, quàm Capitolij. Quid loquar Demodochum medicum à Dario compedibus aureis donatum nè dicam; an irretitum, Cleombrotum centum talentis à Ptolemeo, Menandrum ab Ægypti regibus accersitum, Lenæum à Põpeio manumissum, Diogenem à Xeniae emptum, Iulium Calidum è proscriptorum numero deletum ab Attico, Thucydidem ab Atheniensibus ab exilio reuocatum? Quid memorem viginti venditam talentis Isocratis orationem, paucos Archilochi versiculos magno argenti pondere pensatos à Lyandro, aliquot Spensippi libellos tribus talentis emptos ab Aristotele, Philolai codices decem millibus à Platone; totidem Philippis Choerili versus ab Alexandro, vel totidem colaphis, vt malè tornatum fortasse poetam extunderet? Homerì Iliadem Alexander in Darij scrinio reposuit, Pædiam Xenophonis, Africanus Scipio è manibus non dimisit;

misit; Cæsaris commentaria secum deferebat Alphonsus Aragonius; Plato Sophronis numeros sub puluillo moriens adseruabat; Tertullianum sibi dari postulabat identidem Cyprianus, & elapsis quoque temporibus Toletanæ vrbis Archipræsul, ac Philippi secundi studiorum præfectus Martinus Silicæus, si quos à bibliopolis libros emisset, haud vnquam à famulis domum afferri patiebatur, sed ipse suis manibus beneficia rependens, dulce onus efferebat, cuius auxilio fuerat ad sublimem adeò dignitatem euectus. Legistis iam, quicumque legistis tria Chilonis Lacedæmonij præcepta Delphis consecrata fuisse literis aureis; publicis incisa tabulis Euripidis carmina; Homeri poemata quinto quoq; anno Atheniensium decreto in Panathenæis decantata; Æschili solius tragœdias in Attica potuisse discipulis prælegi; Taciti annales fastos Taciti Cæsaris edicto decies quotannis fuisse transcriptos, Virgilij Æneidem Augusti iussu flammis ereptam, nè illorum hominum opera iniuria temporum interciderent, quorum esset nomen perenni sæculorum memoria duraturū. An vos fugit illius imperiti stultitia, qui Epitæcti Stoici lucernam fictilem ter mille drachmis acquisiuit; fortassis, vt si noctu ad istam lucernam legeret, illicò Epitæcti sapientia in somnis aduolaret? An excidit animo Dionysius, qui Æschyli pugillares studio sollicito comparauit, putans ex illis aliquo se numine afflari? An obliuiscimini Neanthum Pittaci filium, qui lyram Orpheï in Apol-

linis templo suspensam, ædituo per vim auri corrupto, consequutus, hoc nomine Orphei se musices esse putauit hæredem, donec pulsandæ cytharæ gratia in suburbium profectus, excitatis ad inconditum strepitum canibus, feras quidem ille trahere cœpit, vt Orpheus, sed dilaniatus interiit, vt Marfyas? Prochei Cynici baculum nescio quis alter coemit, vt claudicantem fortè doctrinam sustineret; Diogenis Dolium in Metroo Græcia suspexit, Euripidis autographum ingenti auri copia Ptolemæus acquisiuit; D. Athanasij librum archetypum Basilienses ostentant; Ouidij calamus è ruinis erutum Isabella Pannoniæ Regina argento contextit; Pamphyli martyris scripta ipsius manu castigata omnibus Croesi thesauris antefert Hieronymus; Titi Liuij brachium à Venetorum Republica, pretiosi muneris instar, Alphonsus Aragonius obtinuit; chordam è cythara Neronis auulsâ duabus minis affecutus est, circulator Romanus. Sistendum est hîc Auditores; Nero cytharedus melior, quàm Imperator cantillat. Illo scenam implente, vetitum erat è theatro discedere. Romam ingrediebatur Apollonius Thyanaus, cum in ipso penè vrbis ingressu fidicinem quemdam offendit, intertexta auro toga fulgentem, per chordas extensas micantibus digitorum articulis oberrantem, quarum fortè vnâ è Neronis lyra proiectam adaptauerat suæ. Iam cautum lege fuerat, vt ad pretiosæ musicæ cytharæ, adaperto vnusquisque capite, sisteret, non tam cælestem cytharæ di-

vocem auditurus, quàm diuinam chorda: melodiam. Continuit hìc pedes superciliosus ille Philosophus, sed vel oscitanter, vel fronte matutina lyricinè inaudiebat; quì ecce repentinò satellitum imperu circumuentus ad consulem rapitur, capitalis poenā flagitij luiturus. O nouum ad Amphionis inuidiam cytharædi portentum, qui, nō vt illa lapides ad cursum animabat, sed animatos homines in lapidem conuertere cōtendebat. Sileatur, Orpheum rapidissimis cursum prohibuisse fluminibus; inambulantes per vrbein ciues lyristes alter præpediuit. Probare debuisset vel inuitus huius cytharæ numeros Philoxenus, qui ne Dionysij poemata audiret, in latomias vltro migrabat. Neroni non satis erat, omnia tormentorum genera ab inferis euocasse, nisi ingrato fidium pulsu Romanorum aures enecaret. Chorda illa non tam aures concērus dulcedine demulcebat, quā pedes prætereuntium arcanis nodis illaqueabat. Cæterum vt ad magis seria traducatur oratio, quid clamant antiqua gymnasia. Pēcile Zenonis, Lyceum Aristotelis, Academia Platonis, Cynosarges Aristippi, Lacidium Lacidis, Cranium Diogenis, nisi gloriam eruditorū? Quo honore culti sacerdotes apud Ægyptios, apud Babylonios Chaldæi, apud Indos Cymnosophistæ, apud Persas Magi, apud Gallos Druidæ, apud Hebræos Archisynagogi, apud Brachmanes Samanei, apud Lacedæmonios Hipparchi? Quid sibi postulant: tot bibliothecæ; Cōstātiniana in Oriēte, Vaticana Romę, Marciana Venetijs, Su-

fiāna in Perside, Regia Parisijs, Alexādrina Ptolemæi, Pergamena Eumenis, Amaltheū Artici, Musæum Plinij, Vlpia Traiani? Quid eruditorum imagines in bibliothecis repositæ; Varronis apud Asinium, Virgilij apud Alexandrum Seuerū, Martialis apud Stertinium? Quid numismata doctorum vultu signata; Virgilij facie à Mantuanis, Homericapite à Chijs, Sapphus imagine à Mytilenæis, Sibillæ Phrygiæ à Girgithijs? Quid prosequar librorum titulos minio scriptos, vmbilicis cultos, frontes pumice rasas, clauos ad similitudinem bullę præfixos; cedrinos alios, alios cereos, alios linteos, alios plumbeos, alios eburneos, alios ex pellibus, ex corticibus alios ex Nilotica papyro, ex folijs palmarum alios, non tam doctrinæ, quàm ornamentorum varietate diuersos; vt graue nefas æstimarit Aragonius ille, qui librum apertum pro symbolo erexit, cum volumen vnum nulla membrana vestitum quidam alicuius inspiciendum obtulisset. Cogitabat ille de arce Neapolitana reparanda, vt florentissimæ vrbi præsidium adderet, adimeret hostibus animum; cū Vitruuij de Architectura codicem ad se iussit afferri, vt inde conceptę iam ordinem munitionis hauriret. Incurrit nescio quo casu in cupidus quærentiū manus Vitruuij opus illigatum, incomptum, ad mechanicā officinam cum Martiale destinatum dices, vt togam cordillis, oliuis penulam faceret, aut inopem sordidæ blattæ famem saturaret. Substitit ad libri conspectum Alphonsus; Et iste, inquit, qui, nos quo modo con-

contegamur, ostendit, mihi detectus ostenditur? qui urbem ab hostium cuniculis vindicat, tincis corroendus, confodiendus obijcitur? Quo doctores sublimes ad cœlū substructiones ex imo telluris assurgunt, nunc iacebit in angulo domus, pulvere sordidatus? Ita librum extemplo voluit cedro perungi, pellibus obduci, ad vsum aptari; & qui nudam nullo vnquam tempore passus erat algere sapientiam, librum quoque expolitæ membranæ iussit operimento vesti-ri. Sed quoniam longè præclariùs ad se me vocat Alphonfi facinus, qui promouendæ semper ad maiora sapientiæ studio flagrauit ardentissimo, date indiserto veniam oratori, vt dùm quod ille viris detulit eruditis, pronuncio, communi nomine referā gratias, meritamq; habeat à me, dum alios contendit extollere, laudationem. Iam vndique ad obsidendam valido exercitu Caietam militum castra defixerat, iam collocatis belli tormentis parabat excidium, cum teretes ex agro vicino lapides, bombardis fortè grauidandis, maiorem in copiam depromi iussit, quàm eousque congesse-
rat. Vernabat haud procul amœno cultu, cœloque clementissimo villa Ciceronis, partim in colliculos molliter assurgēs, partim in viridem planitiē expatians, vbi fontes è Phrygio lapide exultantibus aquis ebullirent, vbi arbores apricam formositatem densissima frondium opacitate inumbrarent, vbi hominum effigies tōsili buxo, & textili palmite animatæ vel arcum intēderent, vel hastam erigerent, vbi collectas

ad beatiora floralia cerneret gratiarū texturas omnes, & elegantiarum pandectas. Nunc .n. verò disiectis mœnibus Caieta corruet, ad quā excindendam Cicero quoque conspirat. Pericles olim tonare, fulminare, permiscere Græciam dicebatur; vnicam Cicero urbem non euertet? Quid desistis, Alphonse, quid moraris? quid saxa frequenti vectatione è rupe Cicerioniana nō cumulas? Vbi cognouit Aragonius, villam illam, villam esse Ciceronis, reuocatis ab opere lapicidis, prælum dixit violare semalle, quàm prædium. Iactet nunc de Cynea Pyrrhus, plures se illius lingua, quàm gladio ciuitates subegisse; Caieta, Cicerone silente, ab excidio vindicatur. Si ita pro se Cicero perorasset, diuinum illud caput nō fuisset excisum. Erepta fuit oratori de mortuo lingua, quia viuus loquendo, silendo mortuus patrocinari debebat. Hortum illum, hortum Hesperidum dixerim, qui ad sui custodiam non draconem habebat vigilem, sed mortui nomen oratoris. Salue disertissime Romuli nepotum, ciuica debes corona præcingi, cum non ciuem, sed ciuitatem integram ruinæ subduxeris, quinimò, quod olim de Romanæ urbis tyranno poeta mentitus est.

*Non quercus te sola decet, non laurea
Phœbi.*

sed aureū aureæ facundiæ honestamentum, cum de hostilibus copijs sola nominis reuerentia triumpharis. Quis tua dignè valeat

leat decora recensere, quis laudum præconia rependere? Merito posses nunc in medijs auditorum fluctibus, apertis tibijs inclamare, CEDANT ARMA TOGÆ; cum ferro munitas Alphonfi legiones sine eloquentiæ adnunculo superaris. Tu primus patriæ pater à Roma libera nuncupatus; tu novus homo, quod Sallustius obiebat, vetustissimam Consulis dignitatem tuæ familiæ intulisti, tu obscurum Ciceronis cognomentum Scaurorum, & Catulorum titulis effecisti gloriosius; tu sine parentis dolore genitus eximendam ab omni angustia patriam auguratus es. Fulgor ille, qui, dum sopitus putaretur ignis, è cinere eluxit, sacris operante vxore Teretia igneā, ac planè fulmineam dicendi vim portēdebat. Prætereo libenter hîc, in Thebarum direptione illesam Pindari domum, restauratam in gratiam Aristotelis Stagyræ, cōdonatam Lampfacenis culpam, propter Themistoclem, non deuastatas Athenas pro sapiētibus mortuis; ereptos morti Alexandrinos Arrij Philosophi beneficio; Syracusas adhuc superstites, Archimedis Mathematici precibus; Mitysenem libertate donatam amore Theophanis: Prætereo decertantes de Homero inter se Gracię vrbes; de Plinio Veronam, & nouum Comum, de Statio Stellas, atque Neapolim; dies enim me deficeret, & latera, si persequi vellem omnia. Surgebat Romanus populus spectandis ludis ingredienti theatrum Augusto: Et Virgilio surgebat. Adorabatur Alexander Persarum in morem, nulliq; sine cultu di-

uinitatis aderiebat accessum? Iste Iouis filius, Deorum è germine, Diogenem tressem hominem inuifere non erubuit. Erat Dionysius animi non tam feritate, quàm elatione formidolosus, Deorum contèptor, & hominum? Platoni Siciliam aduentanti vittatam nauim emisit, egredientem in litore quadrigis albis excepit. Romã victor repetebat Mithridatico bello confecto Põpeius; in ipso itinere Posidonij domum à litore percuti vetuit, fascesque consulares ianuæ submisit ille, cui se oriens, occidensq; submiserat. Suspexit Roma Traianũ, cuius sub imperio studia, quæ priorum temporũ immanitas exilijs puniebat, sanguinem, & patriam accepisse Panegyristes eloquitur? Hic Urbẽ aurato curru deuectus, coronatus in trabea, in eodem vehiculo Dionem Sophistã admisit; quem elapso sæculo imitatus Carolus V. dum Mediolanum celebri pompa triumphator ingreditur, Gasparem Contarenum, insignem doctrina virum, lateri socium adsciuit. Viderunt sæculo superiori summa voluptate Papienses Ludouicum XII. Galliarum Regem, cum Genua subacta de Liguribus triumphasset, ad Iasonem Mainum in celeberrimo illo disciplinarum omniũ Augustali iurisperitię doctorem audiendum, cum quinq; purpuratis Patribus, centumque proceribus, honoris causa diuertere: Viderunt Mediolanenses Iacobum Triuultium in Iani Parrhasij eloquentiam profitētis gymnasio, inter iuvenes auditores, sexagenarium summę dignitatis imperatorẽ considerare, nè amplius suũ

pos-

posset antiquitas iactare Scipionem, ab armis vacuum literis incumbentem, cum recentior quoq; ætas viros proferre plurimos possit, non tam annorum, quàm triumphorum numero graues, erudita domicilia frequentantes. Occurrunt serpentes ad eruditorum capita laureæ; frōdes illæ multis irrigatæ sudoribus, vt ab illis arida virorem desumat eloquentia, fama perennitatem. Et sanè, cur lauro primùm coronandi poetæ consuetudo percrebuit, vel ex eo imperatoribus pares, ceteris præstantiores? An quia laurus Apollini sacra deuotos Phœbo vates arguit? An quia à tali arbore, diuino velut entusiasmo, auctore Sophocle, percellantur? An quia gustata lauro poësis deuoretur, quod Hesiodo cecidit, & cecinit Iuuenalis? An quia sicut laurus de cælo non tãgitur, ita leuæ fortunę fulmina vates eludant? An potiùs, quia è ramis anno toto vernantibus, æternā sibi nominis gloriam augurentur? Cur hedera, consequenti temporum serie, legimus redimitos, mutata fronde, non cultu? An quia poetæ non tam Apollinis clientelā affectauere, quàm Bacchi? An quia sicut hederę folia sub albo pallore cinerescunt, ita vates debeant pallere sub libris, vinumq; toto nescire decembri? An quia, teste Plutarcho, hederaceæ frōdes ore protrite comedentē in furorem accendunt, quo furore lymphaticus ad carmina scribenda profiliat? An quia sicut aureos illa corymbos emittit, ita libenter poetæ aureos è suo labore fructus decerpant? An potiùs, quia sicut hedera quibusdam quasi
bra-

brachijs amplexa parietē ad summū cacumen erumpit, ita vates ingenio Mecenate suffulti florentē ad gloriam adrepant? Quo loco se se mihi offert triūphalis ordo poetarū, quos coronis varijs officiosa cohonestavit antiquitas; Lucanus in Pōpei theatro, Nerone, vel inuito, coronatus; Statius in ludis Albanis à Domitiano; Albertinus Musatus Patauī ab Alberto Saxonīæ Duce; Cornelius Celtis à Maximiliano primo Cæsare; Aeneas Silvius Francofordiē à Friderico III. Franciscus Petrarcha Romæ in Capitolio ab Vrso Anguillariæ Comite, Benedicti XII. iussu, qui lauream coronam ad D. Petri tholum, melius, quàm olim in Apollinis templo Orphei lyra fuerit affixa, suspendit: Marinus Grapaldus à Iulio II. in Vaticano: Torquatus Tassus poetarū aquila, & vestrum decus, ò ciues, à Clemente VIII. coronandus; nisi præpropera mors auream in cælo destinasset: Io: Baptista Marinus à Neapolitana nobilitate ad sepulchrum vsque, proiectis in feretrum fertis, toties laureatus, quoties nouo huic Marcello plenis lilia manib. spargebantur.

Ad statuas venio sapientib. collocatas, vt gloriam eruditorum vel inanima saxa loquantur; sed neque ita malè feriatus sum, vt velim populum omnem sapientiam enumerare lapideū. Recolo, quasi præteriens, Mithridatem Plazoni, Homero Ptolemē, Iunio Antoninum Pium, Celso Traianū, Claudiano Honorī, Athenas Demetrio, Pausaniæ Spartanos, Apulcio Carthaginiēses, Virgilio Mantuanos simulacra dicasse;

cuius

cuius etiam postremi statuam, cū Centurio à militib. suis deijci, ac in flumen demergi iussisset, naufragiū subire coactus est Maro iniuria sicarij, qui Augusti beneficio incendium euaserat. Nouissimè verò superiorib. annis, qua doctrinæ laude discessit è viuis Virginius Cæsarinus, phenix ille nostri tēporis ingeniorum, cuius effigiē cū insigni epitaphio in aula Capitolina, velut in Heroum larario virtus eximia reposuit, vbi Quiritū omniū sapientissimū, Senatus, populusq; Romanus, duraturis eternum literis, nuncupauit? Et quoniam apertum mihi video campū sepulcrha veterum effodiendi; illud Hippocratis apud Larissā inuenio, vbi apum examina mellificabāt, quo melle puerorū vlcera sanabantur, tanta mediendi vis adhuc vigeat in mortuo; illud Euripidis in Macedonia, percussū è cælis ictu fulmineo, vt vatem superis carum, vel ipsa fulmina, ignea lingua loquerentur: illud Digenis Corinthi è pario marmore, columna spectādum, superstāte cane, quasi vel mortuus hominū vitijs adlatraret: illud Ouidij in Scythia apud Getas, quos licèt immunitate barbaros, carminum suauitate emolliuerat: illud Dantis Rauennæ sacris imaginib. è lapide effictis ornatum, cuius caput à perillustri Abbiosorum familia lignea pixide, odoramētis plena recōditum summo honore seruatur: illud Sannazarij in villa Mergillina, eleganti statuarum opere pretiosum: illud Virgilij secus Neapolim, cuius in conditorio aliquandiu delituisse Silium Italicum perhibent, vt ab ossib. poetæ spiritum

ritum Virgilianum hauriret, qualiter olim
 nidificantes ad sepulchrum Orphei lusciniae
 suauius cecinisse finguntur. Perpendite vos
 funera literatorum etiam ab hostib. cele-
 brata, parentalia ab æmulis persoluta, vl-
 tiones à Dijs de sapientū nece desumptas;
 refricate memoriā cū Athenas obsidione
 diutina Lysander circumfedisset, urbemq;
 illam, in qua Sophocles fatis concesserat,
 equare solo contenderet, non potuisse stre-
 num Lacedæmonium ciuitate potiri, su-
 perstite Sophocle, plus valuisse inuictissi-
 mo exercitu imbecillitatem morientis.
 Apparuit in quiete Lysandro Dionysius,
 dumque vel dormiens Athenarum molie-
 batur exitium, eousq; temperare iussus est
 ab effrenato consilio, donec humari sine-
 ret delicias suas. O felicem tragœdum,
 qui in euerse penè urbis proscenio lætam
 sibi catastropham exorauit. Sileant, qui
 vehementi, & insperato gaudio, ob victo-
 riam è Tragœdiæ recitatione relatam, ex-
 cessisse confirmant; Sophocles tragico pa-
 triæ conflictatus euentu, morte præreptus
 interiit, nisi maluit cycnus ille si non mo-
 ribus, saltem cano capite candidissimus,
 sui funeris esse cantator.

Quod si tādē tunc ex humili statu no-
 stre conditionis assurgimus, cum ad diuinā
 propius celsitatem accedimus, reputate, sa-
 pientes diuinis etiam honorib. cultos, ac in
 Deorum albo solēni apotheosi cōscriptos.
 Aram Platoni erexit Aristoteles; Lycurgo
 sacellū Spartani, Stesichoro templum Pha-
 laris Agrigentinus; Pindarus adhuc viuens par-

partem eorum, quæ deferebātur Apollini, comedebat, quia sapientiam valde sub libris esuriuerat. Vnum postremo loco se prodit, vestris recreādis animis, recentissimæ memoriæ erga literatos obsequium, in sexu muliebri, cuius bona pars, vt Veneri amica, ita Musis esse videtur inimica. In aula Scutorū regis vir erat notæ deformitatis, sed eruditionis eximiae Alanus Charterius Carolo VII. à secretis; alterum Socratē appellasses, quem Silenis Alcibiades conferre solebat, quòd exteriore cultu subhispidus, ac deformis, diuinum tamen ingenium occuleret; portentum erat, cū tanta corporis turpitudine pulchrum animum conuenisse, velut si adesset aliquis ex Africa candidus. Inuisebat fortè Margarita palatium, domus suæ tam benè regina, quàm Scotiæ; cum ecce virum conspicatur, alto somno stertētem inter subsellia procubuisse. Quid hic prius ego demirer? aulicum in regia dormire, vbi semper vigiles curæ? An potiùs in Alano conditionem aulæ deplem, vbi virtus obdormiscit, vitiū exultat? An aulicorum imaginem in dormiēte homine graphicè depictam intuear, qui mera sibi somnia fingunt, nudo terræ pavimento suffulti? Sed bonū omen, Auditores; accedit Margarita, toto brachiorū conatu cōplectitur, ex humo sustollit, & stupentibus vniuersis, osculum, nō adhuc expergefacti sapientis ori defigit. Puderet oratorem ista edisserere, nisi Margaritæ integritas, Alani deformitas, specimen reuerentiæ in literatū hominem singulare omnē prorsùs culpæ

pæ notam eluderet. Qualem verò, in tanta plurium aulicorum admiratione, putatis constituisse reginam? Doluisse illam, regali maiestati dedecus, pudicitiae maculam inuississe? solutam in cachinnos Phrynæa impudentia? Abi Venus, suauia tua insuauia putauit. Non amplexatam se virum dixit, sed os illud, ex quo tot insignes prodire sententiae, constanter edixit osculatam. Et quid culpæ commisit, si Suadelam, quæ in ore Alani, vt in labijs Periclis, sessitabat; muliebri more suauitata est? Si sapientiam de formi alioqui tabernaculo receptam, qui mos erat olim adoratum, osculo impacto venerata est? Desinere debebas in posterum loqui, fortunatissime virorum, cum tuum illud os aureum castissimo osculo regina sigillarit. Impressa fuerint antiquis poetarum libris oscula, vnde dolebat Martialis, circa sterilem cathedram basia sola cōcrepere, in viuis auctor, non in paginis, sed in vultu osculum habuisti. Sed quorsum aliena exēpla produco, cū habeamus domestica, & propria? neque enim silere possum, Auditores, prolixam vestrae ciuitatis in meum ordinem beneficentiam, compressaq; initio dicendi, tandem, tandem in calce erumpit oratio; quibus enim beneuolentiae argumentis in vestram nos urbem inuitastis, quibus amplexibus excepistis, quæ benè in posterum Palladis domicilium appellari poterit, non tam munimento murorum, quam propugnaculo literarum. In summitate enim montis aprici, ducto velut à natura proskenio, conspicientium oculis vrbis tota se prodit,

im-

immensamque ab oriente planitiem interminato theatro prospectat, unde non tam indulgentis celi clementia perfruitur, sed ipsis etiā ciuibus amœnissimi ingenij temperiem impartit. Cum enim solis orientis radios citissimè admittat, versari non finit in tenebris incolas suos, sed naturali mentis acumine expergefactus, in lucem facilimè promouet literarum. Alberici à Roxiate nomen nulla vnquam ætas obliterabit, qui legum peritia clarissimus, primos iurisprudentiæ antistites æmulatus, tantam in Gallia Bergomensium nomini gloriam concitauit, vt ad illum traduci iure merito possit, quod olim Platoni tribuit antiquitas, Iouem, hoc est, supremum iustitiæ administratorem, si humano sermone vsurus esset, non alio, quàm Alberici ore, in dirimendis controuersijs, fuisse locuturum. Cuius verò memoriā non subeat Ambrosius Calepinus, omniū genere scientiarum cultissimus, excogitato ad faciliorem captū vocum ferè omniū onomastico, de literaria Republica benemeritus, ad quē, velut ad certius Pythio Apolline oraculum, in explicandis verborum sensib., vniuersa literatorum natio, consilij gratia diuertit? Sed ne videamur antiquorū sepulchra refodere, repetite gloriosam illam Tassorum Triadem, Bergomenses illos nō minus sanguinis affinitate, quàm sapientiæ firmitate Geryones, qui ignauiam benè collocatis laboribus iugularunt, repetite, quanta apud celebriores Europæ principes gratia flourerint, quanto plausu admiranda illorum monu.

monumenta prodierint, in omnem duratura posteritatem, quot linguis reddita fuerint Torquati Hierusalem, quam armis quidem à perduelli tyranno Godefridus exemit, sed Torquatus à nominis excidio ipsam, & ducem Homerica tuba vindicauit. Recolite Io. Petrum Maffeiū Societatis IESV iubar clarissimum, qui mundum literarium pretiosa librorum suppellectile locupletauit, qui religiosæ vitæ palmis eloquentiæ lauream adtexuit, qui in amœna orationis varietate omnes rhetorum Veneres, omnes ingeniorum virtutes, omnes elegantiarum delicias, ad certamen usque luxuriantes, immortalī labore conclusit. Nouissimè verò quot homines in omni scientiarum genere versatissimos parens hæc sapientum fœcunda protulerit, recensere non persequar, ne vel superstitum adhuc auribus adblandiri videar, vel præconium attexere cogar singulorum. Hoc sanè à vestro prudenti cōsilio profectum surda omninò aure præterire non debeo, Soma-schen-sis nimirum ordinis Patres, erigendis publicis in ciuitate gymnasijs, præ cæteris fuisse vocatos; cum enim grassantem per Italiæ viscera luem non tam vrbes hominibus, quàm Lycæa professoribus funestasse videretis, illius familiæ Patres ingenuæ iuuentutis moderatores esse voluistis, quam vestræ noueratis vrbi beneficiorum magnitudine, & auita obseruatiā deuinctam. Quidni enim in hac etiā regione musæ florent, quæ lauro coronari debebant LAVRETANI Prætoris? Quæ nobis difficul-

ficultas obluſtaretur, dum roſas MOCE-
 NICAS habuimus noſtro pro beneficio
 loquentes? Quali gaudio exultare putatis
 ordinem Somaſchenſem, dum quos edu-
 cauimus in adoleſcentia, vt filios, experi-
 mur in ætate virili humaniſſimos patres?
 Vos autẽ, ciues optimi, qui liberos veſtros
 noſtræ curæ committere voluiſtis, quã nõ
 vobis polliceri poteſtis in illis erudiendis à
 noſtra religione ſolertiam, quæ in ſolo, &
 ære veſtro prima iecit fundamenta, quæ
 veſtris ciuibus adaucta rependere modo
 cupit, quod liberaliter olim obtinuit? Vos
 excepiftis beatiffimum parentem noſtrum
 HIERONYMVM ÆMILIANVM
 Patritium Venetum; vos pium inſtitutum
 profuſis largitionibus confouiſtis;
 vos oſſa miraculis glorioſa in
 pago Somaſchenſi cuſtodi-
 tis; Vobis etiam debe-
 bitur, quidquid à
 nobis
 exquisita accuratiõẽ
 præſtabitur.

Dicebam.



IN

IN TOT PESTIS , FAMIS,
ac bellorum calamitatibus
nullum maius litera-
rum studio sola-
tium .

O R A T I O .

Habita Romæ in Collegio Clementino
in studiorum instauratione .

Anno M. DC. XXX.



Divum, multumque animo reputavi,
quam mihi thesım in solemnı
studiorum instauratione præfi-
gerem, vt dimissos à gymnasti-
ca palęstra discipulos, ad lite-
rarię militię certamen, præcantato veluti
classico, reuocarem . Occurrebant aliqua,
sed argumenti durioris, quę procudere nō
posset ad ornatū eneruis oratio, obtrude-
bant sese alia, sed inopis adeò copię, vt illa
ditare phaleris eloquētīę, vel aurea verbo-
rum supellectile cōuestire nequiret sermo
pauperculus . In communes tandem Italię
calamitates, nescio, qua mentis agitatione,
delatus, cum illam epidemię tabe languē-
tem, annonę caritate consumptam, bellorū
incendio vastatam, miserando sane specta-
culo, cogitarem, pupugit animum insita
vnicuiq; in proprium genus beneuolentia,
vt aliquod erigendis hominib. reperirem,
in tām luctuosa calamitate leuamentum .

Me-

TEMPORE STVDENDVM. 23

Memini, studium à viris appellari sapientibus doloris cuiusque nepenthes, vulnerum omnium panaceā; nec leue sum arbitratus, afferre me cōmuni tristitiæ solatium, si inter tot pestilentiae grassantis eruinnae, inter mordentis inediae languores, inter armorū strepitus, & orbis furias, enixè studendum esse profiterer. Canerem surdis, si paradoxum huiusmodi deberè in triuijs euincere apud gregarios homines, & amulos, quorū magis antesignanus, quàm Imperator Romæ Licinius virus, & pestem Reipublicæ literas appellauit; Sed cum auditores, & dignitate, & eruditione primarij in hac panegyri assideant, non vereor, quin oratori indiferto fauere linguis debeant, & aurib. indulgere. Erit hoc argumentum deplorandæ peraccommodum tempestatī, erit reuocandis à postliminio doctrinis opportunum; vtinam ipse susceptæ impar Prouinciæ, Spartam meam idoneè loquutus adornè.

Odi Catonianū hic vulgus, & arceo tetricos illos Apathes, vel Misanthropos, qui affectus omnes Saturnia indolētia, ac Stoica falce rescindūt: ingruāt procellæ, vel fractus illabatur orbis, in aurem indormiet vtramq; siliceus Diogenes. Zeno suæ porticus splendorem fulcire voluit, non hominibus, sed columnis, Stoici ne forent in affectib. Prothei, esse Termini maluerunt. Apud Italos, apud Romanos loquor, cereas animas, & in omnem partē versatiles, qui vt infortunijs affici solent alienis, ita parem habent in propria calamitate constantiam. Iam vero audistis, & quanta vestrum om-

nium

nium acerbitate audistis, quinquagenos
ouina sub pelle transalpinos lupos, ferino
prorsus in fidem Romanam odio fremen-
tes, Italiae nostrae, florentis heu nimium
prouinciæ? meditato excidium, mutua-
tis à spuma Cerberæa venenis, vrbes am-
plissimas inuasisse, ac infectis, quia pulue-
re, qua vnguento celebrioribus locis, vi-
tam ciuibus, templis cultum, foris frequen-
tiam ademisse. Commentum hucusque
putavi, ac meras gerras delirantium poe-
tarum, quinquaginta capitibus, vt Ponti-
cus asserit Heraclides, Hydram præditam
fuisse Lernæam, monstrum illud Herculei
laboris palmam secundam, verum hoc
tempore Lernam malorum parium, Hy-
dram æqualium capitum desæuire conspi-
cimus, ac repullulantibus quotidie socijs
lethalem spiritum inhalare. In tanta re-
rum omnium clade Herculeæ planè virtus
exigitur, vt debacchantem per mortalium
corpora belluam multorum capitum, ar-
dore studij, igne virtutis extinguamus. At
quid studio cum Epidemia? quid Miner-
uæ cum Libitina? Languent homines ta-
bescentis corporis morbo, tu ad discipli-
nas capeffendas conaris erigere? occupan-
tur capita mortis formidine, tu nouis ho-
die litteris implere contendis? Horret
animus præ facinoris immanitate lym-
phaticus, nos euoluendis auctoribus me-
lius insanire desideras? Obuallantur vr-
bes cancellis, Platonem exire cupis, sub
patula platano docere discipulos? Mor-
tui sunt cineres auctorum volumina, tu à
mor-

mortuis vitam deriuare, vel mortuis con-
 uiuere cum Mezentio persuades? In Laza-
 ri Xenodochijs, non Aristotelis in Lycæo
 cogimur diuersari, Zedoaria indigemus,
 vel tu helleboro, medullam optamus, non
 librum. Verùm aut ego fallor, aut certè stu-
 dendum est: Sine studio æger est animus;
 otium sine literis mors est, & viui hominis
 sepultura, aulicus ille Neronis, & magi-
 ster increpitat: I nunc, & moriturum te
 reformida, vbi terendis codicibus cæperis
 incubare. An ignoras, quid olim oracu-
 lum Zenoni responderit inquirenti, quo
 pacto multas posset incolumis præterire
 Olympiades, diuturnamque sine morbo
 vitam producere? Prodiit responsum ex
 tripode, ac futurum id prodidit, si mortuis
 concolor esset. Introspectit vir oculatissi-
 mi ingenij, quid verborum lateret in tene-
 bris; cumque percurrendis antiquorum
 libris magno se studio mancipasset, nona-
 gesimum ætatis annum, integra adhuc
 valetudine numerauit, & sanus interijt.
 Musis præsidere dicitur Phœbus, medicæ
 artis inuentor, quia perennem sortiri de-
 bent studiosi peculiari munere sanitatem.
 Equidem Palamedes auertendæ à gregi-
 bus pestilentiae Apollini litare victimas,
 Idæis populis persuasit, quòd nullum tan-
 tæ calamitati potentius inueniri possit Mi-
 thridaticum, quàm se Apollini studiorum
 præfidi, literarum antistiti deuouere. Ro-
 mani, cum vis pestilentiae, & insanabilis
 pernicies per omnium capita vagaretur,
 fixo post eadem Minervæ à dictatore clauo,

noxiae tabis incommoda depellebant. Vidissetis orbata fora, viduata palatia, extinctas familias, iuvenes senibus iunctos, & filijs patres; circa funus ipsas cadere exequias, medentes interite cum agris, potionem afferenti perniciosam, mortem vitali in poculo ferre; tremere artus, siccare fauces, tabescere pectus, frigescere membra, vitiari sanguinem; recedere oculos, comprimi nares, dehiscere infrustula marcidas carnes: Hæres erat nemo, quia nemo superstes, nullæ lachrymæ, quia nimius dolor; vndique cadauerum aggeres, repleta mortuis feretra, aspirantia tetræ halitum sepulchra, vrbs tota ferale quoddam bustum erat, & iacentium acervus; Quid clauum sedandæ pestilentiae dictator infigeret? An quia vim morbi, ne recrudesceret magis, illic sistere vellét? An vt clauum fatalis necessitatis truderet clauo duriori? An vt ferro, velut Achillis hasta, vulneribus inflictis mederetur? An sicut clavis pugnandi mos olim fuit, ita clauo Epidemiam debellaret? An potius, in postico Templi pariete, quod Mineruæ studiorum patronæ sacrum erat, clauum celebri religione figebat, vt ciuium salutem studijs, & virtuti suffixam indicaret? Quid verò tandem, declinandi causa, contagij præstant homines meticulosi, nisi quòd, nuncio patriæ remisso, ad innaccessa montium cacumina adrepunt, vel maria non tam austro velificante, quàm metu remige transmittunt, vel iter in oras longinquas suspitione vacuas

TEMPORE STVDENDVM. 27

cuas animo meditantur, respirare nollent,
 & viuere, ne pro vitali spiritu aerem le-
 thalem haurirent, mortemque in haustu
 vitæ sorberent? Nunquam tam verè ho-
 mo lupus homini fuit, vel solum odit hoc
 tempore, sociabile animal appellari; ita
 vnusquisque salutem in solitudine collocat,
 cum prius bonum non esset, hominem
 esse solum, sed à simili deriuare deberet
 adiutorium. Quæ verò tempora studium
 magis prouehunt, quàm cum vrbani pro-
 cul negotijs arcanum tete recipis in Mu-
 sæum, ibique ad lucernam Cleanthis, fa-
 mæ immortalitatem acquiris, mortemque
 studio iugulas, quam corpore declinasti?
 Imitare Pythagoram, Italicæ parentem
 Philosophiæ, qui sub Idæo antro annum
 absoluit integrum, vt in illo solis præterla-
 bentis circulo, ipse quadratus euaderet;
 Imitare Demosthenem, qui subterraneo
 specu de virtute sollicitus, antelucanam
 opificum prænertebat industriam, vt dum
 isti sub malleo ferrum informe procude-
 rent, ipse suis libris ingenium expoliret.
 At quis præpetibus libratus alis teneat
 olympi verticem, vt ex infecto terrarum
 orbe sublatus tabificam cladem eludat?
 Permeat pestis abditos quosque recessus,
 serpit laruata facie; inimici hominis do-
 mestici eius. Piget me ineuitabilis fati;
 doleo sententiam ineluctabilem, studio-
 sus tamen vltimus omnium in hoc stadio
 decurret, in hunc censum postremus con-
 feret trientem; hunc saltem habebit à stu-
 dio superstitis vitæ prouentum. Infelix

studij solatium , in communi morte sibi vitam polliceri , & millies in alijs interire , ne semel intereas , cum potius solatij genus sit , interire cum plurimis. Marfilius Ficinus , æquè nobili Platonicae mentis interpres , ac medicæ artis peritissimus , pestis periculo sanguineos primo subijci docuit , tum pronos ad iram , & paruo igne ebullientes , deinde tardo quodam phlegmate cunctatores , vltimò melancholicos . Pereant formosuli , qui faciem intingunt non pudore , sed sanguine , pereant qui castra sequuntur , & in Marte mortem inueniant ; pereant inuidi , & illis extinguantur odij flammis , quibus exarserant , melancholici , qui studiosi à Lycei Principe nuncupantur , tributum hoc magno dictatori postremo loco persoluent , calamitate pestis indigni , quia pestem animi ignauiam , benè collocato labore , propellunt . Non ego confirmandæ veritati ab antiquis sapientibus lenta suffragia deprecamur ; Alphonsum Aragonium , Hispanum illum Alexandrum produco , qui in extremo morbi malignantis articulo , in meam corrogat sua vota sententiam . Ægrotabat princeps eruditissimus in florentissimo regno , ac molli strato decumbens improbis febribus æstuabat ; non sapor oculis , non sapor gutturi , non requies corpori ; oculi semper vigiles , nisi clauderentur ad mortem , guttur nihil admittere , quod non egere-ret , corpus , cruciarijs quasi funibus torqueretur , continuò iactari . Accedite ,
pro-

TEMPORE STUDENDVM: 29

properate, currite Clinici, Archiatri; manu arteriam explore, venarum inæquali, aut formicante percussu, agite hic prolixum de principis incolumitate senatum; misceantur illic in aureo calice pharmaca, propinentur catapotia, expediantur, strigmenta, pastilli, malagmata, Alphonsum reddere sospitem, vestrum hoc opus, hic labor. Quid in vehementi ægritudine, egisse putatis Alphonsum? An humectandis faucibus, pituisse in gemma concaua liquorem? An vernantibus per craterem hyacinthis, potuisse decoctam? An lymphis angusto tubo ludentibus, & ventilante fiabello, soporem oculis concessisse? An reuocando gustui electiles cibos, & dapsiles summis digitis vellicasse? An nouo huic Hippolyto sacras Epidaurium herbas attulisse? Valeant omnes cum Auicenna Machaones, valeant vnguentaria cum pyxide pharmacopæi, morbus nostri principis, quis vnquam crederet? non calor est sanguinis, sed ardor studij, non calice curatur, sed codice. Ne præposterum ridete Amuletum, Auditores; Aragonius ex Q. Curtij lectione magis quam medicorum pharmacis, recreatum se fuisse pronunciat. O Quintum Curtium M. Curtio non imparem; ò nobile par Curtiorum? alter absorbendam terræ hiatus patriam propria morte redemit, alter consignandum tumulo principem sui lectione restaurat. Mallebat Alphosus oculis, quàm ore bibere sanitatē, sitim extinguere non poculis, sed liquidissima historiæ.

voluptate ; appetendi vim proritare non cupedijs , sed esuritione librorum .

Verum quia fames pestilentia tristior est , vt Romanæ candidus scriptor historiæ Liuius attestatur ; quod hauriti potest à studio , in tanta rerum omnium egestate , solatium ? Consultatio tum melior , cum aluum expleueris , neque dithyrambus esse potest , si bibat aquam . Agedum omnem refodite antiquitatem , reuocate in digitos vniuersos tempestatis elapsæ Philosophos , in extrema rei cuiusque indigentia fuisse reperietis , sola virtute contentos . Prætereo Diogenem tressem hominem , ac diobolarem : omitto Cleāthem drachmis quatuor instructum , Athenis solidam sub Zenone sapientiam fuisse mercatum ; subitico Demonactem cuiusque domum ingredi solitum , vt prandium parasitulus venaretur ; Scio ab Anaximene paupertatem dictam fuisse sapiendi magistrum à Diogene subsidium ad Philosophiam ; Ab Arcesilao efficax virtutis gymnasium , à Xenophonte doctam Philosophiam ; repetite vos animo Zenonem , qui opibus ab ingruenti maris turbine destitutus , ab aduersa fortuna ad sapientiam se compulsus fuisse gloriatur . Ibat naus dextero alite ventorum eludens insaniam , Zenonem suis diuitijs redditura pauperiorem ; deliſcit tandem iactata nimbis , & austro , vt Philosophus ad portum doctrinæ velificaret ; nunquam tam benè coniuratus aquilonum turbo defœuijt , quàm cum immani stridore tumescentes ad Philosophiam impu-

TEMPORE STVDENDVM. 31

impulerunt; Dum alliditur nauis in scopulum, Zenonis animum in virtute solidauit; ventorum dissidium formidabili fronte pugnantium pectus Philosophi serenauit. Dum nubes tenebris cælum obuehant, homini incurioso virtutis radius affulsit: obruuntur merces in vndis, vt ille sudoris vnda doctrinam mercaretur: exortam dicere possumus de vndarum spuma non Venerem, sed Minervam, cum grauida maris indignatio in partum sapientiæ recubuerit; Zeno fit de mercatore Philosophus, de diuite pauper, de paupere studiosus, diuite quocumque opulentior. Date vt Adolescens luxurietur in bonis, in Apolline cœnet, in rosa decumbat, date, vt ventrem saginâ obruat, cyathos, & caput in morem Sybaritarum coronet, reuocet in noctem dies, cælumque retrogradum faciat, imperante alea; hiccine Siracusanus Nepos, decoctor Apicius animum studijs adijciet? Induite sericis vestib. vel phrygio opere vermiculatis, curatam medicamentis frontem adscititio colore depingat, antias capronas, & anteuentulos crines in auream Syluam diffundat madentibus cincinnorum fimbrijs, collaria striata multiplici contabulatione suffulciat, thoracem per intermissa segmenta translucido auro, fascias crurules impleat Herculeo nodo, tumidis vmbilicis innectat, quia pedes calcæorum angustias ferre non possunt, lunatis ad talos fenestris relaxet, Arabici muris folliculum, aut potius mulierem oleat, loquatur aurum, & argentum,

rapiatur in furias, & diras expuat, si natet
 pauxillum in corio pedunculus, hunc Bo-
 næ Deæ Antistitem, Iunoniæ pompæ mi-
 nistrum, in sapientiæ castris desudaturum
 putatis? Sistite illum in obtutu speculi, vt
 a suo sibi oraculo formæ consilium petat;
 placeat statura, placeat habitus, rideat si-
 bi, & arrideat, assurgat paulatim, inflectat
 ceruicem, obliquet oculos in humerum,
 reciprocetur in sui amorem, quasi Narcis-
 sus; si plica in pallio, si ruga in fronte, si
 nœuus in vultu, si humilitas in collari, si
 thorax non benè accinctus, si non con-
 glutinata tibialia, si follicet in pede cal-
 ceus, diligenter inspiciat, hanc aurei vel-
 leris ouiculam, hunc ità phaleratum bipe-
 dem studio tradetis? Quid aliud antiqui
 studiorum mystæ professi sunt, quàm vt,
 ablegatis facultatibus, totos se disciplinis
 manciparent? Crates ille Thebanus mer-
 gere maluit aurum, ne mergeretur ab au-
 ro; Democritus oculos proiecit, & opes,
 ne cæcaretur animo; Monymus argen-
 teos nummos profeminavit, vt inde inge-
 nij fructum demeteret; Bias, in hostili
 patriæ direptione, sola nuditate contentus,
 Bona se auferre omnia dicebat, quia vir-
 tutem ferebat. Prienensem Ciuitatem
 circumuenerat hostis acerrimus, muros
 exciderat, turres euerterat, natabant iti-
 nera sanguine, obtusæ fuerant tympanis
 aures, oculi gladiatorum fulgoribus hebeta-
 ti, irruerant urbem milites, & promiscua
 cæde in fœminas æquè, ac pueros, trucu-
 lenti furebant, alijs præ metu subterraneo
 se

TEMPORE STVDENDVM. 33

se specu tumultantibus, alijs congestis sarcinulis debacchantem furorem declinantibus fuga, vnus homo, vt pretiosa quæque prædæ surriperet, admonitus, sola onustus philosophia, omnia se ferre respondit. Quid virtute pretiosius auferret, quæ omni pretiosior est auro? Verè in victa ciuitate inuictus, quod integer exercitus diripere non posset, solus tutabatur vt ostenderet, inter confertos armatorum cuneos, solam sibi esse præsidio virtutem. Nec mirum, quòd Martis iram non formidaret, qui Palladem pectore condiderat; victorem fugiens, Parthorum more, victoriam fugiendo vulnerauit.

Et ecce inter galeatas acies quantum exultat audacia, tantum inter easdem virtus laureata triumphat, nec minorem sibi gloria splendorem pollicetur sanguine, quam atramento. Feruet Italia exterarum gentium obsessa exercitibus, non tam victa, quam victrix, quòd videat de suo solo, & solo parari victorias. Mantua lugubris infausta scena tragœdiæ, post protasim, minitatur cladis, post epitasim inuoluti fœderis, tandem Catastropham dedit. Mons ferratus sua se duritie confirmat, quòd ferreus est, & ferreos montes quis æquare solo confidat? Siliceas alpes aceto subactas complanauit Annibal, ferræ rupes, solo igne de tormentis exploso, possunt emolliari. Huc Austriacæ Aquilæ conuolarunt, & ne lapidem gestarent ad nidi firmitatem, nidum collocare cupiunt in lapide. Gallica

lilia, vt olim in nummis Imperatorum
 spem publicam portendentia radicem fixe-
 rum in monte, vt tota illa regio florentif-
 sima, non nisi floribus fulciretur. Pax
 tandem de terra ne dicam, an de B A R-
 B E R I N O cœlo extorta mœrentes om-
 nium animos hilarauit; vt enim Apes in
 ferrea casside mellificio intentæ pacis em-
 blema finguntur, ita vix BARBERINÆ
 APES inter obseptas ferro legiones con-
 uolarunt, cum illicò suauiore omni fauo-
 pacem, Italiæ iam desolatæ, peperere. Dum
 autem bella furunt hostilia, quid suauius,
 quàm ignauix monstrum studio confode-
 re, dum milites gladio dimicant, stylo con-
 tendere, cum excumbitores sub dio vigi-
 lant, ad lucernam Demosthenis lucubra-
 re? Inuidit Alexander Achillis fœlicitati,
 quòd Homerum habuisset suæ gloriæ præ-
 conem, habebunt vestro labore nostræ
 tempestatis inuictissimi bellatores tot Ho-
 meros, quot scriptores, dabit Aquila cala-
 mum, Lilia candidum folium, milites san-
 guinem pro atramento. Inuidit Romano
 Cæsari Gallicus ille Cæsar Henricus IV.
 quia cum bellica virtute, & gestis posteri-
 tati transmissis, illi se parem existimarer,
 exulto inferior esset ingenio, nec posset
 calamo scribere, quod victore gladio ges-
 sisset: Felicem Cæsarem, qui vltrici dex-
 tera innumeros prostrauit exercitus, cūq;
 hostis deficeret interimendus pugnando,
 vetustatem scribendo iugulauit. Quid indi-
 carunt Romani veteres, Herculis statuam
 Musarum simulachris adiungētes, nisi mu-
 tuam

TEMPORE STVDENDVM. 35

tuam inter arma, & literas, inter pacis, & belli studia, inter togam, & sagum, inter sceptrâ, & plectra, inter aurea, & laurea diademata societatem? Quid cum Apollinem armatum dextera lanceam euibrare, sinistra lyram suspendere voluerunt, nisi quia lyra benè consonet armis, tuba cum plectoro conueniat? Quid cum Palladem lorica munitam, & clypeo, è Iouis capite genitam confinxere, nisi quia bellorum amor, & studij vno partu iungantur? Quid cum Leonis capiti noctuam imposuerunt *Aegyptij*, nisi quia præliorum tempore sapientia dominetur? Quid Musarum humini victimas, cum ad arma procederent *Lacedæmonij* habitabant, nisi vt facinorem gloria posterorum memoriæ aliquo auctore consignaretur? Sanè si hebraicam linguam placet aduertere, arma vocant hæbrei sancto vocabulo *Chelim*, musicum instrumentum; perindè ac arma cum studio, vel ipsa voce concordent. *Iuuenis Macedo*, *Persici* euersos Imperij mihi sapuisse videtur, quod *Iliade* maiitatum cum pugione, pugione dexteram, animum armauit *Iliade*. Quàm turbulentum puluinar, quod in rosa dormienti spinas acriù cogitationum ingereret, quàm asperas plumas, quæ aculeatum mucronem, & operosum poema recondiderent? Militibus alto silentio sub tenorij quieto sopore demersis, sub regio tabernaculo imperatorias curas tumultuari? Quid ni *scires* *Alexander æques*, vel pedes disponere copias, distinguere acies, expedire in alas,

in cornua protendere, arcuare in lunas, in cuneum stipare, qui iacens faciebas tibi de lecto gymnasium? Quid ni Macedones tui vel cataphractos prosternerent homines, qui ducem haberent leonem, in somno peruigilem? quid strenuus iste bellator sub armorum pondere deficeret, qui tam solido militiæ viatico saginatus spiritu legiones difflabat? Quid in Persicas opes mulieris hortatu, faces incendiarias inferre metueret, qui Troianis flammis accensus eructabat incendia? Hoc erat, ipsum somnum erudire, struere aggeres, volitare per agmina, irrumperere in cohortes, oculis ignem, verbis tonitrua, brachio fulmina iaculari, premere, fremere, furere, ruere, cædere: proh quot Iliades malorum Ilias illa ceruici supposita immittebat in caput? Quid? quod in ipsa ferocientis militiæ libidine, in ipso debacchantium armorum furore studiosi homines euasere mortis articulum, vel patriam ab extremæ cladis excidio vindicarunt, adeò virtus ab ipsis etiam hostibus pro iniurijs officia, pro interitu salutem, pro odio amorem extorquet? Thebas diripit Alexander, & perduellis in ultionem contumaciæ, ferro, flammisque inhiat euertere; in hoc opulentæ ciuitatis exitio Pindari domus, quasi victoriæ trophæum illa sa-
 persistit: Syracusas Marcellus triumphator ingreditur, neminique iubet contumelias inferri, Archimedis Philosophi precibus delinitus, cuius antea machinas formidauerat. Alexandriam post obitum

TEMPORE STVDENDVM. 37

Antonij inuectus Augustus, ciuibus metu consternatis, & humi prouolutis, omni discrimine exemit in Arrij Philosophi gratiam, cui cecinit hostis: Sapiens: sapientibus est saluti, si sapit: Lampfaco, propter mortuos sapientes Sylla; Rhodo pepercit Demetrius Poliorcetes, ne incendio Prothogenis picturam aboleret. Sed prædentur bella ciuitates, exhaustiant, excindant, pessudent, inuoluant cinere, & fumo; studiosus sua se virtute solatur, vt olim cum trecentas, & sexagenas statuas ab ijs, qui sibi prius erexerant intellexisset esse dirutas, virtutem non esse amolitos edixit Phalereus. Myrtilli clypeus, Auditores, est studium, quo non modò hostium tela, & linguæ spicula è nostro capite auertimus, sed in quacumque calamitatum procella, ad tranquillum otij portum appellimus. Adstudium vos alliciunt, Adolescentis, hæc pestis incommoda, vos excitat in tanta rerum egestate luxus exilium, vos prouocat bellorum, furor, & ferri licentia, vt triplicis auxilij tempore, ter maximi tandem euadatis.



³⁸
DE CVLTV CORPORAIS.

ORATIO.

Habita Romæ in Academia
Humoristarum.

Anno Domini M. DC. XXXII.



Antea est à primi lapsu parentis rationem inter, & sensum, in vnoquoque mortalium, extorta contentio, vt difficulter possit mentis consiliū cordis affectib. frenum injicere, quin ab æquitate resiliant, aut voluntatem transuersum agant, ad omnia consectanda procliuem. Transmissæ siquidem per sensuum vehicula rerum species ita rapiunt hominem, ita aciem animi, sui splendore perstringunt, vt quamuis solutus, ac liber, suam tamen captiuitate, amoris laqueis irretiatur, quamuis propè diuinus, ac sacer, profano studio, rebus adhærescat humanis. Vnus depingitur Vlysses callidæ Circes veneficia deludere, cum socij dolosas ædes ingressi, poculo voluptatis epoto, in belluas degenerent, quia paucos, velut ex Africa candidos, reperire licet, qui nullis omninò lenocinantis illecebræ frangantur conatibus, multos, qui vitiorum capti præstigij, corporis indulgeant oblectamentis. Hinc sicut insita omnibus cognoscendī cupiditas plures in lucem disciplinas inuexit, quæ adeò multæ sunt numero, & tot ample-

DE CVLTV CORPORIS. 39

plexæ difficultatibus, vt earum quælibet hominem totum absorbeat, ita corporis ingeniosa luxuries tam innumera deliciarum genera excogitauit, quæ vtinam, simul etiam confertæ, insaturabilem cupiditatem explerent, non potius auidum semper animum, ad recentia voluptatum portenta titillarent. Sed ne videar aduersus immodicum luxuriam malo genio declamare, Bacchanalibus præsertim feriis, quibus, velut in interregno virtutis, fanaticorum exultat insania, conspiciamus, quantum demulcendo corpori, grauioribus æ curis vacui mortales incumbant, licet hominem omni prorsus operimento denudatum voluerit esse natura.

Auro iam pilei cotonantur, ad regiae frontis imaginem, iam collaria, vel striata sinuosis canaliculis protuberantia, vel reticulato, & denticulato opere minutis maculis elegantissimè picta cernicem obambiant, iam vermiculatus adamante multiplici torques, pretiosa de collo seruitus pendet, iam corpus vestibus Attalicis amicitur, quas accuratissimo mæandro, & flexuosis, in morem labyrinthorum, ambagibus labor improbus implicat, iam manus reuolutis ad brachium linis carbasinis intumescunt, iam digiti, adscito gemmarum splendore, collucent, iam crura Herculeo fasciarum nodo constricta tumidos exporrigunt vmbilicos, iam calcei, lunatis ad talos fenestris, aurea rosa clauduntur; soleis ipsis altissimi pedules subiiciuntur, vt cothurnata multitudo pro-

oriae

priæ tragœdiam miserię nesciens illa scens deplorat, vel suppositis calceo ligneis, claudorum more, adminiculis, in via morum se claudicare, vel nolens fateatur.

Quid? quòd nullæ in vestitu nationes consentiunt, sed Gabini pallium, cassiacam Græci, togam Romani, mastrugam Sardi, braccar Galli, rhenones Germani, Hispani, strigium, dalmaticam Dalmatæ, peplum Troades, caunacem Babylonij, candyn Persæ, myoton Armenij, auium plumas Indi, Fannesijs aures ipsas pro indumentis habent, quibus nuda corpora contegant, nè vnus tantum esset Midas auribus asininis, sed multos afferre posset orbis suæ varietatis testes, non minus oculatos, quàm auritos? Imò in vna tantùm ciuitate quàm perditè luxus triumphat, vbi Mecœnas occurrit molli veste discinctus, Sextus Pompeius cæruleo pallio contectus, Cæsar cum lato clauo fimbriato, Cato senior cum præcurta, candidaque toga, vbi Caligula depictam, gemmeamque penulam amat, Nero nullam vestè bis induit, Augustus quatuor tunicas, nec restrictas, nec fusas assumit, Marcus Antonius ad coxâ vestimenta præcingit, Vespasianus habitu neglecto, vix à gregario milite differt? Antonino caracalla, Lentulo dibapha, Demetrio amictus astrorum varietate spectabilis placuit, fortasse vt sidera, quæ caleare nequibat immeritus, transferret in terras, celumq; sicut pellem extenderet nouus Iupiter. Nunquam tam eleganter Arachne Lidijs telam delicijs illufit, non ità graphicè delibatæ furtum, pud-

pudicitiae Philomela distinxit, ut historias
 omnes Italicæ manus, Attalicis eruditiores,
 opere Phrygio depingunt. Nō tot gemmat
 floribus pauo, cum ver illud pennarum ex-
 plicat, aut cælum ipsum micantibus stellis
 inoculatum spectatoribus obijcit, quantam
 vestium pompam, pulchritudinisque cho-
 ragium ostentant venustuli Parides, toti ex
 arcula, nitidi ex cataclista, in quos illud ap-
 positè proijcere licet: Vnde hic nobis pa-
 uo? Quamquam pauones isti sordere no-
 lunt in pedibus, nam Augustus calceo de-
 lectabatur altiusculo, ut procerior assurge-
 ret, Caligula socco muliebri, Carinus fibu-
 lis margarita conclusis; Empedocles caliga
 ferrea, Heliogabalus gemmata, Demetrius
 aurea, tribuens indignè pedibus, quod suo
 capiti non debebatur, vel ostendens, reges
 in omni sua libertate compedibus aureis
 obligari. Sed quæso, à calce redeamus ad
 caput, vbi luxuriantes, tamquam in nativo
 solo capilli, mirum est, quàm varias in for-
 mas ingeniosè sobolescant, quàm vana pli-
 catione in omnem flectantur aspectum, ut
 non sola Ægyptus Proteos iuxta diuersa
 capitis insignia multiplices, sed orbis iam
 vniuersus hominem in plures transeuntem
 imagines habeat, muliebri super omnes
 emicante. Alios igitur videas, qui capillos
 circumducunt in galeam, qui reflectunt in
 cristas, qui reciprocant in annulos, qui ob-
 liquant in corymbos, qui adstruunt in sug-
 gestum, qui frangunt in vndas, qui obdu-
 cunt in cochlneas, qui laxant in fimbrias;
 alios, qui crines à fronte reijciunt, ut in-
 hu-

humeros æqualiter defluant, qui discrimi-
nali acu hiuc, inde dissociant, vt in aures
moliter depluant, qui globum capillorum,
velut cometem crinitum in pectus retor-
quent, qui in frontem ad oculos inumbrā-
dos referunt, qui adulantibus fauonijs euē-
tilandos relinquunt, capita magis ventosa,
quàm capillata. Imò ne semper eandem
fingantur in speciem, vel cum Germanis
nodo substringunt, vel de Scytharum inge-
nio spargunt, vel effundunt more Partho-
rum, vel torquent in orbem cū Sicambrijs,
vel amomo perfundunt, vt indi, vel fascia
obuoluunt, vt Arimaspi, vel implicant ne-
xibus, vt Maurisij, vel concinnant, & læ-
uigant, vt Britanni, vel hortificant, vt Sueui,
frontem subindè nouam assumentes, ne
videantur exfrontes. Colorem ipsum ca-
pillorum nōnulli fastidiunt; Pyrrhus coma
varijs fucata pigmentis incessit, Sybaritæ
nigra, Agathyrsi cærulea, Meuanij flaua,
aureis interpuncta cicadis Athenienses, au-
reis illuminata ramentis Romanorum ali-
qui Cæsarum, vt suo illi quoque, sed au-
reo cinere caput inspergerent, non doloris
argumento, sed luxus. Quàm falsè Phi-
lippi Magni maior filius senem quendam
irrisit, qui cum albis Cyenus esset capillis
in coruum emendicata nigredinē transmi-
grare cupiebat, hortatus ne canos, sed ge-
nua tingeret iam senio labantia? Quàm
meritò Antipater è iudicum fuit albo de-
rasus, quòd capillos pariter, & barbam
inficeret, cum in rebus gerendis fidus esse
non posset, qui infidus erat in crinibus.

Quàm

Quàm lepide Phœbum Apollinis antistrophon perstrinxit Martialis, quòd cum ignominiosam vellet caluitiem obtegere, vnguento comam in capite caluo pingueret, & effigeret, cuius capiti nō opus esset adhibere tonsorem, sed spongia cimentitum capillitium radere, vel delere? Quàm festinè in Phœbum eundem hædina pelle, nudæ verticem caluæ cooperientem iocatus est vates Hispanus, dum illius caput, aculeato scommate dixit, esse calceatum? Et sanè quis virilis animi putauerit argumentum, de singulis capillis ire in consilium, si alter alterum excedat, irasci, nisi tota Cæsaries in collum æquabili gyro diffundatur, mordere tonsorem? Quis optimi ciuis notam existimet, velle potius Rempublicam barbari, quàm comam, æquè religiosum esse, pilum secare, ac Dianæ lucos excindere? Sapiebat in hoc, quamuis insipiens in cæteris Commodus Imperator, qui cum nulli tonsori se crederet, barbam candente carbone iuglandium putaminibus adurebat; qua maiori mollitie, genas singulis Otho diebus rasitare solebat, non tam, vt cutem asperitate nouaculæ lauigaret, quàm vt ne pilum quidem boni viri habere diceretur. Sed modò quanta barbæ conformandę variccas emerfit, dum alius mentum tenui pilorum filo delineat, alter in eundi speciē exacuit, alter serpere illam per malas gaudet, ac fruticare per totum, alter parili angulo dilatat in quadrum, alter cum Epicrate Atheniensi contendens, qui Rex barbæ fuit appellatus, ad pectus vsque promittit, cuius

cuius barbam meritò nuncupat Ambia-
 nus ad muscas abigendas, peniculum, neq;
 consilij effectricem, sed pediculorum. Illud
 superesset reliquum, vt more Caligulæ ex
 auro conflata aptaremus ad mentum, ne
 solum Ænobarbos loqueretur historiæ, sed
 Auribarbos. Sed claudam virorum in ve-
 stib. luxum vnius Artemonis mollitudinē,
 qui omnium in se transtulit elegātiās, arcu-
 lasque Gratiarum solus exhaustit. Hic vbi
 indumenta Sabæos odores halantia mulie-
 briter induisset, vbi capillos calamistri ve-
 stigio rotasset, vbi faciem cerussa, purpuris-
 soque pinxisset, vbi digiti præ anulis radia-
 rent, vbi totū corpus masculæ virtutis obli-
 tum in amasij illecebras transineasset, ne
 pedes laxa pelle follicarent, calceos insigni
 labore subducebat, ne plantas humidior se-
 mita spargeret, vix imprimebat summa ve-
 stigia. Vidissetis morosa per urbem corpo-
 ris iactatione profilire, hac, illac ne quisqui-
 lias offenderet, saltitare frequentius, ne in-
 cohibitum pallio brachium quis impinge-
 ret, declinare studiosè, Clisthenem agere,
 Syrißare. Sed nihil de Artemone protuli,
 Auditores, Cato est hucusq; non Catullus,
 Augustus est, non Meccenas, Socrates, non
 Lysicrates. Verebatur Artemon, ne dum
 semitam pedibus tereret, tererentur pedes,
 vnde per urbem, coronatis famulis, lectica
 vehabatur, mollibus hinc, inde puluinari-
 bus obuallatus, & ne in caput aliquid no-
 xium incideret, duos ex vtroque latere ser-
 uos, eream in formam testudinis peluim su-
 stinere iubebat. Fortassè nouerat, Æschylū
 vatē

vatem lapsa ex vnguibus aquilæ testudine
occisum, omnique supernè aduenienti pe-
riculo occurrissè putabat, vbi caput ahenea
testudine armasset. Sub hoc æneo cælo nul-
la siccitas erat, madentibus cincinnorum
fimbrijs, & capite vnguentis perpluente.
Quod si muliebre luxum percurrere bre-
uiter volumus, mūdum vniuersum ornādæ
fœminæ ancillari inueniemus; comotrias
pectendis capillis, ceroplastas, qui medica-
minibus faciem inficiant; ciniflones cala-
mistro calefaciendo, pelues aureas ad cor-
pus abluendum, gotturnia argentea odora-
tis aquis, speculum ad formæ consilium,
pyxidum turbam ad picturæ custodiā, fer-
ramentorum supellectilem ad cirros impli-
candos, pelliculas moschi ad suffitus, vt sibi
nihil opere videatur, nisi totam penè Ara-
biam redoleat. Illi deseruit India auro mit-
tendo. China afflandis odoribus, colori-
bus ministrandis Phœnice; gemmis sugge-
rendis Insula Erythræa; æluri pelles Lari-
tur Sarmatia, ferrum Hispania, stannum
Lusitania, ebur Persia, sericum Scythia, ne
suam Pandoram cælum iactet, multiplici
Deorum beneficio locupletatam, sed plures
terra Pandoras ostentet, in quas omnia sua
ornamēta transfundat. Prodit illa in publi-
cum, quis .n. mulierē domi cōtineat? prodit
inquā interlucenti veste, si vestis illa dicen-
da est, qua nec defendi corpus, aut deniq;
pudor possit; suspenduntur auribus vniones
non singuli, sed bini, quandoque terni,
vt bina, ternaque patrimonia ab auribus
tenui filo dependeant; educitur in-
me-

medium pectoris aurum, quod in imis visceribus terra defodit, ac merfit, neue vnquam prodiret, toto sui pondere incubuit: accedunt argento contacta sandalia, ne humum tantummodò feriant, sed oculos etià quatiant intuentium. Non assumitur vestis, nisi corporis partes sub aspectum faciliè cadant, vnde bombycinas tunicas, lineam nebulam Petronius, textum pellucidum Terullianus, fyрма nebulosum Fulgétius, carbaceos ventos Tibullus, vitream vestem Claudianus appellauit. Neque verò mulieres, inuidum genus, cæteras in amictu sibi patiuntur æquales, sed stolam matronæ, togam meretrices, cycladem virgines, rectam tunicam nuptæ, mitram ancillæ sumpserūt: capillum nigrum nobiles, flauum plebeia voluere. Quot verberibus plectitur ornatrix, si vnus de toto comarum orbe capillus peccauerit? quot plagis vapulabit, si atior fuerit alio cincinnus? quot ditas audiet, nisi distractas vtrinq̃e comas, ad breue interstitium distinxerit? Dentibus armantur non suis, ne videantur edentulæ, à moruis à laruam capillarem mutuant, ne caluæ cernantur, à lacte asinino nitorem deriuant, vt vlcera contegant, vnde sexcentas secum asinas vxor Neronis Poppæa ducebat tali agmine digna stipari Imperatrix.

Iàm verò nudo homini cælum aperuit, ac veluti deuclauit Deus: homo autem non corpus tantummodò operuit; sed etiam cælum oculis eripere voluit, vtque se in terris ostenderet collocasse stationem, territoria defixit cœlū obnubilantia. Palatia lo-

quor,

quor, Auditores, insanæ molis substructiones, atria multo auro radiantia, laxas porticus, centum suffultas columnis, thalamos fornicatos, maiorum imaginibus, plenos, turres cælum elata fronte ferientes, progeniem Nembroti reuiuissse putares, non tam fabricarum magnitudine, quàm varietate linguarum. Pauper iam sibi quisque videtur, ac sordidus, nisi parietes tenui marmore inducti, pretiosis etiã orbibus fulserint, nisi Ægyptio saxo in varia picturæ genera diminuto pauimentum texuerit, nisi tecta auro perfuderit, gauissus illo mēdacio oculos fallere, nisi locum omnem, leuemque particulã Numidicis crustis impleat. Quātum statuarum inanem luxum non testantium, sed detestantium, quantum columnarum nihil, nisi domini vanitatem sustinētium, quas eò pulchriores existimat corrupta mortalitas, quò pluribus maculis asperguntur? Saxa iam ex varijs mundi partib. aduehuntur vni domui construendæ; quæ prius è vili arundine, vel tabulis luto glutinabatur; euisceratur terra, flagellantur maria, excinduntur syluæ, complanantur montes, assurgit ad cælum immensæ amplitudinis opus, tanquàm non sibi palatiũ victuris erigerent, sed morituris Mausoleum. Ita ne igitur adhuc homines, Titanium genus, in cælum, aggestis montibus, conantur irrumpere? Adeò nè non ignem duntaxat, sed etiam lapides in altum euolare conspiciamus? Illa sit vobis ab oculos aurea Neronis domus, quam non satis lucere putauit effleratissimus Cæsarum, nisi

ex vrbs incendio, quot aulas in longam
aream productas, quot porticus ad tria
milliaria protensas, quot stagna, maris ad
instar expansa, quot inambulationes um-
brofis pergulis opacatas, quot villas omni
arborum genere confitas, non alio custode
dracone, quàm Cæsare, quot belluas inclu-
sit ex Hircania deuectas, vno Nerone mi-
tiores? Cœnationem habuit inter cætera
figuræ rotunditate versatile, quæ diebus, ac
noctibus, ad instar orbis, æterna vertigine
circumacta, nouas semper expulas expone-
bat, vnde pro niuibus flores, pro imbribus
vnguenta, per fistulas fundebantur, pro
Ioue ille affidebat ad mensam, propi-
nabatq; in aurea patera, non raptus è Phry-
gia puer, sed nec puer, nec puella, Sporus.
Occurrat animo magni Imperatoris Cha-
mi palarium, quatuor muris præcinctum,
quorum quilibet ad octo passuum millia
porrigitur, cuius vastitatis in medio ædes
regiæ consurgunt, auro tectæ solidissimo;
occurrat Iauæ maioris Insulæ regis magni-
ficientia, qui atrium extruxit, ad cuius aulâ
pluribus gradibus ascenderetur, quorum
alter aurus, alter esset argenteus, parietes
aureis à dextera, argenteis à sinistra lami-
nis tegerentur, vt solis regiam non admirer
amplius ab Ouidio fabulosè descriptam,
claram micante auro, flammæque imitan-
te pyropo, cû aurea legerim palatia ab ho-
minibus habitata. Quid referam hortos pè-
files in summitate domus, omni plantarum
varietate vernantes ortis inde radicibus,
quò vix cacumen arboris peruenisset?

Quid

Quid memorem saturatam multo conchylio purpuram, intextam auro, varijsque coloribus distinctam, & artibus suppellectilem, belluata Babylonica, Phrygionum opera picta, Damascena, holoserica, aulaea innumeris interpuncta filorum mæandris, quorum inanem copiam nullus tam benè perstrinxit, quàm qui domus vocauit impedimenta? Quid persequar thermas, vbi simul cum amictu vestis honor corporis, ac pudor exuitur, vbi sordidat lauatio, non abluit, non emundat membra, sed maculat? Loquatur illa apud Martialè Læuina antiquis castior Sabinis, quæ Baianis se aquis purgatura, Penelope venerat, abiit Helene; quot enim matrone, dum veniunt ad aquas, incidunt in flammam, Veneremque experiuntur adultam, quæ pupula emerit ex vndis; Descenditur modo in balneas, nō vt sudorem cum Scipionibus, militiaque sordes abstergant, sed vt vnguentum, non sæpè diluuntur, vt mundi sint, sed quia immundissimi. Loquatur Heliogabalus, qui non nisi infectis vnguento nobili, aut croco piscinis innatauit, an vt lauari simul, & colorari posset? an verò vt fetidam corporis luxuriæ suauis odore compesceret? Quid recenseam illita minio triclinia, Micam Domitiani, Timonium Antonij, Hermæum Claudij, Mammeam Alexandri, Apollinem Luculli, vbi, velut sub aurato tentorio, ad subigendam frugalitatem, castra collocauerat gula? Conspicere hinc licet mensas citreas, elephætinis pedibus suffultas, æstimatum lignum senatoris censu, eò pretiosius, quò illud

in plures nodos arboris infelicitas torfit. Hic eriguntur in aram chrySTALLINA pocula, quorum accendit fragilitas pretium, anagalypta imaginibus eminentibus aspera, vasa Sidonia utroque latere ansata, diatreti tessellati, vel torno ducti, cotilæ in formam concauam, scythia in imo angusta, cymbia in speciem nauigij, carchesia in proceram magnitudinem assurgentia, ne vehicula desint ad ebrietatem. Vnum inter cæteros calicem habuit chrySTALLINUM Verus Imperator nomine volucrem, non tam ex eius æqui nomine, quem dilexit, quam quod illius ad manus sæpissimè conuolaret; Vnam patinam Vitellius immenso constantem, quam Mineruæ clypeum appellabat, verè Spartani militis imitator, qui cum hoc scuto pugnabat, & in hoc. Cæterum quàm peregrina cupedia, quàm exotica fercula mensam onerant? Iam compertum est omnibus, camelorum calcanæa, cristas gallinaceis uiuentibus demptas, pauonum, linguas, & luscinianum, vno conuiuio datas ab Helio gabalo, cœnam è solis canorarum auium linguis à Claudio Æsopi tragædi filio paratam, margaritas aceto subactas à Caligula, Suem inclusis animalibus grauidum ab anonymo, quem lepidè Cincius, dum luxum immodicum carperet, porcum Troianum appellauit, ut Troianus olim equus, grauidus armatis fuit. Prætereò, Antoninum Getam prandia per literas singulas instruere solitum, pullumque, perdicem, pauonem, piscem, per-

dam

dam vnīs epulis apponere, ad quas singula non literarum elementa, sed elementa mundi omnia suas opes transmitterent; sileo; Octauium classis Romanæ præfectum, cum ignotum Italicis litoribus scarum agnosceret, incredibilem scarorum multitudinem nauibus aduectam inter Hostiam, & Campaniæ litus in mare sparsisse, ne aqua terræ forsan inuideret, dum ista frugibus, illa piscibus seminaretur; omitto, Vedium Pollionem murænas humano sanguine saginasse, illicque deuorandos seruos obiecisse, vt hoc saltem pacto Romanus Antiphares humanis carnibus piscium ventre decoctis vesceretur: subticeo, belluas ipsas immotas in obscuro contineri, vt sine vlla exercitatione iacentibus, tumor pigrum corpus inuadat; & super membra torpentia ingens pinguedo succrescat: relinquo exquisita vinorum genera, Setinum, Fundanum, Falernum, Opimianum, Surrentinum, Picatum, Albanum: vnguentis mixta pocula, vt blandius ingrederetur; aquam frigidam, decoctam, niuib. algentem, calidam, vel immutato Imperatoris nomine nobilitatam, qui vt primū Tiberius Claudius Nero, ita postea Biberius, Caldeus, Mero, factus populo luctus audiuit. Apicium vobis produco, altissimum nepotum omnium gurgitem, qui cum sestertium millies in conquinam congeffisset, cum tot congiaria principum, & ingens capitoli j vectigal singulis commensationib. obligurisset, ære oppressus alieno,

fortunas suas ad calculū reuocare coactus; cum sibi centies centena millia superesse deprehendisset, sūma velut inopia cōfectus; extrema potione venenum absorbuit. Quā insaturabilis auri libido, dū in magna auri copia sibi videbatur egenus? Et quidē tam insanæ mentis homini non hellebori succus, sed medicatum poculū erat huriendū. Nunquā illi gulosius est factum, quā cū mortem vltima cēna deuorauit. Carū ad cō fuit huiusmodi poculum, vt nunquā tam carō vel biberit, vel cēnarit. Sed omnium excelluisse arbitror prodigorū ingenia Caligulā, qui aut frugi hominem esse oportere dictitans, aut Cæsarem, præter, portentosissima eduliorū genera, conuiuiis ex auro panes, & obsonia præposuit. Hæc enim uerō auri sacra fames dici poterat, ad quā explendam aureæ dapes inferebantur. Eliquarunt alij aurum, vt potabile redderent, hic solidas obdurauit in epulas, vt comestibile efficeret. Crassi faucib. dū Parthico inhiat auro, liquidum aurum infusum est; tibi infligenda erat pēna consimilis, vt si aurum totius vrbs esuriueras, nihil, nisi cibos aureos auido dente morderes. Nolebat, vt Chabrias in iudiciū postulari, quod cōstitutis horis tenui victu præsiteret, sed quotiescumque gula imperasset, ganeones accumbere iubebat ad mensam, quam solis mensā appellare posses, opiparis ferculis perpetuò strata, nisi nocturna conuiuia ad auro-ram vsque temulentus produxisset. Quanta ordinis peruersitas fuit, dū vrbs tota dormiret, è lecto surgere ad helluandū, qua si na-
tura

tura oculos impartisset, causa tenebrarum, aut ille vnus esset Antipodũ, quĩ, vt M. Cato loquitur, nec orientẽ vnquã solẽ viderũt, nec occidentẽ. Cecos non inuidisse Caligulæ arbitror, cum diem ille nõquam aspiceret, quinimò nec mortuos, si lãgũdũ, & vīno marcidum intueri potuissẽt, cũ inter cereos, ac faces cõuiueret, an moreretur, carne inter viuos morticina? Liburnicas è cedrinis tabulis Ægypti Reges æmulatus extruxit, gẽmatis puppibus, versicolorib. velis, inauratis transtris, remigibus coronatis: Hic agrum vitibus, pomiferisq; arboribus confitũ incluserat, sub quib. discũbẽs inter choros, & symphoniacos Cãpaniẽ litora legeret, ne Cyclades insulas miraremur in Ægeo pelago tripudiãtes: hic thermas dulcib. aquis stagnãtes adhibuit, ne Virginem amplius aquã, sed deuirginatã, atq; pollutã contineret oceanus; triclinia fabrefecit ad epulandum, vt ingestã saginã maris auxilio faciliũ posset egerere, scorta secum duxit, formosioresq; lupas, vt plures Veneres mare cognosceret, vel Sirenes. Sed naufragiũ faciemus, nisi portum appetimus. Suas sibi habeant delicias trossuli Numidæ, nos animum scientijs expolire doctrinis cõuestire debemus. Incumbamus verẽ pulchritudini, quæ à virtutum lineamentis, à bonarum artium coloribus petitur, solido disciplinarum succo, & sapientiæ medullis pascatur ingenium, hominem non corporis, sed animi ornamenta constituunt.

Dicebam.

C 3 . IN

⁵⁴
IN ARDELIONES.
ORATIO.

Habita Romæ in Collegio Clementi-
no, pro studiorum instaura-
tione.

Anno M. DC. XXIX.



Vdistis anno proximè elapso (N. N.) indisertum me rhetorem, non corpus, sed animum excolendum, inopi dicendi copia probantem. Verùm, quia ferè semper ad extrema pererrat, vel errat in extremis humana cupiditas, factum est, nescio quo fato, vt dum animum informare disciplinis aliqui cupiunt, iniquè deformant, dum omnem scire literaturam affectant, ne literam quidem scire deprehendantur. Hos ego de maiorum canone, vt vitia sugillum, appello Callipides, qui assidue se motu versantes, ne cubitum quidem procedunt, hominum simios, dum singulas induere personas enituntur, Thrasones omnia sibi temerè vendicantes, Bellerophontes insaniæ pegaso in cœlum superbix denectos, Daretès magno se nugarum apparatu, apud gregem plebeculæ iactitantes, Attalos, qui nihil agentes, satagunt nihilominus, vno verbo ARDELIONES.

Ad calcem orationis perueni, si huiusmodi tabularum spectanda conditio; verùm si in capitale flagitium linguam acue-

re debet orator, penè ordior à capite. Date mihi per eam, qua nostrum in Athenæum frequentissimi conuenistis, humanitatem, vt sciolos istos, vniuersam profitètes encyclopædiam acriori sermone perstringam; date, vt liberiori oratione senniobolarem istorum doctrinam euertam: ita fiet, vt suum cognoscat vnaquæque scientia cultorem.

Verùm, quia in immensum, varijs rerum dicendarum fluctib. iactata raperetur oratio, portum diuersas apud artes, vestræ beneuolentiæ obsecundante aura, sæpius appellet, felicique alite sensim progressa apud Grammaticam sistet.

Nolo Grammaticos in sua se pellicula continentes Lycambæo dente mordere, nolo vltra crepidam non egressos impetere contumelijs: illos non possum non onerare conuicijs, qui, vt puri Grammatici, hoc est, puri Asini molestum nomen excutiant, de rebus, in quibus peregrinantur, ineptissimè garriunt. Fingite igitur animis aliquem è Grammaticorum turba Gymnasiarcham, qui detritam, ac planè septuagenariam sibi lacernam obducens, in gyrum excurrenti latè capitis operimento pileatus, barbitio ad pectus defluente verendus, perispicillis ad aurem intercepto naso diductis, suspensio ad cingulum tortis de funiculis flagello, Catoniano supercilio oculos vtrinque contorquens, testitudine passu conscèdat exedram, vbi pituitam ab imo pulmone, quasi per trochleas adductam eiiciens, graui, sed bene sonanti voce pronuntiet, Cum ego



Cato. Tunc enim uerò tot pariter pelues, tot tintinnabulo pulsari credetis, cū huiusmodi ludimagistrum excurrere modò in rhethorum officinas audietis, modò philosophorum arculas referare, modò à theologia delibare nonnulla, in aduerbijs commendare venustatem cum oratoribus, in verbis verum, & falsum, æquiuocum, amphibologicum distinguere sēsū cum dialecticis, rerum naturam indagare cū physicis, personas ab hypostasi seiungere cum metaphysicis, in numeris explicandis ad arithmeticam transilire, in generibus Porphyrij Isagogen afferre, in articulis theologicam methodum indicare. Quid, cum in vnius voculæ enucleatione prolixas horas impendit, indigitat etymon, syllabarum numerum commentatur, characterē lynceis examinat oculis, literas singulas censoria castigat arundine, an, Ostium, postulet aspirationem, vt hostes designet, an repudiet aspirationem, vt exprimat ianuam, cum ipse iure suo melius versetur in Ianua sum rudibus. Auertat Deus à capite talem articulum meo, vt cum huiusmodi malè feriatīs hominibus de rerum peritiā contendam, timerem vtique, ne vel Stentorea dicacitate mihi aures obtunderent, vel ingenij famam, quæ quā sit exigua, sentio, Cerberea vocalitate laniarent. Excipite per vestram sapientiam (Auditores) cuiusdam insipientiam nebulionis, & mecum impudentissimi ARDELIONIS stupete linguam nescio dicam ne præcipitem, an ancipitem. Apud floren-

IN ARDELIONES. 57

rentissimam Italiæ ciuitatem concionabatur illa Seraphicæ tuba Religionis, Italus ille Pericles Cornelius Mussus Episcopus Butuntinensium, & quia tanti viri fama, vniuersam per urbem, glorioso nomine percrebuerat, confluebant ad illum audiendum ex omni ordine homines, non secus ac olim ad Romanæ conditorem historiæ, ab extremis Hispaniæ finibus, ciues Gaditani conuolarunt. Fortè anonymi Pædagogî mentem incescit cupiditas adeundi, & audiendi Cornelij; templum igitur adit, pauxillum in genua procumbit, locum sibi studiosè comparat, non concionem, sed fucatæ Veneres orationis bibulis auribus expectans. Tenuit suggesti medium Cornelius, auditoribus reuerentiam nudato capite exhibuit, cælites in genua prouolutus sibi rogauit propitios, corpus cum dignitate composuit, vestes aptauit ad gestû, tum factò silentio, proloquium à similitudine deriuauit. Vt audiuit sciolus ille Grammaticus, celebrem aded diuini verbi præconem à comparatioue concionis filæ prætexere, mussitare impotenter incepit, tumultuari vocibus intercisis, interturbare confessum, furere, fugere, templo discedere, aures præcludere manibus, obstrepere mirabundus; Istene est virorum eloquentissimus, ad cuius nugas excipiendas, ciuitas vniuersa, proprijs quasi sedibus conuulsa luctatur? Istene oratorum primipilaris, qui vtitur pedestri sermone gregarius? Istene præcepta retulit à Ciceronis oratore? Nescit Quintilianum locutuleius tyro; ò

IN ARDELIONES. 61

enimvero exclamabit, mirabitur, manu,
nutu, voce, oculis histrioniam exercebit,
captans undique basia, longum illud Euge,
& gloriosum Sophos, vel ab inuitis extor-
quebit, cum nihilominus aut ad calendas
Græcas versiculum prompserit, aut tardius,
quàm elephanti pariant, hexametrum mi-
serè confarcinarit. Mitior in magno cla-
mor furebat amphiteatro, cum pugnares
parma Thraces tergeminis turba Quiritū
honoribus euehebat; nec ita grauitè, per-
cussis incubitus, metalla resonant, cum
faber aurora albicante, Vulcanio desudat
in opere, sicut ARDELIO eximia se ia-
ctatione deprædicans tonat voce, fulmi-
nat gestu, permiscet vniuersa. Quod si re-
missius agenda sit res, adeò frigide provin-
ciam sustinebit recitatoris, vt thermas re-
frigerare possit Neronianas, qualiter olim
ex oratione Sextij, se tussim, & morbum
traxisse quærebatur Catullus. Quàm falsè
Hispanus ille vates fastidientem nausea-
bunda recitationem Lygurinum irrisit.

Et stanti legis, & legis sedenti,
In thermas fugio, sonas ad aurem,
Piscinam peto, non licet natæ,
Ad cenam propero, tenes cuntem,
Ad cenam venio, fugas edentem.
Lassus dormio, suscitās iacentem,
Hoc valde vitium periculosum est.
Quid sit, scire cupis? nimis poeta es.

Quid cum ad redimendam auditorum
molestiam geniales omnino cenas sterne-
bant in Apolline, vt opiparis ferculis deli-
citi conuiuæ disertum hominem acclama-

rent, cum veriùs non ille, sed fuisset cœna diserta? Non ita tygris raptis citata catulis, non ita dipsas sole medio perusta, non ita scorpius improbus timetur, vt ARDELIONVM antiqui consuetudinem abhorrebant. Cœnam olim Thyestæ solem fugisse nobis fabulæ transmiserunt, sed recitantium mensas quoties declinarunt aures Romanę, quia licet exquisita palatum edulia titillarent, recitatio tamen enecaret auditum, vndè meritò dolebat ille:

Nolo mihi ponas rhombum, nullumue bilibrem

Nec volo boletos, ostrea nolo, tace.

Sed euadamus ex huiusmodi syrtibus, & vastor rhetoricæ sinus emetiamur. Nō possum hic verbis frenum iniicere, quin concitata in ARDELIONE S erumpant: Igitur numeris absolutum omnibus oratorem te vocitabis ARDELIO? Igitur in albo eloquentum, qualem se vidisse neminem dolebat Antonius, tuum nomen inscribes? Igitur de quacumque re ad dicendum proposita copiosum sermonem effundere profiteberis? Ita est, Auditores, se putat Atticam musam cum sit Amusus, se cycnum arbitrabatur, cum pœnè sit graculus. Rideo ego Græcorum Rhetorum coryphæum, Gorgiam Leontinum, de omni argumento se interpellari poscentem; rideo Eleum Hyppiam in quinquennali ludorum celebritate nihil esse, quod ipsæ nesciret, efferentem, Gorgias præ nostro ARDELIONE est analphabetus, Hyppias abecedarius. Si digerenda sit in partes oratio,

tio, recensēbit ille quatuor ad fastidium
 vsque decantatas in scholis partes, exor-
 dium, narrationem, confirmationem, pe-
 rorationē; verūm si tanquam ad Polycleti
 canonē exordium compaginare voluerit,
 ex vetere aliqua oratione. Iouem ego opt.
 max., aut, Vellem, si fieri potuisset, Iudices,
 suffurabitur; tūm inanibus verborum ant
 fractibus in longum, cruciarijs veluti funi-
 bus distorquebit, & dum totam excurrisse
 orationem putabitis, tunc hærebit, velu-
 Cantherius in limine. Si narrationem ex-
 pedire mens fuerit, illam ordietur ab ovo,
 rem trahet, distrahet anilibus ineptijs, si
 confirmationis argumenta stipabit, paralo-
 gismos, & sophisticas congeret tumultua-
 rio captionēs: si breui collecta gyro cupiet
 vniuersa recolere, emendicata repetitione
 pueriliter ne syllabam quidem præteribit,
 vt in alteram recenter orationem perora-
 tio transeat. Si verba placet ad lancem
 traducere, antiquata, obsoleta, subbranci-
 da, qualia nec mater Euandri loquebatur,
 è veterum fodisse monumētis reperiemus,
 putante m se magnos eruisse thesauros, vbi
 omnia ficulnea sunt, se gemmis, & vnioni-
 bus variegasse periodum, vbi vetustum ali-
 quid è Plauto, vel Catone potuerit expis-
 cari, vel nuperum, & suo Marte fabrefa-
 ctum intrudere. Chirtilium pro rostris de-
 fendebat olim Sisenna (quæso ineptum li-
 teratorem attendite diligenter Auditores)
 mirificus verborum Iogodædalus, & vt à
 vocibus abhorrebat communibus, Chirtilij
 sputatilica dixit esse facinora. Detertitus
 fuit

fuit illa recentis verbi nouitate C. Rufus antagenista, & quasi metu quateretur insolito, circumuenior, inquit, Iudices, nisi subuenitis: Sisenna, quid dicas, nescio, metuo insidias, timeo dolos? Sputatilica, quid est hoc? quid sonat sputatilica? Sputa, quid sit, scio, tilica nescio. Si actionem libet expendere, vultum vel supinum ad arrogantiam, vel rigidum ad barbariem effinger, supercilijs cum Pisone, altero ad frontem sublato, altero ad mentum depresso respiciet, corrugabit nares, inquietabit digito, porriget, scindet, adstringet labia, humeros attollet, deprimet, mulierculas imitatus inflectet, micabit digitis, rotabit brachia, supplodet pedibus: quid plura? Vultis ARDELIONIS imaginem, & in rhetorico puluere Polyhistoris, viuis quasi coloribus exprimam? Accipite. Sit in primis audax, nauiter impudens, insignite nescius, cum pretiosissima talis viri supellex sit ignorantia. Releget ad extremos Indos, & paulò antè fabulosos antipodas pudorem, & verecundiam. Stentoris vocem vocalissimam, ac planè cantillantem ex imo pectoris sonore profundat: barbarum Æsculapium squalenti pilorum sylua, posthabeat, amictu nec omninò suffarcinatus, nec malè præcinctus; libellum pictis luxuriantem vmbilicis, vel bullis inoculatum argenteis præferat manibus, in omnium se cætus immisceat, protrita quædam, ac nota lippis, & tonsoribus verba sæpissimè iaciat, Quamquam, Arbitrabar ego, esse videatur, putidum Isocratem, inurbanum.

IN ARDELIONES. 65

num Demosthenem, frigidum Platonem, Tullium elinguem redarguat, se alpha oratorum, rhetorum antesignanum, Regem fori, Dominum comitiorum appellet; date veniam, ut illum verius ego nuncupem clamatorem, quam declamatorem, aratorem potius, quam oratorem. Recolite veteres animo sophistas, triviales illos Mathæologos, diuites verborum nundinatores, qui ventosam Græculorum nugacitatem, & vendibilem eloquentiam ad clepsydram profitentes, contra Socratis institutum hoc tantum scirent, quod omnia scirent, quin potius hoc tantum nescirent, quod omnia ignorarent, vel si tam multa scirent, mirum est maxime, quod se nescirent. Trasylaum quendam tanta insaniam fuisse correptum, loquuntur historiae, ut quotquot naues in Pyraeum adpellerent, crederet suas, voluptate maxima numeraret, diuitias, delicias fortunæ suæ in aurem omnibus obgarriret. Perinde se habent, aut etiam deterius huiusmodi pseudorhetores, ingenio Boeotij, in scientijs peregrini, rasæ tabula, honorem sibi alienum perfricta fronte deprecant, cum proprium exuerint, omnes se tenere disciplinas obmurmurant, cum sint hospites in tabella. Sed quæso non pudeat Æsopum, deridiculum alioquin monstrosa deformitate mancipium, ad irridendos ARDELIONVM conatus vocare. Æsopum norunt omnes qui literas norunt, scilicet hominem acuminato capite, quod æquè pilis tegitur, ac cicatricibus, frontè ful-

cis

cis enormibus inarata, naso in foraminibus amplo, in spina depresso, oculis in specum recedentibus, auribus immanitate barrinis, nigris labris, & liberaliter prominentibus, hispida barba ad mentum inhærenter inflexa, supinato pro breuitate ceruicis occipite, ventrosum, valgum, incurum, qui Thersiten forsan Homericum formæ turpitudine superaret. *Æsopum* igitur mercator *Ephesinus* venalem expositurus, *Samium* in emporium duobus cum pueris, altero musico, grammatico altero, & corporis elegantia, & leui doctrina commendatis aduexit. Fortè *Xanthus* nominis non penitendi philosophus, discipulorum stipatus agmine, contendit in forum, vbi turpissimum hominem, siue melius stipitem hominis, formosis interiectum adolescentibus conspiciatus, & ridere cepit egregium mastigiæ deformis aspectum, & mercatoris admirari consilium, qui comparatione deterima pueros reddidisset amicenitores. Tùm propiùs ad catastram accedens, venales adolescentes de illorum artibus percontaturus, sciscitatur à musico, quam disciplinam calleret. Musicus, ne se ignauum, omninò fateretur, se scire respondit, Omnia. Hic *Æsopus*, plumbeis ad risum labris, & buxeis dentibus ad iocum solutis, tanta vastitate buccam pirulentam laxauit, vt cachinnos etiam discipulis spectaculo circumfusus eliceret. Pergit *Xanthus* Grammaticum interpellare, quid sciret? ille non minus exhaustæ verecundia,

diæ, procaciori lingua respondit, Omnia. Non potuit Æsopus, ita se continere, quin eadem sanna exfrontem adolescentem exciperet, quare cum despiciatissimum sannionem, ita sociorum responsa rictu, & risu deludere cerneret Xanthus, quid facere nosset ab ipso repente quasiuit: Nihil, respondit Æsopus. Nihil? planè nihil. An non tu furciferos istos, & verberones audisti, qui omnia se tenere gloriantur? Quid reliqui factum esse mihi putas? Nihil. Dispeream, nisi ita res cum ARDELIONIBVS cādīt; Illi per omnem disciplinarum circulum peruolitarunt, sunt helluones librorum, voluminum gurgites, vorant, deglutiunt auctores; illorum iudicio Plato cæcutit, Aristoteles ineptit, Cicero garrit, Aquinas delirat, Peripatetici omnes, cimmerijs versantes in tenebris, ad lucem veritatis hallucinantur.

ARDELIONEM in historijs cupitis experiri? omnes ille historias breui temporis curriculo rediget in Ephemeridē, Xerxes, Alexandros, Romulos, Fabios ore conuoluet, exemplis adglutinabit exempla, & si quid speciosum occurreret animo, quasi gladium delphicum, ad omnem vsum inflectet. Si dictis auditor arrideat, tum à Deucalionis, & Pirrhæ nuptijs retexet ordinē, Atheniensium cicadas, Romanorum fibulas, Arcadum lunulas commētabitur, quomodo nauigetur Athos, pedibus teratur Hellepontus, sol Persarum telis opacetur, quot Aquilæ forent in Romana legione, quem

quem numerum remigum Vlyſſes haberet vtro oculo careret Annibal, ſtultiſſimè eſſet, cum veriùs ſit illum mentis oculo cæcutire. Annon cæcutiuit ille, qui per obuia hiftoriarû collectanea diſcurrens, & annalium breuialia conſectans D. Auguſtinum pro D. Auguſto Imperatore legebat? Non cæcutiuit ille, qui palimpeſtum triciſ quibuſdam, & apinis verborum infarciens, Thucididem, & Philiftum in hiftoria ſuperaturum ſe prædicabat?

In iuriſprudentia, vt altiùs videatur iura callere, Trebatium loquetur, & Cæſellinum, Auruncorum, Sicanorumq; iamdiu leges ignotas, & cum Carmenta ſepultas, Iliadem glosſematam, legum Centonem, auctorum Myriadem allegabit, Trebonianum è cælo delapſum putabis, cum in illû melius torqueri valeant in fatuos patronos proiecta diſteria, moneta tōſa, quia careat literis, Doctor neceſſitatis, quia cum legibus nauet operam, ſit ſine legibus.

Si de arte medica ſermo eſt, nūquam tā concinnè, tamquè opportunè Galenus, aut Hippocrates. Theſſali cuiuſdam Neronis imperio florentis ſuperior ætas adhuc vſq; tempora nomen tranſmiſit, qui cūcta maiorum placita obliterans, & æſtro quodam in omnes æui medicos iniquè iactatus, Iatronicen ſe inſcripſit, quaſi medicorum victorè. Quid de Menecrate dicam, qui cum caſu quodā desperatæ ſalutis ægrotos à ſe retro vindicaſſet, illos de pacta mercede coegit, vt aſſentatione veteratoria ſe Iouè appellaret? O bellû Iouè, qui tam improuidè

dè iuaret agrotos? satiùs te, vt Veiouem coluissent, non vt aliquid auxiliij, sed ne noxâ inferres. Hoc igitur cognomento vir arrogantis ingenij delectatus, Agesilao daturus epistolam, hanc præfixit epigraphen: Menecrates Iupiter Agesilao Regi salutē. Excāduit eo titulo Agesilaus, & Menecrates, inquit, erit Iupiter, Rex tantum Agesilaus? An fulmen erit epistola non tam manu vibrata, quàm ore? sanè si cadentia fulmina reboans præuenit tonitru, valdè tenat in epistolæ fronte huiusmodi Iupiter. Quid ni Aquila, Iouis internuncia, præpetib. librata pennis, epistolam detulit? fortasse ad calamum aptandū pennis Aquilam deplumauit. O Iouem amentem, qui pro ambrosia indigeret helleboro, pro nectare pharmacū haurire deberet. Sic Menecratis infaniā irrisit Agesilaus, & aspernatus euoluere vltèrius, respōsum atramento exarauit, cum debuisset sanguine, stylo, cum melius gladio, Agesilaus Menecrati sanitatē.

In logicis Chrysippæam eludit subtilitatem; valeat Zeno, valeat Protagoras, omnes in dialecticorum arena versatissimos, in angulum vnus adducet ARDELIO. Quid cum, per vniuersas argumentorum figuras excurrens, varijs rationum mæandris ingenium illaqueabit, tandem singulari mentis acumine illud euincet: Mus est in muro, ergo Deus non est in cælo?

Naturalem ingressus philosophiam penitiora rerum arcana introspectit oculis, si de principijs interrogas, ridet Anaxagoram infinita principia somniantem, ridet Plato-

70 IN ARDELIONES.

Platonem, qui duo, carpit Aristotelem, qui tria in scholas inuexit, ipse vñum tantum admittit, nempe scientiæ priuationem. Si de causis loqueris, cum sit nescio quo casu in orbem euocatus, vt monstrum, omnia temerè contingere asseuerabit: si de quantitate sciscitaris, superficiem tantum agnoscit, quia vix rerum superficiem intelligit; si de loco, vacuum concedit potius in capite, quàm in orbe; si de motu, negat momentaneum, cum sit ipse testudineus; si de infinito, se tantum existimabit infinitæ penè sapientiæ; si de tempore, suum nomen nunquam intermoriturum; si de cælo, cælos esse tēretes, cum sit ipse rotundus; si de elementis, pauca producet, quia versatur in elementis, vel aerem præferet alijs, quia ipse ventosus; si de corruptibili, & generabili corpore, Andabatarum more pugnabit, quia ipse eductus è stipite; si de anima, Pythagoræ merempsychosin admittet, quia totus transit in belluam; si de metaphysica periculum facis, se vnum verum, bonum vndequaque, bellum arte pilæ, bellum arte lyre, facientem omnia bellè, vocibus ampullatis ostentabit.

Nollem vastum Theologiæ pelagus malè compacta orationis cymba peruadere, sed in hos æstus ARDELIONVM me turbo compellit. In rimandis igitur Theologiæ reconditoris arcanis, est plane lynceus ARDELIO. Orationi meæ fidem conciliet Laurentius Valla Grammaticorum æquè princeps, ac optimas ARDELIONVM, qui contra instructissimas
theo-

theologorum phalanges, nescio quid inter hypostasim, & personam discriminis ineptè commentus, ferula munitus, & supercilio, personæ nomen larvis saturnalijs competere, non diuinæ hypostasi scelestissimè peierauit. Sed in eodem gymnasio, vbi Socrates de philosophia disserabat, aliquis fortasse otium tessera fallebat, aut pila; vt mirum non sit, è fustrina proficientem grammaticum, dum vltra corium pedem efferre contendit, personæ nomen ipsi Deo à viris tributum sapientibus, larvis tantummodo, in siparijs adiudicasse. Vitiū est hoc hominum loquaciorū, qui vbi primorib. labris facultatem aliquam degustarunt, se Socrates, Apollinis oraculo sapientissimos arbitrātur, ac vitio Pisoniano, cum loqui nesciant, sermonē cohibere minimè valēt, sibiq; videntur argutuli, licet omni sint pistillo retusiores. Tandem respondeāt vltima primis; sunt isti Dauliæ cornices, Arabici tibicines, ære Dodoneo loquaciores, hirundinū musæa, vocaliores cicada, musarū aues, prolixiores Iliade, Archytæ crepitacula, dū omniū aures importuna garrulitate delassant. Quorum ne videar ego, insanam æmulari multiloquentiam, & humanissimis, ac doctissimis viris creare velle fastidium, satis per ARDELIONVM vitia diuagatus, defigam hic anchoram, securus consistam in litore.

Dicebam.

Disciplinas faciliùs per aures ,
quam per oculos in inge-
nium transmitti .

O R A T I O .

Habita Romæ in Classe Rhetoricæ , cum-
cepit auctor eloquentiam pro-
feri .

Anno M. DC. XXVII.



Vo sunt, quæ mortalium animis
auctrix rerum natura conse-
uit N. N. inuenire disciplinas ,
& addiscere inuentas . Sed .n.
cum longa annorum serie, pertinaci studio,
scientias penè omnes in lucem inuexerint
primi rerum abditarum indagatores , illud
solummodo videntur nobis fecisse reliquû,
vt accommodam addiscèdi rationem , im-
buendis adolescentum ingenijs , expedire-
mus . Verùm vt dissidentia sunt hominum
capacitas pro genio quisque suo musis col-
locat operam , liberalesque artes inuita se
Minerua existimat aggredi , cû alieno du-
ctui obstrictus , propriæ non sequitur libi-
dinem voluntatis . Chærephontem Socra-
tis discipulum , per amica lunæ silentia , li-
bris euoluendis impalluisse , loquuntur hi-
storix ; Theophrastum autem ab Aristoteli
ore pendere, solidamque virtutem per
aures in ingenium transmittere maluisse ,
veterum monumenta testantur . Ego verò
vt operosum , molestumque semper existi-
maui

OCVLIS ADDISCENDVM. 73

maui laborem, qui in terendis auctorum codicibus impenditur, ita opportuniùs illos sum arbitratus, incumbere studijs, qui viam docentis vocem libenter excipiunt, emanantemque ab ore præceptoris doctrinam, bibulis auribus, avidissimè absorbent. Pro hac igitur parte, in hoc sapientum theatro pugnabo, Auditores eruditissimi, non tam vt discipulos meos ab inanium lectione librorum absterream, quàm vt illorum aures meæ diligentia appposito argumento conciliem, ne surdis omninò canere videar.

Doleo igitur cū Seneca studiosam quorundam luxuriam, qui cedrinis loculamentis misera scriptorum volumina damnant, florentemque pluribus librorum millibus bibliothecam instruunt, titulis gaudentes, & vmbilicis, cum tamen nullum illorum, prima excepta pagella, perlegerint, sed potius inter eruditas ingeniorum delicias oscitarint. Tantam enim librorum supellectilem non in studium comparant, sed in spectaculum, non in cultum animi, sed parietum; tenent in vinculis libertatis animi vindices, qui si forsitan erumperent, suasque partes agere possent, ineptum dominum ad iudicium, arctissimi carceris euocarent. Quàm stulta de librorum multitudine gloria, quos ignores? Caluissium Sabinum imitaris, qui seruorum suorum scientiam effretabat, dum intumescis, quèd parietes habeas eruditos, vel pueris quàm similis esse deprehenderis, quibus per noctem integram lampades ardēt, sed parùm adui-

aduigilant. Si voluminum opulentia doctum redderet eum, qui comparasset, bene esset diuitibus, qui parem facultatibus scientiam acquirere possent, dum libris coemptis, sapientiam quoque mercarentur. Imò cum ipsis bibliopolis, omni librorum genere affluentibus, doctrina, & eruditione certare quis posset? Non personuisset eruditae dissertationibus Platonis Academia, nemo Lyceum Aristotelis frequentasset, solus absque discipulorum turba Socrates incessisset, ubi bibliopolæ librorum simul euasissent, atque sapientiæ nundinatores. Non ita est, Adolescentes optimi; librorum multitudo sæpè sæpius officit, ad discendū, ut ad vincendum multitudo bellatorum; scriptis innumeris non enutritur ingeniū, sed necatur mole rerum, atque obruitur, medijsque in vndis, more Tantaleo, siti plerūque torquetur animus, hauriens nihil, omnibus inhians. Apollinis simulachrum quatuor olim auribus Lacedæmonij donarunt, ut sapientiam ostenderent, cuius imaginem Apollo referebat, multarum auditione rerum enutriri. Quin ipsi physiognomones, qui indolem animi ex notis corporis, cum quadam veritate coniectant, ex auribus pressis, & simiarum ad instar adherentibus, stuporis, & imperitiæ signum eliciunt; quæ si paulisper promineant, & extent, mentem ad omnia compositam arguunt, & in studijs mirificè profuturam. Memoria repete, veteres omnes literarum mystas, antistitesque sapientiæ, ignotas peragrasse terras, ac dissita ab orbe litora

tora perquirendis præceptoribus appulisse reperietis. Pythagoras, vt magicis excelleret artibus, emenso sapius oceano, ad Persas vsque penetrauit; Pilato, suscepta orbis peregrinatione, ad scientiarum adæptionem annos viginti contulit; Cicero Athenas, Pontum, Asiam, repetitis itineribus perlustrauit; Apollonius Thyanæus, monstrum illud humanæ virtutis, quæ non traiecit maria, quæ non regna peruasit? inuisit Græciam, pertransijt Arabiam, cucurrit Æthyopiam, processit in Indiam, coniecit se vsque ad extrema mundi confinia, & quorsum ista? nisi, vt quam librorum cineribus frigidam, ac penè demortuam repererat, in hominum linguis viuam, spirantemque virtutem, velut è folio differentem audiret? Sed esto primas disciplinas, insita omnibus imitandi facultate adolēcentes acquirant, an poterunt selectæ florem eloquentiæ, inuolutas logicæ syrtes, obscura physicæ arcana, subtiles metaphysicæ theses, innumeros theologiæ nodos delibare, euadere, indagare, dirimere, extricare? Quid capere aliarum artium difficultates imperuias, quæ numero mentem obruunt, labore deterrent verfatilem etiam aciem ingenij; quid linguarum addiscere varietatem, tot characteribus distinctam, tot præceptis implicatam, tam difficili pronuntiandi ratione permistam? Virtutis domicilium super inaccessæ rupis apicem veteres collocarunt, ad quem summo vix labore possemus adrepere, nos facili ascensu sublimen verticem præ-

feruolare credemus? Quot Bellerophontes, dum ingenij pegaso rerum altissimarum peritiam nituntur attingere, ipsis exidunt ausis, quæ nimia periclitatione tentauerant? Quot Icari rerum felicitate gestarum elati, propriij sudoris aquis obruuntur, quibus ad cælum euolare putabant? Gloriari quidem bono suo possunt rarissimi hominum, propitio cæli vberè largiùs enutriti; iactare possunt sibi genus ab Ioue summo, numerare parentes aquilas, & accipites proavos, quòd minimè conuiuentibus oculis sapientiæ fulgorem sustineant; sed in mundi theatro non proijciuntur hæc munera promiscuè cuicumque; vnum natura phœnicem ad solis noluit radios caligare. Impositum olim lapidum aceruo Mercurium hærentibus in triuio itinera commonstrantem sæpè legistis, Auditores, quia ductore opus est, atque doctore, viam virtutis inuiam terentibus, ni salebris implicari cupiunt, vel à recto tramite toto cælo deflectere. Quid cum Theseum effingunt Minotaurum in Creteò labyrintho subegisse, seque Dædali astu, Ariadnæque auxilio de flexuosis viarum errorib. expedisse, nonnè per inextricabiles scientiarum anfractus, alieno nos indigere consilio declarant? Iupiter ipse, vt Plato loquitur, in orbe condendo quendam videtur habuisse consiliarium, quasi supremum illud religiosæ vetustatis numè concinnè adèd mūdum cōpingere nesciuiisset, inoculare cælum sideribus coruscantibus, tellurem pingere amenissima viriditate, conuestire arbores

OCVLIS ADDISCENDVM. 77

bores luxuriantibus frondib. ditare maria
 vnionibus, ac lapillis, terræ imum, igni sū-
 mum, aeri, & aquæ intermedium locum
 ascribere, nisi socium in mirabili opificio
 admisisset, rerumque gerendarum consul-
 torem. Sed enim hoc sacris forsam à pagi-
 nis mutuauit, vbi rerum molitor omnium
 Deus, in primi formatione parentis, diui-
 nas ita personas allocutus esse describitur.
 Faciamus hominem ad imaginem, & simi-
 litudinem nostram. Proh quàm accommo-
 dè theologorum hūc dogmata veniunt? Si-
 nite, Auditores, me ne animum tollere al-
 tius ad sublimia. Sanctissimæ Triadis ope-
 ra ad extrā, vt scholarum vocem vsurpem,
 indiuisa esse, abyssus sapiētię, Thomas edo-
 cuit, itaut nullam Pater rem valeat vnquā
 in lucem euocare, quin ad eandem è nihilo
 prouehendam, & Filius, & Sacer Spiritus
 vnanimi suffragio conspirent. Faciamus
 hominem. Alloquitur æterni Senatus bea-
 tissimas personas, quid de homine diuinā
 ad imaginem compaginando, voto sentiāt
 suo; alloquitur sapiētissimos æqualis, & in-
 terminata ætate seniores, an conditi orbis
 incolam, vniuersis terræ belluis imperatu-
 rum, procreare cōducant: nimirum, vt inno-
 tesceret nobis, dedecere hominem, in reb.
 arduis aggrediendis, propria dulci libidine
 ingenij, cum Deus ipse, à consorte diuini-
 tatis confessu, voluntatis arbitrium exqui-
 sierit. Habet, habet viua vox latentem,
 quandam energiam, qua sese animis insi-
 nuet etiam inuitis, cumque per aures ad
 mentem sensuum delata vehiculis permea-

rit, imprimat ibi firmiter disciplinas. Cur sibi oculos ad philosophiam accessurus effodisset Democritus, nisi vt, clausis oculis, totam per aures in animum lucem transfunderet, ac tunc lynceus fieret occulte veritatis inspector, cum sedulus esset alienæ vocis auditor? Cur cæcos in omni ferè disciplinarum genere versatissimos reperi-
mus, nisi quia transmissæ per oculos rerum species ingenium ad plura rapiunt, imò tenebras illi quodammodò offundunt, oculis lucis beneficio nouas imagines suggerentibus? In choro poetarum primam occupat sedem Homerus, cæcus belli Troiani scriptor, descriptor oculatus: Inter oratores eminet Appius Claudus, qui mentis oculis pacem cum Pyrrho inhonestam fore præuidens, in curiam delatus felici illam euentu dissuasit. In iurisprudencia antesignanus fuit omnium C. Drusus, quem cæcum in causis ducem, pedibus in eius sententiam cundo, sequebantur; Apud theologos, quibus euehitur præconijs cæcus ille Didymus, diuinarum peritia literarum illustris? Bellica laude quantum floruit Ioannes Rex ille Bohemus, qui pro Gallis aduersus Anglos ancipiti Marte decertans, cum suas inclinare acies intellexisset, in eam dirigi partem, vbi Rex hostium cum robore exercitus dimicabat, enixè contendit, tum equo stimulis adacto, eò se præcipitem dedit, quò spectare alij, cæcumque oculis prosequi vix audebant. Hoc enim verè fuit cæco Marte contendere, cum bel-
lator præferuidus clausis oculis, Andaba-
tarum

tarum moræ pugnaret. Fortunæ cæcæ de-
 uelauit oculos, vt cerneret, à cæco se duce
 medijs in certaminibus queritari. At illum
 hic mihi video scopulum obijci; ad ma-
 thematicas artes addiscendas oculis magis,
 quam auribus discipulum indigere, cum
 nequeat rerum figuras, & corporum perci-
 pere dimensiones, nisi ipsis oculis linea-
 rum ductus, & longitudo subiiciatur. Ve-
 rum, vt ego arbitror, plurimum esse oculis
 tribuendum, ita viros cecitate laborantes
 inuenio, mathematicarum peritia clarissi-
 mos Diodorum Stoicum loquor, Cicero-
 nis didascalum, qui geometricis descriptio-
 nibus operam collocans, alienis manibus
 lineas protrahi præcipiens, suo de illis inge-
 nio differebat; Loquor Aloysium Grot-
 tum, lumen illud Atrianæ ciuitatis, qui lu-
 culentissimos de sphaeris cœlestibus libros
 posteritati dereliquit, supernorumque or-
 bium naturam, licet orbus inspexit. Aures
 igitur à vobis postulo, Adolescentes optin. i,
 & vt olim à discipulo Isocrates mentem, &
 calamum exigebat, ita attentionem, & stu-
 dium vobis summopere profutura depos-
 co. Claudam egregio Hesiodi vatis effato,
 optimum esse, qui per se omnia nouit, quod
 solius est diuini intellectus, proximum
 huic, qui viros sapientes audit, qui neu-
 trum præstat, penitus esse inutilem.

Dicebam.

In eos , qui sua studia præcipient.
tant.

O R A T I O .

Habita Muriani in Seminario Patriarchali pro studiorum instauratione .

Anno M. DC. XX XIV.



Antea est humani ingenij in disciplinarum adeptione peruersitas, ut audivissimam sciendi cupiditatem, quam cordibus omnium natura parens iniecit, opportunis nolint homines studiis exaturare, sed festinatis obruere. Iocularia sunt ista precocium Adolescentum deliramenta, qui, ut ingenij celebritatem ostendant, vanæ gloriolæ pellecti delicijs nondum delibatis rei grammaticæ primordijs ad altiores artes manibus illotis irrumpunt satis se adeptos celebritatis existimantes, cum scientias omnes primo transcurso velut è limine consalutarint, nullam penitus introspexerint. Verum, ut semen nullum, quamvis bonus ager ac fertilis magno reddit cum scœnore, nisi illud gremio mollito, atque altius subactò sparsum acceperit, ita summis excolenda laboribus est versatilis etiam ingenij præstantia ne perfunctoria doctrina leuiter imbuti studiorum herbas amputare cogamur, antequam in segetem maturecant. Qui enim
ad

STVDIA PRÆCIPITANT. 81

ad altioris doctrinæ fastigium cupit ascendere auctorum volumina non cursim legere debet, sed pedetentim incedere, non inconsultò præteruolare, sed attentissimè insistere, non sorbere animo, sed sugere, mandere consideratione, non oculis deuorare, non populari trutina, sed accuratissimo iudicio, tamquam aurificis statera perpendere. Et quoniam prætermiſſa iam studia hodierna debemus luce solenni lustratione repetere, adolescentibus nostris, ne in annua nauigatione naufragium faciant iussus sum ipse tot eruditis ductoribus nauta imperitior intento veluti digito ostendere scopulos solerti velificatione fugiendos.

Neque vero pro signo monstrante polum, pro astro duce nauigationis indigitabo maiorem, aut minorem Vrsam, quibus Nautæ veteres utebantur, ac nostri, sed Vrsam lambentem scetus suos, quàm Virgilius imitatione laudabili sequebatur, vt non contenti scriptionibus, quas nostrum ebulliuit ingenium ad exprimendâ in nobis quadrati hominis imaginem adspiremus. Indigitabo Delphinum anchoræ implicitum à Tito Cæsare, vt nimiam velocitatem morosa tarditate temperandam sciamus. Indigitabo celeberrimum Augusti numisma, in quo nobiliori fortasse inuento, quàm Titus, illud idem præceptum expressit, cum fulmen, & terminum iussit insculpi tacitè monens non debere stylum multa scribendi cupiditate per codicillos fulminis instar rapi, & incredibili celeri-

tate decurrere, ut benè longam vno die orationem euomas, aut sexcentos versus stans pede in vno profundas, sed debere velocitatem fulminis termini stabilitate rerineri, ut stylus in scribendo tardum fulmen, & celer terminus videatur ut eloquentiæ studiosus in lucubrando laudabiliter lentè festinet. Cur modo priscum illud scientiarum virorem nostra hac tempestate penè exaruisse dolemus, cur deformi quasi senio confectæ, prostratæque iacent disciplinæ, cur eam maiestatem, quàm præfert in hominibus excellens, exquisitaque doctrina iam penè apud omnes despectam deploramus, nisi quia desultorij scientiarum indagatores, imperitique ardeliones contemptibilem obstruserunt? Vana siquidem, ac planè ridenda nonnullos inuasit opinio, non esse pertinaci studio ad Cleanthis lucernam miseris chartis impalescendum, sed sufficere multiplicis eruditionis libros prima lecta pagella leuiter percurrisse, cum in ciuili consuetudine nunquam, vel saltem rarò Philosophorum, aut doctorum hominum placita feueriori lance librentur, sed per mutua colloquia, velut prætereundo recolantur. Sanè illud in rebus à natura productis fieri cernimus, ut quæ leuioribus orsa principijs effudit, paulisper ad amænissimum florem elegantiae perducatur; arbores enim primum inoculantur, mox pubescunt, folia enata pube formantur, formata panduntur, hinc flosculos ridere, gemmas turgescere, fructus tumescere videas, ut ma-

gnum

STVDIA PRÆCIPITANT. 83

gnum illorum dedecus existimandum sit, qui cum ad florem eloquentiæ adulescere deberent, fructus se reddere copiosissimos festinata maturitate gloriantur. Egregiè iocatus est in huiusmodi sciolos, & polyhistores Menedemus Eretrienſis, cum illos, qui studiorum causa Athenas concederent primo anno Philosophos fieri, secundo Rhetores, tertio rerum omnium imperitos aculeato sanè sconeſmate pronūciauit: sit enim sæpiſſimè, vt qui Orbem illum disciplinarum, quem Plato vocauit Encyclopædiam, percurriſſe omnem gloriantur, ac proinde ſtatuum in curia poſtulant, vel in Prytaneo publicis ſumptibus enutriſi depoſcunt, hoſpites in elementaria tabella inueniantur, primisque in literis peregrini. Quamobrem rectè monet Arrianus eos, qui feſtinanter nimium Philoſophiæ fundamenta iacere, cereas de rebus habere opiniones, quæ primo Solis icte radio repente liqueſcunt Icarum temeritatem æmulatos, qui cum medio tutiſſimus ire negligeret deſluentibus præ nimio Solis æſtu pennas in vaſtum, non tam aquarum, quàm ignominia pelagus temerario auſa præcipitauit. Illos ego appellarem appoſita comparatione Tarentini Archite Columbas, dum humani fauoris aura compulſi, alta quædam, & eximia meditantur; verùm deficiente ſtatim vento extabescunt, & ad terram alluſi franguntur: appellarem Ætnæos venatores, qui, velut inuita Diana feras perſequantur, captant ſemper, capiunt nihil; cum enim Sicilia

floribus vndequaq; vernantibus picturata
 sit, eorundem fragrantia canum alioquin
 sagacium nares ita hebetantur, vt olfactur
 carere iudicentur; ita dum per florea libro-
 rum vireta diuagantur nasutuli scientiarum
 desultores, non modò à rebus serijs abdu-
 cuntur, sed in ipso conatu, in ipso cursu
 languescunt: Imbuuntur enim plerumq;
 inani quadam ex estimatione propriæ vir-
 tutis, & Hispanicas equas imitari concepto.
 Fauonio intumescunt, cumque spem hanc
 vel indulgentes nimium patres, vel indocti
 interdum præceptores enutrient, & latent,
 nil mirum, si, cum ad sapientiam creuisse
 velut adulti creduntur, serpente ad genas
 languine reperiuntur infantes. Ostentant
 illi quidem extemporalem scribendi facul-
 tatem, ac subitariam mentis igneæ lucem,
 velut prompti, atque in numerato positi
 ingenij argumentum: verum, si me audias,
 habent illi in numerato ingenium, sed tã-
 quam monetam tonsam, literis carentem,
 habent lucem, sed è fumo natam in ictu
 oculi pereuntem. Exemplo sit vobis Her-
 mogenes, qui annos natus octodecim ar-
 tem Rhetoricam edidit, sed cum quartum,
 & vicesimum attigisset, mente lapsus, om-
 niumque penè rerum oblitus ineptiuit, ne
 solum Poetica sanos Helicone Vates ex-
 cluderet, cum etiam Rhetorica lymphati-
 cum aliquando in delirantibus Oratoribus
 furorem admittere compellatur. Exemplo
 sit Cæsar Caligula, qui præcoci festinatio-
 ne plures disciplinas edoctus, lunam tan-
 dem velut amasiam nocturno tempore vo-
 cabat.

STVDIA PRÆCIPITANT. 85

cabat in amplexus, lunaticum eo ipso caput, quod lunam amore sui deliquium pati putaret, vel imminuta interdum luce colliquefieri. Quàm sapienter igitur virtutis domicilium confragosis in rupibus, ad quas non nisi magno nisu liceret adrepere, ingeniosa collocauit antiquitas; quia foelicissimo virtutis hospitio nullus excipitur, nisi qui peracutos vepres, & saxa penetrauit, inaccessamq; viam difficili expeditione planauerit. Huc non inscitè refero mysticum illud biuium, duplicemque illam portam, alteram, quæ mortis regiam intrantibus aperit capacem, & amplam, alteram, quæ vitæ, & virtutis nimis angustam, & humilem; quò gygantes illi terreni, & grandia spirantes Polyphæmi non inferunt pedem, quò nullus Sardanapalus, nullus Epicurus cum turgido saginati ventris tympano penetrat, solus studiosus, pallore lqualidus, macie diminutus ingreditur. Et cur olim Mineræ Statuas sedentis specie fieri solitas legimus, cur aliquando etiam testudinem pede præmere fingebantur, nisi quia Palladis sectatores in bonis artibus capeffendis testudineo debeant passu procedere, quiescentisque animi compositione plurimum immorari? An non in rebus etiam bellicis idem prosecuti sunt institutum prudentissimi Romanæ Reipublicæ patres, cum Terentio Varroni iuueniliter exultanti Paulum Æniliū ætate, & consilio maturum adsociarunt, vt sua prudentia furorem alterius temperaret; cū Fabium Maximum eum quidem cuctato-

rem Marcello iunxerunt, ut huius celeritatem sua moderatione reprimeret? Equo frequenter excutit infessorem nimia pernicitas; impetusque suis sæpe sternit aurigam in verbera ruentem, ac pronum, qui nullum subiisset mortis articulum, si cum moderamine, ac mora reducere voluisset haberias. Recogitate Elephantum decem annis, ut fama pererebuit, vel biennio, si naturæ interpreti credimus Aristoteli, materni uteri carceribus contineri, ut integer, absolutus, expectationi respondens in lucem edatur: recogitate canem multos quidem, paucis tantum à conceptu diebus, sed clausis oculis propemodum cecos emittere catulos, ut satius profecto sit tempestiva maturitate parientibus ingenijs factus prodire tardiores; quam abortus celeriter editos propediem interituros. Quantum in libris defudavit laboriosus ille Cleanthes, vel Asini titulo gloriosus, quod solus ferre posset magistri sarcinam Zenonis, vel iure Herculis cognomentum promeritus, quod ipsum Alcidem monstrorum domitorem laborum numero, & magnitudine superarit? Quantum laboravit Attica illa Syren Demosthenes, ut laciniosum Thucididis stylum imbiberet, dum nullius pari labore Thucididem totum, quantus quantus est, octies manu propria descripsit, ut vberimum illum dicendi modum exsorberet, hauriret, ac suum faceret? Dyonisius ille non temulentus, & belluo, qui à Poetis describitur, sed bellator, & sobrius, cum Indiam magnis præ-

STVDIA PRÆCIPITANT. 87

prælijs accisam subegisset, pro clarissimo suæ gloriæ triumpho templum habuit sexcentis sexaginta quinque gradibus è saphiro constructis impositum, vt ostenderet, se per totidem virtutum, egregièque factorum non incruentum decus ad illius honoris apicem ascendisse. Tu verò humani monstrum ingenij, tuorum Narcisse operum, tanto tui ipsius amore capieris, vt quasi bicipiti in Parnasso somniaueris, aut Caballino fonte labra prolueris, possim, scientiasque omnes hausisse arbitreris? Quæ statim præstigiæ tuos oculos occuparunt, vt tam citò tua tibi placeant omnia, vt simul editum calamo perfectum existimes tui scætum ingenij? Nescis præcoccem, nimisque celerem cucurbitam in altum se cacumen breui admodum spatio efferentem leui momento deficere? Nescis infantes, qui citò dentire incipiunt, celerrimè dentes excutere, eosque, quicitiùs ingrediuntur, ac pedibus insistant, inualidis, minùsque firmis cruribus esse, solere? Nescis, quod olim Alcestes cuidam obijcienti, quòd non nisi tres versus immenso labore consarcinasset, cum ipse centum præcipitante calamo proiecisset, piperato diuerbio responderit? Benè, inquit, nam tui in triduum tantummodo, mei verò, in æuū omne sufficient. O responsum ijs accomodatissimum, quorum calami non scribunt, sed scriptitant, non exarant, sed arant, non pingunt, sed tingunt, non velut ab alis volucrum auulsæ pennæ, pigri sunt, & tardi; sed ad pri-

stinam naturam volucrum recurrentes, cōsuetudinemque pennarum nimia pernitate volare videntur. Sit virtutis semita, perplexis ambagibus, ac spinis obsita; sit prærupto calle saxis asperimis arduo confragrosa, vepres omnes, ac senticeta defultores isti scientiarum inoffenso pede percurrent, quasi secum liquores illos Chymicorum afferrent, quibus durissimos lapides emollescere, & ferrea marmora infringi Chrysopæiæ professores ostendunt. Non ita Zeuxis prædicto Poetæ planè dissimilis, qui Agatarcho pictori depingendi celeritate magnos sibi spiritus assumenti, moderatamque huius tarditatem imprudenter, atque impudenter vellicanti longo se quidem, dixit, temporis interuallo depingere, sed in longum quoque tempus prospiciendo æternitati depingere. Quàm vellem igitur, Adolescentes optimi, vt blandimentis sensuum posthabitis ad literas addiscendas toto pectore incumberetis; quàm vellem, vt puerilibus ineptijs, & festinatione relicta, pertinacibus studijs inhærentes, vestro nomini immortalitatem, stylo perpetuam laudem, labori decus æternum quæreretis. Illud vestris resideat natura ita comparatum esse, vt nihil magnum citò fiat nullumque solemnibus coronarij in Olympijs, dulcis sine puluere palmæ.

Nicebam.

ACCERSITA⁸⁹ GENTILITAS.

A D

Summum Pontificem.

ORATIO HABITA.



Obscurum est illud B.P., quod in meridiana diēi claritate cælum portendit, dum inopinato noui luminis radio collucet. Ambigo, an refulserit in nocte dies, an verò cum die nox ipsa permanferit, cum fidus adhuc per cæli spatia percurrat, solque iam extimam terræ faciem irradiarit. An, edito in hanc auram Bethemítico infantulo, stellæ simul cum sole splendent, vt diem multiplici face succendant, vel potius nox est, quàm stellis, & sole nouus sol ipse conuestit, vt emicare faciat in media nocte meridiem? An quod ineptè Plotinus asseruit, preces nostras, & iaculata in altum ex imo corde suspiria stellæ percipiunt, nouumque sidus ex orbe suo prodijt, vt vagientis in sceno rupuli, vihibusque implicati fasciolis eiulatur audiret? An stellæ, vt fabulantur Astronomi, solem quocumque processerit, insequuntur, cumque sol ex oriente caput extulerit, ista quoque stella in oriente primum aspecta, Hierosolymitanam ad urbem cum sole festinat? An

po-

potius, vt consequentibus annis cum stellam in aeris spatio fulgere vidisset Hadrianus, Antinoi formosissimi pueri sidus esse retulit, quem fabricandis ille præstigijs immolauerat, ita occisum ab origine mundi, & in crucis ara offerendum demonstrat hæc stella puerulum, vt omnes teterrimi hostis insidias à nostro capite euertat? Hoc sanè arbitror voluisse nuperum sidus indicare, & ab extremis terræ partibus Sabæos euocare Dynastas, regio comitatu venerabundos, vt nouo infantis imperio libera colla submitterent, qui non venerat, vt pugnaret viuus, sed vt triumpharet occisus. Agedum igitur dum lingua in aeris campo ignita Deum prædicat, & admissas ad Dei amplexus gentes muto sermone gratulatur, non taceat, qualicumque verborum apparatus, de istis nostræ religionis auspicijs oratoris infantia.

Allegarat in terras supremus rerum omnium molitor vnigenitum filium, vt Deus Iudæorum esset, & gentium, vniuersasque ad se pertraheret omnium voluntates, nec sineret, in barathrum æternæ labi calamitatis, quos erat, sanguinis effusione, ab antiqui draconis faucibus erepturus. Debebant isti duo parietes, qui venerant ex diuerso, in lapidem, qui factus est in caput anguli, coire; positus est in medio lapis angularis, vt vtrumque ad se parietem duceret, vnunquæ redderet communionem vocabuli, quò fierent vnum in vna gratia Sacramenti. At obstinata Hebræorum

rum perfidia porrigenti dexteram Deo re-
 nuit annuere, sed in sua obfirmata duritie
 in vitiorum cœno iacere voluit, cum vo-
 caretur ad cœlum. Ita pisces, quos ca-
 pitones appellant, aquam adeò cœlestem
 oderunt, vt excæcari dicantur prorsus vt
 Hebræi, quorum dum mentes Deus maio-
 ribus irrigauit muneribus, tùm melius or-
 bati sunt oculis, vt ducem videre non pos-
 sent, vel stella, quæ solis rotam decore
 vincebat, commonstrante. Verè capito-
 nes, turgenti superbix capite cœlo aduer-
 santes, gygantum gentis, excæcati corde,
 populus obdurefcens, familia Pharaonis.
 Myfterium huiusce veritatis quid ego re-
 censeam in irrogata super Iacob, & Esau
 benedictione propositum? Vtrique appre-
 catus est pater de rore cœli, & de pingue-
 dine terræ affluentiam, sed rorem cœli ter-
 ræ pinguedini præmisit in Iacob, pingue-
 dinem rori præposuit in Esau, quia licet
 super vtrumque gratia cœlestis deberet im-
 pluere, Iacob tamen gentilitatis Imaginem
 referens, in cœlum magis esset oculos, & de-
 sideria directurus, Esau verò, Hebræorum
 simulacrum, cœli rore cæcutiens mundi
 vellet commodis adhærere. Nūquam adeò
 graphice psalter ille diuinus euentum hu-
 iusmodi præsignauit, quàm cum Deum de-
 scensurum nos monuit, sicut pluuiam in
 vellus, & sicut stillicidia super terram stil-
 lantia. Heu vellus non iam aureum, sed è
 morbo ouium grege detonsum; heu pha-
 risaicæ animantia caulæ? quot in vos bene-
 ficiorum cataclysmi defluerunt, quoties,

in cordis vestri tellurem, cœli cataractæ munerum effudere torrentes? quid profecistis? Cibus olim leuissimum stomachus vester delicatè fastidijt, carnibus, in morem pulueris, ex alto demissis benè saginati cæpas, & allia, proritando palato, quæritastis, Deum natum stella noua, cœli quasi digitus indicat, vos ab itinere deflectitis, aberratis? Verè super vellus cecidit pluuia, quia super pecudes. Felices Reges, nouella Romanæ vineæ germina, qui rorem insignis adeò beneficij libentissimè combiberunt, vt etiam nimio ardentis cœli calore torrefacta tellus orientis, hianti-bus vbique rimulis, multiplici velut ore, pluuiam conclamans, vbi solutis nubibus imbres ceciderunt, auidissimè absorbet. Repetamus animo, Patres, cum æstuantifiti torqueretur Dauid, aquam cisternæ Bethlemicæ quanto ardore expetiuerit, qua fortitudine in obseptas ferro acies strenui commilitones irruperint, & haustum galea liquorem quàm celeriter deportarint. Bibe, Iudææ Imperator, auidam exple cupiditatem, ablue fauces iam aridas, saltem degusta, quid renuis? An vitam recreare frigida respuit, quæ alios in vitæ discrimen adduxit. An maioris hostium victoriam, aquæ profusione demergere? An aquæ potum vertere cupis in sanguinis saturitatem? An times, ne à ferrea casside ferrum contraxerit? An, vt aqua sparsim proiecta, symbolum sit sanguinæ inimicorum cladis? An potius tuæ gentis flagitium præcurrenti mysterio declaras, quæ cum Chri-

stum

flum aquæ fontem in vitam æternam fa-
 lientis, suis, vt ita loquar, in manibus ha-
 buisset, illius aquarum dulcedinem deliba-
 re noluit, sed aspernata est? Ignea olim,
 columna per cimmerias Ægypti tenebras
 eduxit incolumes, in meridiana luce, stel-
 læ Deum ostendentis ductum non sequun-
 tur. Potuit portentum hoc ab oriente Re-
 ges excire barbaros, Israelen, gentem ele-
 ctam edocere non potuit. Nouerant sa-
 pientissimi Reges, Mineruæ, hoc est, fictæ
 sapientiæ natali die, Rhodum insulam au-
 ro fuisse pluuiæ conspersam, cumque stel-
 lam auream cernerent, in terras aurea lu-
 ce depluere, non è Iouis capite, sed è Vir-
 ginis utero, veram prodijisse sapientiam co-
 niecerunt. Hinc præter alia munera, au-
 rum adoraturi largiuntur, vt nouo prodi-
 gio non cælum dumtaxat, sed ipsam quo-
 que terram auro facerent exundare. Tunc
 patuit oraculi veritas: Populus, quem non
 cognoui, seruiuit mihi. Sed quæ res vn-
 quam, quæ atomus diuinam potest latere
 sapientiam? Cognouit quidem, sed, vt
 Rupertus enucleat, non cognouisse pro-
 nuntiat, quia sculptus non erat in duode-
 cim lapidibus rationalis. Elegerat sibi Deus
 duodenos Hebræorum ordines adoptarat
 sibi populum vnicè carum, sed heu? satis
 habuit in lapide scribi gens planè silicea, in
 signum adamantinæ obstinationis. No-
 uam ad se Deus vocauit gentium Eccle-
 siam, quæ cum non contineretur in literis,
 nouum in cœli tabula aperuit stella docen-
 te, alphabetum, vel in terris iam conscri-
 ptam

ptam cœli asterisco designauit. Nos fuimus in huius sortem hæreditatis electi, vt ablegatis idolorum cultibus Deo viuenti deseruiremus, & qui eramus longè, reuerſi de regione, ac religione longinqua infidelitatis, fieremus propè, capiti nostro adhærentes, genus electum, regale sacerdotium, populus acquisitionis. Vtinam ſicuti tam feliciter ab oriente gratiæ cœleſtis, vitæ ſpiritualis iter incepimus, inuento domino, per ſtatum gloriæ, eodem obtento perfruamur in patria.

Dicebam.



95

Triplex sub vno fidere lu-
men gratiæ.

A D

Summum Pontificem.

ORATIO HABITA.



Nouas semper excogitat rapiendi
cordis humani rationes diuinus
amor, B. P. Cælos celare nobis
diuinam bonitatem non arbi-
tror, sed potius, ignito fide-
rum eloquio, Dei gloriam enarrare, pate-
facere maiestatem. Ecce noua stella iacen-
tem in cunis infantem enuntiat, quia vel
ille adhuc expers loquendi laceris vagiebat
in pannis, vel quia inconditam, similem-
quæ omnibus vocem, scelera nostra de-
plorans emittebat. Quamquàm fidus hoc
pyramidato radio comatum, opportu-
niori cometem vocabulo dixerim, cum
hebraico populo supremum minitetur exi-
tium, erumpentemque gentibus fœlicita-
tem portendat. Dum enim Sabæos è suis
regionibus Principes euocat, dum per
spatium longissimi itineris comitatur,
dum pleno delapsæ maiestatis in stabulo
sistit, illud tandem nobis insinuat, Deum
cœlestis munere gratiæ corda præuenire
mortalium, socium in via salutis acce-
dere, in patriam securos inferre. Hæc
vbi

96 TRIPLEX SVB VNO SIDERE
vbi demonſtrauero, ſtellæ ſignum inter tot
lumina Romanæ curiæ demonſtrauero.

Nſcitur igitur ſtella in oriente, quia te-
nebricoſis in mentibus, gratia quoque di-
uina ſolem iuſtitiae præcurrit. Deus ne re-
linqueret in obſcura errorum caligine
gentes cupidas lucis, duplicem aperuit
orientem, ſeu potius à profani ritus occaſu
ad Romanæ veritatis orientem euocauit.
Quomodò enim vnum Deum ſine Deo
Chaldæus adoraret in terra, qui in cœlo
dijs totidem, quot ſiderib. ſeruiabat? Quo-
modò aſtronomus Deum inueniret in ſtel-
lis, niſi ſtella Deum ad terras deſcendiſſe
commoneret? Quomodo reuocatam ab
idolorum cultu nationem ſibi Chriſtus de-
ſponderet in fide, niſi diuinus amor nup-
tiales è cœlo facem præferret? Quinimò
æternus ille ſponſus dilectam ſuam antece-
dere voluit, & quoniam peregrina venie-
bat è regione longinqua, domicilium illi
excipiendæ, quamuis in alieno diſpoſuit.
Hinc rectè cum Adamum Eux cæleſtis
Hymen iunxiſſet, ſanctoq; coniugij fœde-
re copulaſſet, daturus ſeræ poſteritati præ-
ceptum, viro potiffimum, vt patrem relin-
queret, iuſſit, & adhæreret vxori. Oblitos
ne dicam huius decreti tardos, bardosque
degeneris familiæ nepotes, cū noſtris hiſce
temporibus virgines ſoleant, paternis ab-
ſcedere domibus, & in mariti ſe lares cum
dote transferre? Nonne mulier in alienam
inſerta gentem, alterius etiam gentilitatis
euadit? Hærerem, ſi de terreno connubio
ſacræ paginæ loqueretur oraculum, ſed
cum

cum diuinæ mentis interpres, Apostolus Sacramentum hoc explicet, magnum esse in Christo, & Ecclesia, quis non videat Deum ad despondendam sibi animam, leges humanas prauertere, suæque primùm igniculo gratiæ nostrum amorem accendere? Cur in præsepe descendit, vt pastor, nisi vt oue quæ perierat, reperiret? cur nocturnum tempus, furis ad instar, tenebrarum silentia quæritantis elegit, nisi vt hominum corda alto scelerum veterno consopita furaretur? Sed ecce, quos è suis eduxit vrbibus reges, eodem sidere prosequente, Hierosolymam comitatur, quia nunquam cælestem festinantes in patriam diuinæ gratia destituit. Non illos montium inhospita terruerunt, non igneam voluntatem perfurrentes in arenis Ægyptijs venti difflarunt, non immensi itineris longitudo lassauit, vberior in atrociori discrimine virtus conceditur, plura beneficia periclitanti populo condonantur. Quæ maiora supplicia, quam in rebellem Ionam expediebantur? Fremunt fluctus irati maris, sænit diris ventorum turbinibus immissa tempestas, cælum atrarum nubium concursu conglobatum non alio, quàm igneo fulminum lumine coloratur, naus extremo salutis articulo, vel alliditur scopulis, vel vndis immergitur; vela vento disrupta, nautæ locorum ignari, rudentium stridor, dissonæ voces, complorantium lacrymæ consequuntur, immanis bellua hominem voratura paratur, sed inter tot indignati numinis argumenta, felicitat summa digno-

gnosceatur, quòd vniuersa hæc calamitatum genera manu Dei tractabantur. Præparauit Dominus piscem grandem, vt degluti-
ret Ionam. Quare autem præparauit, nisi
vt pro morte præberet habitaculum,
vt qui in mari iratum senserat Deum, in
morte propitium inueniret? Cur præpara-
uit, nisi vt à naui, in qua fluctuabat, piscis
transferret in ventrem, velut in portum?
Nautarum feritati subduxit, vt belluæ cõ-
mendaret, è manib. amicorum in animan-
tis transtulit fauces, è gladijs in dentes, &
quem viuum pati non poterant socij, in fe-
ræ visceribus esse voluit illesum. Non clau-
ditur ineluctabili vecte, cœlestibus in the-
sauris diuina gratia, sed omnibus promi-
scuè, theatralis in morem pecuniæ, pro-
funditur; vult illa, cunctos suis locuple-
tari muneribus, si velint ipsi ditescere.
Repetite, cum veteris testamenti Thau-
maturgus, Elisæus Sareptanæ viduæ deli-
nitus inopia, soluendo creditoribus oleo,
in vasis adauxit, nunquàm stetisse oleum,
nisi cum vasa deficerent, quia in homi-
num genus diuina semper largitas super-
effluit, misericordia diffunditur, nisi vel
illam plena sordibus corda scelestorum ex-
cludant, vel ad instar fatuarum virginum,
oleum in vasis habere recusent. Quan-
quàm tãto hominem studio deperit Deus,
vt si aliquando illustrationum aculeo figit
animum, plerumque transfigat, si cœlestium
voluptatum obsidione sensum stringit, cõ-
sensum etiam, licet non coactum, adstrin-
gat. Et Agenorea quidem apud veteres
agen-

agendi fuit potestas , ac dea , quæ Stimula , & Strenua simul appellata , templi foribus semper apertis , industriam in urbem inferre credebatur : Nos verò aliam colimus , quæ templi cælestis ostium recludit , efficacem gratiam , quæ omnipotenti auxilio satagere nos facit ad certitudinem gloriæ , quæ otij nescia , negotiosa semper , nihil humano cum arbitrio mouet , quod non promoueat . Sileatur præclarissimum Veneris simulachrum à Phidia semel inchoatum , absolutum à nemine , quod in Diui Cæsaris templum postea delatum gloriam deorum pretiosa iactura diminuit : in æterni illius templi sacrarium nullus ingreditur , quin gratiæ dono cumulatius in viri perfecti se prorsus imaginem transformarit . Venus est Verticordia , ac Suada flexanima , quæ sua se pulchritudine adamantinis etiam cordibus inserit , traductisque ad obsequium Christi cupiditatibus , ad bonorum operum culmen intendit alacriter , procedit prosperè , feliciter regnat . Illam mihi nunc obijcio virgam amygdalinam , quam propheta vigilantem aspexit , seu potius vigilare facientem , ramos enim amygdalæ dormientium capiti suppositos somnum discutere , & ad excubias conferre , naturales loquuntur historiæ ; cum efficax gratia viros turpi situ squalentes , diroque scelerum veterno sepultos , æternam excitet ad salutem . Hodiernos mihi nunc audire videor Reges , deterfa erroris caligine sibi redditos , accepto de beneficio loquentes ; Errauimus in cælo cum

E astris

100 TRIPLEX SVB VNO SIDERE
astris errantibus, cæli negotia in tenebris
noctium perquisiuimus, in nostris otiosi;
cognouimus cuncta, quæ videntur in cæ-
lis clara humanis oculis, profundis esse ob-
scurata mysterijs, cum non adeò stellæ mi-
cent in cælo, vt carnem illuxisse contem-
plamur in terris. Stella ista non suum pe-
ragebat cursum, sed nostrum, cum staret
mānentibus, procedentibus ambularet.
Cur Rex Iudæorum non fulget in purpu-
ra, sed squalet in pannis? Cur latet in spe-
cu, non decumbit in templo? Verè cum
diues esset, nostra factus est pauper in car-
ne, & habere cœpit stellam vnā, qui to-
tam stellarum numerat multitudinem. Ta-
libus sibi gratulatos arbitror Dynastas
Arabicos, vt Christianam Rempublicam
primi Ecclesiæ filij docerent, eos, qui alta
contemplantur, cadere; turpeque esse,
qui sua nescit in terris vitia deprehendere,
velle aliena in sideribus perscrutari.

Dicebam.



Diuinus sub ignito fidere spiritus.

A D

Summum Pontificem.

ORATIO HABITA.



Quientalium regum profectiōnem
fidere duce ad seruatoris mapa-
lia properantium sequuturo mi-
hi, nescio quid potius, in ipso iti-
neris exordio, occurrat B. P. Vereor, ne
stellam admiratus quidem clarissimo ful-
gore coruscantem, sed absconditam sub
improuisa luce diuinitatem præteriens,
Deum ipsum vindicem patiar, pyramidato
in fidere, velut sub infausto comete, mini-
tantem. Angelum enim aliàs in crinitę stel-
læ apparitione proposui, qui non, vt olim,
ignito ense primis patribus paradisi probi-
bebat ingressum, sed ad Virginem, hortum
vere conclusum, ad Christum, perennis vi-
tæ arborem, sub stellæ flammantis imagi-
ne, homines vniuersos reuocabat. Nunc
verò diuinum cum Augustino spiritum,
sub nouo astro delitescere arbitror, qui vt
postea super Apostolorum capita, lingua-
rum se igne diffudit, ita modò sub facundo
fidere, cœli veluti lingua, mûdi reparatoris
exortum Sabæis Dynastis eloquitur. Sat
quippe notum est, tanto amoris incendio
diuinum spiritum deflagrare, vt non modò

Vicario Angelorum præsidio nos dirigat aberrantes, sed ipse quoque per devia peregrinantibus ductum præbeat, inspiret, ut aspiremus ad cælum, suspirare nos faciat, ut tandem in pacata gloriæ statione respiremus. Tunc verò cœlestem animis gratiam inspirat, cum errorum deteresa caligine, pectus humanum superni luminis claritate serenat, oculosque mentis scelerum tenebris offusos, dignoscendæ aperit veritati. Hoc alata illa animantia, per immensa cœli spatia in similitudinem fulguris decurrentia, ad vnguem exprimunt, simul enim spiritus impetu afflari, & innumeros oculos aperire dicuntur, quasi cœlestis esset inspirationis officium, noua velut oculorum adiectione, cæcum alioqui animum illustrare. Ita cum Deus in nascentis mundi cunabulis, tenebras super abyssi faciem extendisset, diuinus illicò spiritus aduolauit, qui lucem, super obscuram terræ planitiem explicauit, diemq; à nocte lucis beneficio seiunxit, ne versarentur semper in tenebris somnifulosa corda mortalium, sed expergefacta quandoq; ad cælum inuadendum, quod enata luce viderant, assurgerent. Ideò à suo illo incessu nunquàm pedem referre cœlestia animantia describuntur, sed ante faciem suam, nunquàm reuocato itinere, inambulare, perindè ac sedentis in throno maiestas ita alliceret animos intuentium, ut amore sui nō tam illaquearet, quàm solueret, solueret ad cursum, illaquearet ad reditum. Admiror ego reges Arabicos, quanta celeritate vastissimos

terræ

terræ tractus emensi, Hierosolymam tandem attigerint, non camelorum perniciosissime decurrentium auxilio, sed diuini spiritus tarda molimina nescientis impulsu. Quomodo verò, vates oculatissime, animantia vidisti, pedes habere vituli, alas ad instar aquilarum? Quod tarditatis symbolum adoptarunt Ægyptij, tu nobis, velut miræ celeritatis portentum obtrudis? An quia succensus ardore diuino animus, per hæc debeat terrena, gradum suspendere, & aquilarum more, ad solis æterni prospectum perniciosissime conuolare? An quia erigi ad cælos toto corpore homines, solis tellurem pedibus contingere decuit? An quia iumentis conferuntur insipientibus illi, qui mundi delicijs inhærentes, videntur serpentum more, vtero reptare per terram? Sed nemo potest salebrosam adeò tramitem inoffenso pede percurrere, seu verius interminum, quod inter homines extenditur, ac Deum, oceanum transmeare, nisi laxatis suspiriorum ventis velificetur. Viderat olim exul ille Domitiani Cæsaris, Ioannes, cum maris litora incoletet, immensæ latitudinis pelagum cæruleo imitantem colore crystalla, cuius in medio circumfusus vehementi splendore Deus, in aureo maiestatis solio resideret. Quis oceanum procellarum parentem nesciat, cum ventorum certaminibus quàm sæpissime tumultuetur? quis ærumnarum referre speciem, vel ipsa aquarum amaritudine ignoret? . . . uis in scopulorum rigiditate vitæ discrimina, in arenæ siccitate aridi-

tatem animi non cognoscat? Interfluit igitur nos inter, & Deum immensæ vastitatis oceanus, quia ad cæli portum peruenire non possumus sine ingenti copia lacrymarum. Quas non calamitates exantlarunt heroes isti sanctissimi, cum, regaliū deliciarum cura posthabita, longissimo se itineri commiserunt, Regemque in alieno quæritarunt, qui reges erant in suo? Quanto timore concussos existimandum est, cum sidus illud in aere præuium euanuit ex oculis, illosque magnis in tenebris, quavis in meridiana diei claritate, dereliquit? Sed pergite, inclyti Reges, iactati estis hucusque turbida cogitationum procella, perfuret in nece multorum Herodis insania; vos sub Bethlemitico cælo, velut puriori sub aere respirabitis. Ibi pretiosa munera, quæ defertis, infantulo elargiri poteritis, quem, velut pignus vestro auro pretiosius, in Virginis gremio reperietis. Hic ego nè sacram Magorum adorationem, & Virginis cum Regibus colloquia interturbem, tempori cedo libenter, & loco.

Dicebam.



CHRI-

CHRISTVS¹⁰⁵

INNOCENS.

AD

Summum Pontificem.

ORATIO HABITA.



Ecurrunt B. P. propitio mortali-
bus fidere stativæ illæ feriæ, qui-
bus agnus aliquis, propitiando
numini, feriatur in victimam.

Quia verò sine macula, candidus iubeba-
tur antiquitus ad aram accedere, quæ pu-
rior hostia, quæ victima Christo Innocen-
tior, orbi reparando, poterat immolari, qui
innocens, impollutus, & cælis factus excel-
sior, suæ candorem integritatis lynceis ho-
stium oculis obijcit, ut de peccato argua-
tur? Proh scelus? candor erat lucis æternæ,
maculam in niue rimantur: electus ex mil-
libus, præ pulchritudine, & nouissimum
virorum obtrudunt; super quem diuinus
spiritus mansit, malo spiritu iactari dela-
trant. Sed benè cadit, non alieno indige-
re patrocínio Christum, cum ipsa sibi ve-
ritas patrocinetur, quàm contendunt ini-
quissimi nebulones non tam argumentis
obruere, quàm lapidibus. Este vos, qui
assidetis, Patres Eminentissimi, Christi
famæ recuperatores, esto sanctissime Pon-

tifex, in hac lite dirimenda, prætor V R-
B A N V S.

Lustrate mecum animo vniuersa vastis-
simo hoc ambitu comprehensa, collibratę
mentis lance eductas e nihilo res creatas,
aliqua singulas labe violari, sordescere pul-
chritudinem ipsam, ipsam mundi mundi-
tiem immundam esse reperietis. Arcuauit
in gyrum primario labore summus rerum
opifex cælum, micantissimamque supremi
corporis faciem sideribus illustrauit, di-
stinxit æternis illis flammis vigilesque ho-
minum curis posuit excubias sed nubibus
obducuntur quandoque sidera, sol ipse
eclypsim, & luna deliquium patitur; mor-
tale cælum videtur, quia claudit oculos.
Tellurem floribus picturauit, herbescere
voluit amena campos viriditate; modò ex-
patiarì in planitiem, modò in colles cle-
menter assurgere, explicare vernantem ar-
borum copiam; sed vitra sua satis ipsa terra
testatur, dum rigescit hyeme, dehiscit æsta-
te, deflorescit autumnò, solo vere ridet,
sardonio, hoc est amarulento risu, vel po-
tius in lacrymas soluitur vitibus præ fer-
rea putatione lugentibus. Aquam conces-
sit argenteis riuulis ebullire, oberrare con-
cisam flexuosis mæandris, sed vel ceno mi-
scetur interdum, vel stagnante alio pu-
trescit, fluxamque sui naturam satis osten-
dit, dum lapsu defluit irrequieto. Aerem
in spatio terras, & aquas ambiente subti-
lissimè expendit, vt fureret in aquilonibus,
adspiraret in fauonijs, vltro, citroque per-
mearet in homine; nihil tamen aere cala-
mito-

mitosius, qui quò subtilior euadit, eò propius accedit ad nihil. Ignem altiores aeris tractus præteruehi iussit, vel eo saltem nomine infelicem, quòd adamantino cælorum carcere clauditur, nec cibo vescitur, nisi rapto. Hominem è limo compaginauit, quem licèt eleganti membrorum ordine constituerit, versatili mentis acie, voluntatis arbitrio, memoriæ firmitate donaue-rit, ad cælum erecto ad sidera vultu direxerit; tam citò nihilominus suæ dignitatem naturæ polluit, vt vix è manibus creatoris euaserit, cum corruit ad scelus, eodem ferè tempore vitæ spiraculum hauriens, & conspirans flagitio capitali in auctore vite; diuini nescio ne amoris, an penitentiae suspirium, Angelos curiæ celestis aulicos, nostræ salutis custodes, auspices felicitatis prouexit in lucem, quos licèt nulla corporis figura delineet, nulla materiæ labes, nullus corruptelæ næuus aspergat, in illis tamen quàm citissimè reperit prauitatem. Nulla igitur ab omni immunis labores creata occurrebat, quæ districti iudicis indignationi leniendæ immolaretur, vt hostia? debuit nimirum ipse Deus, humanos artus induere, inustamq; à peccato notam ità relinquere, vt candorem ipse solùm assumeret, ne de peccato argueretur. Siquidem vix tenue corpusculum in Virginis utero delitescens, felix ille animus illapsus est, cum vberima cumulatus gratia, gloriæ quoque plenitudinem absorbuit; vnde supernaturali perfusus lumine cæcutire non poterat, vel confirmatus in donis, nutare

in progressu virtutis. Quomodo verò impingeret, qui diuinæ personæ securus innitebatur? Quas umbras pateretur clarissimus animus, qui beati semper luminis radios excipiebat? Humi non serpit illa vitis, quæ stabili maritata trunco illum quodam fouet amplexu, quibusdam veluti brachijs illigat, lacertis obambit, fertisque coronat vuarum. Hæsitare nequit discipulus in du-
cendis literarum imaginibus, cuius manus à moderatore dirigitur, cuius calamo sedulus inspector insistit. Hinc meritò in sacris castissimi epithalamij paginis post parietē, per fenestras respicere fingitur sponsus, ac prospicere per cancellos, vel iuxta receptissimam paraphrasim, super retia eminere, quòd nullo vnquam tempore Christum retia peccatorum inuoluerint, voluptatum laquei deuinxerint, solo captus fuerit amoris aucupio. Ite nunc critici pharisaicæ turbæ censores, oculatissimi Aristarchi, quærite nodum in scirpo, umbras arguite in sole, apes de socordia sugillate; ita fiet, vt in alieno nitore vestras tenebras dignoscatis, in Christi vitæ speculo vestras maculas. Satis integritatem ille suam euicit, dum Ecipionis ad instar Asiatici vestro se supercilio submisit, vestro se liuori dijudicandum obstrinxit. Nescitis ò vos, qui iam bibliorum volumina deuorastis, in sacro codice Polyhistores omniscij, cum sole permanere Christum, & ante lunam? Exploditis hæc, quippè legistis, vna die luminaria omnia à præpotenti rerum molitore simul in cælis fuisse defixa, ac duos veluti

ocu-

oculos in supremi corporis facie collocata, nec solem prius lumen impartiuisse terris, quàm lucem terris communem sibi quoq; luna præriperet; solem non fuisse solum, at lunæ sodalem. Sed heu literales interpretes, planè illiteratos. Meritò occidit vobis sol iste iustitiæ, quia solem ipsum vestra litera occidit. Quasi verò cum sole nitidissimi candoris permanere nequiverit Christus, & in bono semper lumine vivere sanctitatis, lunamq; præuere peccati symbolum, stultitiæ imaginem, nequitiae simulachrum. Potuit olim Cyri Persarum regis tentorium tam solerti ducis arte disponi, vt ab ostio solis radios quocumque tempore exciperet, non potuit seruatoris humanitas, tabernaculum diuinitatis, cælestis opera spiritus ità compingi, vt vel in minima temporis morula gratiæ supernæ luce non careret? Potuit nauis fenestra Noeticæ vel purissima christallo, vel radianti carbunculo conuelari, vt obscura per tristega diei claritas illuceret, & immundis intercluderetur aditus cadaueribus; non potuit Christus, arca sanctificationis, limpidissimæ puritatis anima donari, quæ plenitudinis gratiarum splendorem admitteret, sordem criminum omnem arceret? Non audistis, cum adhuc puer synagogam vestram ingressus bibliorum codicè enoueret, incidentemq; in mantis paginam legeret: Spiritus Domini super me, propter quod vnxit me? Quæ vos ad mendacia, quas ad gerras clarissimum testimoniū detorquetis nugacissimi rabulæ? Ecce an in

Christum diuini spiritus gratia defluxerit; ecce num delibutus fuerit oleo lætitiæ præ cæteris. Non ille Angelum corporis custodem, & animi, ne ad culpæ lapidem offenderet, habuit; ipse via fuit alijs, nec aberrare poterat à semita veritatis, veritas ipsa. Primam emisit in ortu vocem similem omnibus plorans, succumbentem humanis calamitatibus corporis temperiem induerit; imaginem carnis peccati non declinavit; sub larua tamen imbecillitatis humanæ, solidam ad eò, genuinamque virtutem occultuit, vt labefactari nunquam potuerit, aut probitatis à studio deterreri. Hinc appositè sponsi ventrem eburneum sapphiris distinctum mulierum pulcherrima commendabat, quia sicut à sordido alioquin elephanto candidum ebur depromitur, ita à batauis multiplici crimine infectis criminum reparator emanauit, ebore quocumque candidior. Vtinam etiam nobis singularis hæc prærogatiua contingeret, vt deriuatam à fonte lustrali munditiem nullis sceleribus, nullis vel leuibus maculis inquinaremus, At quando id sibi deposcit labilis naturæ conditio, surgamus tandem, si callida nos aduersarius vafritie supplantat; turpe siquidem est, formosissimo capiti deformissima membra connecti, Christi assecclas in millibus posse argui, vbi ipse argui non potuit in vno.

Dicebam.

VERITAS CIVIS,^{III} Et exul.

A D

Summum Pontificem.

ORATIO HABITA.



Veritatem, quàm Græcorum Helena pulchriorem, lumen Africæ nuncupavit Augustinus, nostris à terris exulasse dolent homines vniuersi, qui nihilominus nullam magis virtutem odere, quàm veritatem. Fortasse bilingui populo inuisam ad cælos illam transtulit Deus, cuius etiam faciem præcedere dicitur, vel imis terræ visceribus abdedit, vt statutis de terra temporibus oriretur. Sanè Heraclitus aram veritatis in antro teterrimo collocavit, Democritus in puteo demersam esse confinxit, cum difficile admodum sit, è tenebris in lucem educere, vel in profundo delitescentem mentis indagatione piscari. En Christus ipsa veritas, & vita erutam cymmeria de caligine veritatem prouehit in publicum, omnique tegumento deuelatam Hebræorum animis objicit, vt eiurato mendacio, redderet disseminatæ à se fidei cultores. Miror ego, quòd cum nihil fortius desideret anima, quàm veritatem, gens ista
sur-

surdam aspidem imitata aures obstruxerit suas, & vt ostenderet corda lapidea, lapides iacere tentarit in monitorem. Tanta enim fuit semper apud antiquos amor veritatis, & cultus, vt Italicae parens Philosophiae Pythagoras, symbolico edicto, contra solem loqui vetuerit, quia nimirum turpe sit homini, veritatem, cuius oculos stellarum fulgorem imitari scripsit Hippocrates, obscurare velle mendacis. Et qua de causa putandum est, Mosem, legis diuinæ præconem Israeliticis gentibus fictiles è limbo statuas, educta de ligno simulachra, expressas coloribus imagines inhibuisse? Potuit Deus, hominem ad sui similitudinem efformare, vt esset velut in picturam diuinitatis, non poterit homo, imaginem suam in simulachra transferre? Erexit ipse Moses æneum in deserto serpentem, negabitur populo aliquod sibi signum extruere? An quia proclius ad Idolatriam Hebræorum natia, à veri Dei cultu descisens, plura sibi numina compegisset? An ne vitulum aureum adoraret, quæ agnum à mundi origine occisum erat aspernatura? An potius, vt exponit Origenes, laudandas alioquin, elegantesque arctes picturam, & statuariam è sua republica eliminavit, quòd veritatem mendacis violare videantur? Equidem Christus salebroso mortis itinere profecturus ad patrem, nihil aliud Petro postrema sui voluntate legauit, nisi vt ad vniuersum terrarum orbem conuersus, gentem electam confirmaret in fide, & incolumem ab hæreticorum erroribus de-

fen-

fenderet veritatem. Tu, Beatissime Pater, tantæ virtutis hæres in cathedra sedes veritatis, & quam habes consimilem Petro dignitatem, in veritatis petra solidatur. Nihil æquè Petri animum perculit, quàm Anania, Sapphiræque mendacium, cum quandam ex agri pretio pecuniam ad illius pedes abiecerunt, non homini, sed Deo peierantes, meritò ad solas Petri minas exanimati, quòd Apostolicæ sit maiestatis, illibatam in terris custodire veritatem. Hinc iure Athenienses reum illum pœnis omnibus exinebant, qui patratum à se crimen libera voluntate, non vi tormentorum adactus fateretur magis æquum existimantes, morti subducere veritatis assertorem; quàm scelestum extremis mulctare supplicijs. Quid hodie, stulti Iudæorum satellites, in Christum insurgitis, qui veritatem profert in publicum, & omnis expers flagitij de vestra vos improbitate redarguit? Verè ex patre diabolo estis, qui olim in veritate non stetit; postulabit mox à Christo Pilatus, quid sit veritas, & in pœnam hodiernæ surditatis responsum extorquere non poterit. Sed habeo, cur os nitantur obstruere veritati: pauci sunt, quorum liceat molles auriculas mordaci radere vero, pauci, quos non magis adulatio blanda titillet. Loquatur Servatoris nostri prodromus Ioannes, cuius adeò concionibus Herodes Tetrarcha delectabatur, vt eius impulsu facundia multa præstaret, vbi tamen incæstâ sibi libidinem obijci audisset, quasi furijs
agi-

agitatus in carcerem detrudi Baptistā imperavit; Ita vox illa clamantis in deserto, in principis aula suppressitur, puellæque saltanti, variisque ludenti blanditijs, excisum Prophetæ caput in disco porrigitur, quia in dolosis regum ædibus plerumque triumphat de veritate mendacium. Quis unquam vidit vilissimi pretium pedis fieri caput pretiosum, nisi quando caput insanum supplantatur à pede? Quàm veloces fuere pedes isti, ad effundendum Prophetæ sanguinem, qui non nisi remisso gradu, ad culpam Herodis increpandam, profiliuit? Nimirum, quod docet Augustinus, veritatem homines non odere, lucentem, oderunt autem redarguentem; cum enim veritas pluribus obuoluta figmentis, & velata mendacijs nostras aures illabitur, proritat animum ad amorem, sed ubi verborum denudata lenocinijs, pura, puta statuitur ab oculis, excitat iram, odium inflammat, lacescit ultionem. Conferamus, si lubet, Iosephum, illum veterem, recentemque Baptistam, utrumque singulari castitate commendatum, utrumque servandæ pudicitie causa coniectum in vincula; cur Ioannes in tenebricosa custodia capite diminuitur, Iosephus ereptus è carcere, ad primas Ægypti dignitates euehitur? Quidni in regali curia teneret summa fastigia Iosephus, qui somnia tractabat, qui obiectas stertentibus imagines, & umbras veritatis exponebat? Ille Ioannes, qui solidam, nudamque Herodi lascivienti aperit veritatem, qui effrenatam

natam perduto regi cupiditatem obiecit, ille, ille mortis immanissimæ edicto succumbit, alienæque maculas impuditiæ proprio cruore detergit. Repetite animo legis antiquæ Prophetas, qui veritatem splendore verborum inuoluere noluerunt, ferè omnes illata morte reperietis extinctos; Isaiam ferro instrumento dissectum, Amonem telo transfixum, Michæam pugnis contusum, Hieremiam obrutum aquis, vnus inter cæteros Dauid; mortis violentæ discrimen effugiens, in extrema senectute decessit, quia diuinam fortè veritatem, numeris temperatam musicis, decantabat ad cytharam, illiusque amaritudinem cantus suauitate dulcabat. Solemne est probatissimos apud auctores, Angelum illum, qui toties patribus apparuit antiquis, eundem fuisse Dei filium, qui mox in plenitudine temporum, naturam in veritate carnis assumpsit humanam: cur ergo, quem vnum ex tribus, pronus in terram adorauit Abrahamus, gratissimoque domus excepit hospitio, in crucem agere satagunt posterì? quem veneratus est in luctu Iacobus, & vt sibi benediceret, exorauit, isti onerant contumelijs; quem summo coluerunt honore patres integerrimi, saxis è templo conantur explodere degeneres filij? Eleganter Chrysologus; fortasse quia figura honor, veritas putatur iniuria; cum enim Deus olim confecti corporis indumento vteretur, in sui adorationem homines facilè traxit, sed vbi veritatem ablatis vmbris exhibuit, nostræque

verum

116 VERITAS CIVIS, ET EXVL.
verum spoliū mortalitatis adsciuit, no-
uericali statim fuit odio petitus, verberi-
bus dilaniatus, ligno trabali suffixus. So-
læ terrenis in aulis triumphant vmbrae le-
uissimæ vanitates exultant, irrumpit adu-
latio, pessimum veri affectus venenum,
quo diminutas in terra Rex ille dolebat ef-
se veritates. Sed si vlla vnquàm in aula
decurrit, regnare veritatem, Roma-
nam hanc urbem, sponsi do-
mum profectò decet san-
ctitudo, vt vbi se-
det oracu-
lum
veritatis, ibi desinat
esse menda-
cium.

Dicebam.



CHR I-

117

CHRISTVS VICTIMA

voluntaria .

A D

Summum Pontificem.

ORATIO HABITA.



Vod olim à profana pietate ciui-
bus benemerentibus persolutum
accepimus ; B. P., iniustum vi-
deretur, & atrox, nisi humani

generis reparatori religio Christiana re-
penderet. Plura Romano hoc in foro vidit
antiquitas, erecta Curtio equiti decora,
quia redimendæ ab excidio patriæ non
tàm in vastum se se terræ hiatum deiecit,
quàm indè prosiluit ad gloriam: Codri me-
moriâ nullam vnquam vel efferata bar-
barie posteritas obliterabit, cuius è vulne-
ribus vltronea morte susceptis, Athenarum
salus purpureis alis emerfit. Nostra foret
æternis luenda flammis iniquitas, nisi, cum
hodie illius recolatur memoriâ passionis,
qui mortales omnes è tenebris eduxit ad
lucem, non excitatis arcubus, vel simula-
chris erectis, sed amoris præcipui testimo-
nio, diuinæ debitum pietati solueremus.
Quòd si amor amorem prouocat, diuinam
caritatem à nobis caritatem deposcere ma-
ximam, in hoc congressu contendam, cum
voluntariam Christus necem oppetere pro
per-

perdita mortalitate voluerit.

Age igitur in hortum progreditur, non quemadmodum olim ad auram post meridiem, ut primum parentem ad sceleris postulet pœnam, sed occidentis in vitæ vespera, ut omnium in se criminum supplicia conuertat, & ne aliquis, tristi eum pectore morti occurrere, suspicetur, non prius quàm decantato hymno procedit ad pugnam. Irrumpit illuc stipatus ingenti prædonum satellitio Iudas, innocentis domini sanguinem avidissimè hausturus, què ne venarum è receptaculis sicarij homines violentis armis eriperent, ipse prius è toto corpore, per sudorem in modum riui decurrentem emittit. Tunc enim uerò cucurrit Christus in siti, cum enim inimicorum fauces agnosceret, desiderio cruoris ardescere, ut flammæ illas effrata cupiditatis extingueret, sua sponte purpureum è membris omnibus humorem effudit. Petrus conspecto sanguine, elephantis in morem, acuitur ad prælium, eductoque fortiter gladio, militis detruncat auriculam, ut restituta postmodum aure, suæ posset miles perfidiæ esse testis auritus. Sed in vaginam, Petre, conuerte iam gladium, desiste sanguinarias manus imbuere? Christus solo tactu restaurat auriculam, ut fidem, quæ fit ex auditu, recuperata miles aure condiscat. Sed hæreo hic, B. P., maioris prodigij admiratione defixus; quomodo tetigit Christus auriculam, qui erat vinculis irretitus? quomodo manus explicare poterat,

arctis-

arctissimis funibus implicatas? quomodo brachium extendere, Gordiano plusquam nodo catenatum? O diuinæ prænuntium passionis vatem regium, quàm bene funes cecidisse Christo in præclaris edixisti? Voluntariè Christo fuerant illa vincula iniecta, sponte manus illos in funes immiserat nostræ reparator humanitatis, quid mirum, eodem volente, ad solidandam militis aurem, ferreæ manicæ soluerentur? Vox illius irruentes in hortum milites retrorsum agere potuit, manus sese vinculis expedire non possent? Verè manus Christi myrrham primam obducendis cicatricibus aptam distillarunt, cum recisam capiti auriculam, solo tactu, mirificè reddiderunt. Cur postea ante præsidem tot imposturis oneratus obmutuit, nisi vt succlamatam ab omnibus mortis sententiam ipso silentio firmaret, ne crimen diluens dimitteretur à iudice, crucisque utilitas differretur? Raptatur igitur ab Auernalibus illis furijs in atrium, multisque funibus marmoreæ verberandus ne, an contundendus columnæ vincitur; porrigit vltro arctissimis nexibus non reluctantes manus, detonantes in tenerum corpus virgarum ictus inconcusso animo sustinet, dorsum iam linidum ferreis catenis inarari permittit, vt vberimum nostræ salutis colligat fructum; quinimò, vt corda hominum lapidea sibi ostendat esse carissima, repetitis amplexibus columnam ipsam adstringit. Sed heu? expeditur contextum dumis acutissimis fer-

tum,

tum, producit nouo regi illudendo detritum purpuræ pallium, arundo vilissima pro sceptro porrigitur, conspuitur facies, cæsaries euellitur, genæ tunduntur oculi, fenestræ ille maiestatis, obuellantur, vel vt summum in nos amorem exprimeret, quia cæcus pingitur amor, vel ne immanissimum scelus siccis oculis aspicere cogere-
 tur, vel nefferatas illas trigrides radijs oculorum ab impio facinore deterreret. Sed age, strenuissimè Rex dolorum, cum nullo tormentorum pondere delasseris, i, subi grauiissimum crucis regnum, forsan, heu? qui tribus digitis terræ molem appendis, sub ligno trabali fatisces. Verùm enim uerò, qui è summo se diuinitatis fastigio deicerat humilem transiturus in vermen, molestum nostris humeris lignum imminuit, ac leuissimum reddit. Quàm ingeniosè in manibus eius cornua describit Prophetes ille diuinus, dum lignum lethale sponte complectens, non tam ipse cruci suffigitur, quam mortem cruci configit? Sed cur, exhausto iam corpore, & arescentibus faucibus, conditum myrrha vinum noluit haurire? An vt calicem dolorum nobis quoque delibandum relinqueret? An reprobationem portendebat hebraici populi, qui vixea domini dictus, pro dulcibus viuis labruscas, & myrrham propinauit? An potius, quia vis inest myrrhæ sistendi sanguinem, refocillandi spiritus, vitæque producendæ, cum degustasset, noluit bibere, vt citius moreretur? Dealbare potestis beatissimæ cælorum myriades, in huius agni
 fan-

sanguine, stolas vestras, quia non est iste solum purpureus, sed etiam candidus, ad crucis enim honorem prehensandum, candidatus iste vester accessit. Purpureus est illæ cruor, quem è vena ferreus elicit mucro, sed candidus, qui naturæ operantis beneficio, vberibus conclusus eiectatur. Ecce Ephraim iste nutricius, in cruce filijs suis vbera pietatis exertat, cuius è pluuio corpore, sanguis licet rubicundus emanet, cum ferro fuerit truculenter eductus, lac nihilominus ego candidum appellauero, quia ab amore voluntariæ mortis effluxit. Inflexit prius tamen caput, vt cerneret, an aliquod superesset amplius tormenti genus, sed cum omnis vidisset finem consummationis, spiritum efflans, terram ingenti motu quassari voluit, & concuti, vt monte ipso Caluariæ contremiscente, sanguis omnis è corpore excuteretur. Quid adhuc, cruenta miles, euibras lanceam, & in effosso, Christi corpore aperis nouo vulnere locum? Nulla est amplius sanguinis gutta, quæ diffluat, vel si aliquis in exsucco cadauere remanet humor, ille præ gelu temporis, & patientis nuditate glaciauit. Forsitan ardens est adeò amoris calor Christum ad mortem impellentis, vt concretum defuncto in corpore sanguinem eliquet transfundat? Video equidem sacratissimi de fonte lateris, sanguinem manare cum aqua, vt effuso cruore, siccatisque oculis, aperto cordis oculo nostra scelera lacrymetur, atque cadenti veluti gutta nostram duriem infringat. Quid tandem

emor-

emortuo domino, sepulchra lapidem impositum excutiant, & hora pandunt hiantia, nisi vt Christum è viuis ereptum, in gramio recipiant, quem Hebræorum natio adhuc viuentem excluferat? Sanè si potuit amor mulieris suo ita sponso adhærescere, vt cum illam maritus proprio sanguine è Cyri seruitute in libertatem vindicaret, nunquàm in alium hominem conuerteret oculos; illud nos tandem agamus eruti de seruitute, & potestate tenebrarum, vt oculi nostri dirigantur ad
 Dominum,
 quoniam ipse de laqueo pedes
 nostros euulfit.

Dicebam.



PECCATOR¹²³

filiceus.

A D

Summum Pontificem.

ORATIO HABITA.



HOC vnum Pharaonicae Iudaeorum perfidiae supererat, ut magistro veritatis Christo lapides intentaret B. P. Si enim lex olim digito Dei, literis fuit deformata in lapidibus, satis ostendit iniqua perduellium natio, diuinam se legem excutere, dum lapides iacere cupit in legis auctorem. An potius, cum Christum minime germanum scripturae sensum expromere, sed potius adulterinum intrudere velle suspicarentur, quod Abrahamo se faceret antiquiorem, lapidibus obruere, quae in adulterio deprehensis poena fuit, impiissime cogitarunt? Ego sic arbitrior, cum vocem Domini audissent, propria corda, in modum lapidis, obdurasse, & ne diffiteri possent, se ex patre diabolo esse, qui Christum lapidibus in deserto tentauerat, lapides in eum iaculari voluisse.

Summa nefarii hominis peruicacia arietanti pectus Deo, filicea duritie resistere, voluntatemq; celestibus ad se monitis per-

trahenti contumacissimè relectari. Admirationem omnibus inijcit, cur, Lazaro è viuis erepto, profectus ad tumulum vitæ auctor humanæ auferri lapidem iusserit, non ipse potius lapidem verbo disiecerit, sicuti defunctum è latebris illis euocauit. An non potest propellere lapidem, qui mortem potest effugare? Aditum sepulchri referare non valet, qui postea ferreos inferni vectes, & tartari claustra diffregit? Turbatur Christus, & infremit spiritu, quasi cor illius nimio dolore frangatur, emollitum ad creatoris lacrymas saxum, non scinditur? Sororum eiulatu dilinitus, ad amicum monumento educendum, accurrit, & lapidem tanti miraculi obicem, amouere cunctatur? Sed facti huius rationem suscipiat ille, qui nescit, iniqui hominis imaginem graphicè in defuncto adumbratam, quem vbi vult Deus è vitiorum sepulchro ad gratiæ vitam extollere, loqui cum lapide renuit, ne videatur lapis, promptius obedire Dei voci, quàm homo peccator. Quanto enim paratiores sunt lapides vt regis æterni præceptis obtemperent, & suscitentur in filios Abrahæ, quam homo duræ cervicis, qui solus diuinæ potest resistere voluntati? Misit olim Deus Ieroboamo Propheten, vt impium Regem, qui aureum vituli signum erexerat à cultu perfido abduceret, cum profectus in Bethel vates, relicto Rege, sermonem conuertit altaris ad lapidem, & in illum tota laterum contentione clamauit. Putabat forsitan, facilius esse altaris saxa diruere, ciuius-

tiusque victimas ab aris euolaturas, quàm inflectendam impij hominis peruicaciam. Et quidem lapis ille varias diffractus est in scissuras, hostiarumq; cineres à se longiùs effudit, cum faciliùs existimari debeat, lapidem cōterere, quàm emollire scelestum. Vnum olim sacrae paginae memorant Pharaonem, saxeo pectore cælestibus monitis aduersantem; at modò, quot Pharaones, recensere possemus cælo obluctantes, & regnum Dei in iniustitia detinentes? Paucos legimus, hirsutum cor habuisse, ac pilis oblitum, quòd licet naturalium periti rerum explodant, Platonica tamen allegoria liceat exponere, qui Syrum quendam, ac sycophantam seruales in anima pilos habuisse commentus est, ob rudem bardi hominis fatuitatem; qua mentis etiam dementia, seu quibus cogitationum pilis obuallantur, obarmantur corda mortalium, ne diuinarum pateant inspirationum aculeis. Sanè cor sine osse in omnibus esse fatentur Machaones, equis, ac bobus exemptis, in quorum naturam dum scelesti degenerant, iumentisque insipientibus comparantur, quid mirum, si corda habeant ossea, & omni obsepta duritie? Germanici cor veneno infectum, dum rogo corpus esset illatum, reductis in cinerem membris cæteris, induruisse, nec à flammis potuisse consumi, loquuntur historiae; qua prorsus ratione venenatum peccato cor hominis ita constipatur, ac lapidescit, vt nullo diuini amoris igne emollescat, aut accendatur. Quinimò, vt ada-

mas in fornace flammæ voracitatem eludit, ita improborum animi, ardori gratiæ pectus obsidenti, magis obsistunt, quia cor suum posuerunt, ut adamantem. Reputate Ionam diuino reluctantem imperio, à facie domini profugum, extrema terræ confinia quæritantem, qui iam seipsum amiserat. Ibat ille naui fluctuante deuectus, ut vel ex eo flectilem animum indueret, quod in omnem temerè partem iactari cerneret nauem: excipiebant ventos irruentes vela turgentia, nec leuem diuini spiritus auram immeare sinebat in pectus: sæuiebat tempestas, & iam iam disrumpi nauigium videbatur; vates in tanto discrimine perfurentem procellam, scopuli ad instar sustinebat. Attollebantur, veluti montes, immensi fluctus ad cælum, sed postea detumentes reciproca collisione retundebantur, ut obuersantia cælo capita disceret, sibi præcipitium moliri, dum pertinacius assurgunt; Proijciebant nautæ grauiiores in pelagum merces; negabat ipse obstinatæ saxum voluntatis deponere. Quid plura? mittuntur sortes, Ionæ funesta fortis alea contingit, fit volubilis fortunæ ludibrium; ipse suum nil miseratus infortunium, mortis calamitate non flectitur. In mare demergi postulat sue reus, & iudex contumaciæ, per symbolum inconstantia puniri cupiens, qui nimium fuerat obduratus. Traditur ceto vorandus, dumq; mandatum Dei putat effugere, pisci portiori committitur, ut quò obstinatus compos rationis homo resisterat, eò promptius impos rationis bellua perduceret.

ret.

ret. Nonne etiam Moses, antequam populum, qui turbas ob sitim excitauerat, acri sermone perstringeret, ad petram loqui iubetur, quia ad aquas illa exhibendas futura esset promptior, quàm ad lacrymas effundendas gens illa lapidea? Nonne Christus hodierna luce templo digreditur, illorumq; se oculis eripit, quia grauiores gerere cernit lapides corde, quàm manu? Vtinam igitur à peccatoribus Deus lapideum cor auferat, & inferat carneum, seu potius corda mortalium in pretiosos transferat lapides, quibus beatę muri Hierusalem construantur. Si enim tunsionibus, ac pressuris ieiuniorum, cineralibus hisce ferijs, cor nostrum expoliuerimus, sacris edificijs per manum celestis artificijs disponemur.

(?)

Dicebam.



IN BEATÆ VIRGINIS Assumptione.

ORATIO PRIMA.

Habita Romæ in Collegio Clementino.

Anno Domini M. DC. XXIX.



Vnquam tam arduæ munus provinciae suscepissem, vt triumphantis gloriam Virginis oratione percurrerem (N. N.) nisi hodierna me Clementini Collegij celebritas, & obstricta aliorum imperio voluntas, duplici velut aculeo compulisset. Cum enim Assumptæ Cælorum Reginae Parthenia iuuentus, acceptis pro beneficijs, annua laudum tributa rependat, non potui hanc aleam euadere summi discriminis, quin in amplissima nostri Athenæi panegyri, officium commune persolverem, vnusque pro toto sodalitie Spartam aggressus, indiferti personam gererem oratoris. Et quoniam hoc in genere, frequenter aliqui in scædissimæ scopulum assentationis impingunt, dum byssina verba, quasi vimbrilicos ad maris litora colligentes, græculi veteratores, Principum aures egregiè titillant, ac vocibus ampulatis, cubitali pygmæo colossi crepidas adaptare conantur; non errauit nostra sodalitas, dum calamistratæ pertæsa veneres

res orationis, simplicis candorem eloquentiæ delegit, vt non emendicatis personata pigmentis, sed adscititijs denudata coloribus ipsa veritas loqueretur. Adductus sum ipse officio, fide, pietate, vt onus hoc laboris, & gloriæ, quantum sustinere vix posse confido, tum ex meo, tum ex meorum sodalium tempore mihi suscipiendum putarem. Quo in negotio illa me tamen res alleuat, Auditores, quæ alijs timorem forsan inijceret, purpuratos huc Patres, ipsam Romanæ curiæ amplitudinem, Senatum sapientiæ conuuisse, loqui me cum Cynea Regum ante confesum, cum, si aliquid in exornanda Virgine fortasse deliquero, veniam indulgere, vestriæ futurum sit Regiæ Maiestatis.

Nonam ferè annorum hebdomadem Virgo compleuerat, cum non tam ætate, quam amore deficiens languorem contraxit, leuem eum quidem amanti, quia languor erat amoris, sed lethalem, quia fortis est, vt mors dilectio. Strepentes recedite aulici, compescite tumultuantes acerbos pro funere querimonias, Virgo non claudit oculos, vt moriatur; sed quia dormire cupit, claudere fenestras incepit. Accersuntur à dissitis mundi partibus primi Christianæ Reipublicæ proceres, vt quod in filio timuerant, in matre cumulatè præstarent, vt qui filium in vita reliquerant, matrem comitarentur in morte. Collocatur in horto, vbi primum è filij corpore sanguis effluxerat, vt eo sanguine grauidata tellus non arescere in cineres eam præ-

teretur, quam terræ dominam Deus adoptarat; sed tanquàm suauissimum florem, paulisper in se contineret, mox ad vernantia cœli Tempe transferendum. Et sanè eam decebat horto prius inferri, quàm cœlo, vt vnde prima parens eliminata fuerat, illuc secunda restitueretur; illa, quia corruptionis labe seipsam fecisset, & homines, hæc, vt à communi corruptionis canone solueretur. Nimirùm si in antiquis historiæ sacræ fastis, eodem circumamicta vestitu dimittebatur ancilla, quò primùm induta pedem in edes intulerat; decuit sane, Virginem æterni patris ancillam ab hoc terrarum domicilio in cælestis aulam palatij, eodem carnis humane spolio transmitti, quo in lucem educta processerat. Alexandriam ferro nō subegit hostili, non flammis deuouit vlticibus imperator Augustus, quòd ab Alexandro Macedone à fundamētis excitata, ortum ab illo traxisset, & nomen: Arcem istam pudicitie, quam fundauit altissimus, ille dirueret; non potius communis iniuria calamitatis cōsternatam repararet? Sint mortalitatis incōmodis obnoxij mortales, reuertantur in illum cinerem, ex quo fuere compacti, vna debuit Virgo, quæ vitam effuderat, à corporis dissolutione vindicari, ad formosiorē corporis elegātiā traduci. Exciderat Iericunthinā ciuitatem inuictissimā Iosue, mœnia non ferro, sed barbarum clāgore complanauerat solo, vias omnes effuso compleuerat sanguine, dirutæ domus, euersa palatia, desolata fora, deuolutæ turres, senes dehiscantium

adium

ASSUMPTIONE. 131

ædium attritu comminuti, iuvenes ultore
 gladio consumpti, plenæ cadauerum cu-
 mulis plateæ: Sola Rahabæ domus tantæ
 cladi superstes, & in alieno cinere, quasi
 phoenix rediuiua, permansit, quod Israe-
 litici populi exploratores abscondisset in
 puteo: Mariam, puteum aquarum cele-
 stium, diuini verbi non tam hospitam in
 vtero, quàm matrem, à mortis impetu qua-
 ti, labefactari, in nihilum redigi Deus per-
 misisset? Statuerat mors iniquissima, arcẽ
 istam virtutum omnium euertere, proster-
 nere cupiebat, vt nunquàm caput attolle-
 ret, Virginem; cum illius vulnere non tam
 cecidit, quàm surrexit, non tam exanimata,
 quàm animata. Repetite animo veterum
 annalia sacra téporum, cum è Sionis vrbe
 arcam illam fœderis, Lenitarum humeris,
 in Solymæ templum gestadam curauit Sa-
 lomon; nostræ huius celebritatis pompam
 ad amussim adumbrasse reperietis. Licet
 nobilior sit nostræ solemnitas Virginis,
 quæ non in confluenti populi multitudine,
 sed curiæ cælestis illapsu, non auratis vecti-
 bus, sed angelicis manibus, in supremum
 celi templum gloriosa deuehitur, & super
 spirituum ordines, ipsis etiam seraphicis
 choris augustior infertur. Exultet iam
 proprijs exuta calamitatib. humana mor-
 talitas, quæ hisce Matralibus non tam ca-
 ptiua mortis est appellanda, quàm in li-
 bertatem asserta, non tam victa, quàm vi-
 ctrix, non tam in carcerem detrusa, quàm
 in ipso carcere liberata; nisi tamen captiua
 propterea dicenda sit, quod nouis gratia-

rum vinculis illigetur. Cedant nouis antiqua Matralia, tunc enim in auroræ templo, delecta ex millibus ancilla, Romanis à matronis circumducta vapulabat, donec innumeris malè accepta verberibus exploderetur; Ecce nunc Virgo, melioris ancilla consilij, quæ nullo diuexata malo, sed præcimente cælo, plaudente natura, circumfusa hominum frequentia, supernis cumulata muneribus, ad altissimi culmen honoris adoptatur. Quid ingreditur illa in templum auroræ, quæ sicut aurora consurgit? quinimò, quid ni aurora Virgini surgenti præcurrat, quàm sol irradiat? Relinquitur viduum tam pretioso pignore sepulchrum, vt ipsum aperto ore sepulchrum, assumptæ priuilegium Virginis loqueretur: reseratur, elapso triduo, ad Thomæ aduentum, tanto felix vna deposito, vt qui olim Christi à mortuis rediuiui gloriam suam hæsitantia firmauerat, Virginis quoque gloriam, testis non iam incredulus affirmaret. Nimirum, vbi suum viderunt Apostoli absconditum sub tellure thesaurum, inopinato euentu surreptum, coniecerunt Angelos fuisse raptores, quem ne tinea corrumpere, aut carnis humanæ corruptela violaret, thesaurizare, vt ita loquar, voluerunt in cælo, Prodit igitur è marmore Virgo, non auratis quadrigis, aut sella curuli, vel equis deuecta spumantibus, sed argentea nube sustollitur, Angelicis intermixta manipulis, cuius pedibus luna dimidia succumbit, mutuato à Virgine splendore confidens, orbem se posse

posse complere; vel respuens in orbem ex-
 crescere, dummodò Reginam orbis sinu
 curuato sustineat. Quis mihi tribuat, non
 desumptis ab Apelle pigmentis, sed accer-
 sitis ab oratoria facultate coloribus, quan-
 tis Mariæ pulchritudinem adumbare?
 Proh quales exerit Virgo faces ab aspectu,
 quàm nitidos euibrat à fronte radios,
 quàm benè ipsam videtur claudere diuini-
 tatem? Et benè diuinitatem claudebat,
 cuius corpus cœlum erat animatum, ubi
 inter superciliorum orbes, oculi, quasi so-
 les emicabant, genæ dulciùs, quàm stellæ
 fulgebant, frons lacteo circulo, candica-
 bat sereniùs, halitus oris, placidiùs, quàm
 Etesiae, spirabat, sessitabant cœli charites
 vniuersæ. Non catenatos in triumphum
 Reges, plauastro subductos illa trahit, sed
 deuotos mortalium animos secum rapit;
 non hostes bello captiuos, aut ferreis ca-
 renis onustos, sed mortem præ inuidia
 ringentem, rigentem; non subactarum
 imagines urbium, sed totius orbis non de-
 nicti, sed detinecti trophæa deferre glo-
 riatur. Conijcite nilares plausus, qui cœ-
 lesti in theatro personare, dum, effusa
 in summam lætitiā beata illa cūia, Re-
 ginæ aduentanti, festantibus vocibus, oc-
 currit, regalique in solio collocandam
 gratulabunda suscepit. Viduatū sibi vi-
 debatur cœlum matronali præsentia, cum-
 que terram aspiceret de Virgine tumescen-
 tem, dimidiato nolens priuilegio gaudere,
 postquam filium terræ de gremio rapuisset,
 matrem quoque è terræ visceribus eru-

tam, nobili prædatione transuexit.

Clauserant Apostoli prægravi sub marmore corpus emortuum, cumq; areolis delectaretur hortorum, in horto viridanti tumularunt, sed cū fures fortasse nocturnos, futuro de euentu solliciti formidarent: repentino itinere ventitant ad sepulchrum, vbi linteamina solum explicata conspiciūt, quibus erumpentes de amissa Virgine lacrymas detergerent; aut inflictis à dolore vulneribus mederentur. Obuius igitur ad illam excipiendam delabitur filius, & castissimos illicò ruit in amplexus, vt meritò super dilectum innixa dici posset, quæ diuino amore languebat. Et sanè si Berecynthia Deorum matris simulachrum è Phrygia Romam aduectum Scipio vir à senatu sanctissimus existimatus excepit; Virginem æterni sponsam parentis templum diuini spiritus, celestem in urbem inferre debebat filius, in quo plenitudo diuinitatis inhabitat, & lucis æternæ candor affulget. Quod si Cybele Coronam gestabat capiti impositam, turrium ad instar fastigiatam, ac in pinnas assurgentem; Virginis collum turrin in epithalamio sacro sponsus appellauit, quæ ad summum vsque verticem paulatim educta, nouo diadematis genere, illius caput obducit. Vestem illa sibi præcingebat floribus vndequaque vernantem; & fulciri floribus, & stipari malis exoptabat Deipara, licet suauem odore virtutum mundum inhalarit vniuersum, & mentes hominum in odorem traxerit vnguentorum. Nos igitur quoque

in

ASSVMPTIONE. 135

in amorem tui rape, Virgo pulcherrima;
de nostris triumphum age voluntatibus,
vt te aeris spatia tranantem, exacto
vitæ tractu, sequamur in cœ-
lum, quàm laudatione qua-
licunque prosequuti
hucusque sumus
in terris.

Dicebam.



In Assumptione

B. MARCE VIRGINIS.

ORATIO SECUNDA.

Habita Romæ in Collegio Clementino.

Anno Domini M. DC. XXX.



I celeberrimos vnquam antiquorum triumphos audis vsurpauit oculis hæc terræ metropolis, mundi Helena, æterna ciuitas, sedendo triumphatrix, Roma vestra (Cardinales Eminentissimi, Illustrissimi Præsules, Auditores nobilissimi) hoc profecto tempore, ad ista Clementini Collegij solemnia, frequentiam nobilium conuenisse Quiritium summopere gaudeo, dum faustissimas illius heroinæ victorias inspicendas oculis, suspiciendas animis, florentissimam producimus in panegyrim, quæ profligatis mortis improbæ viribus, cœlestis capitolum ciuitatis rediuiua conscendit. Viderunt olim sæcula martia, verè fera, verè ferrea, subactas multo sanguine acies currum præire triumphantis: at modò delusam mortem glorioso certamine contuemur: viderunt antiquitus Imperatorem in Iouis tunica, medio sublimem in puluere, Tarpeiam in arcem equis albis inferri; modò

B. MARIE VIRGINIS. 137

dò Virginem stellato regnantem in solio, sideribus vndique radiantem cœlestibus, adplaudentes beatorum spirituum phalanges, iucundo spectaculo demiramur. Quàm vellem, Tullianam mihi tubam concedi, vt tantæ Virginis laureas honorifico sermone proferrem? Cur angelico non sum donatus eloquio, vt Angelorum Reginam Cœlo receptam congrua prosequar oratione? Video, in hanc aulam confluisse Romanæ florem ciuitatis; video, in tam nobili triumpho, purpuram minimè desiderari; video pubem istam Partheniæ intuentis, Virginis Assumptæ famulatio dicatam, illud à me suo iure deponere, vt cum cœlestem Virgo ciuitatem, deuicta morte, peruaserit, fausta saltem acclamatione, pompas gratuler triumphantis. Fingite igitur, capitolium esse nostrum hoc Athenæum, currum, pensilem illam nubem, arcus, fornices istos industriè depictos, aureos titulos, hæc vario colore conscripta carmina, statuas, hæc delineata coloribus simulachra, dum ego tam insignis ero prece victoriae.

Hostiles morborum greges mors truculenta stipauerat, exacuerat nouercali incælum odio debacchantem ad omnia scelera furorem, vt Virgo illa, quæ communis ad vitæ lucem, vitam ipsam effuderat, sibi quoque tributum è viuis erepta persolueret. Iam diem nigro theta signauerat, iam conceptum virtus euomere moliebatur, cum virgineos artus inopinatis aggressa conatibus, lecto repente prostrauit.

vires

vires infregit corporis, ab hac mortalium
 luce subtraxit. Vidissetis virginem niueo
 pallore circumfusam, vidissetis purpuram
 illam vultus, illabente frigore, leniter albi-
 cantem, frontem eburneo prius candore
 conspersam subfusca mesutia turbari,
 oculos, geminos cæli corporei soles, mor-
 tis proximæ tenebris paulatim offundi,
 tornatiles manus arefcere, languere mem-
 bra, tutum corpus extinguui. Vidissetis,
 harere tabescentes casus acerbitate sena-
 tus Apostolici proceres, affines dolore cor-
 reptos intimis torqueri visceribus, turbam
 omnem lugentis populi tantæ Virginis in-
 teritu stupere defixam. Sed quorsum
 ista de morte precenseo, cum de vita po-
 tius texere deberem orationem? Cur tra-
 gicam assumo tibiam, cum turbam oport-
 teret inflare? Cur epicedium adorno, ubi
 postularetur epiniciu? Scilicet, melius
 tyrannide mortis exposita, Marianæ fila
 ducam victoriæ: quandoquidem vix com-
 muni mortis decreto Virgo succubuerat,
 cum reuoluto sepulchri lapide, formosior
 surgit è tumulo, propriique è cineribus
 reparata, veluti phoenix, reuiuiscit.
 Non illa quadrigis albis, per laureatas
 militum cohortes, gloriosa deuehitur;
 sed radiantî nube sublata, ad cæli thea-
 trum effertur; non populi sequitur obstre-
 pentis multitudo, sed angelicarum comi-
 tantur agmina mentium, non senatorius
 occurrit ordo, sed paulò antè cælo rece-
 ptus excipit filius; non ad portam aperi-
 endam ciuitatis mœnia proturbantur; sed, re-
 uolutis

B. MARIAE VIRGINIS. 139

uolutis cælestis atrij repagulis, diuinam urbem in æuum regnatura peruadit. Conticeat Roma relatos de barbaris in capitolium triumphos, non loquatur Romanas aues adorantem orbem; Virgo omnium ad se corda pelliciens, cæli beatissima gaudijs immiscetur. Quàm benè nostræ victoriam imperatricis, præcurrente mysterio, Iuditha sanctissima exhibuit, eum hostiles transeundo per acies, Holophernis exciso capite, Assyriorum domitrix remeauit? Bethuliam Galilææ tum natura, tum arte munitissimum oppidum truculentissimi hostes obsederant, omnem annonæ frumentariæ iam aditum intercluserant; obuallarant castris, tormentis muniuerant, militibus obsepiuerant, cum virago fortissima, suæ ciuitatis egressa mœnibus, titillantis illecebra pulchritudinis, insanum Holophernis caput rapiens ad amorem, ense quoque rapuit amputatum. Et verò, quos non excitarat mors inuidia tumultus in Virginem, quas non insidias expedierat, quibus non cogitarat urbem illam, cuius fundamenta in sanctis sunt montibus collocata, conatibus arietare; cum nihilominus mortis insidias Virgo deludens, mortem ipsi morti resurgens irrogauit. Vulnerata quidem Virgo fuerat, sed caritate, tela senserat, sed amoris. O non amplius cecum amorem, in fauciando Virginis pectore tam benè oculatum. Ista sunt iniqua profani alioquin amoris facinora, nobiles aliquandò puellas à thalamo ad tumultum rapere, ab epithalamijs ad nēnias, à tædis

ad

ad faces vocare funereas; cum immodica amoris vehementia illis extinguat^r flammis, quibus exarserant, & ante mori discant, quàm viuere ceperint. Suspirabat Virgo diuini sponsi coniugium, suauissimos Christi deperibat amplexus, quid ni vulnera, non mortis amaræ, sed amoris mortiferi fuisse dicamus, qui Virginem plaga, mortali ne dicam, an vitali confecit? Ridebam antea lenium Tricas, & Apinas poetarum, dormitanti profundius amori sagittas, & arcum mortem surripuisse delirantium, qui ferreis exinde, non aureis mortalium corda traiciens, contrario necem inferret euentu; sed modò non fabulas venditasse profiteor, cum amoris Virgo confessa iaculo mortis succumbere compellatur. Quamquam in ipso amoris delicto mortem asserentis, triumphantem conueri liceat amorem, & in inflicto mortis vulnere vitam cernere possimus immortalē; cum amor Achillis hastam æmulatus eodem ictu vulneret, & medeatur. Nimirum mortis illud spiculum non tam pennas habebat, quibus volaret ad necem, quàm vt illas impertiret ad vitam; non tam sibilauit, vt spiritum auferret, quàm vt afferret. Palmam diceretis, quæ prægrauè depressa pondere nititur in pondus, & quò magis est inclinata, resurgit magis, cum Virgo, vno ad terram deiecta congressu, validiori robore vegetior assurgat, palmam de morte præripiat. Hinc meritò sponsæ cælestis magnitudo assimilata fuit palmæ, quia sicut ista tenuis in imo, am-
 plio-

B. MARIÆ VIRGINIS. 141

pliori postea corpore dilatata, frondes in
cacumine virentes ad cælum explicat, folia
cultrato mucrone, lateribus in se bifidatis
exacuit ramos, amœna pulchritudine fasti-
giatos expandit; haud aliter Virgo, à pri-
mis pauperrima cunabulis, mox pertinaci
vitæ asperitate corpus obdurans, tantis vir-
tutum ornamentis, tantis operum fructi-
bus locupletata succreuit, vt cælô caput in-
ferre, & in Elysios beatorum campos infe-
ri promeruerit. Exultat modò mortis de-
uictæ spolijs onusta, quia humanæ spoliū
mortalitatis celestem in urbem inuexit; re-
gnat hoste gloriosa profligato, quia
teterrimi caput draconis inuicto
pede contriuit. Pompam

eius modò perpendite,
cum enim nostris
se Virgo sub-
traxerit
oculis, longioris mihi
subtraxit copiam
orationis.

Dicebam.



Pestis, Famis, Belli mala Virgini
 nis assumptæ patrocini-
 o sedanda.

ORATIO TERTIA.

Habita Romæ in Collegio Clementino.

Anno Domini. M. DC. XXXI.



Vetuosissima Italiæ facies, triplici calamitatum genere deformatas, non tam aspectu deiecto, nullum in terris esse deplorat auxilium, quàm animis ad spem erectis, monet è cælis implorandum, Eminentissimi Cardinales, Illustrissimi Præsules, viri ornatissimi. Iactati sumus hucusque turbida malorum tempestate, vidit Insubria putrescentia morbo pestilenti cadauera, facto veluti naufragio, in triuijs exponi: sensit, in extrema rerum omnium inopia, ad ultimum se discrimen impelli. Utinam nobis in hoc fluctu periclitantibus, aliquod sidus affulgeat, deficienteque in tanta calamitate procellam, propitio splendore discutiat. En sol illuxit in Virgine, seu Virgo potius è tumuli occasu ad viam processit orientem, vt suum in sole tabernaculum collocet, salubresque cælestium munerum deriuations in hæc terrena transfundat. Latrauit sol iam satis in Sy-
 rio,

VIRG. AVXILIO SEDANDA. 143

rio, ac lethali orbem morsu petiuit tellurem radijs vrentibus, leonina veluti cauda, flagellauit, ferire nesciet in posterum in Virgine collocatus. Habet illa sub pedibus lunam, Deam olim sub Dianæ vocabulo, ferarum debellatricem, saggitis armatam, vt omni nos exuti formidine periculum euasisse confidamus. Age igitur, nostræ videamus argumenta securitatis, triplici de malo in vna Virgine constituta.

Feruebat Italia hostilium quassata bellorum tumultibus; intulerat Aquila frigidis alioquin de regionibus fulmina quibus orbem totum non terreret modò, sed terneret; timebatur Italiæ incendium, quòd in frigidissimæ hyemis gelu, mortalium mentes arderet, ac pro fluminibus aeris asperitate glaciatis, flumina sanguinis exudarent. Cum ecce, dum cælum solaribus ignescit radijs, & terra caloribus æstuat, frigescit vlticis flamma iracundiæ, ebullientis belli ardor extinguatur, dum astra minitantur exitium, homines tranquilla in pace firmantur. Vnde inopinati fœderis nuntius nostras ad aures aduolauit? Vnde amor iste coniuratos inter se reges caritatis face concilians? Vnde gladius ille, quem in hostem distrinxerat hostis infestus, non paratus ad cædem, sed custos factus est ad salutem? An quia Virgo beatissima, quæ pulchre dilectionis est mater, ad celos transferenda per mortem, suæ mundum caritatis dereliquit heredem? An quia bellum debacchari diutius non pote-

poterat, euecta cælestes ad thalamos Virgine, quæ requiem in omnibus exquisiuit? An potius terreni exercitus agmina timuere cælestia, cum enim ad sublime cæli capitolium, terribilis, vt castrorum acies, Virgo conscenderet, quidni arma projicerent terrenæ legiones, vbi cernerent aereis in campis, cælesti militia Virginem circumseptam? Habet suam quoque Christiana Respublica armatam Palladem, non commentitiam Iouis sobolem, sed æterni filiam parentis, quæ non alliciat, sed deterreat à prælio, non hasta, sed sceptro. Exultet Italia stabili, tandem in pace composita, vt quæ prius exterarum iugo gentium miserimè subiecta languebat, modò reddita sibi est, & quæ prius intestinis diuexata malis, varias dilaniabatur in partes, modò incolumis, obducta cicatrice, corpus in integrum coalescit. Et quidem, cur homines ad bellum effrenes hostile classicum canerent, cum Angelorum ordines ascendenti maritales ad nuptias Virgini epithalamium decantent? Quid ni filij, disiectis ex animo nouerçalibus odijs, in pacis fœdera conspirarent, si mater sponsi carissimi ruit in amplexus. Cur infesta non caderent hostium munimenta, si æternum in templum, angelicis manibus, arca Dei viuentis animata defertur? Quid ni turbidam bellorum caliginem videremus ex Italia cælo discussam, si diuturnam securæ quietis serenitatem Virgo, nitida velut aurora, portendit?

Quod si pax Cererem nutrit, & è pace
di-

VIRG. AVXILIO SEDANDA. 145

dimanat vbertas, aurea mihi redire videntur, ac verè saturnia sæcula, cum rerum copiam omnium polliceatur secunda virginitas. Nunc enimverò spicam Virginis arua copiosis messib. grauidantem enunciare possumus in cœlo splendescere, cum tellus propitio fidere collustrata, fruges vberrimas germinarit. Faceffant hinc infaulta sterilitatis omnia; faceffat quicquid hariolatur nescia fatidicorum infania, Virgo Dei nutrix, Amalthæa felicior, cornu munerum omnium in terras effudit, nosq; supernarum copia diuitiarum cumulatè beauit. Gaude Roma, desine Africam, Sardiniam, Siciliam, tria Romani populi frumentaria subsidia nuncupare, pretiosior tibi seges defertur à Virgine; nauis illa est, quæ de longe, nempè de cœlestibus horreis, triticum electorum, diuini spiritus adspirante fauopio, ad hæc mundi litora fortunatissimè exonerauit. Quàm lepidè ventrem illius, velut accruum tritici, lilijs obuallatum albetibus, in epithalamio sacro sponsus appellauit, perindè ac Virginem doceat, ex vteri Virginalis agro, non tam intemerata fecunditate Deum parere, quàm copiosam diuino fetu conferre mortalibus vbertatem.

Iam verò grassetur alicubi pestilentia, orbemque ciuibz exhaustum, orbem iam veneno tabifico reddat, vt illa properato funere detruat homines ad sepulchrum, ita Virgo è tumulo prodiens, maturato auxilio, reuocabit ad vitam. Inerrauit pestis iucusq; , velut Ate perniciosissima, Italicis regio-

146 PESTEM, FAMEM, BELLVM
regionibus, noxijsque homines morbis le-
thaliter implacuit; primam rediisse diceres
infantis mundi conditionem, cum terra
inanis erat, ac vacua; adeò suam mors ini-
quissima, cōgestis cadauerum cumulīs, sa-
ginare nequibat ingluuiem. Vna erat in
terris non Litarum è numero claudicante,
sed in mulierum cœtu beatissima; hanc
Deus à morte rediuiuā ad cœli spatia vo-
luit efferre, vt Atē per tractus aereos mor-
borum satellitio stipatam, impunēq; bac-
cantem, sui assumptione discuteret, profligaret. Quod si delapsum è cœlo Palladium,
tutelarisi quasi arrha diuinitatis, Troianam
ab omni discrimine ciuitatem vindicabat;
quid nī sublatū ad sidera Virginis corpus,
nostræ velut pignus mortalitatis, duratu-
ram orbi securitatem exorabit? Euehitur
illa, toto circūspectante Apostolorum se-
natu, natura plaudēte, cœlo hilariùs corus-
cante, spiritualibus beatarū mentium co-
pijs circumfusa, de triplici hoste relatura
triumphum; de fame, quia delicijs affluit;
de bello dum pacificos inter choros exul-
tat; de peste, dum victrix surgit à funere. Ia-
cuit illa quidem in sepulchro, quod modò
cōmutatur in trophœum, decubuit in hor-
to, sed germinauit ad gloriam; clausit oculo-
los, non vt cederet letho, sed vt accubaret
in lecto; tumultata est in marmore, sed ipsa
marmora, vt in filij morte, ad pietatem
emollita, excusso lapide, mortuam effu-
derunt ad vitam. Ceterum si olim delu-
brum Iunoni sospitæ religiosa nimium ex-
citauit antiquitas, quòd in graui pestilen-
tiæ

VIRG. AVXILIO SEDANDA. 147

tiae tempore morti ciues exemisset; Virgini, quæ Romanam hanc urbem ab omni calamitatum subduxit incommodo, quæ deuoueri poterunt templa, quæ hostiæ poterunt immolari? Non ego postulo marmorea, quæ temporum iniuria deterrantur, non oblatas de vitulorum sanguine victimas.

Delectant summos viscera sola Deos.

Dicebam.



De hæresi Virginis assumptæ patrocínio profliganda.

ORATIO QUARTA.

Habita Romæ in Collegio Clementino.

Anno Domini M. DC. XXXII.



Andem aliquandò Christiana Respublica, quæ per furentium inter procellas hæresim ingenti periculo fluctuauit, sedata tempestate, disiectoque turbine detonantium calamitatum, respicit Cynosuram suam, hoc est, Virginem ad cælos euectam, Eminentissimi Principes, Illustrissimi Præsules viri clarissimi. Exundauit hucusque Germania, non aquarum cataclysmo, sed sanguinis, quia ventus à latere septentrionali consurgens non perflauit solum tumido spiritu, sed penè Romani sedem imperij, nefaria conspiratione concussit. Glaciatum Suediæ pelagus, iniustæ flammis iracundiæ liquefcens, ac magno æstu iactatum ebullijt, efferatamque barbarorum colluuiem, è turbolenta illa regione, contra Romanam fidem effudit. Extremam cladem nostra formidabat Italia, cum nouissime Lucifer, an tenebrionum Princeps in Aquilone solium exaltarit, transmissoque in finitimas oras draconum exercitum, orbem vniuersum lethali veneno con-

tenderit in balare. Sed prospere tebus accidet nostris, quia Virgo, quæ cunctas hæreses sola interemit, draconis etiam caput triumphali conteret assumptione, armataque perditorum copias, terribilis, ut castrorum acies, profligabit. Excurramus igitur hodierna panegyri, quantum fit in Virgine aduersus perduelles auxilium, subigendamque speremus hoc anno hæreticam à Dei parente prauitatem.

Insigne fuit illud ostentum, quod relegatus olim à Domitiano vates, aquilino planè oculo, inspexit, mulierem in cæli spatio fulgentem, sole circumamictam, redimitam sideribus, substrata pedibus luna; diuinam fœminæ pulchritudinem satis abundè testatus, dum quæ sparsa erant in cælis, in ea collocauit vniuersa, ne iam negare posset philosophia, cælum aliquod esse animatum. Inhiabat in mulierem ore audissimo serpens antiquus, septem capitum draco, qui sinuosas collectus in spiras, voracibus illam faucibus deglutire cupiebat, nisi acceptis in altum pennis euolasset. Quod si sub innolucro prodigij, arcani plurimum delitescit, quid nobis spectra ista portendunt, nisi delabētium temporum calamitates, auspice Virgine, superatas? Emergit ex ultimis terræ partibus immanissimus catholicæ religionis eversor, qui tractu longissimi oceanī emēso, ad proterendum Romani imperij fastigium, non ferro solum milites expediuit, sed nouercali odio Scythicos etiam dracones armauit. Quamquàm dracones ne dixe-

rim, an viperinos partus conspirantes in matrem, dum vterum parentis Ecclesiæ innumeris distracti opinionibus lacerant, nec minus armis, quàm sententiarum varietate proscindunt? Repetitum videmus iniquiori consilio Punici ducis inuentum, qui pugnaturo suasisit Antiocho, vt in hostium classem, viperas plures iniiceret, quarum metu deterriti milites à dimicatione desisterent: cum nostro quoque sæculo viperarum genimina è Caluini luto, è Lutheri sordibus prodierint, atq; è frigidissima cæli plaga dracones eruperint, qui flamas alienis regionib. inferentes, orbem catholicum luctuoso incendio vastarunt. Sed inter tot hostium, bellique discrimina, solemni gestire possumus gaudio, quia mulieri datæ sunt alæ, hoc est, Virgo beatarum mentium agmine circumuallata, sublimis ad cælos euehitur, vnde felicius, quàm olim pythonem Apollo, hæresis hydram proteget, interimet, iugulabit. Equidem si dum signum Virginis, in obliquo cæli circulo, nostris recurrit obtutibus, mitescit aliquantisper igniti rabeis leonis, canisque Sirius non amplius latratibus orbem adurit, nec quasi findat ad inferos, viam, scissuris innumeris terram hiulcat, sed amœnioris ob cæli clementiam, delassata nimis ardorib. natura hilarescit, & autumnali soluitur vbertate; quid mirum, sanctiori Virgine cælo recepta, leonis inferni sæuitia leniatur, minoresq; flammæ cerberus tartareus eructet, quibus fidei humor exarescit? Unica prius in cælo, reliquas inter imagines, Virgo

recca-

recensebatur Erigone, quæ manu stellam,
 & quidem vnicam efferebat, sed modò alia
 Virgo lucidior astris inseritur, vtque cim-
 merias hæreticorû tenebras multiplici cla-
 ritate discutiat, duodeno sidere coronatur.
 Et verò quam non illa errorum caliginem
 suæ splendore virtutis absumpsit, quos non
 perduellium ictus suæ clypeo protectionis
 elusit? Sileatur, Perseum scuto munitum
 Palladio, Medusæ caput, ense adamantino
 præcidisse, veriùs modò teterrimum ho-
 stem, multis draconum millibus septum,
 Virginalis clypeo tutelæ, fides Romana
 disperdet. Sileatur, quod olim, Thebanis
 contra Lacedæmonios pugnantibus, certis-
 simam in spem victoriæ respondit oracu-
 lum, vt in medio scilicet ardore prælian-
 di, Aristomenis ducis clarissimi clypeum
 attollerent; cum Virgine, turri Dauidica,
 à quam ille clypeo dependent, in cælorum
 eunte sublimia, speret orbis catholicus tru-
 culentissimas prædonum turbas, felici triû-
 pho proffigare. Meritò quasi palma exal-
 tata esse dicitur Virgo, quia sicut illa folijs
 armatur acuminatis, & cultrato mucrone
 ferientibus, ita Virgo ad infringendos hæ-
 reticorum conatus, precibus, velut gladijs
 instruitur, ac fortissimè communitur. Re-
 petite, Auditores priscorum memoriam
 temporum, dum Cosrhoes ille Persarum
 Dynastes Heracium Cæsare folio deijce-
 re cogitaret, nonne Virginis obsistentis au-
 xilio deletus est, cum miræ magnitudinis
 grando repente suborta, Persarum co-
 pias attriuit? Repetite cum Ioannes ille

Zemiscas, Bizantinorum Achilles, Bulgares, Russosque Virgine prælium fortunante confecit, nonne deposuit illa de sede potentes, nimiumque de sua virtute gloriantes elati cordis mente deiecit? Repete tuum illum ducem Roma Narsætem, qui Longobardorum sanguine sæpius Italiam irrigavit, qui Gothos ad fluvium Anientem, via Salaria cecidit, qui Regem Totilam plurimis tumescentem victorijs, fugam arripere compulit, qui reges alios æternæ huic urbi tributum coegit impendere, quibus armis tot gētes immanitate barbaras, religione infestissimas, numero penè infinitas domuisset, nisi Virgo careruas hostiū, auxiliij opportunitate compressisset? Delabebatur è cælis Virago fortissima, armata veluti Pallas, disponere acies, tentoria figere, tempus certamini docebat arripere, duci robur, militi animos, terrorem hostibus immittebat. Ecce denuò Gothos, & Vādālos ad omne facinus parata barbaries effudit, quidni speremus, singulari Virginis patrocinio, è Germaniæ finibus exturbādos? Si vnus mollissimus capillus vim habuit ad vulnerandum Deum, quidni simul omnes fulminent hæreticorum colluviem? Si matronæ olim Romanæ è capillamēto diuulso chordas arcubus texuere, quidni Virgo, coma capitis sui, telorum instar, barbarorum castra percellat? Quid enim videmus in Sunamite ista, nisi choros castrorum, cū ipso oculorum iactu, ipso vultus aspectu inimicās cælo legiones absterreat, qualiter olim apud Pellenæos Dianæ simulachrum aduer-

aduersus Ætolos illarum ita obuios quosq;
 numinis maiestate perculit, vt in faciem
 procidere cogerentur? Quinimò Diana ip-
 sa præstantior Virgo lunari habet sub pe-
 dibus, an vt auito se regum sanguine geni-
 tam arguat, quemadmodum calceis lunam
 subtexere, in speciem claritudinis, antiqua
 Roma consuevit? An vt illibatum præse-
 rat vitæ candorem, dum lunæ maculas in-
 nocenti pede proculcat? An potius, quia lu-
 na maris æstum commouens, hæresim ex-
 primit, terrarum spatia miscentem, Virgo-
 que sic hæresim conterit, vt lunam? Legistis
 arcam fœderis leuitarum delatam humeris
 Ierichuntinæ ciuitatis mœniâ, clangentibus
 buccinis, euertisse, quæ cum prosterneret
 acies, murosque labefactaret hostiles, non
 fœderis appellari debuisset, sed arca bello-
 rum. Nunc verò, cum angelorum manibus
 ad beatas cæli sedes, arca Dei viuentis ani-
 mata deferatur, intueri mihi videor cor-
 ruentem ex arreptæ solio tyrannidis hære-
 sim, refugientesque in antra Scythica dra-
 cones teterrimos, nisi potius Virga ista Ies-
 sèa de radice progerminans, virgæ Aaronis
 æmula, serpentes nequissimos deuoret, hoc
 est, exitialem illorum potentiam immi-
 nuat, infringat. Hoc à te conceptis votis de-
 poscimus, heroina inuictissima, vt Phara-
 nes omnes contra Dei populum ita fre-
 mentes, cum iniquo satellitio compescas,
 quæ equitatu fortissimo assimillaris, in
 curribus Pharaonis.

Dicebam ..

D. GREGORIO MAGNO

Romanæ Humoristarum
Acad. Patrono.

Cum inter Humoristas adscriptus
fuit auctor.

ORATIO HABITA.

Anno Domini M. DC. XXXI.



Lausibile fuit antiquis profanæ
militiæ ducibus, Eminentissi-
mi Principes, Illustrissimi Præ-
sules, viri clarissimi, à rebus
præclare actis, & auctis, non tam popu-
li conspiratione delatum, quàm ingenio-
so gloriæ genio confictum assumere co-
gnomentum. Hinc Alexander à rerum
magnitudine Magnus; Scipio ab Africa
subacta Africanus, Sylla à prospero bello-
rum euentu Felix, Marcius à capta Corio-
lorum ciuitate Coriolanus; Demetrius ab
yrbium excidio Poliorcetes; Baiazetes
à subitario præliandi furore Procella,
Tamerlanes ab ictu vehementi Ferum,
Aquila Pyrrhus, Fulmen Ptolomæus, Fla-
gellū Attila, Dei gladius Chalebus. Arabs,
Georgius Epirota Scanderbegus audiuit.
Sed ad sacra quoque tempora nobilis hæc
consuetudo defluxit, vnde in orthodoxa
republica nomē Chrysologi Petrus, Chry-
fosto-

DE D. GREGORIO MAGNO. 155

sofioni Ioannes; Thaumaturgi Gregorius
 Neocesariensis, Theologi, Nazianzenus,
 Angelici Thomas, Seraphici Bonauentu-
 ra compararunt. Prodeat in medium,
 aliorumque lucem, suarum sole virtutum,
 GREGORIVS ROMANVS offun-
 dat, quem sanctitate conspicuum, erudi-
 tione diuinum, laboribus emeritum, cele-
 bri agnomine MAGNVM orbis illo-
 minor appellauit. Hunc Academiae nostrae
 Patronum sapienter adoptastis, viri cla-
 rissimi, vt princeps orbis Academia, illius
 adolesceret auspicijs, quem ecclesiasticos
 inter doctores principem Synodus Tole-
 tana constituit. Solum in hoc lapsi estis,
 dum me vestrum inter ordinem, conspi-
 rantibus humaniter suffragijs, adsciuiſtis,
 inter HV MORISTAS aridum pror-
 sus, & exsuccum, primamq; tyroni adhuc,
 & candidato Spartam demandastis, scili-
 cet, vt Gregorium Magnū in hoc Athenaeo,
 viris maximis assidentibus, pusillus orator
 exornarem. Quāuis hoc etiam benè cadit;
 vt enim DVLCI lucubrationum AGMI-
 NE vestra in conspectum postea RE-
 DEAT eloquentia, debebat prius in
 hunc locum, non obscurae radijs beneuo-
 lentiae, mei sermonis amarities attolli.

Præteribo igitur in tanta rerum segete
 protritā rhetorum legem deriuandi lan-
 des à patria, à parentibus, ab instituto,
 per ordinem currendo temporū, imagines
 recolendo maiorum, quid matre prægan-
 te somniarit auus, an globus igneus capiti
 infantis emicuerit, quo sub Chirone pro-

fecerit ; non persequar huiusmodi Tricas , & Apinas, non vmbilicos, nō analecta colligem , recurrant ad hoc asilum , qui exultant à virtute . Suas præferant illi , veterum more Quiritum , lunulas , qui in talis defixere nobilitatem, cicadas aureas, more Atheniensium , innodent, auribus, qui crepitante diuitiarum bombo , sibi tintinnire congaudēt. Gregorius Romanus renuit in modico se magnum ostēdere, nullum, nisi palmare facinus ē proprijs erutū à mecupit expromi, vt predestris alioquin , & humilis, solius argumenti magnitudine grandescat oratio . Video illum, Auditores, ab adolescentiæ longinquo , non in abecedarij pēdagogio primos literarum apices internoscere, sed in rhetorum puluere sed in philosophorum lyceis, sed in theologorum gymnasijs , masculæ studio virtutis incumbere, admiror æstuantem ingenij sitim disciplinæ omnes, vno velut haustu, sorbentem, vt Gregorio verius, quàm olim Tellemachō putandum sit, in omnibus aggrediēdis adstitisse Minerviam. Video illum, patre ē viuis crepto , dilapidatis in opem inopum facultatibus, sed in Sicilia religiosum hominum excitare conclauia, vt exultantem ab orbe pietatem, velut à postliminio renocaret: video septimum Romæ, ad clium Scauri, paterno in domicilio, construere , ibique sacro sub habitu delitescere , vt mundi subductus oculis, angelis spectaculum exhiberet, ac Deo . Procul à Gregorio vestes Attalicæ, bombicinæ tunicæ, olentes Arabico mure pelliculæ, pro-

DED. GREGORIO MAGNO. 157

procul à palatio belluata Babylonica, Phry-
gionum opera picta, splendida toreuma-
ta, onusti vasis Corinthijs abaci; parietes
sola nuditate candescant, hic hospitari cu-
pit, profligato luxur, paupertas. Quis hinc
memoret indicta sibi ieiunia, quibus im-
bellicum alioqui corpus ita eneruauit, im-
minuit, vt non longam etatem duxisse pu-
tandus sit, sed egram valetudinem prodi-
xisse? Quis hinc noctos insomnes in sacro-
rum lectione voluminū absumptas recen-
seat, cū non auderet somnus illius ad ocu-
los irrepere, qui vel ipso Gregorij nomine
vigilabat? Vidit Romæ Anglos quosdam
adolescentes, eximia venustate naturæ be-
neficio donatus, ad catastā in foro venales,
quorum regionem cum impio Deorum
cultu teneri comperisset; Ehem, quomodo,
inquit, in aurea vagina gladius plumbeus
reconditur? O quā bonā domum, quā
malum hospitem? Verè Anglos, neq; enim
angelos, nisi hinc discat tenebrarum ange-
lus in lucis angelum commigrare. Profici-
scere, Gregori, diuisos orbe britannos vrbi
Romanæ coniunge. Angliam, angulum il-
lum orbis, cimmerijs perfidiæ tenebris in-
uolutum, diuinæ splendore fidei collustra.
Christus, lapis, quem reprobarunt Iudaicæ
gentes, huius in caput anguli fiat. Iupiter,
commentitijs ille deorum præses, qui ab
insula emerfit, in hac insula proteratur.
Discedit Roma Gregorius in Britanniam
iter arripicns, cum excitatis à populo tur-
bis, exacto triū dierum itinere, Benedicti
pontificis imperio reuocatur, vt antequam

in Angliā fidem erigeret, Bizantijs labantem sustineret. Euthychius Archiepiscopus ille fuit, qui homines, postrema tuba clangente, non tactui manuum obnoxios è rumulis excitandos oblatrabat; sed subtiles, euanidos, fumi instar, & venti; verè de pastore lupus, qui ouium suatum carnes, cum viuas vorare non posset, deglubere mortuas, ac deglutire cupiebat, vt in solo spiritu reuiuiscerent. Istum aggressus est acri contentione Gregorius, validisque adeò rationibus ceruicosam mentem arietauit, infregit, vt Eutyechius in actu vitæ postremo palidoniam cecinerit, in eademque se carne resurrecturum edixerit, quæ abiire debebat in cineres; librum illius in flammis Tiberius imperator iniecerit, vt in fenum illa dogmata verterentur, quæ mortuos, ad instar fumi, resurrecturos mentiebantur.

Sed natus cōmuni bono Gregorius ad leuandam morbo grassante patriā reuertatur, ab oriente scilicet mortuorum, ad viuorum occasum, Romanam hanc urbem lues quædam tabifica inuaserat, perq; omnes angulos latè, & latè serpebat, nullatàm fœta domus quæ non relinqueretur effœta; nullus aer adeò salubris; qui cadauerosorum halitu non putresceret, nullus collis amœno: adeò celo serenus, quo lento gradu pestilentia non reperet; vastum vbiq; silentium, nō tute latebræ, exitiosum auxilium, fuga inconsulta, homines, quasi latuæ cinerulenta macie palantes, labantes, stupidi, stupei; displosæ è nubibus sagittæ

gittæ populū inopinato sternebant, igneę in cælo acies fundendo humano sanguine rubescebant; repentina singuli cęde vastantur nec languor mortem præuenit, sed languoris moras mors festina præcurrit. In tanta cadentis populi clade quid Gregorium egisse putatis, Auditores? An iuxta veterem Romanorum consuetudinem, clauum in Iouis, vel Mineruę templo fixisse, vt debacchantem illic sisteret epidemiam? An more Palamedis Apollini victimas immolasse, vt noxia in orbem spicula iaculari desisteret? An Ioui cum Rhodiensibus simulachrum erexisse, ne homines in posterū, simulachra diuinitatis prosterneret? An anguem Æsculapio cum Epiduarensis deuouisse, vt veneno defæuienti alio veneno consuleret? Exundauerat portētoſa alluione Tiberis, ipsosq; vrbis muros ebulliētibus aquis exceſſerat, deuectus fuit aquarum non flumine, sed oceano trabalis magnitudinis draco, qui cum per salſos maris turbidi fluctus innataſſet, tandē suffocatus in litore putruit, luemq; lethalem halitu pestilenti in hanc vrbem tranſmiſit, quā prius draco alter Epidauro Romanam aduectus, vt ſuperſtitioſa credidit antiquitas, ſola preſentia diſcuſſit. Graſſabatur peſtis hæc infeſtiſſima, penniſque delata ventorum, omnium corpora cū ipſo anhelitur permeabat; ad hanc Aten Romano cælo depellendam, nō Litas ſtrabas, & claudas expediuit Gregorius, ſed Litanias. An vt anguem hunc, ſacris cantionibus, cæleſtis quaſi veneficus excantaret?

An

An vt pythonem immanē viru pestilentem,
 suā telo caritatis confoderet, iugularet?
 Quacunque amburbialia ducebantur, pe-
 stilentia mitescebat, aer noxiā exuebat:
 inclementiam, vita redibat in semianimes:
 artus ad præcūtis vexillum crucis, vel quia
 mors vitæ lignum horresceret, vel quia
 Tau signo conspecto, stragem sistere per-
 cutiens angelus iuberetur. Sanè angelus,
 qui in mole constitit Hadriani, nudatum-
 que gladium in vaginam reposuit, vt cala-
 mitosæ finem pestilentia portendebat, ita
 Gregorij sanctitatem minimè dubio argu-
 mento præsignabat, qui factus in iracun-
 dia tempore reconciliato, diuinam à po-
 pulo vltionem auertere satagebat.

Tibi debet, Gregori, suam Roma inco-
 lunitatem, te suum appellat Iouem melius:
 sospitatore; quid à collata summi Ponti-
 ficis dignitate refugis, quid in mentiū lu-
 stra contendis? Ignea columna, cæli quasi
 digitus, sub caua montis crepidine delite-
 scentem ostendit. Ecce in columna ignis
 loquitur Dominus ad Romanos, qui in
 columna olim nubis loquebatur Hebræis.
 Columna ista veluti niloscopiū, non Ni-
 li, sed tuam prænuntiat excelsitatem, in
 spem vberriamæ messis Ecclesiæ. Fluctua-
 bit inter varios heresium astus Petri nauic-
 ula, sustare debes, veluti filiorum Noemi
 columna inter procellas incōcussus. Suc-
 cubuit tanto ponderi, quasi Atlas, præde-
 cessor Pelagius, te nouum poscit Hercule:
 Ecclesiæ celum, Hercule maiorem vna te
 solum columna confirmat. Deferre Ro-
 mam,

DE D. GREGORIO MAGNO. 161

nam, Auditores, Gregorium oportuit, non enim sponte venire poterat, quem animi demissio retrahebat, ignorans, à se ipso se creari Pontificem, dum hominum gestari se humeris patiebatur. Cunctatum in hoc apice Gregorium qualem vobis obijciam, Auditores? Equidem si misericordia æquè, ac iustitia solium stabilitur, reputate, Gregorium egenis, ac derelictis opes Ecclesiæ, proflusa liberalitate, dispersisse, ut verè cū Laurentio posset thesauros, non in scrinijs, sed in pauperibus indigitare. Suos habeat Persia longam ob manum Longimanos; efferat suos Græcia Cimones in publicum, collatis omnibus, verè Publicolas; prædicet Germania suos Henricos non militum agmine, sed pupillorum stipatos examine; Gregorium Roma producet communem omnibus Mercurium, à quo plures haberent, quod satis acciperent, nunquàm ille, quod satis daret. Sed novum auditores, accipite Gregorianæ pietatis inuentum: ut innumeris quotidie pauperibus certa largitione succurreret, plures in vrbe cursores instituit, qui conditas ægrotantibus dapes, citato cursu, deferrent. Tunc enim verò diuinus Gregorij amor alas habebat, quibus ad erigendam è pulvere calamitosorum inopiam volitaret. Iam caritas illius non serpebat, ut ignis, sed quasi fluuius igneus, rapidusq; ad conferendam pauperibus openi ferebatur. Vidit olim in equo pallido mortem equitare Ioannes; vitam in cursoribus vndequaquè discurrere Roma conspexit. Columba
anti-

antiquitus epistolis Mutinam defende-
ris ad Brutum Hircius adhibuit: hiru-
dines victorię nuntias Cæcina Volater-
ranus excepit, cornicem habuit vice tabel-
larij Marthes Ægyptius; nuntijs alas pen-
natas imposuit, ventorumque nominibus
appellauit Ælius Verus; Cyrus per inter-
ualla locorum tabellarios ita disposuit, vt
fatigatis recentes, & nocturni diurnis suc-
cederent; Gregorius alendis quotidiano
subsidio pauperibus cibarios cursores in-
uexit. Inuidere angeli, si angelicum pe-
ctus mordere potest inuidia, Gregorianis
epulis, ac humano habitu personati inopis
induere sarcinulas, & quamuis peccare nō
possint, cum in veritate constiterint, emē-
titi sæpissimè aspectus amauere menda-
cium. Tēduit Christum suæ, liceat hoc di-
cere, magnitudinis, & licet ipsam non de-
seruerit, adscititiam nihilominus arripuit
mendicitatem, vt denuò qui diues fuerat,
pauper non pro nobis, sed pro se ipso fie-
ret, stipemque à Gregorio referret? qui the-
sauros habebat diuinitatis. Sileatur, apud
Æthiopas Iouem deorum corona circum-
septum singulari comitate celebrasse con-
uiuium; Iouis illi cerebrum, vt cum Pau-
sania loquar, pro cibo geniali comede-
runt: Gregorij mensis proh quoties pro
Ioue poetarum Christus assedit, suoque in
corpore dignatus est ali, qui toties in alie-
no pascebatur?

Verum Gregoriana pietas nō Romæ se
continuit, breuib; circumscripta cæcellis,
sed, quod olim de Romana virtute iacta-
batur,

batur, disperfit cum sole manus, dum immensa misericordis animi latitudine egētes vbiq; locorum leuauit inopia, mœrētes animo recreauit, diffidētes sollicito studio composuit, factus omnibus omnia, vt perditos homines, & ad scelera proiectos vel fuso sanguine luctaretur. Excitabant in Africa Donastia turbas seuiſſimas, ſemelq; lapſos ad ſacram exhomologeſim recipiēdos eſſe renuebant? Cerberos iſtos compreſſit Gregorius. Contendebant Arriani in Hispania ab æterni Patris ſubſtantia filium ſeiungere, & è ſolio diuinitatis exturbatum in creatarum rerū ordinem detrudere? Semiatheos iſtos coercuit Gregorius. Permiſcebant Alexandriam Agnoitæ poſtremi diem iudicij Chriſtum ignorare peierantes, monſtra ferocitate formidoliſſa, veneno peſtifera, numero infinita? E ſuo gurguſtio eliminauit Gregorius. Quis in Anglia deorum aras euertit, idola protriuuit, ſana profana ſuccēdit, Iouem cum ſuo ſemiuiro comitatu exulare iuſſit? Gregorius verè à Beda preſbytero Angliæ vocatus Apoſtolus, Quis Ioannis Patriarchæ Bizantini Oecumenicum ſeſe Epiſcopū venditantis audaciā infregit, retudit impudētiā? Gregorius. Quis Mauritium Cæſarem à profana militia ad ſacram, à galea ad cucullū, à caſtris ad clauſtra tranſirē milites reſiſtētem à ſententia deterruit? Gregorius. Nimirum quid formidaret ad reges, & præſides loqui, cui ſanctus dabat ſpiritus eloqui? Quidni ad altiſſimam ſcribendi methodum euolaſſet, qui pennas habebat colum-

columbæ? Quidni super virum misericordem conquiesceret ales, qui super oleam, misericordiæ symbolum iam ante confederat? Columba illa, quæ decrequentium nuntia fuerat aquarum, in Gregorio diluuium portendebat eloquentiæ. Aduentabat illa ad Gregorium, non arcē Noeticę, sed nauis Apostolicę trierarchum, vt alite hac felicitatis auspice, dici posset cælestem portum bouis auibus appulisse. Quis mihi obijciat Demosthenem torrenti similem, melleo flumini Nestorem, igneo fulmini Periclē, Rhodano Hilarium, Catadupis Chrysostomum, Gregorius angelo comparatur, quod eloquentiæ tuba classicum caneret, & rerum contemplatione cælestium absorberetur. Mellificarint apes in ore Platonis, in ore Stesicori lusciniā cecinerit, in labijs Periclis Pitho sessitarit; dictus fuerit latina Siren Valerius, Suadæ medulla Cethegus, Rex fori Hortensius, Philomela sophistarum Prusæus, Apis Attica Zenophon, aurea Lusciniā Basilus, Meliphthongos Elianus; Gregorium pro aureo dialogorum opere, glorioso Dialogi cognomento fuisse nuncupatum confirmat ex Genadio Baronijs. Loquuntur auream dicendi copiam luculentissimā, quæ ad seros nepotes moralia transmisit; loquuntur epistolæ varios ad orbis principes exarate, plene succo, & sanguine; loquuntur eruditissimi in sacros codices commentarij; loquitur infelicissima illius sæculi conditio, cum enim obsessa toties à barbaris, ac diruta Roma, barbarissimis repleta latinitas, & sollicit-

DE D. GREGORIO MAGNO. 165

Iæcismorum obducta carie obsoluisset,
 miraculo adscribit Baronius, Gregorium
 inter tottenebras aliquo illucescere potuisse
 fulgore. Sed quid ego Gregorianæ cla-
 ritati caliginem offundo tenebricosus ora-
 tor? Illuxit ille iam inde ab initio, cum in
 scientijs capeffendis radios exeruerit inge-
 nij, prætulit faces, cum in Angliam fidei
 vexillifer iter celerrimum expediuit; flam-
 mas ostendit caritatis, cum inter mortuo-
 rum cineres; cælesti interius igne flagra-
 uit. Vidisti olim Roma columnam Gre-
 gorij latebras irradiantem; sensisti fulmi-
 na eloquentiæ animum percellentia, co-
 lumbam illius, in his pestilentia cala-
 mitatibus, potes sibi conciliare
 propitiam, nam epidemiæ
 tempore nihil aliud
 antiquitus equè
 regibus
 prodcrat, ac co-
 lumba.
 (?)

Dicebam.



D E
S A N C T O I V O N E
pauperum Aduocato.

P A N E G Y R I C V S.

*Dictus Roma, Anno Domini
M. DC. XXVIII.*

IN tandem recurrente celebrita-
tis annuæ tempore faustissima,
illius Iuonis natalia repetimus,
qui Gallicani rex olim fori, pa-
tronorum alpha ciuiliū, inopum singu-
laris assertor, humanis solutus à curis, cæ-
lestis curiæ templa peruasit. Deberem an-
tè integerrimos Quiritium Areopagitas,
in tam honorifica panegyri locuturus, de
Atheniensium canone, comparatum ad
aures demulcendas eliminare proloquium:
deberem apud publicæ vindices æquitatis,
omnes ad aucupandos animos ablegare
veneres orationis: nihilominus, quia in
eo genere non versamur, ut Catoniano
supercilio debeant iudices alicuius flagi-
tium expendere: sed in quo de præclaris
sanctissimi viri facinoribus lætabunda
triumphet oratio, & clariori veluti in spe-
culo imaginem suam optimus quisque
cōtueatur; nullus me acriori sermone per-
stringet, quod in ipso orationis vestibulo
mentes excitare contendam auditorum.
Licet officiū istud venandæ beneuolentiæ,
non

non sit opus impendere, cum iam videam quàm libèter in laudes Iuonis attentio vestra conspiret, adspiret humanitas indiserti vocibus oratoris; vt potius vereri non leuiter debeam, ne, dum in clarissima iudicum frequentia, de iudicis optimi virtutib. sum dicturus, nescius, quid valeant humeri, malè videar de meis viribus iudicasse. Et sanè tam eximia sunt, quæ de Iuone transmissa nepotib. facinora prædicantur, vt animum singula meum æquè rapiant, æquè absorbeant orationem, nec in tanta rerum segete aliquod decerpere facilè valeam, quod colligam in fasciculum laudationis; neque possit laudatio tam vberem segetis copiam, angusto temporis circulo, colligare. Verùm cum inter omnes virtutes Iuonis principem sibi locum vendicet pietas, illud ego breuissima commendatione contendam, in vniuersis Iuonis operib. plurimùm emicuisse pietatem, ac in illis proprio quasi titulo triumphasse.

Quo loci non ego vetusta Iuonis stemmata recolam, nō perantiqua familiæ monumenta refodiam; prætendant fumosas, ne dum famosas auorum imagines, obtrudant stantes in curribus Æmilianos, qui proprium in caput enituntur gentilitium, deriuare splendore: Iuo genus, & præcauos, & quæ non ipse posteris monumenta consignauit, vix sibi reputat; benè prolixam maiorum genefim suo vix agnoscit in stipite; illa sibi vendicat acroamata, quæ vt illum super aleam hominum euehunt, ita maiorem quocumq; homine faciendam deponcunt.

poscunt. Oriatur igitur clarissimis Iuo natalibus, gloriosæ præferat radios nobilitatis; pietas in sanguinis amplitudine palmā referre laborabit, dum voces festinè perforantes, dum flammæ oculos in tenebris perstringentes demittet è cælis: hauserit Iuo è nutricis vberibus, procliuem ad bonum indolem: pietas blâdissimo fouebit in sinu, ad templa perducet, suggeret preces, Dei cultum excitabit. Ad altiores disciplinas internis igniculis Iuonis rapiatur ingeniû, pietas Lutetiam, illas Gallorum Athenas alliciet; Aureliam, illam scientiarum palestram impellet, vt iuri Pontificio sedulam impendat operam, vt sacræ theologiæ spatia gymnastico in puluere strenuus percurrat. Et benè constitit, quàm celebrem de scientijs omnibus pietas triumphum reuerxit, cum theoricas omnes practicis deferuire cohit Iuo virtutibus, cum non se studuisse, vt sciret salutem, sed sciuisset, vt studeret saluti clarissimè patefecit. Iam multus de Iuonis doctrina sermoq; percrebuerat; iam quantum polleret ingenio, aures vniuscuiusque peruasera; cum in Rhedonensi primùm ditione, mox in Trecorensi ciuitate Ecclesiasticum cooptatur in iudicem, in florentissima ciuitate iustitiam administraturus, qui sedatis animi perturbationibus iustum se antea præstitisset. Prouocent se ad messem auream auidissimi curiæ harpagones, duo togati vultures, duo accipitres pecuniæ Stratoçles, & Dromoclides: tyrannidem exerceat in Neroniani iudicis pectore vitiorum illa metropolis, illud

PAUPERVM ADVOCATO . 16

lud improbitatis elementum, auarities: pie-
 tas Iuonis regnabit in animo, dū illius tru-
 tinam æquitatis non inflectere munera, nō
 auri pōdera deprimere poterunt. Sint do-
 naria tinea regiminis, Mercurij virga, pla-
 centa infernalis, bos in lingua forensium,
 quibus seueriora iudicium pectora sepēnu-
 mero eneruantur, demulcentur, concilian-
 tur, detinentur: sit aurum in litibus arbiter,
 in affectibus tyrannus, in deliniendo fire-
 nula; Tulliani tuba raucescat eloquij, vbi
 pecunia loquitur; Hectoreæ militiæ fulgu-
 ra compescantur, vbi nummus decertat,
 virtus frangantur Herculeæ, vbi hastis pu-
 gnatur argenteis; non poterunt hæ com-
 motiones Iuonis animum vel decutere le-
 uiter, quin semper ad pietatem Iuo susti-
 nendam quadratus existat. Erigat senato-
 rum imagines Thebana respublica sine
 manibus, quia manus protendere ad mu-
 nera, turpe sit iudici: Iuo manus habebit,
 non quibus accipiat, sed quibus eroget, nō
 quibus ditescat, sed quibus ditet. Conuo-
 labant ad eius tribunal, ad causas dirimen-
 das, quocumque ex ordine homines, om-
 nium Iuo momenta rationum æquali mē-
 tis lance trutinabat; & si quando aduer-
 sus aliquem, ita poscente iustitia, tulisset
 sententiam, liquefcentibus præ mœnore
 visceribus, vberrimas soluebatur in lacry-
 mas, aliorum maculas, defluente per ge-
 nas imbre, tergebat, pecuniam illi, cui
 causam contrariam adiudicarat, è pro-
 prijs articulis reponebat. Eraxisset Alphon-
 sus Aragoniorum rex ille iustissimus, si
 rem-

dò patronus vendibilem à se facundiam proscripsit. Vidissetis Iuonē egenorum vndique stipatum exercitu, quos lacera gemebundo aspectu paupertas à iudicium subfellijs plerumque solet arcere, propriam reuocare sub clientellam, in illorum patrociniū diurnas, nocturnas conferre vigilias, lucubrationes lucernam olentes ad auro-ram vsque producere, vt posset in foro argumentorum iacula totis laterum conatibus euibrare. Laureas dicetis istas, Auditores, omni potentis eloquentiæ, quas de expugnatis iudicium animis Iuo referret, sed triumphos ego pietatis appellabo, dum Iuonem, quasi Iuonem recolo, dum pupillorum parentem, viduarum perfugium, pauperum Aduocatum acclamatum fuisse comperio.

Iam vero lustrate animo virtutes Iuonis vniuersas, percurrite consignata monumentis tanti hominis, egregia facinora, omnia redolere pietatem; omnia pietatem prætereunda reperietis.

Exardebat crudeli domus incēdio, flammæ emouebant vndique fenestræ, ignem laquearia cōceperant serpebat per omnem latē supellectilem ardor, iam saxa, iam parietes dissoluta compage dehiscebant, vbiq; fumus, vbiq; fletus, ruina, perniciēs, interitus: Iuo deplorantium fortunas incolarum calamitate vehementer affectus, diuinas in genua protiolutus ad preces, debacchantem per tabulata semiuista flāma breuissimo tēporis momento restrinxit. Quid hic efferam, aut quid non efferam? Singu-

Iarem in celesti bonitate fidem collocatam?
 summam Iuonianæ præcis energiam? de-
 fluentes, depluentes ab oculis lacrymas, vel
 è longinquo tollentes incendia? supremi
 numinis beneficentiam ad Iuonis postulata
 exustionibus imperantem? sunt ista quidè
 magna; sunt admiranda; sed video, in tot
 ignibus exardere magis Iuonis pietatem;
 video de voracis ardoribus elementi incē-
 dium triumphasse caritatis; ità dum per
 aridas trabes auidiſſima flamma grassatur,
 ardentiori Iuonis æstu diſcutitur. Sed quæ
 deflagrantem pietas igne deuicerat, parum
 sibi retuliſſe gloriæ videbatur, niſi vel effu-
 ſa exundantium aquarum eluuiſione glorio-
 ſior appareret. Rem produco veſtris auri-
 bus fortasse recentem, miraculum hac no-
 ſtra tempeſtate non obuium, facinus, quod
 ſicut à nouo fuit Moyſe patratum, ita non
 muliebris numeros cantilenæ, ſed maſculæ
 pondus eloquentiæ depoſcit. Non poterat
 Iuo, interiori flamma illius animum ad va-
 rias diſtrahente regiones, vnico ſub cælo
 conſistere, ſed finitima in oppida, ad gre-
 garios, & analphabetos homines Chriſtia-
 næ fidei præceptis informandos, explorato
 ſalutis diſcrimine egreſſus, ad inferendum
 in hominum pectora diuinæ cultum maie-
 ſtatis, eſtuante pietate rapiebatur. Diſceſ-
 ſerat Iuo pedibus longam meditatæ ani-
 mo profectionem, cum ad flumini contini-
 nenti multorum dierum imbre tumefa-
 ctum peruenit; vt nullo poſſet auxilio ex-
 cedentem è ripis ſecurè traicere. Ià aqua-
 rum immenſa copia ſtagnantium vndique
 pla-

planitiem infederat, natabant sylvæ, nutabant arbores, fluitabant tritica, fluctuabant segetes, aggeres obruebantur, vnius fluenti alueo continebantur omnia, quomodò tam immanes vndas Iuo tranabis? qua cymba vorticosos turbidi fluminis euripos transmeabis? An in modum nauigij, subducto genibus pallio, & apice in velum erecto transmittens? At pallium tua nuditas non admittit. An super aquas, Petri fidè imitatus, alacri pede gradieris? At Christum ex aduerso litore non intueris. An relabentem æstum, & refluentes vndas expectabis? An nimium temporis spatium malè feriatum impendes. An patrios ad lares hoc infortunio perterritus te recipies? At vltèriùs populorum te salus extimulat. Quid hic de Iuone sanctissimo cogitatis Auditores? quem exitum Iuonis iter consequuntur esse putatis? O Iuonem, medijs in fluctibus non animo fluctuantem? Pietas, quæ de omnibus illius operibus hucusquè, triumphum reuexit, erectis hinc indè vndis, sicco fecit transire vestigio. Scilicet vix summis pedibus æstuosum flumen Iuo tetigerat, quum repentè scindere sese vnda, & ab illius aufugere plantis incepit, cursuque cohibito tutam in alueo semitam cõplanauit. Iam sua conticeat Moyses portentosæ virgæ prodigia, insigniora posteris transmisit Iuo miracula: Moyses extraneo Dei monitu excitatus; Iuo interiori fide commotus: Moyses, vt durissimi collum subduceret iugo seruitij; Iuo, vt caritatis mancipium euaderet: Moyses

mare pacatum; Iuo fluuium placatum: Moyses, vt educeret populum, Iuo vt solus discederet; Moyses adhibita virga; Iuo solis precibus transiit. Iam non gloriatur Moyses veluti clarior, quod frequentia cum Deo prepotenti colloquia miscuerit, & micantissimos cornuit splendoris radios ab illius consortio mutuarit; habet etiam Iuo, quæ cum Christo consuetudinis argumenta depromat, habet, quas exerere possit faces ab aspectu. Quid cum decumbenti ad tenuem mensam Iuoni, fœdus illuue pauper, pannis obsitius, ac fame penè confectus inopinato accessit aduentu, ac postea modico cibo recreatus è cœna repentè consurgens, diuinam exhibuit oculis faciem, radios dimittere cepit à vultu, in candida veste, admirabili incessu demigrauit? Nonne Deus ille fuit, qui efficta corporis forma personatus in eo reperiri voluit conuiuio, vbi sobriè caritas epularetur; illis depasci ferculis, quæ pietas Iuonis sine genio genialiter opsonabat? Quid cum immaculatum agnum, diuino in sacrificio immolaret, & sacram hostiam, calicemque populo recolendum sustolleret; igneus globus Iuonem admirando fulgore circumdedit, ac tantisper obsedit, donec ille deponeret? Nonne ignis ille de cælo dimissus flammam arguebat cordis ardentem, qua totus entheus, totus igneus diuinæ amorem bonitatis deperibat? Quid cum in frequenti multitudinis accursu, cinerei candoris columba Iuonis considerare capi-

capiti conspecta fuit , quæ picturato prius
 collo nitidissimos lucis radios emittens ,
 postea toto de corpore obcæcantem ocu-
 los fulgorem expandens , cælesti planè lu-
 mine caput Iuonis irradiavit ? Nonne vo-
 lucris illa diuini spiritus internuntia tem-
 plum amoris Iuonem præferebat, cuius in-
 apicem conuolarat ? Fuisti re vera , Iuo ,
 salutaris æthna pietatis, quam iam inde
 matris ex vtero cumulatè traxeras: euibra-
 sti gladium æquitatis , sed erat ille flam-
 meus ardore beneuolentiæ, contorsisti spi-
 cula eloquentiæ, sed in scopum illa pietatis
 collineabas. Loquatur pietas, vel igneis lin-
 guis, cum domus incendium maiori flam-
 ma restrinxeris , loquatur ad vocem aqua-
 rum, cum illas in geminas hinc inde partes
 dissecueris , loquatur Patris hospitem, Filij
 conuiuiam, sancti Spiritus templum ;
 satis ego de tuæ pietatis trium-
 pho loquutus , Pharium
 versus in Harpocra-
 tem contice-
 sco .

Dicebam .



B. PHILIPPI BENITII

Florentini Ord. Seruorum
B. M. V.

E N C O M I V M.

Habitu Romæ in Collegio Diui
Marcelli.



Inuicem sapientiam sacræ perhibent literæ, cum excelsum sibi domicilium statuisset erigere, septem è purissimo lapide columnas, quas super immensa moles ædificij consurgeret, excidisse, paruulumq; innocua simplicitate suauissimū, vt secum in atrio versaretur, aduocasse. Videntur, Auditores, meis hic oculis obijci sanctissimæ religionis natalia, cum Virgo deipara sapientiæ cælestis mater simul, ac filia, æternū in terris atrium excitare sibi cupiens, septenos è florentissima vrbe Florentia patritios exudit, ac planè diuulsit à patriæ solo, vt inclytum seruorum suorum ordinem, firmissimæ veluti columnæ sustinerent. Nisi potiùs montem illa Senarium elegit, qui septem inter alios sublimi vertice attollitur, ibique securam religiosæ familiæ stationem instruxit, vbi felicius, quàm olim in Prytanæo, viri plures suo insigniti nomine, rebus diuinis addicti versarentur. Sed quis vnquàm fuit ille paruulus, sapientissima adoptatus à
Vir-

Virgine, nisi Philippus Benitius, ille Christianæ splendor reipublicæ, illud Florentiæ candidissimum lilium, illa terrarum orbis lampas clarissima, cui Virgo eadem, eximio splendore circumfusa, copiisque stipata cælestibus, aurato deuecta curru, conspiciendam se præbuit, ac diuina voluptate perfusum ad iam iam crebescantis institutum sôdalitatis animauit? Paruulum appellauî ego Philippum, non propter obscuri generis tenuitatem, quod in eo maximè enituit, auorum gestis illustrare, non ob virtutum inopiam, quibus fuit cumulatissimè locupletatus, sed quia cum meritorum magnitudine ceteris emineret, toto vitæ curriculo sibi paruus apparuit. Huius ego laudes dum breui orationis periodo circumscribere incipio, extendite vos prolixam, vt soletis, ad audiendum humanitatem. Neque verò in tam vberî rerum dicendarum campo, vellem ego minima quæque decerpere, sed maiores virtutum apices delibare; at mirabilis aded fuit in omnibus suæ vitæ partibus Philippus, vt si singula recensere molestum fuerit, sit etiam præterire vitiosum. Vix enim parenti vterus intumescere cepit, cum sibi visa est in somnijs nocte concubia, facem maternis è claustris emittere, quæ radios vndequaq; fulgentes eiaculans orbem incenderet vniuersum. Sileatur, quod olim Cæsaris pater Cæsar in quiete somniauit, Aureliam coniugem intimis solem concepisse visceribus; sol enim infæustus extitit gloriosus alioquin ille di-

Etator, qui cum orbem Romanæ luce virtutis impleffet, apparuit tandem in occafu vitæ fanguineus. Feliciorem exitū Philippi parentibus clariffima in tenebris fomnia portēderunt; exeruit enim in ipsis cunabulis, in ætatis aurora puerulus eximiae splendorem sanctitatis, cum à matris abhorrens amplexibus. Nicolaum Myræ Antiftitem æmulatus, lacte nutricis incepit ftatis dieb. abftinere, ieiuniumq; prius noffe, quàm cibum. Decumbant alij in rofeis puluillis delicatuli populi, ftragula ferica depingat opere Phrygio acus industria, fascias è vêtto textili, vel linea nebula Coamanus innectat, bullas aureas inftuat cum crepitaculo nutrix, fomnum adfpergat ocellulis concinnata dulcibus modulis nenia; Philippus fatis habuit molli pro toto thalami pauimentum, pro blanditijs afperitatem, pro crepundijs imagunculas facras, pro cætilenis preces diuinas. Loquor prodigium illud, cum quintum vix mensem ingreffus, duosq; Seruorum ex ordine Patres, panem oftiatim emendicantes intuitus, matrem, folutis lingue vinculis, cum adhuc ob ætatis infantia balbutire nesciret, clariffimis cepit verbis, ad ftipem Mariæ famulis corrogandam, hortari. Hæreo hic, Auditores, graui ftupore defixus: infantem, qui paucis ab hinc menfibus oculos ad lucem aperuit, nunc homines de facie cognoscere? qui proprium ad commodum linguam expedire non didicit, alienæ vtilitati patrocinari? qui lacte nutricis indiget inops fui, paternas opes elargiri? qui matris nomen

ad

ad aures frequentissimè decantatū efferre nequit, Mariæ vocem articulatim enuntiare? An, sacer pupule, Atym Lydiae regis filium æmulari voluisti, qui cum Cyri militem violentas patri manus inferre moliētem aspiceret, illum abruptis linguæ repagulis ab impio flagitio deterruit; cum tu quoque futuros tibi fratres, fame consumptos ab ea pauperrimę conditionis calamitate vindicare contenderis? Sed adolesce, Philippe, si in fascijs loqueris, quid ni adultus eloquaris? Quod flumen aliquādo manabit opportunæ facundię, si omnium beneficio tam copiosè decurrit in fonte? Sensit Florentia, cum emenso Patauij, ac Parisijs plurium disciplinarum stadio, laurea; suscepta, distractam in partes, ac ciuilibus dilaniatam odijs patriam sibi conciliare studeres; audiuit flexanimam eloquentiam, cum hostiles lenire discordias, extinguere flammās, dirimere nodos omnes difficultatum satageres; vt audire aliquandò merueris pendentem è cruce salutis nostrę reparatorem, ad montis Senarij te latebras; recessusq; sanctissimos allicientem. Agedum igitur mecum, Auditores, Philippum sequimini, qui carni nuntium renūttens, ac sanguini, cælestem ad vitam iter ingreditur, ac venerabilis viri pedibus aduolutus, ad illorum habitum admitti insolenti postulat humilitatis exemplo, qui vel obscuris præpediti natalibus, vel mechanicis tantum idonei, vilioribus collegij ministerijs addicti, à sacris ordinib. remouentur. O in teneris annis adamantipum

pectus, & in ætate cerea animum æneum, qui tam strenuè in arena virtutum superbix cristas depreffit, fraudes elusit, conatus infregit. Scilicet illius in ordine Virginis venerat famulari patritius, quæ cum cæli regina esset, ac terræ, humilem se nuncupavit ancillam. Nunquam se putasset religioni Servorum adscriptum, nisi ceteris in morem mediastini deseruire cæpisset. Inuitatus illas ad nuptias, quibus animus triplici votorum fœdere maritatur, ultimo voluit loco discumbere. Reputate vos animo, quam optaret in omnibus esse centimanus, cum vel in horto, cæli expositus inclementiæ desudaret, vel nocturno tempore longas in labore domestico curas produceret, vel panis frustula, iniecto humeris sacco, per viciniam quæriraret. Ad illa gradum facio, cum eximia sacerdotis dignitate, maiorum inauguratus imperio, sacris aris adstitit litaturus. Quo loco quid ego plura prosequar, cum angelicæ voces sermonem mihi præripiant? Vix tremenda illa verba protulerat, quibus è cælo Christus candidum in orbem deuocatur, cum ecce, reboante, hymnis suauissimis tēplo, concētu dulcissimè temperato, celestium spirituum chorus intonuit, verendamq; illa verborum triadem Sanctus, Sanctus, Sanctus alterna modulatione concinuit. Quam vellem mihi nunc pectus esse seraphicum, ut vatis emulator antiqui nostram cōferre possem cum illius visione lætitiā? Tunc duo in cœlis angeli cecinerunt, nunc conferta angelorum acies de cœlis labitur, tunc nutarunt tem-
pli

DE B. PHILIPPO BENITIO. 181

pli limina, nunc labat præ sonitu Ecclesia,
 tunc excelsio Deus apparuit in solio, nunc
 sub velo candidissimi panis innotescit, tunc
 fumo tota domus inuoluta fuit, nunc tem-
 plum suauissimo turis odore perfunditur,
 tunc pollutum se labijs prophetae indoluit,
 nunc Philippus illibatum Deo animum de-
 uovere cõgaudet, tunc oris maculas alatus
 nuntius ignito carbone deterfit, nunc exi-
 guo orbiculo, caritatis ignitæ compendio
 immaculati hominis mūditiēs depurgatur;
 tunc ad deterrendum à flagitijs populum
 dimissus est vnus, nunc alter barbaras ad-
 gentes, ac mentes cõcionator Apostolicus
 allegatur. Loquatur Gallia, quæ suum per-
 tæsa Herculē, suauiores experta est ab ore
 Philippi catenas prodire eloquentiæ, cum
 vinculis illaqueata sermonis, rapī se in
 amorem sensit æternæ felicitatis. Loquatur
 Germania, quò missus à Nicolao V. Ponti-
 fice, & sæpius expetitus à Rodulpho Cæsā-
 re, diuini verbi semen felicius, quàm olim
 Cadmus anguis occisi dentes copiosè di-
 spergens, innumeros exurgere vidit ad celi
 victoriā, Christianæ militiæ triarios. Lo-
 quatur Pannonia, Saxonia, Flandria, vbi
 cum linguis loqueretur omnium, multipli-
 cem se se vertebat in Proteum; loquantur
 Tartari, barbari, in quorum tentoria stre-
 nuus fidei antesignanus vexillum intulit
 crucis. Vnum ego præterire non possum
 caritatis eximiæ portentum, linguæ non
 tam officio, quàm manus. Inaudiuerat Phi-
 lippus, duas Cīrceā quadā in æde prostare
 venustulas Phryges, adolescētum Lamiās

Megaricas Sphynxes , ad quarum lupanar
 omni velut obſcœnitatis emporium ciuitas
 vniuerſa cōflueret; cum foueam illam ſor-
 dium , ac publicarum vt cum Tertulliano
 loquar, libidinum cōſiſtorium ingreditur ;
 cauſam ibi pro illarum ſalute pudicitiae pa-
 tronus accuratè perſequitur, tantum pecu-
 niae auocandis à ſordido quæſtu muliercu-
 lis elargitur , quantum venalis pro corporis
 voluptate ab amaſijs exigebant . Faceſſant
 hinc, qui aurum ferro nocentius, malorum
 irritamentum , hoſtem caſti moniae nuncu-
 parunt ; faceſſant , qui Iouem aurea pluuiæ
 Danaes in ſinum defluxiſſe aureis ineptijs
 cornicantur ; Philippus auro euulgaſi iam
 corporis puellas ad puritatis inſtitutum ,
 ab omni ſcœditatis labe ad ſacra conclauia
 traducit . Philippum liceat hic mihi verius
 appellare Chriſologum , cum auream non
 tam ore facundiam , quàm auri copiam li-
 berali manu profuderit . Veneris caſtra ar-
 genteis haſtis aggreſſus impudicitiam è ſua
 ſtatione deiecit. Præmiſit aurum de Philip-
 pi conſilio. Macedonis Florentinus Philip-
 pus , vt ſi non poſſet aculeo linguæ , aureis
 ſaltem pilis arietantibus , arcem illam ada-
 mantini pectoris expugnaret . Quid cum
 longis itinerum laboribus exanthlatis , ad
 adicem illum ſupremæ in ſua religione di-
 gnitatis , ad quem egregijs ſibi meritis adi-
 tum complanauerat , nemine præter ipſum
 contranitante ſublatus, ſaſtigiū illud con-
 ſtanti ſic animo declinauit , vt niſi voce de
 cælo delapſa , ad Spartam illam potuerit
 incundam impelli. Quid cum in Florentinæ
 urbis

urbis Antistitem vnanimi populi acclamatione vocatus, generosa se se fuga proripuit? Quid cum ad Petri sedem impendam maiori purpuratorum Patrum suffragio inuitatus, vt clarissimus veluti sol Christianæ Reipublicæ præluceret, nocturno tempore inter obscura montis penetralia delituit, & non tam sibi dignitatis, quàm ambitioni innexit occasum? Quæso, cum facinus adeò sit insolens, exemplum palmare, dignitas cælo proxima, paulisper mecum, Auditores, animo sistite, & corpore, præteritorumq; refriccate memoriam temporum, cū è viuis erepto summa omnium mœstitia.

Clemente IV. Viterbium Cardinalitij ordinis senatores cōuenerunt, vt aliquem innocentia vitæ meritisque spectabilem, qui ad clauum nauis Apostolicæ præsideret, eligerent; cumque in varias hinc indè sententias discrepanti suffragio discederent, Othobonus Cardinalis Fliscus ingenti suffultus aliorum numero, Philippum, qui ad Petri sedem omnium calculis eueheretur, exposuit. Lætare Christiana respublica, vt quæ prius hæresium obsessa viribus, & ferè oppressa conatibus miserrimè iactabaris, Philippo tandem erecta Pontifice conquiesces. Lætare, Philippe, eris arbiter mundi, oraculum orbis, diuinæ legis interpres, ecclesiæ nauarchus, pastor catholici gregis, Christi vicarius. Tuos ad pedes principium purpuræ, regnū sceptræ, imperatorum diademata prosternentur, imprimet per humillimos nuntios pedibus oscula niger Æthyops, diues Indus,

im-

immanis Tartarus: nunc producere poteris, & promouere validius adolescentem Seruorum ordinem; haeresium hydræ syluescentia capita non tam gladio potestatis, quam igne concionum extingues; Turcarum tyrannidem quotidie magis ferocientem retundes; fidem ad ignotas solivias, vitiorumque caligine consēpultas extendes. Tuum erit Romanis clauibus cælorum ianuam recludere, illaqueatos omni scelere mortalium animos soluere, spiritales ad plenam expiationem thesauros liberali manu profundere. Quem Herculem licet ætate prouidum tam multæ regnandi viæ non decepissent? Quem Paridem, quauis limatissimi ingenij hæc aurea poma ancipiti non consilio suspendissent? Honor scopulus virtutis, magnes cupiditatum, fomes affectuum, meta consiliorum, Helena tam multarum gentium; Penelope tot procorum, quem non alliceret, titillaret? Philippus ergo inter sensus lenocinia, inter electorum suasiones constitutus, quid eliget, aut quid non eliget? Vix ad sui fauorem Cardinalium mentes voluntatis inclinatione propendere præsensit, cum repente, è vestigio, solus, nocturno tempore, pedes, insalutatis omnibus, Viterbio digreditur, ac maturata fuga sollicitus, in arcanas se montis Tuniati latebras factus de Pontifice Anachoreta detrudit. Tam bene sciuit, Philippe, dum in te, torrentis in morem, omnium vota confluere, ad montium saxa perrepere? Siccine præcipuam hominis esse dignitatem.

tem autumasti, non honoribus fungi, sed honoribus dignum existimari? Pontifex ciuitati supra montem positæ comparatur? tu Pontificium minus euitans, arduum peregrinari in montem? An nostræ te vindicem libertatis imitari delectat, qui dum ab exundante multitudine quæreretur ad regnum, in montem secessit ipse solus? Quauis (absit verbo culpa) ipso te fateor orbis reparatore maiorem; Christus tandem deferendum à populi colluuiæ regnum sola recessione declinat, tu regnum triplex à summis ecclesiæ principibus demandatum exilio voluntario repudias. Sed quid agebas inter caucaseas illas rupes, & scrupea ferarum cubilia, nisi quod, animo ad cælum euocato, in altissimam rerum supernarum contemplationem rapiebaris, ni fortè cælestis aulæ ciues, felicitati, vt ita loquar, inuidentes tuæ, ad beatissimos recessus illapsu feruenti deuolarunt. Neque ego fallor, Auditores; sæpè enim Virgo Deipara, copioso beatarum mentium numero circumstipata, ad Philippum inuisendum aduentauit; diuinumque illius brachijs infantulum castis osculis suauiandum imposuit. Felix, & tua clarior obscuritate spelunca; inuidere tibi potest Insulæ antrum Erythræ, vbi sol roseo clarus exortur, pluribus vernantem coloribus iridem pingit, cum maiori Philippum claritate virtutum irradiet. Cædat illa Britannia cauea, quæ discurrentium ab hianti vertice ventorum flabra sorbillans, imitantem musica sym-

bala

bala sonitum concinnabat; cum in re quo-
 que Philippus diuini spiritui tenui sibilo
 permeantis aura perflatus, Sacras Deo lau-
 des exoluat . Cedat illa Vulcani officina ,
 cum tuis in visceribus, ad inferendum ho-
 sti teterrimo bellum, in vndis lacrymarum
 fatalia magis arma temperentur. Illæ hispi-
 dæ fasciæ , quæ cruento Philippi corpuscu-
 lo reuoluuntur, indicant vincula, quæ prin-
 cipem tenebrarum secura victoria catena-
 bunt ? ille verberum turbo , sonantiumque
 fragor plagarum impendentis est certami-
 nis classicum; ille sanguis, quid disruptis, ac
 hiuleis depluit à membris scribendis erit
 prælijs atramentum ; illæ lacrymæ, quæ si-
 nuatam nudis genibus humum interfluunt ,
 humorem perennem suggerent illis fontib-
 us, qui mirabilium copia aquarum ex arido
 saxo manantes ægritudine omnem
 læsis à corporibus prodigiosè depellent .
 Quis mihi aquas illas in mentem reuocet ,
 quas in vrbe Ierichuntina salubres reddi-
 dit Eliseus, quas eduxit è lapide Moyse ,
 quas in Cherroneso de rupe Clemens Ro-
 manus elicit ? Philippus antiqua nouis
 præuertens miracula, nō semel, sed iterum
 sicco de pumice ebullientis aquæ fontem
 euocauit, quæ varijs excepta per defluxum
 alueis, Fletruriam vniuersam omni mor-
 borum cakinitate restaurant. Quoties are-
 factis ardente Sirio montis eiusdem ci-
 sternis, solus Philippi fons emanantem iu-
 gi fluxione riuulum custodiuit ? Quoties
 plures dies in angusto terræ foramine ,
 vel nullo cibo protraxit, vel exiguo panis

mucidi frustulo longam inedia[m] infregit ? Quoties in se crudeliter pius, supplicijs excogitatis, repentem ad cordis fibras libidinem profligauit ? Sensit se quondam Philippus impuris æstuar[e] voluptatum flammis, quæ totis gliscendo medullis, animum ad obscœnos amores incendebant, cum ecce tandiù gelidis niuib[us] nudatum corpus obuoluit, donec artus acutissimo frigore tabescentes furentem calorem abijcerent. Reputate vos animo ceteras viri sanctissimi virtutes, percurrite consignata posteris eximiæ sanctitatis argumenta, panem illi alendis patribus copiosè de cœlo delatum, euocata de nubibus in facinorosos homines fulmina; depulsas ab elephantiaci corpore pustulas; condonatam inferentibus iniurias veniam, quorum singula integram à me postularent orationem, si parem reperirent in oratore facundiam. Philippus toti mundo spectabilis, meritis opulentus, ditescere non potest frigida orationis inopia, & qui ab V R B A-

NO VIII. solemnem expectat
apotheosim, non debet à
me pedestrem panegyrim postulare.

Dicebam.

B. ALOYSII GONZAGÆ

E Soc. Iesu .

VOTIVA LAUDATIO.



Yllam, felicem illum Epaphroditum post Africanam militiã gloriosis se verbis efferentem nescio quis perstrinxisse legitur optimatum , quo modo boni viri nomen posset assumere , qui modica in fortuna relictus à patre tot subinde diuitijs afflueret . Videtur enim opulentia morum integritati bellum indicere , cumque hastis illa pugnet argenteis , incrimem virtutum aciem ita profligare , vt eodem in pectore statua locare non sinat . Opes meritò sapiens ille Lacedæmonius thesaurum appellauit malorum , calamitatis viaticum , fomitem improbitatis ; aureis siquidem nodis possidentium voluntatem illaqueant , & inertis quamuis homini , ac testudine animos faciunt ad quæcumque flagitia . Non enim potest aurum terræ partus terrenis non implere sordibus Midas illos , quorum pascit auaritatem , neque diues flammis non torreret libidinum , quem circà fulgentes auro veste exardent . Cæsarem , atque Pompeium , furialibus in exitium reipublicæ facibus , immodicæ facultates armarunt , cum ciuiles intestino odio discordias , dissecta velut aluo , viperina , hoc est , nimia felicitas procreauit . Verùm , vt ego non inficias ierim , viros

viros è puluere erutos, & ad opulentæ fortunæ splendorem traductos in omnia facile vitia collabi, ita arbitror, virtutis iter, salubrorum alioquin, & arduum opportuno diuitiarum auxilio complanari, ac ingenuo de sanguine genitos in studiosorum hominum albo facili posse negotio conscribi. Neque verò conciliandæ causâ fidei, veterum ipse monumeta refodiam, ille, qui vestris obiectus est oculis, occurrat etiam animis ALOYSIVS GONZAGA Cæsarei Princeps imperij, Italicos Dynastes, coronatum caput, qui licet clarissimo à stemmate natalia deriuarit, educatus in rosa, enutritus in aureis aulicorum nugis, non decipi se tamen est passus dulcibus diuitiarum prestigijs, non irretiri laqueis voluptatum, sed in tanta arridentis fortunæ amplitudine, vnicam, quæ summis exulare videtur à domibus, nouit amplecti virtutem. Vtinam locuples à me facundia deflueret, vt parem diuiti argumento orationem haberem; sed mea mihi fortasse proderit verborum inopia, vt illius tantum diuitijs nuda ditescat, & Aloysius non de meo accepisse, sed de suo contulisse mihi videatur. Licet tota qualiscumque futura sit, Aloysij futura sit oratio, qui materiam infanti oratori suggestit, & vires, vt illam, meo veluti Ioui inspiratori, in templo æternitatis affigere debeam, ad instar tabellæ, votiuacum sit.

In ipso igitur limine constitutus, atria nō perlustrabo Gonzagæ familiæ, signis, & imaginibus vndequaque referta, non mar-

moreum vetustissimæ gentis populum recensebo; qui enim nomina suæ familiæ longo ordine, & multis illigata flexuris, in prima ædium parte distribuunt, non notî magis, quàm nobiles esse cupiunt. Nulla est adeò barbara, adeò seposita natio, quàm gloriosæ non stirpis fama peruasit, celebratæ summis cum imperatoribus nuptiæ, cum regibus affinitas, coniunctio cum ducibus, triumphatum planè principum lauræ; nemo est qui nesciat, in aureos extendi ramos stirpem Gonzagarum, & fructus edere coronatos. Non igitur familiam in Aloysium prædicabo suum transfudisse splendorem, sed potius ab Aloysio claritatem hausisse contendam; laudabo, quòd in tanta rerum omnium affluentia, qua ducuntur in præceps plerumq; iuvenes, nunquam tamen lubrico pede corruerit. Voluptatem in biuio, semitarum ad fauces collocarunt antiqui, ut suis illa blanditijs nescios mulceret adolescentum animos, qui cum sint in vitium cerei, & æris prodigi, facile melleis conciliatriculæ vocibus deliniuntur. Hinc meritò tria illa ænigmata ægrè intelligere se dicebat Hebræorum rex sapientissimus, sed quartum ignorare penitus; Viam, scilicet viri in adolescentia, cum enim lubrica sit, & præceps, stabili vix potest gradu consistere, quin vel impingat, vel labatur. Pueros impuberes, non in forum, sed in agrum dimitti prius volebat Lycurgus, ut primos annos labori voverent, non voluptati, cui obnoxiam, in efferuesceti libidinis estu, dignoscebat ætatem. Sed quorsum ista com-

me-

memoro , nisi vt illibatum Aloyſij pudorẽ
ostendam, qui & paterno in splendore , &
ſummorum in aulis principum, florem cu-
ſtodijt innocentie ? Fidem vix mihi conci-
liarem , niſi iurata teſtium verba poſſem
producere tactis aris aſſerentium, Gonzagam
Aloyſiũ toto vitæ curriculo, quæ præ-
cocem aduſq; iuuentutẽ nimium citò ma-
turuit , nullo fuiſſe vnquam lethali ſcelere
maculatum . Ego ſane ſummoperẽ admi-
ror, dum Aloyſiũ lego, anno ſeptimo , quo
rationis eſſe compotes incipimus, collecto
in Deum ſe animo conuertiffe , ac bonis
exinde operibus excubuiſſe; iureq; arbitror
ſanctiſſimũ æquẽ , ac doctiſſimum Cardi-
nalem Bellarminum protuliſſe, Aloyſium
Gonzagam in diuina fuiſſe gratia ſtabilitũ,
cum puerilem euaderent inſolentem opera
eximia, in quibus ſe infantulus ac huc exer-
cebat. Annum agebat ætatem, cum Floren-
tiæ degẽs, ex homogeneis ſacramento, ani-
mum expiare labeculis cupiens , diſcuſſus
primũ antea ctæ vitæ diebus, ſolertiq; re-
rum omnium diſquiſitione præmiſſa, ad ſa-
cerdotis pedes aduoluitur, ſupplici in habi-
tu, vultu compoſito , iunctis ad pectus ma-
nibus ; Hic ſubito pallor ſimul , & robur
conſuſio colore genas occupant, contremi-
ſcunt artus, lacrymæ erumpũt, toto corpo-
re concutitur ; diceres facinoroſum, Spar-
tacum aliquem (Syrum nescio quem e gre-
ge ſeruorum) mox culparum magnitudine
perterritus ex inopinato deficit , examina-
tur, corruit ad terram. Accurrunt, qui pro-
pè aberant ſamuli, erigunt languẽtem, do-
mum

mum non benè sibi redditum asportant. Quid tandem fuit, Auditores, illud, quod Aloysij animo occurrens adeò percūlit, ut animum propius eriperet? An verecundia puerilem ita mentem corripuit, ut affligeret humi? At naturæ compositione feruebat Aloysius, ad arma proclivis, & ab infantia inter milites educatus. An præscelerum turpitudine immanium, horror inuasit? At integer vitæ fuit, scelerisq; purus, in nullius sibi criminis gravitate conscius. An languor potius ille fuit amoris, cuius viscera præ teneritudine liquecebant? An ad Dei tribunal reus cū accessisset, ad thronum concidit gratia, ut misericordiam inueniret? Ego sic existimo, Auditores, semianimem cecidisse, ut vel leuib; solutus peccatis Deo reuiuisceret, ac de pulvere fordium elatus, cælo resurgeret. Iure tuam appellare potes parentem, Aloysi, Florentiam, etenim in ciuitate florum liliū cælo gratissimum videbaris: illac tuarum odorem virtutum inhalasti, ibi castissimæ Virginis florem virginitatis deuouisti, ut meritò nullum ab eo tempore libidinis aculeum expertus fueris. Proh singularem Aloysij munditiem? quod olim Paulus repetitis precibus obtinere non potuit, ut stimulus ab eo carnis auferretur, Aloysius assequitur; quos luxuriæ conatus ut frangeret Hieronymus, nudū saxo pectus obtūdebat, Aloysius solo voto coercet; quam Venerem, ut olim confoderet Benedictus, nudum corpus conijciebat in vepres; Aloysius iugulat orationibus; quam animi labem

bem vt declinaret Franciscus , medijs sese
 niuibus volutabat ? Aloysius folis precibus
 cuitat ? quas flammis vt Bernardus extin-
 gueret , stagnantibus sese vndis mergebat,
 Aloysius non sensit . Siliceum te ne dicam,
 Aloysi , vel Apathem , ac planè stoicum ,
 vel potius humano in corpore angelum ,
 cum supra humanam factus naturam , hu-
 manæ lenocinia carnis impollutus ignores .
 Quis hoc sibi vnquam fumat , effrenatam
 lasciuientis naturæ ferociam ita continere
 se posse , vt nullo , vel leuissimo libidinis
 æstu iactetur ? Hoc de se iactare potest
 Aloysius . Quis internecinum se adeò bel-
 lum composuisse gloriatur , vt vehementis-
 simos perturbationum mucrones non per-
 timescat ? Aloysius , inuicte animæ rex , in
 hac pace quieuit . Sed quæ cohibendis cupi-
 ditatibus amuleta sumebas , adolescens in-
 tegerrime , nisi frumentum illud electorum ,
 & vinum germinas virgines ? Quid cister-
 nas voluptatum dissipatas finiret , qui de
 suauissimo dulcedinis fonte potauerat ?
 quid molles esuriret accubitus , qui sacro
 fuerat conuiuium saginatus , quidni faces
 omnes cupidinis fons iste cælesti extingue-
 ret ? Quidni Venus ab aquis exorta mo-
 reretur in aquis ? Quidni muliebres asper-
 naretur illecebras , cuius anima diuinum
 iam sponsum suauitata fuerat ? Tanto iam
 torrebatur amore mirabilis sacramenti
 Aloysius , vt hebdomades in singulas , ad
 suaues illas angelorum epulas accederet ,
 ad thesauros illos diuinitatis repositos ,
 quibus egestatem suam maximopere locu-
 ple-

pletari sentiebat. Hinc teneritas illa diffluxit, vt quoties salutarem ille hostiam, sacerdotis manibus efferri conspiceret, ac populo adorandam attolli, tanta supernæ voluptatis lætitia caperetur, vt lacrymas prohibere non posset. Nimirum oculorum ille humor depluebat ad solis diuini radios, & ros ille capitis non poterat non, sole ascendente, decidere. Quid mirum, quòd sacratissimo pane depastus ieiunia solemmniter adeò, & frugaliter duceret, cum præter indiçtos ab Ecclesia dies, tribus adhuc in qualibet hebdomadæ diebus pane contentus, & frigida, iuuenile corpus assidue vexaret? Nequè verò putetis, reliquo tempore, vt vires iam imminutas reficeret, genialibus, & immodicis ferculis ventrem oppleuisse, sed exiguum adeò cibum, pauculam adeò partem è vilioribus dapibus vellicabat, vt omnia ad libellam expensa vix integram ponderis vnciam attollerent. Catharinā ille Senensem æmulatus, vnico pinguium medullatorū conuiuio, languentem, afflictam, extinctam penè vitam sustinuit, vt qui miraculum amoris erat, solo amoris miraculo seruarietur. Cū enim acerbissimis se pœnis exinaniret, ac humana exutus carne, inter homines vmbra videretur quidnā Deus in suscepta pugna inuictum animo, sed fractum corpore, arridū, & exsuccum admirabili præsidio clarioris militie sacramento reseruasset? Noctē ille concubia, cum frigus maximoperè desequiret, lecto desilire solebat, lineo solum indusio velatus, vt humi defixus, sacram artē

ima-

imaginem, in commentationibus longissi-
 mas horas produceret, vbi cum aliquando
 collabentes artus sustinere non posset, ster-
 nebat nuda tellure seminudum corpus, &
 hyeme, & pauimenti rigore congelatum,
 vt, argentibus membris, sese amplius non
 posset attollere, Res est omninò incredibili-
 lis, Auditores, licèt tabulis sit consigna-
 ta fidelibus, Aloysium tantam in Deum
 animi collectione fuisse abreptum, tam
 breuib; ac subitarijs distractionibus ab-
 ductum, vt si omnes in vnum cogerentur
 mentis alienationes, vix recitationi salu-
 tationis angelicæ responderent; ita sensus
 omnes rationis imperio subégerat; ita co-
 gitationes omnes ab instituto abhorrentes
 eliminarat; ita se ipso plenus erat, & Deo,
 vt nullum humanis rebus locum relinque-
 ret, vel aperiret ingressum. Quid ergo
 castigando magis corpori tot ferramenta
 disponis, quid nouas quotidie lanienas ex-
 cogites, quid exquisita continuò supplicia
 meditaris? Non satis est, retortis in no-
 dum funibus, vel asperis loris corpus im-
 becille diuerberare, nisi ferreis catenulis
 armata manu contundas? Non satis est
 cilicina fascia corpus obuoluerè, nisi spi-
 nosam hispidis è setis tunicà induas? Quid
 calcaria lateribus admones, quid recens
 confodiendo corpori inuentum excogi-
 tas? Quem inueniet inuulneratum in la-
 cera carne locum, nisi vulnera vulneret?
 Verè lilium inter spinas videbaris, cum
 aculeatos inter mucrones virginea mem-
 bra versarentur. Non poteras ex humanæ

vitæ carceribus ad cæleste brauium peruenire, nisi calcaria adhibuiffes. Rosæ illæ sanguineæ, quæ purpurabant in membris, calcarium stellulis non inuidebant, solumque hoc tempore vidimus, non in cælo, sed in terra stellas apparere sanguineas. Liliū tuæ pudicitie rosam æmulari voluit, quæ prius alba, quemadmodum poetæ loquuntur, sicut impudicæ Veneris sanguine rubuit, ita liliū castimonie tuo virgineo voluit cruore persuadi. Artes amor, docet, Auditores, & cæcus pingitur, quia cæcos reddit, cum sit Argo occulator. Quis docuit Aloysium, cum humi cubare non posset, tori linteis supponere lignorum frustula, sectasque de trabibus assulas inferere, ut molles lecti plumas asperaret? Nimirum cum alter esset vitæ moribus Isaac, sese Deo non nisi super lignorum struem immolare debebat. Desiste, Aloysi: semel incendium declinasti, cum accenso in paleis igne, vix evadere potuisti, quid flammæ alias nouo fomite prouocas? Ardebunt aridi illi asserculi non alio igne, quàm tuæ flammæ caritatis. An Christum imitari cupis, qui in ligno crucis occubuit, dum super ligna decumbis, pluresque tibi cruces machinaris? An in rosa dormire te non putas, nisi spinas adiungas? Quàm operosus erit iste somnus, qui vel dormientem fatigat? Quidni inter Dei filios dilectus existimeris, dum quiescere vis, sicut malus inter ligna sylvarum? Sed surge, Aloysi, induc te vestibus iucunditatis, opulenta nobili-

lium

lium ostentatio ad lucem te prouocat theatralem. Adeste, quæso, animis Auditores, dum Aloysium adueho strenuū equitem in arena victorem. Mediolani, cum Dyonisiacis festis, in ludos bacchanales tota ciuitas esset effusa, & genio vnusquisque suo personam conformem assumeret, qui propè humanam exuerat, Pythagoricamque metempsychosim, quem improbat philosophia, saturnalium insania probaret; equestre de more certamen indicitur, vt concurrentibus ficto sub habitu patritijs, ad lignei militis signum ferendum, ille palmam obtineret, qui scopum propius vulneraret. Ingens fit equitum ex omni parte conuentus, vidisses vnum admirationis aucupem, & gloriæ equo sonipede circumuehi, numerofo famulorumne dicam, an vero insanientium propter orgia baccharum comitatu circumseptum, Phœnicia purpura chlamydatum, versicolores Othomanico in diademate pennas euentilantem, pharëtra sagittis onusta, barbarum in morem ad læuam appensa, cum argentea machera: alium Asturconi insidentem peregrinis phaleris, bracteisque sonore tinnientibus instrato, qui imperioso quondam fastidio caput attollens, ac magnitudini suæ gestiens lenocinetur, modo ceruicis honore superbiens adhinniat, gressusque ad numerum suauiter glomeret, modò saltu se libret in aera, transuersumque succussando se flectat, modò calcibus pedes iactet, & sistat; modò spumam freno remansam ore conuoluens,

alterno crurum explicatu resultet : alios
 subinde , & alios vel ferarum tergorib. in-
 uolutos , vel brutorum rictibus personat-
 os , luporum exuijs , vel leonum spolijs
 belluas ementiri , ipsis belluis efferationes .
 In hunc quoque puluerem , non vt con-
 grederetur cum socijs , sed vt luxum aggre-
 deretur , ingreditur Aloysius , non Syba-
 ritica licentia , non Attalidis vestibibus , si-
 ne græcis comitibus , sed pumilo , strigo-
 soque nullo , per septa illa irrumpit , om-
 nium cum riso prouehitur , exhibitur ,
 exultantemque in eo campo libidinem ,
 Diogenis ad instar Platonis fastum calcan-
 tis , non alio fastu , sed sola humilitate , vel
 ipso calcitrante iumento proculcat . Nun-
 quàm velocius in testudineo vectore cur-
 sor aliquis ad palmam conuolauit . Quis
 mulum dixerit sterilem , qui tantam pepe-
 rit Aloysio victoriam ? Progredere ita ,
 Aloysi , si puer adhuc tam benè dimicas ,
 quid facies adultus ? Quid cum strenuo-
 rum Patrum ordini adscriptus propius cæ-
 lo minaberis ? Video , te flammis æstare
 diuinis , vt ignatianam militiam profitea-
 ris ; video ad nobiliores te triumphos aspi-
 rare . Potuit te pater humanissimus Fer-
 dinandus Góza omni bus arietare argu-
 mentis , à firmo proposito decutere nō po-
 tuit . Et quem lapidem , Deus immortalis ,
 non ille mouit , vt tuam frangeret constan-
 tiam ? in cassum abire conatus , quia in
 nomine I E S V , qui lapis est angularis
 benè fueras solidatus . Valeant igitur cum
 suo Mammona diuitiæ , valeant aurea prin-
 cipa-

cipatus insignia, valeant gemmeæ coronæ,
 dum nouum ad regnum contendis. Repe-
 tenda mihi essent hîc denuò, Auditores, su-
 scepta illa iampridem corporis edomandi
 machinamenta, quæ in ipso Societatis por-
 tu Aloysium iactarunt, quia nunquàm vo-
 luntaria verberum procella detonuit; sed
 nolo ijsdem me iterum syrtibus implicare,
 ne periculosius absorbear; aliam ille in-
 gressus est aream, in qua cum sese primum
 exercere non posset, nouo religionis sacra-
 mento authoratus egregiè se gessit, & ad
 necem vsque cum ipsa morte conflixit. Lu-
 ctuosum Romana hac in vrbe spectacu-
 lum strauerat epidemia, occupauerat om-
 nium animos mortis timor, desperabat fe-
 rè vnusquisque in tanta calamitate reme-
 dium, vbique languor, & dolor, in vijs ca-
 dauera, in domibus eiulatus; mors æquo
 pulsabat pede Principum turres, pauperû-
 que tabernas: Mouebat ea species Aloy-
 sium, qui eò cupiebat ardentius, curandis
 pio labore corporib. manus auxiliares ad-
 mouere, quò miserius, trigescète, in aliqui-
 bus caritate deperibant. Quoniam verò
 nouum in vrbe medendis ægrotis nosoco-
 mium Claudius Aquauina inclytæ socia-
 tis nunquàm intermorituræ memoriæ an-
 tistes erexerat, ibiq; singulari pietatis exē-
 plo deseruierat, in hunc se mitti Spartā eni-
 xè contendit Aloysius, quàm vt totis ille vi-
 rib. adornaret, fœdissimos quosque, ac de-
 sperata valetudine cadauerosos canis, qua-
 si venaticus odoratur, illorum vlcera sanie
 diffluentia, stomacho non reluctante, pro-

curat, verbis recreat humanissimis, ad scelerum dolorem in præsentaneo mortis articulo extimulat, dum non possit corporis, animæ salutem cernere conatur. Non debebat Aloysius hoc morbo decedere, quia plures è morbo sustulerat, nisi fortasse pestis illum corripere voluit, quia rabie eius frenauerat, clademque minuerat. Sed mortem non timuit athleta strenuus, quinimò cum illa congredi postulauit, ac veluti imbellem flagello cedere voluit; petijt enim in extremo vitæ agone, vt loris posset humeros aliquantisper obiurgare, animūque ægrè de corpore discedentem, refractarium quasi equum, ad cæli metam impellere. Verum cum non posset hoc à maioribus extorquere, illud saltem vltima petitione contendit, vt humi decumbens posset animam agere; quod etiam cum æquali constantia pernegaretur, oculis in nostri reparatoris imaginem defixis, cælesti prius viatico cōmunitus, iter ad cælum arripuit. Moritur Aloysius de beatorum adeò gloria securus, ac si cælos cum martyrum antesignano sibi vidisset apertos; ingreditur ille patefactas sibi ianuas, quas cum nihil coinquinatum introire valeat, omnes in terra maculas vel absterferat, vel vitarat. Quod si quos Athenis pestilentia non sustulit, Deorum beneficio immortales appellat Euripides, mori voluit post longas corporis afflictiones febris pestilenti Aloysius, vt immortalis esset in cælo.

Dicebam.

201

A D E M M A N V E L E M
D E M O R A .

Philippi IV. Hispaniarum Regis apud
Vrbanum VIII. Oratorem .

O R A T I O .



ON poterat, per indiserti voces
oratoris . Clementini Collegij
non erumpere gaudium , Excel-
lentissime Princeps, cum victo-
ris olim Pompeij ad Posidonij gymnasium
diuertentis exemplum repetens, sacrū hoc
bonis artib. domicilium, singularis ad spe-
cimen humanitatis, inuisere voluisti. Exul-
tantes etenim Musæ, dum EMMANVE-
LEM suos intra lares exciperent . Denique
veluti suum, ac meliorem Apollinem exci-
pere videbantur; breuique DE MORA
solicite ad gratias exsoluendas profilire
studebant, ne sine gratijs esse dicerentur .
Me voluerunt insignis adeo statuere be-
neficij preconem, vt opportuniū debite ab
omnibus gratiæ referrentur, si nudæ pro-
dīrent absq; fūco eloquentiæ, deuinctumq;
multis nominibus ostenderent animum, si
omni solita vinculo forent adstrictæ nu-
meris orationis . Quamuis nostras ædes
tam dignus hospes ingrederis, vt malè ma-
gnitudini meritorum tenuitas respondeat
oratoris, nec posset exaggeratæ virtutis
commendatio ab elingui dicentis infantia
proficisci .

Vindicant me ab omni palpan-
 dī suspiciōe tot summis laboribus partæ à tuis
 maioribus laureæ, tot tituli à magnis regi-
 bus in gentilitium splendorem illati, tot
 initi gratulabūda populorum acclamatio-
 ne magistratus, quibus familia tua adeò
 enituit & numero, & amplitudine maxi-
 mis, vt plures alias obscurare valeat clari-
 tate virtutis. Prætereo libenter ceteros gene-
 ris præclarissimi proceres, vnus te solum,
 præter tua decora, pater tuus ad gloriam
 euehit immortalitatis Christophorus de
 Mora, cum nihil sit tam liberis honorifi-
 cum, quàm triumphali fuisse parente pro-
 gnatos. Iste in florentissimo Hispaniarum
 regno, à Philippo olim secundo primus,
 adoratum populo caput, totius quasi regi-
 minis arbiter, quorum non sibi studia con-
 ciliauit, quæ non toti orbi reliquit magni
 animi monumenta? Tolluntur aliqui in al-
 tum, vt lapsi fortunæ grauiori præcipites
 ruant: Christophorus, quamuis lubrico ad
 aulam aditu, omnibus tamen superior ca-
 lamitatibus, ad primos honores euectus
 casum formidare non poterat, validissimo
 virtutis brachio suffultus. Testatur hoc de-
 mandata illi non semel, sed iterum Lusita-
 nici regni prouincia, vbi in sustinendo Pro-
 regis munere, quàm strenuè se gesserit, ex
 ea, quæ excelluit, regina virtutum clemen-
 tia, coniectare potestis. Nimirum noue-
 rat, non minus esse turpia viro principi
 multa supplicia, quàm medico multa fu-
 nera, regiūq; caput nulla melius corona
 præcingi, quàm illa, quæ seruatos ob ciues
 pu-

publicæ libertatis reparatori defertur. Quam multi sunt, qui clementis sibi cogoomentum adsciscunt, quibus desæuiendi finem facit hostium inopia? Quam multi Neronis æmuli, capitalibus scribendis sententijs nescire literas vellent, quia fortasse non vti calamo, sed pugione mallent? Concordiæ titulum sibi à patribus turpi assentatione delatum Vitellius arripuit, ciuiliū illa furia discordiarum: nomen Pietatis M. Antonij trium viri frater Lucius adoptauit, impius in patriam, ac perduellis; Pater Patriæ nuncupatus fuit Octauius Augustus, sed post mare Actiacum Romano cruore infectum, post fractas in Sicilia classes, post Perusinas aras, & proscriptiones, quando clementiam suam appellare poterat lassam crudelitatem. Christophorus toto vitæ curriculo clementissimus muliebris esse putauit impotentiae, furere in ira, sed cum posset æquissimas nocentibus pœnas infligere, dexteram ad iustitiæ gladium extendere noluit, mortuorum ossa in gentilitio stemmate continere contentus, quorum vitam à violenta morte seruasset. Sed nihil prodest, quod Laconibus obiectat Lycurgus, ab Hercule genus repetere, nisi consona Herculeis miraculis facinoræ tardi nepotes demirentur. Emicant in te, Excellentissime Princeps, integerrimi patris hereditario iure transmissæ virtutes; animi celsitudo, ingenij præstantia, consilij grauitas, mentis vigilantia, pectoris fortitudo, omnes Emmanuelis, hoc est, mellis, & lactis filiae, quæ non

tantum ab omnib. amorem eximium extorquere potuerunt, sed ipsum quoque Catholicum regem impellere, ut te inter selectos regij cubiculi nobiles adoptaret. Solent principes magno estimare introitum, ac tactum sui liminis, ut thalamo suo propius affideas, ut prior intra tecta auro radiantia pedem inferas, ex quibus deinceps multa sunt ostia, quæ receptos excludant; Te, ne unquam excluderis, ex primoribus vnum Hispaniæ magnatibus renuntiavit, & inter alios, quos appellant, status Consiliarios, singulari honore transcripsit.

Quam arduum sit regibus præbere consilia, malo docuit suo Præxaspes Cambyfi Persarum Dynastæ carissimus, qui cum regem, ut vino parcius indulgeret, lubrica nimium lingua monuisset, & oculos, & manus aspexit a rege post vinum in officio contineri, cum filium illius ex regione consistentem Præxaspes spiculo contorto transfixit, maluissetque regem vinum haurire, quam sanguinem, calices exonerare, quam tela. Tu tamen nec periculo alieno deterritus, nec regijs auribus blandiendi cupiditate commotus, omnia licere principi, quod Neroni olim insufurrabant iniqui consules, non asserebas, sed rerum pondera æqua mentis lance collibrans, sustinebas consilio rem publicam, quam princeps sua potentia firmabat. Celebrantur in Hispanico regno oculatissimi consiliarii, qui non pugnando tantum militibus, sed etiam sedendo sententijs vrbes evertunt, ne iam solus dicatur Romanus, sed-

dendo triumphare. Interfunt difficillimis
 rebus grauissimi patres, regum verè con-
 fessus, vt Romanos olim senatores apud
 Pyrrhum Cyneas commendauit, cum &
 Scipionum Hispania virtutum habeat, &
 Lelij consilia. Hinc meritò supremam or-
 dinis Christi, quam appellant, Commendā
 Rex tibi beneficentissimus demandauit, &
 vt fores catholicae fidei vindex acerrimus,
 crucem defixit in pectore. Hinc te insula-
 rum, quæ Tertiæ sunt ordine ex Hispania
 venientibus, administratorem edixit, cum
 satis consideret, posse insulas illas turbidif-
 simi oceani obiectas insanie, gentilitijs tuæ
 familiæ turribus stabiliri. Illic vbi sol occi-
 dit, tuæ gloriæ splendor exoritur; illic se-
 ptenæ turres portum fluctuantibus tutissi-
 mum enuntiant, inuasuris exitium. Adu-
 nisti nuper ad V R B A N V M V I I I. to-
 tius Hispaniæ orator, rebus grauissimis
 animum adiecturus, cumque ad obeunda
 legationum munera emunctæ naris, & li-
 matissimi ingenij viros oporteat adlegere,
 quidni felicem causarum omnium exitum
 sibi polliceatur Hispania, cum oratorem
 solertissimum ad hanc urbem allegarit Em-
 manuelem, qui malum reprobare, ac bo-
 num eligere non ignorabit? Rarum est
 in viro principe, sanguinis claritatem con-
 iungi cum literis; aureas enim pecudes,
 iumentaque argento circumtectæ vir ille
 Apollinis oraculo sapientissimus diuites,
 nuncupauit ignauos. Tua laus, Excellen-
 tissime Princeps, qui nullam putasti nobi-
 litatem à virtute disiunctam, sed turbidif-

simis licet curis implicitus, ingenium tamen nunquam à literis auocasti. Multi sunt, qui nominis immortalitatem sui, non à scientijs, sed à lapidibus petunt; isti nimirum, ut similes sibi fiant lapideæ imagines, curant, non curant, quod sint ipsi lapidib. similes: Tu perennem gloriæ famam postetitati transmissurum putasti, si te ad virtutis iconem conformares. Gaudeant aliqui, parietes bellicis distinguere clypeis, & atria fumosis replere imaginibus; tu præter hæc auitæ dignitatis ornamenta, animum ostentare potes exquisitis disciplinis excultum, politiori literaturo conuestitum. Quantum utilitatis à tuæ eloquentiæ fonte deriuabit Hispania, prudentem cum summo Pontifice dexteritatem expertura, in peragendis negotijs solertiam, in curiæ amplitudine grauitatem? Cum enim legati, ut Laconum olim oratores Lygdamo tyranno dixere, non collectaturi veniant ad principem, sed collocuturi, vires exercere non debent corporis, ad pugnam, sed facundiæ fauos exerere, ad animum deliniendum. Extulit semper tua Lusitania heroas omni ætate clarissimos, reges vindices fidei, assertores Ecclesiæ; erexerunt illi pro stemmate scutum argenteum, ut meritò dici posset Ecclesia, habere propugnacula argentea. Intulerunt alia quinque cærulea, candidis circulis interpuncta de profligatis quinque Mauritanie regibus comparata, vel quia Christi vulnera inter præliandum Alphonso primo diuinitus apparuerint,

vel

vel quia quinque lethalibus sauciatus vulneribus rex inuictissimus, diuino suffultus auxilio non occubuerit. Expectat à te quoque non modicum Christiana respública leuamentum, cum eiusdem stemmatis heres fueris, atque virtutis, quam factis iam in Hispania cognitam, in aula

Romana patefacies, vbi tuis gloriosis facinoribus hæc sem-

per gymnasia persona-

bunt, Collegium

Clementi-

num

impensè letabitur tua pri-

mum presentia

cohonestatum.

Dicebam.



In obitu Reuerendissimi Patris
Magistri.

HENRICI ANTONII

B V R G I

Relig. B. M. V. Seruorum,
Generalis.

E P I T A P H I V M.

Habitu Romæ in Templo Sancti
Marcelli.

Anno Domini D. DC. XXX.



VI. mœrentium patrum animos:
in obitu Henrici Antonij Bur-
gi, generalis antistitis dolor acer-
bus inuasit, infantissimum com-
pulsit oratorem, vt in hac funeris pompa,
in lugubri cenotaphij apparatu, præfuli
optimo, patri benemerenti parentaret.
Et sanè non debebat huc lactea longæui
Nestoris eloquentia vocari, vbi de morte
præpropera destitutis filiorum ordo con-
queritur; dissonumque fuisset fulminatri-
cem Periclis facundiam accersere, vbi lan-
guere debent vniversi mœrore confecti,
tristemque summi viri iacturam exundan-
tibus lacrymis deplorare. Vnus adoptan-
dus erat, qui ad subiiciendam oculis
luctuosæ tragœdiæ catastrophæ in atrati
proscenio templi, tenebricosæ orationis
caligine, noctem mœstissimæ Religio-
nis

nīs adumbraret. Me nuncupastis, Patres religiosissimi, vt promerem verba pro lacrymis, conceptumq; vestris in cordibus dolorem satis abundè testarer, dum consignata ab Henrico posteritati gesta percurrerem, vt melius ex tanti boni amissione, vestri mali calamitas penderetur. Ero igitur ipse præfica ad tumultum, dum in tumultum mors profligata detruditur? Epitaphium aggrediar eo tempore, quo tempore salutis reparator humanę epinicium in solemni triumpho deposcit? Ita postulant, Auditores, humanę vicissitudines conditionis; vt dum apicem felicitatis attigisse putamus, proturbemur in inum doloris; vt videatur quodammodo nos altiùs extulisse, fortuna, quò grauiore lapsu ruamus; vt felicem nostrę vitę tractum, infelici euentu, postremus actus excipiat. At quando inflētis à morte vulneribus non alio datur solatio consulere, quàm illorum memoria, facinorum, quæ desolatos ad nepotes defunctus egregiè transmisit; date hoc dolori vestro, Patres, date hoc infantię meæ, vt per laudes Henrici ordine tumultuario vageatur; ita per inconditas voces defixus in pectore dolor faciliùs erumpet, ipse meliùs erepto vobis parenti optimo feralia iusta persoluam.

Quo loci non ibo per antiquorum trophæa, nō ambigua; maiorum imagines circumducam, non vrnas enumerabo clarorū hominum: nolo enim, alienis facibus in hoc funere præeuntibus, benè longam propriarum virtutum pompam educere.

nolo, emendicatis aliunde præconijs, Henrici Antonij cenotaphium adornare. Censeatur Burgorum familia longo de sanguine, veteres vndiq; ceras ostentent in atrijs, suffulciat dimidios Curios, fumososque cum Dictatore Magistros equitum: miserum existimauit Henricus, famæ aliorum incumbere; maluissetque patrem habere Therfiten, dum ipse foret Achilli similis, quàm vt ipsum Therfitæ similem Achilles produxisset. Vnicam ille virtutem, licet amplissimo de stemmate genitus, veræ claritudinis loco reposuit; trabeas, & fasces duxit arbitria fortunæ, non argumenta virtutis; statuas temporum iniuria deteri, æreas exedi machinas obducta rubigine, picturas incubante caligine violari, solam sapientiam, in aliarum rerum interitu, reuiuiscere nunquam interituram. Præteribo infantilis ætatis crepundia, primamque pueritiæ disciplinam; tantam enim nutricis vberibus cū lacte pietatem expresserat, vt rationis quasi maturato consilio, rectè factis ætatem præuerteret; cumque alijs in adolescentibus probitatis exempla non in summo gradu suppeterent, se sibi obijcerent subiiciendum. Ipsa me vocant susceptæ religionis tyrocinia, cū beatissimæ cælorum reginæ amore deflagrans, rebus omnibus opulentæ familiæ valere iussis, nuntio lapsuræ humani fastigij celsitudini remisso, nigro se habitu obleuare constituit, vt animum cælo candidum deuoueret; cingulo latus obstringere, vt mundi solutus à laqueis, curis se cælestibus implicaret.

Non

Non illum pellices voluptatum illecebræ
 titillarunt, non geniales thalami pellexerūt,
 vt accubaret in rosa, non in erraticas ex-
 currentia figuras aulæa, non Attalicis opi-
 bus comparata supplex, non blandissima
 diuitiarum lenocinia; non validissimæ va-
 nitatum obsidiones dementarunt, vt cèle-
 stem spiritū exiens ad fluxa hæc, & inania
 deflecteret animum, vel in studio pietatis,
 quo iam satis exarserat, consequenti spatio
 terperet. Absoluti numeris omnibus viri si-
 bi præfixit iconem, ad quam operibus ex-
 primendam, tanquam ad Polycleti cano-
 nem, insignia virtutis opera collineabat,
 semper à se diuersus, qui spirantem in se
 virtutis imaginem satagebat inducere;
 quinimò sibi magis quotidie similis, dum
 accuratiùs in se conceptam virtutis effi-
 giem expoliret. Nimirum, quia.

Doctrina vim promouet insitam,
 Rectique cultus pectora roborant,
 vt latinus cecinit Pindarus; ingenium ille
 statim demersit in literas, adiecit ad scien-
 tiam, vt acquisitæ conformatione sapientiæ
 homo quadratus euaderet. Eloquentiæ non
 delibauit, sed hausit fontes; poeticæ vireta
 Apolline non inuito lustrauit; Græcas lite-
 ras citissimè edidicit; à musicis numeris nō
 abhorruit, vt musicum ad omnes discipli-
 nas ingeniū, singulari priuilegio, mutuas se
 diceretur. Patauij, totum se philosophiæ
 mancipauit, ac introspiciendis naturæ arca-
 nis limatissimum addixit ingenium; vt eo
 labore non tam indagator fieret veritatis,
 quàm cognitor sui; non tam ingeniosè dis-
 fere-

ferere, quàm optimè viuere doceretur. Quoties solidas sibi noctes præternolare querebatur? adeò, æternum ille studium putabat horarium, si nox tamen vlla Henrico potuit oboriri, non ad lucernam Demosthenis, sed ad clarissimam sapientiæ lucem excubanti. Perusiæ, theolōgico in puluere defudauit acerrimè: difficultates omnes in rebus à sensu diffitis exantlauit; penitiera celi sacraria clarissimo sermone patefecit. Qui, cum à palæstra in arenam, ab umbra ad solem, à gymnasio processit in circum, vt in amplissima sapientum virorum frequentia theologicas theses publicæ disputationi submitteret? Romam, in hanc omnium terrarum arcem, & gloriæ domiciliū, ad generalia comitia vocatur, vt versantes inter Angelicum, & subtilem doctorem controuersias ingenio, versatili sustineret, diuitiasq; sapientiæ depromeret, quas summo labore partas memoriæ penitus condiderat. Definitur pro angusto suæ virtutis theatro augustissimum hoc D. Marcelli templum, præscribitur hora, corona stipatur, accersuntur insigniores theologi, confluunt primarij literariæ reipublicæ proceres: quidquid eruditorum hominū Roma claudebat, in eum conuentum effudit, sedē hūc suam transtulisse sapientia videbatur. Assident purpurati Patres, adsunt plurimi Præsules, circūfundūtur florentissimæ Religionis præcipua lumina, tenet suggestum. Hæricus præstantis aleam ingenij gloriose lufurus; quum ecce tonare de alto cepit Petriclis in morem Olympij, vibratas ad suæ euer-

euerſionē doctrinæ rationes eludere, amē-
 tatos contra ſe ſyllogiſmos infringere, en-
 thimemata contorta reflectere, ipſos ſapiē-
 tiæ neruos eneruare. Concitauit Henricus
 eo certamine tantam ſuo nomini gloriam,
 vt crebreſcente per omnes angulos ſuæ fa-
 ma virtutis, Paulus Quintus Pontifex Ma-
 ximus emerita Doctoratus laurea iuſſerit
 ſtatim inaugurari, primas illi nec ſteriles
 cathedras demandari. Quò loci ſuccurrit
 animo, quod olim de Triptolemo poetarū
 commenta loquuntur, alatis vectū draco-
 nibus, mundū vniuerſum, iactis ſeminibus
 conſperſiſſe; cū videam Henricum, Bur-
 gheſij draconis auxilio, per inſigniores Ita-
 liæ ciuitates doctrinæ ſemina diſſipantem,
 è quibus vberriſſima ſapiētum hominum ſe-
 ges exurgeret. Theologiam intueri mihi vi-
 deor orbis terrarum ſpatia peragrantem,
 non velut extorrem, & profugam, ſed ad-
 dandam ſalutis ſcientiam, ad impertiendā
 ijs, qui in tenebris ſedent, lucem comuni
 pro commodo peregrinantem. Vicentiam
 ad Collegium bericę montis allegatur Hé-
 ricus, vt in illis regionis amœnæ delicijs, ve-
 lut in Parnassi culmine, primos theologię
 latices in auro ſuę faciūdiæ propinaret ado-
 leſcentibus deguſtandos. Adiuuit ille Spar-
 tam ſummi decoris, exornauit illā ingenti
 cum ſcēnore collectæ virtutis; quia gloriam
 patris eſſe putauit, filios educare ſapiētes.
 Quid me elegiſtis, Patres ad flendum, non
 potiùs ad gratulandum Henrico, qui patriā
 meā ſuæ radijs doctrinæ colluſtrauit? De-
 berem ego potiùs, inſumptis pro labori-
 bus,

bus, immortales ei gratias rependere, quàm monodiam ad feretrum decantare. Sed triumpham in cælis, Henrice, Vicentiam semper habebis tuis deuinctam triumphis, tua semper adornabit Vicentia victorias. Bononiam vocor, ad quod tu quoque literarum emporium migrare præciperis; vbi theologiam denuò facultatem profitearis; vt qui ad conferendam omnibus opem natus fueras, bonum istud etiam Bononiæ conferres. Conijcite, Auditores, quem fructum in illa studiorum parente messuerit, quàm locupletem laborum segetem constiparit; non enim possum omnia pro dignitate librare, sed cogor in tanta rerum copia inopiam affectare materiæ. Sequi me oportet Henricum, qui à Mediolanensi senatu Papiam, ad vetusta illa sapietiae Augustalia dirigitur, vt in publicis exedris theologi personam eximio cum splendore sustineat. Prouinciam aggressus est, tum loci magnitudine, tum auditorum varietate perarduam; in qua tanta cum laude laborauit Hêricus, dum implicata explicaret, inuoluta euolueret obscura patefaceret, à sensu remota subijceret oculis, vt omnium in se corda conuerteret, raperet animos, illaquearet auditores. At vix potuit paucos hic annos exigere, cum magnus Hetruriæ Dux Cosmus secundus è multis vnum exhibitis adoptauit, vt Pisarum ciuitatem suis cohonestaret doctrinis, & antiquissimam illa in ditione vniuersitatē ad maiorem promoueret splendorem. Quæ ciuitas est, Auditores amplissimi, quæ studiorum sedes, quis prin-

princeps eruditorum Mæcenæ, qui Henricum ad se trahere summo non officio contenderit? Excepti Platonem Dionysius, Cleombrotum Ptolemæus, Aristotelē Alexander, Virgilium Augustus: habuit Roma Quintilianum, Demetrium Athenæ, Menandrum Ægyptus, Henricum Italia tota postulauit. Homerum Colophonij ciuem esse dicant suum, Chij suum vendicent, Salaminij repetant, Smyrnei suum esse confirmant: de Henrico nobiliores Italiæ ciuitates depugnant; Vicentia flagitat, Bononia contendit, Papiæ decertat, Pisæ rapiūt, vniuersa gymnasia sibi inuicem extorquere conatur. Pisis Henricus amplissimam sibi vidit aream patefactam, apertumque theatrum, in quo posset exultare, illi suæ faces exeruit doctrinæ, radios ingenij dispersit. Confluebat ad illum audiendum discipulorum multitudo, vndabat Athenæum tam multa inuenum frequentia; nūdus diceret, vbi non merces, sed pretiosior auro sapientia vāniret. Rectè sensit Seruorum Religio, cum plures statuit eiusdem ordinis patres Henrici lateri tenere semper affixos, vt ab illius doctrina, rectoque viuendi instituto, & sapientiam mutuarent, & solidæ virtutis argumenta depromerēt, Meritò ad Henrici responsa, velut ad Apollinis Delphici oracula, diuertebant in turbidis mortalis theologiæ rebus Hetruriæ magni Duces, periculum semper in consilio veriti, quod vel non suasset Henricus, vel suffragium ab Henrico non accepisset. O Henricum fidelem in regno sociū,

non

non coronæ, sed curarum, oneris, non honoris. Quanti æstimabatur à sacra regularium Congregatione, ad quam cum in spissis negotijs eiusdem ordinis Patres confugerent, illa omnes Henrico causas demandabat, vt modum omnibus pro sua prudentia reperiret? Verùm alia fortasse grauiora meam ad sese postulant orationem; cum inferendæ in hominum corda pietatis ardore succensus, celebrioribus Italiæ pulpitis verbi diuini disseminator intonuit, vt sordentes in cœno vitiorum homines ad cœlû lacteo facundiæ candore transferret. Possem hic vrbes recensere plurimas, in quibus mirifico Christianæ reipublicæ prouentu, cōcionatoris partes egregiè persoluit; sed vereor ne soli radios adiungere videar, aut clarissimam in dubium vocare veritatem. Adstipuletur meis dictis Ariminû, Parma, Lauda nouum Comum, vbi nunquam intermorituram nominis celebritatem dicendi copia conciliauit; adstipuletur Verona, Patauium, Mantua, Bononia, Regiû, Mediolanum, Pisæ, Genua, Florentia, quæ suis pene sedibus conuulsæ, torrente multitudinis inūdante, feruebant in templis. Testem appello pulcherrimi huius templi spatium dignissimum; imò Romam appello vniuersam, quæ sicut olim à Ciceronis ore suspensa pendeat, ita ab Henrici facundia absorbeatur in Deum, sibi que mortua videbatur, dum ne in audiēdo quidem respiraret, aut si mortua fuisset, à viuida eloquentia vitam sperabat immortalem. Non hic murmur obstrepebat, non strepitus in-

sona-

sonabat, non sonitus infusurrabat; dabatur ipsi respirationi quies, nisi fortè aliqua ex audientium pectoribus suspiria elicuisset Henricus. Sibi habeat suas Philippus hastas argenteas, quibus acies prosternat armatas, suum auro congesto adrepètem premitat asellum, vt ciuitates excindat: Henricus ad euertendam obstinatae voluntatis arcem, & inflectendos ceruicosae impotentiae captones, solam vsurpat eloquentiam, nisi potius aureo presidio linguae munitus perumpit animos, ad deditionem impellit. Erat illi pro fonte ferax ingenium, pro alueo suggestum, sententiae pro vndis, verba pro arenis, pro foecunditate doctrina; cumq; fluuium eloquentiae translationum inbre, figurarum confluxu, argumentorum fluctibus auxisset, quasi se intra ripas continere non posset, in aures auditorum labeatur. Non ego mirabor, quòd pluribus illud domibus Religio praefecerit, Prouincialem renuntiari, studiorum moderatorem asseruerit, Visitatorem generalem elegerit, cum pares ad onera quaecumque vires haberet. Sed tunc reuera debitum suis meritis apicem Henricus attigit, cum sine captadae gratiae choragio, sed sola virtute, quae omnium animos incredibili admiratione pulsarat, sine prehensione, sine ambitu, conspirantibus omnibus suffragijs, anno saeculari, Romae, Generalis tum strenui ordinis Antistes salutatur. Exinde porrò quanta vigilantia excubuerit, quam senatoria solertia animaduernerit, ne regularis institutum disciplinae labasceret, ne primus initae

reli-

religionis ardor extingueretur, ab ipso illius nomine diuinate, qui ab officio pastortio nomen deriuauit Henrici. Quamuis enim grauioribus innumeræ familiæ curis esset implicitus, & cogeretur animum ad plura conuertere, communia tamen officia non destitit exequi; sed cum leges alijs præfiniret cum Atheniensibus, legibus obtemperare meminerat cum Spartanis. Vix ad clauum sedere cepit, cum regulas religionis, efflagitantibus generalis comitij Patribus, ad meliorem methodum reuocare constituit, obliterare difficiles, e mollire asperas, enodare dubias; ut ubi maxima legum esset dignitas, ibi minimum exerceret authoritatis. Nouerat Henricus, multas exquisitas leges argumentum esse malè administratæ ciuitatis, nec esse opus implere porticus literis, aut eburneas ad omnium intuitum suspendere tabulas, sed quod digitus breui labore conscripserat, tota manu complere. Non illos imitabatur, qui Neroniana toruitate oculos desigunt in aliquem, ut configant, qui terrico vultu detertere gaudent sibi ipsis formidolosi; qui religionem supercilio, ut Atlas cælum humeris, effulcire se putant; sed eundem se cum alijs existimabat, paremque omnibus: tantò ceteris maior, quo melior. Si leantur illa effrenatæ crudelitatis prodigia: oderint dum metuant; obsolescat Vitellianæ sæuitiæ memoriam: optimè olere occisum hostem, melius ciuem: Henricus terribilissimæ politiæ aphorismos pertæsus, ipso amore sibi timorem conciliabat; tam prodigio-

digiosum fœdus illius in pectore maiestas,
 & amor, veteri composito dissidio, percu-
 ferant. Procul ab Henrico catenata nouis,
 iussis imperia, procul onera importabilia,
 quæ ne digito quidem alij mouerent, ille
 semper præmisso iubebat exemplo: Res est
 omninò ardua, Patres amplissimi, ita pu-
 blicis implicari negotijs, vt ad priuatas cu-
 ras expedire se possit aliquis; ità se totum
 alienis deuouere officijs, vt ad sui benefi-
 cium perfectam quoque operam collocet:
 Tua laus, Henricè, qui inter tot supremi
 muneris labores, & tibi, & alijs abundè suf-
 ficeres, alijs oculus, tibi manus. Loquatur
 aureum illud opus, quo Gandauensis Hen-
 rici paradoxa summa ingenij dexteritate
 enodas, enucleas; perinde ac non ab alio,
 quàm ab Henrico lucem mutuare posset
 Henricus. Loquatur altera pars, quàm im-
 probo studio compilaueras, & iam iam
 prælo submittere destinaras, nisi, ad eas
 theologiæ veritates in diuinę naturę specu-
 lo conspiciendas, diuina te veritas aduo-
 casset. Loquantur excitata ad solidandam
 in tua religione virtutem Florentiæ, Bono-
 niæ, & alijs in vrbibus lectissimorum ado-
 lescentum Seminaria, ad quæ, post emissa
 cælo vota, florem iuuentutis transmitti ius-
 sisti, vt omnibus pro captu disciplinis im-
 buerentur. Loquatur instauratum penè à
 fundamentis Castrinoui Collegium, exag-
 geratique in maiorem laxitatem parietes,
 non depromptis à religionis erario pecu-
 nijs, sed fufis pretioso labore sudoribus: vt
 cuius olim familiæ filius extiteras, eiusdem

te quoque ostenderes esse patrem. Quid proferam de estuanti in Deum pietate, qua torrebatur; quid de eximio in Diuos cultu; cuius satagebat? Quātum ille laborauit per P. Nicolaum Cac. Cremonensem Procuratorem ordinis, solertissimum hominem, in Romana curia versatissimū, viris principibus vnice carum, vt Beatus Philippus Benitius, quintus eiusdem sodalitij præful integerrimus, in albo sanctorum describeretur? Extruxit ille in monte Senario ædiculam, qua fons ille ad testandam Philippi sanctimoniam ad hæc vsq; tempora erumpēs, nobiliori pomærio sepiretur. In hæc se intra recipere cupiebat Henricus; ad confragosas hæc rupes, tanquā ad suos elysios, conuolare flagrabat, vt vacuum ab omnibus curis animum assiduæ rerum celestium contemplationi posset adijcere, & asperrimis emaciatum corpus obdurare ieiunijs. Siste, quid animo moliris Henrice? quid solitudinem anhelas, qui semper viuus in solitudine, licet numquam minus solus, quā cum solus? non satis membra studijs delassasti, vt velis duriori te exilio mulctare? Ostracismi te lege virum cæteris præpollentem obstringis? non perlustrasti magnis itineribus provincias ordinis vniuersas, nisi studeas te denuò in lustra montium inferre? Nimirum sic agrestes Curij, sic veteres Coruncani, sic nomina reuerenda Fabritij, cū induciæ bella suspenderent, inter aratra vinebant; & ne virtus quiete languesceret, depositis Capitolini Iouis in gremio laureis, triumphales viri rusticabantur. Sed
heu

heu nos miseros? Vbi enim ad præruptas montis Senarij latebras decernis adreperere, te Deus ad vernantia celi tempe, ad amena paradisi vireta sustollit. Ægrotauit, Auditores, Henricus, tuberculo in manu dextera tumescēte, quod postea venenato humore per totum brachium serpens, & sub axillam congesta sanie recrudescens, complorantibus præ acerbo dolore vnīuersis, enecauit. Portendebat illud tuberculum, mutilandum à religionis corpore brachium firmissimum, cuius robore præstantissima congregationis munera patrabantur, Desueiebat huiusmodi morbus ad cordis, vique fibras; quia Patrum deliciae, sapientum amor, religionis corculum, vno verbo, Henricus debebat extinguī.

Iam verò quib. vos ego verbis reficiam, Patres, quibus ego soler insolabili dolore consternatos? Non hoc præcipuum amicorum munus est, prosequi defunctū ignauo questu; sed quæ voluerit, meminisse; quæ mandauerit, exequi. Repetite animo, quæ cōstantis animi fortitudine, suam dicamne, an vestram? ipse calamitatem sustineret, dū ægritudine dirissima conflictatus, nervorum contorsione factus dolorum antistes, ideò tantum viuere se putabat; quia dolorib. angeretur, nisi fortè in Angeroniæ gremio, obstetricante patientia, doloris filius quotidie adolescebat. Colluctatus est strenuissimè plurium interuallo mensium, non tam in arena, quàm cinere, cum morbo grauiissimo, ac in lectulo, tāquam in theatro virtutis, Antæi fabulam æmulatus, in

ipsa deiectione surgebat, vt meritò diuturna luctatione vulneratus doleret in bracio. Refricate memoriã postulatã à circumluentib. veniã, recolite, quo animi ardore requisita Ecclesiæ Sacramenta suscepit, reuocate in mentẽ saluberrima vobis relicta cõsilia, ad humilitatẽ, ad paupertatem, ad maiorem profectum hortamenta perpendite; non vobis ereptum, sed cẽlo collocatum Henricum putate. Habetis Elisæum Mazzonium quem ad elusdem fastigium honoris primũ in interregno nõ tam admirandæ merita virtutis, quàm ipsæ vestri sodalitiæ leges euexerunt, quasi præconcepta anticipatione diuinantes suæ familiæ maiores stemmati gentilitio programma suffixerint: IN LEGE DOMINI. Etenim cùm totius ordinis procurator generalis legum instituti propugnator acerrimus, nihil de constitutionum robore detrahi summo perẽ cuperet, à summo Pontifice, non sibi demandari, quod poterat, sed Elisæo deferri prouinciam, quam eius merita deposcebant, enixè contendit. Et sanè si erepto per currum ignitum Elia, pallium illius in Elisæum cecidit; cui tantæ pallium dignitatis deferri conuenerat, nisi Elisæo, in quo spiritu Henrici duplex efferuescit? In hoc igitur vestrum solamini dolorem; in hoc vestras detergite lacrymas: vno vobis sublato, alterum non deficere gloriamini.

Dicebam.

233

In parentalibus Illustris. , &
Excellentiss. Principis

MICHAELIS PERETTI.

E P I C E D I V M.

Habitu Romæ in templo S. Ioannis
à Pinu.

Anno Domini M. DC. XXXI.



Ta nè igitur ad hoc me officium
fortuna detruxit, ut alienas sem-
per calamitates, querula veluti
præfica deplorarem? Ita nè sug-
gestum Romæ nunquam ascendero, quin,
atratis coram auditorib., mortuorum epi-
cedia decantem? Meis igitur sic erit in fatis,
ut occidentem cōtinuò solem venerari com-
pellar? Erit mihi locus iste pro orchestra,
vnde tragici euentus catastropham lugubri
cothurno condoleam? Igitur sidus illud fasciæ
Perettinæ, quod non tam gentilitios mon-
tes, quàm Romanos colles propitio lumi-
ne collustrabat, funestum mihi vertetur in
cometem? Terni illi, æternique montes vi-
cē subibunt Caucaſi, ad quem nouus ipse
Prometheus excruciet? Damnabor ego ad
Perettinos mōtes, quasi ad Latomias, ut ibi
sepulchrū orationis scalpro defodiā? Satis
heu satis nimium Italia suis cladibus inex-
plebilem mortis inaglunem saginasse debe-
ret, satis in Intubriæ theatro sanguinis, &
cadauerum exposuit insaturabilis pestilen-
tiæ,

tia, ac ferri libido; Romanā hāc urbē, amorē orbis, ac mundi cordulam mors iniqua vulnerare non debuit. Vnus erat, vnus supra ceteros MICHAEL PERETTVS gloriosi nominis Princeps, qui egentium turbam auidæ morti, profusis opib. subducebat, istum, quò efferatius debaccharetur, prosternere voluit, vt in vnus vitas pluriū improba falce rescicaret. Sed quoniā mors æqualis est omnib. solumq; obliuione apud posteros, vel gloria distinguitur, immortalē memoria nominis, facinorumq; præstantia contendam esse Michaelem, qui in omnem ordinem tot beneficia congeffit, tot virtutis eximiae monumenta seræ posteritati consignauit.

Et verò non ego exordiar ab ouo infantilis ætatis crepundia relegendo; non adolescentiæ florem longinquo sermone delibabo, neque enim heroem aliquem Apinæ, & Tricæ constituunt, ingentesq; animæ in suarū numero laudū recenseri despiciunt, quod in teneris annis vel gladium cum Achille arripuerint, vel in arundine longa cum regum filiis equitarint. Non relicta à maiorib. illius, ad urbis amplitudinē regalis planē animi trophæa indigitabo; non enim fas est, Romæ aliquem in locum oculos intorquere, quin nostris occurrant obtutib. Sixti Quinti, Pōtificis illius verē Maximi beneficia, erectæ pyramides corrode te vetustate diffractæ, columnæ locis pristinis restitutæ, templa insanē molis excitata, palatia cælum ferientia, xenodochia diuiti censu dotata, bibliothecæ ad Ptole-

mæi

mæi inuidiam libris innumeris locupletata,
 aquæductus vberi venarū collectione,
 sinuoso tractu, in urbem perducti; vt Sixto
 sedente verius, quàm Tito imperante, red-
 ditam sibi Romā enūtiare possimus; possit
 ille Augusto melius gloriari, urbem nō re-
 staurasse, sed instaurasse, lateritiam reperis-
 se, reliquisse marmoream. Septē Roma ve-
 nus ad cælum colles erigebat, Sixtus montē
 suum ceteros supra montes assurgere vo-
 luit, dū Vaticani tēpli testudinē intulit nu-
 bibus, ac cælo proximā, in terrenum veluti
 cælum arcuauit. Loquitur satis eneo pecto-
 re statua illa ærea Sixto adhuc viuenti in
 Capitolio collocata, vbi illū Senatus popu-
 lusq; Romanus, ob quietem publicā, com-
 pressa sicariorū, exulumq; licentiā, restitua-
 tam, annonæ inopiā subleuatā, urbem ædi-
 ficijs, vijs, aquæductu illustratam, præclaro
 sanè elogio **LIBERTATIS ASSERTO-**
REM appellat. Loquitur Cardinalē Mon-
 taltū D. Andrea templū à D. Petri templo
 secundū, loquuntur puerorum, viduarum,
 opificū turmæ per urbem palātes, loquitur
 Roma tota aurei sæculi reparatorem, dum
 arescentem pauperiem aurea pluuia refe-
 cit, virginitatis flores aureo rore seruauit,
 labantes familias aureo scipione sustinuit,
 carcerum vectes aurea lima diffecuit, flu-
 ctuantes animos aureis anchoris obfirma-
 uit, seminudos omnes aureo vellere conue-
 stiuit. Neq; ego silere possum Andream ex eo-
 dem stemmate Cardinalem, qui suscepta à
 Clemente VII. purpura, eodem exarsit
 studio pietatis, piorum locorum patronus,

toti cariae vnice carus congregationis nostrae amantissimus, quē vtinam mors inuida tam immature non rapuisset, haberemus haud dubiè singulare aliquod amoris praecipui monumentum. Ad Michaelē flecto Romae vniuersae hīsce dieb. ereptum, vt in illius laudib. triumphet, an lugeat oratio? Lugere profectò deberem in atrati prosce-
nio templi, in pullatis omnium ferè vestib., in lugubri cenotaphij apparatu, vbi cerei lucentes non tam ardore flamarum, quàm doloris teneritudine colliquesunt. Sed illorum ploretur interitus, quorum vita sine laude pertransijt; ad letiora officia me prouocant ista lumina, quae non ardēt, vt egregij Principis parentalibus illuceant, sed vt meliores vitae diem, facibus cumulatis, accendant. Quo loco non opus habeo, antea actam vitam prolixa oratione retexere; nemo enim ignorat, quàm sanctè primam illam aetatem obierit, qualiter sacris rebus addictus probitatis institutum coluerit; quàm ardenti in Virginem, caelitesque alios religione flagrauerit. Vnum Herculem Gallia celebrat in biuio prudentem; vnum Vlyssē Græcia praedicat, aures fir-
renum cantionibus oppilantem; vnum producere poterit Roma Michaelē, in lubrica aetate constantem. Ad illa digredior, cum sub Urbano VII. primum, mox sub Gregorio XIV. Ecclesiasticae militiae generalis ducis personam egregia virtute sustinuit, vt Scipionis ad instar Africani, non militem se à matre iactare posset esse progenitum, sed imperatorem. Exultare poterat,

terat, & tanto sub duce triumphare Romana militia, quidni enim irruentes barbarorum copias quocumque in articulo profugasset, quæ Michaelē habebat imperatorē, Dei scilicet fortitudinē? Quid formidasset exercitus iste, licet ē ceruorū grege stipatus, inimicorū acies ferro munitas, & odio, sub Perettino Leone? Quidni per inuias, & obseptas cautibus vias irrupissent Romanę legiones, quibus non aquila precedebat aurea, sed sidus aureum prælucebat? Si Ecclesia, ciuitas est supra montem posita, ad quam excindendam adrepere non possint fumigantes inferorum centurię, quo collocabatur securius in monte, quam in Montalti montibus inconcussis? Gaudia est vniuersa Flaminia, cum renuntiatum exercitus imperatorem Michaelē accepit; introspectit enim erectum illius ad gloriosa quæque facinora animum, cognouit indolem planē Romanam, quæ sciret agere, & pati fortia, antiquum in illo Cæsarem reuixisse putabat, cuius virtuti bellicę fortunā ipsam cessisse perhibent, quod eam redderet, in qualibet alea, pro sui voluntate propitiam. Quid cum à Paulo V. equitatus generalis præfectus eligitur, vt quæcumq; calamitas ingrueret, eximia celeritate compesceret, chimæramque omnem discordiarum, suis equitum alis, nouus quasi Bellerophontes, confoderet, iugularet? Quid cum Flandriam, Germaniam, Angliam, aliasque regiones ingenti seruatorum comitatu lustrauit, principumque animos arctissima sui beneuolentia deuinxit, annē

sibi gloriam Vlyssis vendicare poterat;
 Qui mores hominum multorum vidit,
 & vrbes?

Quid de profusa tãti Principis munificẽ-
 tia memorem, qui plures terrarum orbes
 non subigendi, sed largiendi desiderio cõ-
 plexus, suæ facultati fines, non liberalitati
 potuit inuenire? Quotiescumq; pauperem
 in itinere Michael offendisset.

Præceps illa manus fluuios superabat
 Iberos

Aurea dona vomens,

ut Artaxerse melius, nõ longã ob manu
 Eógimanus, sed liberalem ob largitionem
 Eargimanus, celebri posset agnomine, nũ-
 cupari. Quoties visus est, inter libellos sup-
 plices lectitãdos, vel audiendos, ad egenorũ
 indigentiã, & vultu, & voce, & lacrymis
 cõmoueri, perindẽ ac Christũ illorũ habitu
 personatum aspiceret? Quæ religiosorum
 cõtenobia, quæ monialium conclauia, quæ
 puellarũ asceteria in hac vrbe numerãtur,
 quib. ab inopia subleuãdis, summam non
 Michael opẽ, non operã collocarit? Nomẽ
 ri, in oppido illo Perettinẽ ditionis, Patrib.
 religiosissimis, quos Capuccinos appellant,
 laxũ vastũ Collegiũ à fundamentis erexit,
 Ecclesiam sacra supellectili locupletauit,
 diuinum in ea cultum omni auxilio pro-
 mouit. Sed quamdiu aliunde Perettinæ
 pietatis argumenta deritio? Vos appello
 huius sodalitij moderatores, vos benefi-
 cam huius Principis prolixitatem edicite,
 quã sæpẽ, corrogatis pecunijs, vestrum
 fouebat institutum, quã frequenter viros

ære alieno obstrictos, dilapidatis opib. exi-
 mebat è carcere? Nimirū nouerat, Tarpeia
 olim arcē Sabinis inuadentib. auro conge-
 sto, patuisse; nouerat, nullū adeò munitum
 reperiri locū, quē auro onustus asellus non
 aperiret. Ibitis, o captiui, nō ferreis amplius
 cōpedib. irretiti, sed aureis catenis implici-
 ti, ex vna captiuitate in aliū carcerem, sed
 amoris; Michael, dū æs persoluit alienū, ve-
 strā oppignerat seruitutē. Animis è purga-
 toriò igne suscipiendis, vnū Deus Michae-
 lem præposuit; corporib. è cruciariā custo-
 diā subducendis, Michaelē alterum pietas
 Romana præfecit. Percurrite vos regiā ex-
 terni oris maiestātē grata cū hilaritate cō-
 iunctā, non enim illē frontis lumen amabi-
 le Stoica superciliorū nube tenebrabat, nō
 arridentis fortunæ vëto distentus intume-
 scebat, Thrasonū more, sed Leonem genti-
 litiū vnguibus pyra tenentē, veri Principis
 symbolū imitabatur, vt maiestātē leonis, &
 pyri dulcedinē copularet. Stultitiā patiū-
 tur opes, cecinit ille, pluresq; diuitiarum ty-
 pho sic insolēscūt, vt in Iouē ipsum armare
 manus, ac instar gygantū deturbare de so-
 liō velle videantur; mōtes enim vanarū co-
 gitationum aggestu surgente, in nubes cō-
 uectāt, ac de spoliō celi meditari credūtur:
 Michael Perettus, cū tanta summorū Pō-
 tificum gratiā floureret, cum tot redditus in
 proprio lare cēseret, cum primas in Eccle-
 siastico Imperio prouinciās obtinuisset,
 adoratus à ciuib. amatus à regib. dilectus
 imperatorib., ita in sua se pelle continuit,
 vt nunquam illū populi plausus è statu mē-

tis eiecerit, regū amor inflauerit, imperatorū dilectio demētarit. Oderat ille summo-
 pere veteratores, nationem comedā, græ-
 culos esuriētes, quos Palatij tineas Consta-
 ntinus, opum vernes Anaxilaus, canes regios
 Diogenes, amicos Ixionicos Heliogabalus
 appellabat; pati nō poterat, ore mellito suis
 illos aurib. ablandiri, ac veluti curiæ Pro-
 theos quālibet personā induere; nesciebat
 Michael cordis, & linguæ dissidiū, cū ipsius
 cor satis abundē loqueretur, vel tacentis in
 vultu. Sed quorsū ego tot laudet conge-
 ro, vt cōceptus animo dolor, vulnere velu-
 ti refrigeratione, recrudescat? Decessisti,
 Princeps Excellentissime, eo planē morbo,
 quò Sixtus auunculus; ille totum in capite
 morbū latitare cōquerebatur, te in summa
 capitis parte desæuiens ægritudo confecit;
 tūc Romanæ caput Ecclesiæ deperijt; nūc
 Romanorū caput nobiliū ē viuis excessit.
 Aquosus ille humor tuo ē cranio diffusus
 nostras ominatus est lacrymas, perēni riuu-
 lo duraturas. Lugebunt ciues ereptas sibi
 Romę delicias, plorabunt virgines nouissi-
 mo auxilio destitutæ, eiulabunt pueri abla-
 tum sibi parentē, cuius in altis montib. fun-
 damenta locauerant. Sed abstergamus ab
 oculis lacrymas, neq; enim mala mors pu-
 tanda est, quam bona vita præcessit. Fruere
 Michael, quas adiuiisti, vt piē credimus, post
 exhomologesim, sacramq; synaxim paradi-
 si delicijs; ad cēlestem enim prædam ascen-
 dens, sicuti leo, apertis glorię oculis animi,
 accubuiisti, & occubisti.

Dicebam.

IN

In Funere

AVGVSTINI SPINOLÆ

In Collegio Clementino Con-
uictoris .

M O N O D I A .

Dicta in eodem Collegio anno Domini.

M. DC. XXIX.

Nunquam satis diuturnas generis humani delicias? ò vitam solstitiali citiùs herba pereuntem? ò citatissimum mortalis vitæ curriculum? In ipso igitur annorum vere, rosa ficcabitur adolescentiæ? In ipso virëtis ætatis initio, flos adolescentum arescet? Igitur dū plures ab ortu sibi pollicetur annorum decursus, ab occasum repentiè vita prope-rabit? Mirabar Augustine, tam præcocem mentis aciem, tam lynceū ad obscura quæque mirabar ingenium, calamitatemq; heu quàm acerbam, mecum ipse verebar; imò citò perituum te suspicabar, nisi citò nimis perijsset. Scilicèt quæ arbores, luxuriatum pompa ramorum, præmaturè adolescunt, tardis nequeunt umbram explicare nepotibus: ita cum tui dotes ingenij se speciosius in adolescentiæ virore proferrent, lugere possumus, non mirari, præpropera te morte collapsum. Verùm illud dolorem leuare nostrum potest, Sodales optimi, quòd si adolescentem virtutibus addictum amissimus,

mus, virtutes illius, quas imitetur, nō exciderunt. Et sanē dum Augustini primā educationem mēte perlusiro, succurrit animo, non illū, quamvis patritio ē genere, in thalāmis, aut gynecō puellarū, non adipe, nō auium pulpamentis molliter fuisse nutritū, sed more Spartano, sub sāctissima disciplina, ad virtutes tūm corporis, tūm animi capeffendas institutum. Nō matres illæ sunt, sed nouerca, quæ liberos, quasi Sardanapalli posteritatem, enutriunt, masculorūq; vigorem voluptatibus frāgunt, antiqua Medea ferociore, dum puerorū corpori, deliciarum luxu blandientes, animum nimia mollitiē trucidant. Parentē Augustinus habuit matronam lectissimā, adhuc superstitē, quæ Corneliæ Gracchorū matris æmula, gemmas suas, non in scrinijs ostēdit, sed in filijs: tunc existimans, in publicū prodire se posse elegāter ornata, cum aureos potest mores sibi adscribere liberorum. Quis verò referre valeat illam indolēm, qua nō tam à natura formatus, quā conformatus: educatione, ad induendā quadrati hominis imaginē, ceruus Augustini animus flectebatur, nisi vos ipsi adolēscētes mœstissimi, qui fuistis, vt in conuictu sodales; ita virtutis æmulatores? Duo in Clemētino Collegio gymnasia frequentauit, & humaniorum literarū, & literarum regiñæ eloquentiæ: in istis quā versatili ingenio singula perlustrauit, quā auida mente doctrinam omnem absorbuit, quā ardētī studio dicēdi canones deuorauit? In humanioribus literis, tanto cum fœnore benè collocati laboris,

boris, annū impendit integrum, vt propo-
 situm quodlibet argumentum, Apolline
 nō inuito, statim numeris illigaret, aut co-
 piofa solueret oratione. Rethoricā ille de-
 peribat, cuius adipiscendæ tanto studio fla-
 grabat, vt cum iam totum eloquentiæ sta-
 dium strenuè, percurrisset, & laureā mini-
 mē ingloriam in vmbraatili puluere cōpa-
 rasset, denuò tamen in eadem voluerit
 arena desudare, præstantiores palmas,
 iterato certamine, non tyrō, sed veteranus
 referre, Ridebat illos, qui grammaticæ ru-
 dimēta præteruecti in dialecticę syrtes im-
 pingunt, aut iurisprudentiæ gymnasia per-
 rumpunt; saniori ille consilio, duos annos
 oratoriæ statuit facultati reponere, vt de-
 nūm illud, quod distinguimur à psittacis ac-
 quireret, benedicere. Nouerat egregius
 adolescens, eloquentiæ spatia non angusto
 limite circūscribi, sed interminatis finibus
 in immensū excurrere; nouerat, antesigna-
 nū rhetorum Ciceronē, in Romano fo-
 ro dominū comitiorum, Asiā nihilomi-
 nus peragrasse vniuersā, & sub eximijs di-
 cendi magistris annos quampluri mos de-
 uouisse, tandē Apollonio oratori se tradi-
 disse, vt ipse loquitur, recoquēdum. Quo in
 studio quātum promouerit Augustinus te-
 stes appello vos eloquentiæ candidatos, qui
 ingenium illius fœtū sēper nouis rebus,
 nūquā effœtum admirabamini, testes
 prouoco domesticos vestri gymnasij parie-
 tes qui in mensuris de re poetica disputa-
 tionibus illius voce personuerunt; testes
 nuncupo huius Athenæj vastitatem, angu-
 stum:

stum illius virtuti theatrum, vbi purpuratis corā Patribus, & amplissimis auditoribus, in clarissima Romanorum principum panegyri sæpissimè perorauit. Nimirum tam diuitem dicendi supellectilem sibi comparauerat Augustinus, vt quæcumque res incideret, de illa copiosum, non ablegatis eloquentiæ veneribus, sermonem contexeret, vt nullum à gymnasij moderatorem sibi præfiniri argumentum postularet, cum ipse sibi sufficeret, ipse sibi satis vberem rerū segetē in horreo memorię collegisset. Quid de proprij honoris æstimatione præferam qui si aliquando gymnasticam alijs fortè curis implicitus lucubrationem non persoluisset, anxius, citato gradu, antè discipulos præcurrebat ad præceptorem, illud exinè contendens, nè sibi, in publica gymnasij frequentia, mulctam velet irrogare, se postero die necessariam culpam acriori studio pensaturum? Quid quòd nunquam, nisi, obtenta à moderatore facultate, ludo abstinebat, nunquam diebus profestis domo egrediebatur, nisi prius ab eodem Institute, exposita causa dimitteretur? Nolebat enim Augustinus, vllam maioribus molestiam afferre, quinimò cum socijs ità se mittem exhibuit, vt licèt à clarissima Spinolarum gente natalia cognosceret, licèt eximjs prepolleret diuitijs, licèt prestanti mētis acumine donatus esset, nunquam tamen in fortuna sic arridente intumuerit, nūquam fastosas cristas erexerit, sed æquabilem semper in omni euentu rationem vitæ seruauit. Sed tua me pietas vocat, Augusti-

gustine, quæ erga Dum, erga beatissimam Virginem rapiebaris, cum huius, ut loquuntur, officium singulis diebus summo cum animi sensu recitares, cum statas preces in genua prouolutus effunderes, cum delicatum aliqui corpus indicto ieiunio conflictares. Solemne est nostri Collegij adolescentibus, singulis Saturni diebus, custodire ieiunium, nisi fortè maiorum consilio, vel ita ferente tēporum conditione, legis consuetudo vertatur. Augustinus nunquam ab incepto inediæ instituto dimoueri potuit, & licet alijs interdum in hebdomade diebus temperaret à cibis sabbatho nihilominus, reperito rursus ieiunio, vires atterebat, nouaque frugalitate corpus emaciabat. In ipsis beatæ Virginis peruigilijs seueriorem sibi victum definiens, panem solūmodò, & vini ad reficiēdas quoquomodo delassatas litetarū studio vires adhibebat, optimè intelligens, tunc animū delicijs depascitu cælestibus, cum terrenas dapes venter incipit esurire. Intueor singularē Augustini pietatem, dum sacrā hanc beatæ Virginis aram intueor, quam ipse liberali profusione columnis ornauit, quas auro industrij artificis opera, dimidiatis cum Cæsare Aresio Mediolanensi patritio sumptibus, iussit elegantissimè obduci: non ut suæ terminum pietati figeret, sed ut suum ergà celi reginam, obsequium columnarum testimonio, migraturus è vita confirmaret. Sed maiora me mouent in tam præclaro facinore, scilicet stemmata illa gentilitia, quæ columnarum epistilijs inter-

tercepta cernuntur, inuito fuisse Augustino
 suffixa, cū beatissimæ imaginem Virginis,
 ad omnem inanis gloriæ auram euentilā-
 dam, cupiuiſſet apponi. Quid de solertia in
 animo à vitijs eluendo proſequar Auditores?
 bis in mēſe, ſingulis quindecim diebus:
 exactis, cæleſti ſe pabulo, ac ſacris epulis re-
 ſiciebat; octauo quoque die exhomologeſi
 peccatorū maculas abſtergebat, ne vnquā
 teterriimi hoſtis tyrannidi vllum in corde
 aditum aperiret. Proh quantis fluctuantis
 conſciētix ſtimulis vexabatur, quā acer-
 bos experiebatur carnifices illos implicatæ
 mentis aculeos, quos ſcrupulos vocamus, vt
 illis agitatus diurna, nocturnaue lucta-
 tione percuſſus nulli rei offēt animū huius-
 modi perturbationibus obſeſſum adijcere.
 Statuerat Auguſtinus vniuerſas vitæ trāſa-
 ctæ culpas ſolemni expiatione delere; ſta-
 tuerat Somaſchenſis ordinis habitum, vbi
 primū licuiſſet, induere, cum repentino
 præuentus interitur, è viuīs ereptus ordini
 adſcribitur angelorum. Illud vſurpare ſole-
 bat frequētius, ſe veluti piſcem eſſe, qui per
 liquidas aquarum ſemitas irrequieto mo-
 tu diſcurrēs, in extenſa tandem retiā defeſ-
 ſus illabitur, cū ipſe quoque ſupernis ſapē-
 iactatus commotionibus, humanas per cu-
 ras cogitabūduſ erraret, tādē vaſtiſſimo
 Religionis ambitu deberet intercipi. Diui-
 naſti, Auguſtine, ſed heu quā infauſto
 euentu; non enim viuus Religionis rete
 peruadiſ, ſed mortuus in Patrum ſocieta-
 tem deueheriſ, non in clauſtra, ſed in ſepul-
 chrum: Sed me miſerum, quo impegit ora-
 tio,

tio, ut dum per tuas laudes lætabunda va-
 gatur, ad lapidem tui sepulchri collisa sub-
 sisteret? In quo tibi fui iniurius, ut de ami-
 co præficam agere me compelleres? Cur
 hoc tempore, quo tempore ad comœdias
 Saturnalia nos prouocât, ad tragœdias tuis
 nos parentalibus excitasti? Sed doleant alij,
 & eam fortunam à suo capite auertant, ut
 subitario exitu præripiantur è viuis; ego ex
 hoc maxime titulo cælo acceptum fuisse
 Augustinum deprædicabo, quod suscepta
 hesternis diebus plenissima culparum om-
 nium expiatione, cû thermas illas Diocle-
 tianas, modò D. Mariæ angelorum tem-
 plum vastissimum, nõ profanis aquis, sed
 lacrymarum imbre perfudisset; cum ædem
 S. Mariæ Maioris ad niues niueo candore
 precabundus inuississet, integer, in suo sen-
 su occubuerit. Sempiternum venerabatur
 nume Iulianus Imperator, moriens ex vul-
 nere quod non longa morborum asperita-
 te, vel delicatorum fine decederet, sed in
 medio cursu florentium gloriarum subitu
 meruisset è medio digressum: summam vi-
 tæ felicitatem in repentino interitu Plinius
 reposuit; ut etiam finem vitæ commodissi-
 mum in quadam cœna inopinatum, cele-
 remque magnus ille dictator edixit, cum
 magnæ heroum animæ non detrudantur
 in corpora, velut in carcerem, sed ad egre-
 gia facinora membris exceptæ statim euo-
 lent, cum libuerit. Non igitur Augustinus
 cum doloribus diuturno est tempore lu-
 ctatus, non ingrauescente languore, viribus
 paulatim destitutus, non longo febris pe-
 silen-

stilentis agone conflictatus, sed quieto, sed tranquillo vultu suspirauit potius, quàm expirauit. Cor sibi tantummodò sentiebat obsideri, viscera premi dolebat interiùs, fortasse, quia nostra corda dolore torquenda acerbissimo prætimebat. An potius cum spinis dolorum in vita caruerit Augustinus Spinola, rosa Collegij, spinas in morte voluit experiri, cum rosæ quoque in ariditate languentes, & ramusculis spoliatae spinis acrioribus obuallentur? Non ausa est mors præmissis, vt solet, nūtijs Augustinum inuadere, sed fraudolenta vafricie, clandestinis insidijs, non falce, sede telo; non aureo, sed ferreo cor illius terebrauit, vt meritò doleret in corde. Proficiscere, Augustine, ab illa Virgine exceptus, quam semper animo coluisti, nosque tuo mœrentes interitu, de cælorum specula conuere; septimus eris Clementini Collegij cælo additum sidus. Interim cebrò subeat vobis in mentem, Sodales optimi, natiuitatis exordia non rarò fines esse nascentium, & in hoc vitæ stadio, qui certant, precipitare, non currere; inter metam, & carceres interdum vix passum diuidere, vtramq; extremitatem eodem pede contingi & quæ inducit, & quæ educit.

Dicebam.



BRAS-

BRASSICÆ^{23 9} ELOGIVM.

Habitu Romæ in Classe Rhetoricæ Collegij Clementini.



Lacuit aliquandò nonnullis elapsi temporis oratoribus in tenui diligenter opere laborare, vel vt versatilis aucuprentur famam ingenij, vel vt animum grauioribus delassatum curis, dum festiuis argumentis incumbere, studio velut otio recrearent. Colubam carminibus Aruntius Stella defleuit, extulit laudib. publicem Calcagninus, culicem Virgilius, muscam Lucianus, locustas Iodochus, lutum Maioragius, ebrietatem Tornerus, caluitium Synnesius, ignorantiam noster Rugerius, neminem Huttenus, umbram Ianus Douſa, ipsum nihil Ammonius. Horum ego quoque secutus exemplar, Auditores, vt maiorum auspicijs adolescerem, in eam sum mentem adductus, vt Brassicam nobilem adeò plantam commendatione prosequerer, non vt aliorum parem labori famam venarer, sed potius vt specimen aliquod studiosi conatus, in umbra Rhetoricæ palestræ præferrem. Scio, malè recoctam me crambem delicato vestro palato allaturum, dum de Brassica dicere instituo; nihilominus, quoniam cineralibus hisce ferijs nostra ieiunia teneriores cauliculi subleuant, illorum laudes facili vos aure suscepturos existimaui; quia

quia quibus corpus depascitur, illorum recordatione animus plerumque delectatur.

Tāta igitur est Brassicæ dignitas, ac præstantia, ut seueriores Philosophi illius præconia celebrare voluerint, Chrysippus medicus integrum Brassicæ volumen sacrarit, Pythagoras discipulis commendarit, Cato encomium deuouerit, Plinius pluribus sit prosecutus. Etenim penes Brassicam stat principatus hortorū, gloria herbarum, ganeæ decus: est illa minorum regina olearū, anni delictum, Apicij luxuria, mensarum, Helena, cœnarum lautitia, terræ corculū. Videbitis in agro subactō Tritianum caulem firmo surgentem in caudice, luxuriātī proceritate se tollere, corpore in orbē porrecto, in latitudinem toroso, crispa folia in scutum arcuata sibi stipantem, rore de sudo cælo sorbentem, ac liquentibus veluti margaritis, gemmatum, quid iucūdius? Videbitis Pompeianum stolone tenui suffultum, resupina per gyrum folia reflectere, medioque sinu flauentes flores, ac teretes exporrigere; Brutianum scapo fluctuantē infirmo, folijs explicatis expandi, ac subnascentibus fruticare protomis; Sabellicum, corrugatis hyberno frigore folijs, candidas niues in orbe denso recondere: Cumanum sessili folio, capite patulo; Appiacum generoso thyrsō sublatum; quid pulchrius? Fuerint olim in cibum Atheniēsium ficus, Arcadum glandes, Argæorum pyra, Indorum calami; Mœotijs millium placuerit, Persis cardamum, Lotophagis lotos, hircus Lusitanis, locustæ Parthis, elephantī Nomadibus,

bus, pantheræ Agriophagis, Brassicarum suauitate nostra fruetur Italia. Brassica toto anno feritur, toto anno secatur, omni sole congruet, omni solo succrescit: non timet æstuantis incendia Sirij, non desæuiantis hyemis asperitatem, non aquilonum turbines perfurentium, non ingruentium tempestatum inclementiam reformidat. Decidant conglobato ægmine aggeratæ de cælo niues, non tam onerabunt Brassicam, quàm ornabunt; exundent è grauidis nubibus procelloso nimbo pluuiæ, non obruent, sed abluent, arescat tellus, & hiantes planities soluantur, adhuc firmo viridis persistabit in caudice. Scilicet rerum parens natura sic imperauit, vt quæ planta communi hominum salutis deservire debebat, omnes etiam temporum iniurias eluderet, declinaret calamitates. Prolixum foret percurrere, nedum recensere, quas humano generi conferat Brassica utilitates; permittite, vt aliquas, velut prætereundo à naturalis historiæ monumentis excerptas depromam. Laborauit aliquis dolore capitis acerbissimo in humeros torquere nequibit oculos, decidet facies, mœror irrepit, frons obstupescet, tempora vtrinque pulsantibus feriètur aculeis, caput ferrea velut casside grauabitur; si crudos cauliculos paulisper dentibus atterat, agritudo discutietur, torpor abscedet, animus hilarescet. Ita Cato pronuntiat. Vexabit alterum intestinorum exulceratio, & aluo soluta sanguinem egeret, si recoctam cum sale crambè comedat, pristina salus reuocabitur. Ita fide

dem adstruit Hippocrates, Decumbet alius iam iam funeri proximus; quod venenum ab esu boletorum contraxerit, turgescet corpus, spumabit lingua, nigrescet aspectus; si expressum à Brassioa succum eberit, securus exiliet. Ita spondet Apollodorus. Latrabit molossus aliquis in viatorem, ringet dentibus, assultabit, inuadet, mordebit, si vulneri Brassicæ folium ad-mouerat, conualescet; Ita profitetur Epicharmus. Cicatrices ad planum redigit, audientium traditæ proficit, lactis aggregat vbertatem, quicquid serpit in corpore, læuigat, serpentum ictibus medetur, ita Plinius asseuerat; nihil esse stomacho, ac neruis vtilius Erasistrati schola proclamat. Quid? quod ipsi puerperis vteri dolore correptis Brassicam dedere comedendam Athenienses, vt partus maternis è claustris facilius effunderent? Cur Lucinam veteres coluistis, ferendis in lucem filiis, antistitam, cur inanem Deorum populum, & commentitia numina delirastis, quando potest crambe, insita sibi facultate, nasciutos fœtus angustis è visceribus emitte-re? Meritò sacram existimarunt antiquitus Brassicam, iure *μαρτυρ*, hoc est, diuinam Nicander appellauit, quod vim quandam diuinitatis in se continere videatur, ac singularem præ ceteris oleribus, humano generi conferre medicinam. Riderent ista Machaones, nisi tabulas, & folia syllabæ producerem, dum constantissimè enuntio, Varronem, virum illum à Quintiliano Romanorum omnium eruditissimum,

mum , à D. Augustino literatorum doctif-
 simū nuncupatum, quo tempore Romanā
 per urbem pestilentia plurimorum interitu
 grassabatur, tutam ab omni epidemiæ tabe
 familiam sola Brassica præstitisse . Sed ha-
 beo prodigiā Brassicæ maiora , quæ profe-
 ram: Populus Romanus sexcentos per an-
 nos non aliam, quàm Brassicarum medici-
 nam adhibuit. O morborum omnium Mi-
 thridaticum; O deficientis naturæ Amule-
 tum ; O veneni cuiuscumque per intestina
 serpentis Alexipharmacū . Valete pharma-
 copolæ, qui argentea in pixide varia liquo-
 rū genera tumultuario miscetis; valete, qui
 dulcoribus vestris amarè nimirum vitam
 hominum nundinamini ; valete Æsculapij
 nepotes, genus Apollinis, febrium exturba-
 tores , carò nimis vestris in herbulis nostra
 salus stat . Nos miseri, qui regiones Indicas
 tanto cum impendio depopulamur , qui à
 plantis Arabicis guttas nè an lacrymas ex-
 torquemus, qui vndequaq; producendæ vitæ
 remedia conquirimus, & morbos non tam
 curamus , quàm creamus: quid prodegisse
 iuuat in gentē nummorum copiā, quid au-
 ro arcas exenterasse reposito, vt leue reme-
 diū promamus ab officinis, si sola Brassica
 longæuā possumus senectā traducere, gra-
 uesq; corporis valetudines declinare? Fuit
 olī illa pacatissimæ simbolū felicitatis, per-
 petuæq; lætitiæ; vnde cū interturbatam ali-
 cuius impudētia voluptatem vellent expri-
 mere, crābem duos inter vitiū surculos ad-
 sitam appingebant ; tāta enim inter se odia
 vitis, & caulis exercent , vt cum illa cete-

ras plantas , clauiculis suis , quasi manibus amplectatur , si Brassicas è propinquo surgentes offendat , paulatim se se erigat , & velut ab hoste refugiat , ne vlla parte contingat . Hinc qui nudum cauliculum ederit , vino quamuis largiter hausto tentari non poterit , calor siquidem ebrietatis occursum brassicæ mirabiliter habetatur , & dum cupit , eructante pingues halitus aluo , caput inuadere , superstante in ventriculo brassica detruditur . Quid lepida illa fabella sapientissimi vates innuerunt , Bacchum scilicet irati Lycurgi timore perculsum in mari delituisse , mox clandestina emersione Lycurgum insidijs inuasisse , quem vite deuinxerit ; illumque de inopinata captiuitate indignantem in lacrymas impatienter erupisse , è quibus Brassica germinarit ? Nonne immania has inter plantas ostendere voluere dissidia , nullo vnquam tempore concilianda ? Vsq̃ue adeò hostilis est enata dissensio , vt morbus ille , qui humano in gutture à medicis vna dicitur , discuti è faucibus opportuno remedio possit , si crudæ brassicæ succus ægrotantis capiti superfundatur . Sed quoniam pallentes olim caules Druso Tyberij Cæsaris filio creauere fastidium , infusus ego quoque laudibus temperabo , ne quod de magistris satyrographus enunciauit , occidat miseros crambe auditores .

Dicebam .

ASI-

Apologia.

Habita Romæ in Classe Rhetoricæ
Collegij Clementini.



Ingulare naturæ beneficium extitisse arbitror, Auditores, commendandum frugalitate animal, omnibusq; par laboribus, Asinum procreasse, cū in genus humanum innumera ab illo cōmoda deriuentur, egregiæ virtutis argumenta promantur. Neq; verò audax fortasse facinus adolescentis, & de sua nimium nugacitate exultantis sugillate quotquot adestis, humanissimi viri, quòd in honorifico confessu laudibus efferendum protulerim Asinum, illud enim à cordato oratore deposcit eloquentia, vt in extremo versantes discrimine subleuet, inclinantēque periclitantium fortunam facundiæ viribus sustinere contendant. Sed quem fugit hominum, quàm grauib; continuò laboribus succūbere cogatur Asinus, quàm sæuis ab vnoquoque verberibus tūdatur, quàm parcè depastus delassatam interminatis vectationibus animam trahat? Carpere ne debeā hic ingratorum hominum tyrannidē, qui animanti publicæ vtilitatis curator in gentem plagarum numerū, loco mercedis impendunt? Perstringam Busiriticam, Lycopoliticā prorsus immanitatem, qui obuios in itinere Asinos autumant esse dandos ē

rupe præcipites? Ego sanè, vt tam efferatam quorundam diritatem æquo non possum animo ferre, ità libenter hominum illi beneuolentiam conciliare conabor vt respirare ab oneribus aliquando valeat plurimorum inuidiæ subductus.

Quod si virtutes, ac vitia promiscuè, apictis brutorum imaginibus, conuelare consueuerunt Ægyptij: vnde versatile alicuius aciem ad perlustranda scientiarum adyta sub aquilæ specie, magnitudinem animi in leone, docilitatem in elephanto, gratitudinem in cane subinferebant; plurimum virtutum catenam, ac propè breuiarium sub Asini hieroglyphico insinuasse comperiō. & ne videar pueriles fabulas in hoc disciplinarum emporio logodædalus nūdinari, percurrite mecū animo vniuersum virtutum orbē, Asinum in primarijs excellere, vestra omnium admiratione, fatebimini. Vultis in ipsa rerum affluentia colere temperantiam? Gestabit ille dorso repando diuitem domini supellectilem, inspersa delicatissimis condimentis obsonia, suspensas vtrinque falerni vini largenas, proritantia palatum cupedia, ipse carduorum apices lingua subactos parcissimè delibabit, asperiora carpet arundium folia, turbidam aquam in via decurrentem summis labris sorbillabit. Vultis improbos perenniter labores exātlare? Nullum est onus, quod ille detrectet; pro boue terram proscindit, pro equo sessorum vectat, pro elephanto immania pondera sustinet, pistrino ducēdæ mole deseruit, omni assiduus operi libentissimè

mè famulatur . Vultis effusam in homines
beneficentiam ? Emendicare cupiet aliur-
de pulchritudinem bucculenta alioquin-
anacula, cuius oculi sine lumine stygiæ pa-
ludis egerunt lacrymas, frōs innumeris ru-
garū sulcis asperatur , genas examinat pal-
lor exāguis, labra plumbeus liuor inflectit,
dentes moralibus putrescētibus vitiat odor
mephiticus : oblinet ista faciē cerussæ me-
dicamento, fucare studebit emēdicatis co-
loribus , arculas pigmentorum exhauriet ,
& séper incassum : si aliquoties, Poppæam
Neronis vxorē imitata, Asinino vultum si-
bi lacte perugat , formosæ nitorem cutis
prouocabit . Corripietur alter ægritudine
comitali, & inopinata corporis conuulsio-
ne prosternetur solo , corpus tetro colore
intumescet, ore spumā ebulliet, exeret ocu-
los penè prodeuntes , cadauer stupenti spi-
rabit in corpore, si Asini iecur inassatū ieu-
nus comedat , morbi grauiissimi calamita-
tem discutiet . Sed leuiora sunt ista, quàm à
me debeāt extolli; illud ad se se me rapit, il-
lud vestra maximè aures desiderat præstan-
tissimū Asini inuentum ? inuentum, quod
omnium meritò sibi voluntates obstringit,
suumūq; humani generis amorem extor-
quet. Sed cuius inuēti gloriam putatis, Au-
ditores, in Asinū me velle refūdere? An sa-
gacissimū animal aurum è terræ visceribus
euocasse? At sine auro latos fallebant soles
antiqui ? An musicos numeros inuexisse ?
At lyrā despicit, licèt musicum animal . An
astrorū peritiā docuisse mortales? At prono
in terrā capite, defixis hūmi oculis, graditur.

An agriculturâ rudibus adhuc hominibus insinuasse? Omne pûctum tulistis, Auditores; Asinus putandæ vitis rationem excogitavit, vberriamâ vini copiam aquæ potoribus impartiuit. Expatiabatur Asellus per agrum vitibus consitum, & vt erat diurni laboris defatigatione, vrgēteque fame defessus conspicatus haud procul luxuriantibus pampinis patulam vitem, ad illam succussando festinus, festiuus accurrit, & corroso æquabiliter palmite, amputatis dentiû falce ramusculis, vitem folijs denudatâ sapiēter circumciso reliquit in stipite. Adnotarunt hoc indignati de tanto Asini facinore agricolæ, sed cum denuò aeris clementiâ vernû tempus adueheret, plantæq; omnes ad cæli temporem oculos aperirent, cepit vitis illa sensim, sine sensu arborescere, ramos in omnē partem expandere plurimos, alijs se virgultis pertinaciter implicare, cadentes vuas alienas ad frondes appendere, ita vt copiosum in autumno vinum rustici expresserint, & ab Asino edocti vitiû surculos in posterum amputarint. O verò beneficijs memores Naupliæ ciues, qui incisû in marmore Asinum, ad perennem gratiæ commendationem, in foro collocarunt. Et sanè, Auditores, quo pacto æmulum illum nectari liquoré hauriremus, terre sanguinem, fomitem ingenij, tristitiæ solatium, amoris aucupem, equum poetarum, nisi Asinus præbuiſſet? Profectò dum Æschylus poeta clarissimus non nisi inter pocula tragœdias exarasse perhibetur, dum Ennius ipse pater ad arma scribenda, nō nisi potus

prosiluit, dum prisci Catonis sæpè mero caluisse virtus narratur; dum Alcæus, & Aristophanes, non Hippocrenes aquis, sed spumanti cratere labra proluisse dicuntur, non minus Apolline duce,quàm Asino auspice nominis adepti sunt immortalitatē, cuius liquore, quasi diuino entusiasmo lymphatici, ad pangenda poemata inflammabantur. Quid mirum deinde,quòd Asinum veteres magno semper honore coluerint, quòd velut sapientiæ hieroglyphicum erexerint, quòd philosophorum vnus ingymnasiū admittere, disciplinis capeffendis, voluerit? Loquor Alexandrinum Ammonium, illum Origene, & Porphyrio discipulis celeberrimum, qui Asinum philosophicis imbuendum artibus, ceteros inter auditores adhibuit. Stabat ille arrectis auribus inter discipulos,& rictu in præceptorē cōuerso,licet tardiusculo cerebri acumine difficillimas obscuræ scientiæ quæstiones inaudiebat,præcipua discipuli qualitate commendatus,quòd plurimūm esset auritus. Loquor Cleanthē illum,cuius portentosa studendi perennitas in paræmiam concessit, vt opus ingēti elaboratum industria,ad Cleanthis lucernam dicamus eui-gilatum:iste sub celeberrima Zenonis porticu philosophiæ studijs operam collocans, Asini non erubuit appellationē, sed magistri se gloriabatur sarcinam ferre posse Zenonis. Neque verò miremini,dum Asinum contendo à musis, & gratijs non alienum: quæ enim reperiri potest, vel testudinea mentis tarditas, quàm laboris assiduitas.

non euincat; quæ vel Bæotica ingenij torpedo, quàm studij vigilantia non excitet, obfirmata discendi constantia nõ frangat? Equidem vel Hircanas, vel Hyperboreas feras ad regum delicias fuisse legimus circuratas, ipsasq; intellectus carentes volucres plura didicisse, infano docentis labore, comperimus. Draconem habuit Heraclides philosophus eunti, quiescenti solitum adhærere; leonem exuta sæuiti obtemperantem Carthaginensis Hanno; turdum Agrippina sermones hominum imitantē; fileo coruum matutinis horis, vt Tiberiū, Germanicū, Drusum proprio nomine cōpellaret, in rostra deuolantem; fileo psittacos verba sæpius ad aurem decantata red-dentes; fileo vrsos librare saltus ad tibiariū cantum edoctos; fileo elephantos per extēsum funem, schoenobatarū instar, incedētes; quidni poterit Asinus cōtumaci sedulitate artem aliquam cōparare? Audistis forsā vel etiā oculis vsurpatis, Auditores, superioribus annis in Agonali foro in hoc ipso Romæ theatro ludos varios summa omniū voluptate exhibentem Asellum, modò cū capra, velut amasia choreæ, saltationes varias alternis pedibus edere, modò canē imitādo venaticum ad proiectū à domino linteum celiter accurrere, modò cataphractū equum æmulādo, ad buccinæ clāgorem, vel hinnire, vel rudere; strenuū se saltē Asinū venditare. Cur olim Marti bellorū præsidii victimas Asinas antiqui litarūt, nisi qui raditu tubæ classicum referat? Cur apud Saraconas, non ad onera comportanda,

da, sed ad bellum gerendum adornatur, nisi quia illo narium fragore bellicos tumultus anteverat, & ingenti laterum contétione tonare videatur? Cur æneum Afino simulachrum collocavit Augustus, nisi quia sibi in aciem descendenti, hilari succussatione desultans, victoriã de hoste portendit? Cur C. Marius conscensã nauicula deuectus in Africam arma Sullæ victricia delusit, nisi quia Asellũ, repudiato pabulo, ad aquã procurrare animaduertit? Refricate memoriam cum Samson inuictus ille Nazaræus ab hostili Philistæorum agmine circumuentus raperetur in vincula, quibus armis mille viros solus absq; comite profligauit, nisi Asinina maxilla, quam in itinere offendit? Putatis si stupeus ad omnia, si brutorum ineptissimus esset Asinus, illum inter sidera Iupiter extulisset? Bellum conferebat Iupiter contra gigantem agmina, Pan marinam pulsando concham, terrorẽ fludebat incutere, Neptunus partem Coæ insulæ reuulsam contorserat, Hercules arrepta totis viribus claua proturbare de montibus contendebat, Apollo medicata veneno spicula iaculabatur, Pallas exhibito Gorgonis capite in lapides frustra commigrare iubebat, Mars ardentibus oculis vno ictu profligare se velle sycophantas istos clamitabat; anceps erat ex vtraq; parte belli fortuna, dubio adhuc certamine pugnabatur, cum Silenus Afino vectus ignem naribus exsufflãte, suppetias cælo periclitanti laturus accurrit. Tunc enim verò cepit Asinus horribili strepitu rudere, aciuntur

asinina buccina ad prælium Dij, Deæque, tandem amentato Iouis fulmine, in imam tellutem immania de sublimi regione corpora prouoluuntur: Asinus in extremo discrimine auxiliarius ob opem collatâ stellis inferitur. Quid? quod etiam in sacris paginis illum pari cum hominibus honore dignatus est Deus; nam cum omnia sibi primogenita ad aras postulet immolari, hominem tantum, & Asinû holocaustis exemit, illum certo pretio, hunc ouicula pecudum omnium innocentissima, redimendum? Quod si non vereretur iniuriam inferre clarissimis Auditoribus, Asinum producerem quadringentis plus hominibus constantem; nam cum in excidio Hierosolymitano, Mauritio imperante, singuli homines singulis nummis sub hasta diuenditi fuerint, vnus olim Asinus quadringentis nummis à Q. fuit Axio senatore coemptus. Quinimò singulas in Celtiberia Asinas memorat Plinius quadragenis nummorum millibus enixas, cum pretiosum, fortasse id totum æstimaretur, quod à frugi bruto prodijffet. Istos re vera appellare potuissent antiqui Asinos aureos, cum ad illos comparandos plurimum auri contulerint. Sed claudam ego meritissimi animaculi Apologiam, cum vos ad illud tot criminibus subleuandum benè propensos intuear; & ne longius Asini succussatione delassem.

Dicebam..

253

I N A S I N V M.

A N T I L O G I A .

Habita. Romæ in Classe Rhetoricæ Col-
legij Clementini ..



Sinum disertissima panegyri no-
ster condiscipulus. commenda-
uit : egregium puerilis ætatis fa-
cinus, insigne proficientis ingenij

monumentum .. Inuidit fortassè dicaculus
adolescens Asini gloriæ, vnde tumultuaria
nugacitate rudere & ipse voluit .. O malè
feriatum rhetorem; ò insumptum inaniter
saponem? Asinum inter bruta gregarium,
generis belluini propudium, ad cælum eue-
here? Asinum quadrupedum despiciatissi-
mum, helluonem, verberonem tãtis coho-
nestare præconijs, è cæno eductum in rosa
collocare scarabæum? Saltem, ad ostentan-
dam ingenij præstâtiam, summa rhetorum
capita æmulatus, vilissimum. hoc. animal.
modicis laudib. extulisset; sed totis eloquē-
tiæ nervis cōtédere, vt illud vniuerso bru-
torum generi præferret, conferret homini,
hoc scelus immane fuit, Auditores, facinus
impudens, iniuria non ferenda .. Sapienter
huiusmodi locutuleios ex vrbe relegandos.
esse decreuere Lacedæmonij, quòd mentes
placare magis, quàm perturbare, delectare
potiùs, quàm persuadere studentes, frigi-
dam quandam Græculorum nugacitatem,
stolidamq; rabularum facundiam profite-
rentur .. Putabat audaculus adolescens in.

nobilissimo sapientissimorum hominum confessu. auditores habere Midas, qui ad Asini laudes arrigerent aures; sed ostendam ego blateroni puerulo, quàm grauem honestissimi auditorum coronę iniuriam intulerit, commendatum ab illo animal eui-bratis argumentorum telis iugulabo.

Scilicet frugalitatis esse symbolũ in ipso orationis limine asseruit. O frugalem ganeonem, ò temperantem parasitastrum. Igitur frugalis existimabitur, qui Carybdis ad instar vniuersa deglutiat? Igitur temperantis nomine gaudebit, qui omnia prodigè ingurgitet? Non sufficit parcissimæ belluæ, cõgestas in stabulos paleas cupiditate inexplibili obligurire, nisi etiam, quas obuias, offendit herbulas, dentiũ carpat attritu, & humo diuulsas cęnosis cũ radicib. helluetur. Accipite quæso, Auditores, cum ita mihi in Asini gulam iocari libeat, lepidissimum Asininæ frugalitatis argumentum. Asinum habebat in cellula pecuniosus alioquin dominus, qui cum liberalibus cęnis inescatus obesa corpus pinguedine cõpleuisset, pilũ liberali nitore explicasset, curiũ succulero larido molliuisset, insolitaque corporis vastitate conspicuus subasperũ fenum, in hoc minimè Asinus, repudiaret, ad instruendas familię delicias, in tricliniũ producitur, & posita mensa omni eduliorũ genere saginadus accubit. Tũc enim uerò Asinus arridentis fortunę contemplatus imaginem, explorat scrupulosè ciborũ exhibitam copiam, carnes varia coquinæ arte cõditas, aues omnib. delicijs, subactas,

toma-

tomaculas iecinore minutatim conciso cō-
 fectas, dumq; risu conuiuium effuso per-
 sonabat; contortis in modum linguæ po-
 stremis labijs, omnia ventris ingluvie sepe-
 liens alia fercula desiderauit. Hoccine est,
 Adolescēs, dum omnia ingurgitat Asinus,
 colere parsimoniam? Hoccine est cōmodū,
 hæccine beneficētia, exhaurire, depopulari
 dominorum fortunas? Sapienter ad expri-
 mendum prodigæ mulieris luxum, sedulū
 veteres effinxere restiarium, in torquēdis è
 tenui iunco funib. nunquam nō occupatū,
 quo sparti longioris fila varijs nexib. com-
 plicante, iners Asina, quod ille misero labo-
 re texuerat, stans à tergo corroderet. Lan-
 guescet plurium spatio dierū artifex aliquis
 perdius, ac pernox, vires suas arduis operi-
 bus atteret, vt pauculos nūmos in extremā
 canitiem reponat; mulier, ignaui vētris asi-
 na, quidquid sudore tam improbo partum
 enascitur, ad corporis illecebras transferet,
 dilapidabit. Quid cum postea, vt mendaciū
 palmari mendacio contegeret, Asinū bella
 nobis oratione vinitorē aduersarius obtru-
 sit? Peregrinatur in ijs, quas memoria tene-
 re deberet, paginis. Saltem si fabulas in me-
 dium producere voluisset, in Bacchum pu-
 tandæ vitis reuocasset inuētum; quasi verò
 diuina nō oracula contestentur, ereptum è
 cataclysmi colluione Noemū, virum agri-
 colam, exercere terram capisse, inspergere
 triticum, inferere vites, demetere segetes,
 vinum exprimere. Errabat fortasse per vi-
 neam Asinus omnia deuastās, arbuta pro-
 sternēs, proterēs olera, vites euellens, viniq;
 reper-

repertorem tibijs inflatis deprecāuit, cum debuisset potiùs appellare vineę perditore. Poterat re vera tūc Bœotiū animal sub ferula prius coloni aliquātisper edoctus Ammonij gymnasium adire, poterat philosophicas disciplinas, profitēte doctissimo præceptore, cōdiscere, cū pingue illud cerebrū vitis palmite, velut helleboro depurgasset. Nō te puduit, cum Asinum à Camœnis nō abhorrentem inueheres, cū aliquā in scientijs posse gloriam aucupari dictitares? Non cogitabas, Asinum te ad lyram vocare? Nō recolebas, Asinum stabuli stramētum malle, quàm aurum sapientiæ? Non veniebant in mentem illa scommata in Asinini prorsus ingenij capitones proiecta? Cur Iunius Bassus nomen retulit Asini, nisi quia stuporis vitio laboraret? Cur Sicyonios, quos odio prosequeretur Clysthenes acerbissimo, nuncupauit Asinios, nisi quia ingenij culturam negligerent? Cur Antisthenes Atheniensium iudicium increandis magistratibus notaturus, Asinos etiam ad agriculturā deligere posse obiecit, nisi quia ciues minimè idoneos ad munera reipublicæ sustinenda cooptarent? Cur ad ignauiae cōtemptū, qui pile ludovictus esset, Asinus olim vocabatur, nisi quia sit iste gētis cuiuscumq; ludibrium? Cur C. Metello Scipio Numantinus obiecit, si quintum filium in lucem effunderet mater, Asinum pariturā, nisi quia filiceus haberet in omnibus? Sanè Asinum pisce ex omnib. solum animantib. cor in ventre perhibet habere Aristoteles, quod ad illos homines sigillandos Clemens.

mens traduxit Alexandrinus, qui ablegatis à se virtutibus omne studium ventri adhibent, ut abdomini famulentur. Quid aliud sub Socratis persona diuinus Plato reliquit, cum homines sedis cupiditatibus mancipatos, qui per inertiam, atque libidinē vitā prodegissent suā, in Asinos post obitū dei cecidisse asseuerauit? Specimen profectò callidi ingenij tunc Asinus edidit, cum in nescio quā spem erectus omnium se principem belluarū venditandi, nobile inuentum excogitauit. Induerat ille demortui leonis exuium, aptauerat dorso spoliū præstantissimæ feræ, spatiabatur per immensam camporum planitiem vasta se mole corporis effereus, lucebant oculi inter villosa supercilia, collū effusis iubis obrigebat, aues in aere volitantes, belluæ per auiā oberrantes, agricolæ ad laborem prodeuntes contremiscebāt, cum ecce Asinus leonem hucusque nauiter æmulatus, pro rugitu ruditum emittens, magno omnium risu, aliena veste nudatur, fustibus ad necem ferè non perfunctoriè cōtunditur. Audistisne vnquā supiores argutias? Vidistisne in lepidissimis pantomimorum fabulis ducem aliquem ventoso fastu tumidam militaris ferociæ pompam ampullatis vocibus facientem, sibilis tandem excipi, ab histrionibus vapulare? Asinum dicite leonis pelle personatum. Legistis antiquum Panos, & Apollinis dissidium de arte musica Mida iudice pro Pane diremptū? Asinas aures in præmiū retulisse meritò statuetis. Pan vultu ferino truculentus, hispidus, multibarbus, pectore hirsutus, capite corni-

corniger, spinis, & pilis obsitus Phœbum in Timolo Theſſaliæ mōte prouocauerat. Cōuenit Apollo prēmulsis capillorum antijs, chlamydatum, & laurea corona præcinctus, cytharam ferens & ebore, & auro fulgurātem: mox læuo pede terrę defixo, cytharam ſuſtinendo incumbentem femori, chordas digitis coeuntib. firmiter premit, ac palma introrsum reflexa ſolicitat, neruos mellitis cantib. animat. Cepit exindē Pan imparib. calamis, qua ſolū arte pollebat, varios numeros modulari, cepit alternatib. digitis tibias illas inflare: cum Midas victorā Pani deferēs aſininas aures, ac liberaliter exporrectas in ſtultiſſimi pœnam iudicijs ſibi ſenſit enaſci. Ecce aſininum acumen, ecce ſapiētīſſimū Phrygiæ regem in naturā Aſini commigrantem, dū Therſiten Vlyſſi, Beluam, Deo Sirenes Muſis anteponit. Et ſanē non poterat Phœbus iuſtas à Mida pœnas prudentiūſ exigere, cum hoc, præter cetera, laboret Aſinus vitio, vt alienis ſe velit reb. inferere, vt honores deſpicatiſſimo brutorum incongruos ambiat, affectet. Aſinum neſcio quę gentes pulcherrimē inſtrauerāt, phaleris aureis, frenis argēteis, tintinnabulis perargutis ornatuerant, vt per finitimas vrbes impositum dorſo Iſidis ſimulachrum circumferret. Ibat ille erecto capite, erectis auribus, exerta cauda, graui inceſſu, in aſinina prorsus maiestate: cumq; aperientes caput numini, quod geſtabat, populos, procumbentesq; in genua venerabundos aſpiceret, talem ſibi ratus cultum ab obuia gente deferri, immobili defixus gradu, tumidoque

doque spiritu inflatus, adorantis honorem multitudinis excipiebat. Sedenim, Auditores, vt Asinus nō nisi doctore baculo sapit, ita tunc nō esse se Deum, sed Deam vehere belluarum stultissimus sensit, cum nodōsis egregiè fustib. dedolatus iter citissimè arripere, grauitatēq; excutere compulsus est. Quā propter cur non ego Lycopolitas, ac Busiritas merita laudum cōmēdatione deprædicem, tanto odio in brutū huiusmodi deflagrantes, vt buccinarum vsum penitus interdixerint, quia sonum redderēt asinino consimilem? Cur non Ægyptios extollam, quòd impurum animal à sacrificijs, veluti dæmoniacum amandarint, propter colorē ex albo, nigroq; confucatū, à Deo, & sacris alienum? Quis ferre valeat, Alexandrum Macedonem illum, quem regni paterni vastitas non capiebat, cui vnus nō sufficebat orbis, qui Persarum in regnum suæ ditioni subactū intulit signa victricia, qui ad Indos vsq; aditum sibi gladio aperuit Iouis filius, belli fulmen, fortitudinis monstrum, fortunæ miraculum, ad mortem ab Asino compulsus? Habebat Antipater quasdam cum Alexandro similtates, cumq; vellet Regem suū turpiter ab imperio deijcere, adhibito Aristotelis consilio, gelidissimam aquam ē rupe Nonacridis sumptā, & in Asini vngula repositā, cum vasa omnia sua frigiditate, & acrimonia perumperet, sitienti Alexandro propinauit. Exhorruere cetera pocula facinus tam immane, confringi potius ipsa voluerunt, quàm inuictissimo principi vitæ filum rescindere. Solus Asinus instrumen-

tis omnib. efferatior, cum veneno, ad mortem Alexandro inferendam, conspirauit. Qua fronte modo Asinum hominibus beneficium nuncupare poterit aduersarius, si necis iniquissimæ est administer, regij sanguinis carnifex? Execramini, Auditores, noxium vestræ saluti animal, discerpite, deglubite, feris deuorandum proijcite, nunquam pares de hoste inmanissimo penas repetetis.

Dicebam.



THRENVS²⁶¹ CLEOPATRAE.

Dictus Romæ in Classe Rhetoricæ Collegij Clementini.



Illa ego, quæ reges arctissimo amoris vinculo obstrinxi, ferreis catenis Romanum ad Capitolium obligata traducar? Illa, quæ de Imperatorum cordibus fœminarum pulcherrima triumphavi, indecoro captiua seruitio, triûphum adornabo? Illa, quæ thronum gemmis, auroque tessellatum liberis pedib. ascendebam, victoris in currum, manib. à tergo reuinctis, impellar? Igitur diadema illud, quod aureos crines, nulliusq; legis expertes ornabat, manus non regias, sed famulatrices irretiet? Sceptrum illud, quod in amatorum capita ad beneuolentiæ specimen extendebã, alienos ad pedes, in argumentum captiuitatis abijciam? Siccine fortuna me extulit, vt lapsu grauiore detruderet? Hæccine obsequia iniquissimæ sortis, quæ dum in speciem oculis splendent, ad instar vitri franguntur? Adeone leuis est, vt citiùs à nobis auolet, quàm aduolarat? Adeone citò reposcit, quæ dederat mutuo? Iniqua fortuna, sâguine te prognatam cecinit Orpheus, quia humanis victimis delectaris. Cæcus in me quondam amor tyrannidem vsurpauit, pœnas nunc exigit capitales cæcior fortuna.

tuna. Rotæ te veteres imposuere sapientes , non quia instabili varitate per hominum negotia discurras , sed quia calamitosos immanissimo rotæ supplicio detorqueas. Sed cur fortunam arguo , ipsa meæ causa fortunæ .

Nos facimus fortuna Deã, cęloq; locamus. Ego mulier Ægyptia , fuliginosos inter accolæ cādida, matronale decus spurcissimis maculis denigraui. Ego tot procis obnoxia regiam in lupanar conuerti , mei nominis lupa . Nunquàm putauī , amorem tendere laqueos, nisi cum istis me vidi vinculis implicatam . Non amor , sed amaror est, qui extrema gaudij funesto luctu concludit . Eliquabam margaritæ aceto, nunc amaritudine consumar gemma mulierum. O vtinam sacram coniugij fidem minimè violassem , non macularetur modò honor reginæ. Sed quid? non fui regina, sed pellex. Quę fidem infregit maritalem , quem habeat fidelem? Captiua ducat Veneris mancipium . Inuideo tibi Lucretia , quæ si ex violento Sexti Tarquinij concubitu aliquā pudori maculam intulisti , maculam etiam effuso cruore delesti . Inuideo tibi felix Elisa , quam infelicem vana tantum fecerunt poetarum mendacia, cum pudicitiam corporis nullo vnquam flagitio pollueris : Ego cum infinitis me scelèribus inquinari, voluptatum ancilla , mortis adhuc faciem horresco . Regnabā in Ægypto puppa Veneris inter Gratias , modò furiarum satellitio stipata ad inferos adigar . In mundi proscenio felicem ordita sum protasim,

rasim, lamentabilem in actu postremo ca-
 tastropham dabo. Mihi nendis vestib. la-
 borabat Assyria, odorib. inhalandis desu-
 dabat Arabia, aurum India, gemmas Ery-
 thræum mare mittebat, nunc mundo desti-
 tuta muliebri, alieno iugo succumbere co-
 gor, inops mei. Quid iuuat argentea cor-
 pori detergendo gutturnia adhibuisse, vt
 animum sordib. inquinarem? Quid ingen-
 tem ferramentorū supellectilem obliquan-
 dis crinib. instruxisse, vt maioribus me la-
 queis implicarem? Heu torquens aureæ,
 quot hominū corda catenastis? Heu inau-
 res vermiculate, vestro tinnitu diū nimium
 absurdū? Heu stragulæ vestes, non tot er-
 rores Phrygia super vos acuspingere nouit,
 quot ego inuoluor erroribus? Ite purpurissi
 medicamenta, vos faciem decolorasti? Ite
 peregrini muris olentes pelliculæ, malè
 me olere fecistis. Ite inanes suffituum amo-
 res, meum fumo caput satis impletis. Vale-
 te tessellata scrinia, repleta sordibus. Vale
 pixidum turba, valete vascula plena multæ
 infelicitatis. Vale speculum improbi con-
 silij oraculum. Valete omnia accersendæ
 pulchritudinis instrumenta; stultum est, ia-
 ctare se belluarum spolijs, & piscium cruo-
 re decorari. Illa, quæ filios pariebam regum
 reges, regum serua nuncupabor? Illa, quæ
 solem, & lunam genui, versabor in te-
 nebris? Illustrabunt hæc lumina scelus
 in eum. In mea obscuritate clarescet Augu-
 stus, meis in angustijs augustior. Siccine
 Romani rerum domini, si in fœminam
 vires exercent? Siccine gladijs, & clypeo
 muniti

muniti fœminę pectus inuadēt? Heu Cleopatra, regale olim nomen, aliquod etiam amasijs numen, quantum mutata ab illa es? Tuam appello, Cæsar inuicte, fortitudinem, quæ de imbecilli muliere triumphatura vilescet. Si Romanum est, ac planè Cæsareum.

Parcere subiectis, & debellare superbos

en tuis me pedib. prouolutam, en voce tremula, & gracili veniam à tua clemētia poscentē. Non ita me febris lecto defixit, quin ad maiestatem tui vultus adorandam proflirem, prima tantum veste cōtectā, nudato pectore, præda Cæsaris, si fui prædatrix Antonij. Quem olim aditū apud auunculū tuū, diuiniq; nominis dictatorem inueni, tu mihi, Cæsar Auguste, præcludes? Ex me ille, quam ardentissimè deperibat, Cæsario nē filium suscepit, tu Cæsaris vxorē, ex sorore nepos inaudita sēuitia trucidabis? Cur huc accedere, cur me inuisere, cur humanissimè alloqui placuit, si me regnare, si me viuere displicet? Per illam ego te dexteram rogo, Cæsar, qua victos erigere soles, & subleuare tuis genib. nixos, Cleopatrx lacrymas intuerere; minor est laus, regna copijs armatis euertere, quàm reges victoris lenitate seruare. Gloriosior triumphus est, qui de seipso deuehitur, dum vltionis cupiditas magnitudine animi coercetur, quàm qui de mortuæ reginæ spolijs reportatur. An non satis Antonium subegisse te putas, nisi omnia, quæ erāt Antonij, hostili gladio conficias? Antonij sum, & te, inmanissime Cæ-

Cæsar,odi,& execror.Meritò maiorib. tuis
 meus illudens Antonius proauum tuum
 Afri generis fuisse, modòq; vnguentariam
 tabernā, modò pristinum Ariciæ exercuif-
 se obiectabat: nescit tam humile genus re-
 ginæ obsequi, nec didicit regentis decorū
 esse, ceteris non loco præsidere, sed præsta-
 re clementia. Falleris, si tuo me currui de-
 uinctam existimas in Capitolium pertra-
 here; non alium sequetur currum Cleopa-
 tra,quàm mortis. Adhuc regina sum, quā-
 uis tyrannici trophæum infelix imperij;
 animum in seruitutem adducere nullus
 potest.Impera Cæsar, sed tibi,& tuis.Tu ve-
 rò,Antoni,ò nomen,vnicum in tanta cala-
 mitate solatium; falso meæ mortis nuntio
 delusus occubuisti. Ipsa fui tuæ vitæ carni-
 fex, ipsa te ficto mendacio decepi, ipsa gla-
 dium per tua viscera compuli. Viximus sa-
 tis inuitabilem mutuis conuiujs, vitam,
 nunc enim uerò commorientem trahimus,
 non quam instituimus cœnarum lautitia
 voluptuosam, sed quam tanta nobis infor-
 tunia pepererunt.Sed heu?tu quidem triū-
 pho subductus vitam generoso fine clausi-
 sti,ego verò iniqui prædonis exposita feri-
 tati, viuo, an potius morior? Iamdudum
 me in sepulchra receperam, ante sepulta,
 quàm mortua;ex istis me Cæsar eripuit,se-
 quire ausus in cineres, vt atrociori morti
 seruaret.Sed auertat Iupiter, & amica Isis,
 vt tu Romanus in Ægypto iaceas, ego
 Ægyptia Romæ.Me me ipsam educto gla-
 dio trāsuerberabo, ne quos plurium anno-
 rum vita coniunxit,mors longinqua diuel-
 lat.

lat. Ne patiare, me viuiam abduci, sed hic me tecum in hoc tumulto absconde; nam præ ceteris, quib. vehementissime premor, malis, hoc acerbum est, atque graue, sine te tempus vixisse breuissimum. Accipe, quas ad sepulchrum abijcio coronas, tuos mihi manes conciliabunt, morituræ feretrum insternent. Accipe oscula, quæ frigido marmori infigo, testimonium seruati etiam post mortem amoris. Quam necem impijssimus Cæsar abnuit, liberaliter conferent belluæ. Ista aspis meo iaspis erit in pectore. Non ita surda erit hæc meas ad preces, vt filiceus imperator. Morior, & venio.

Dicebat.

F I N I S.

IO: ALOYSII
CERCHIARII

Congr. Somaſchæ

P O E S I S:





Illustriss. & Reuerendiss. D. D.

THOMÆ MALLONIO

EPISCOPO BELVNENSI

Congregationis Somaſchæ

CLERICO REGVLARI.

IO. ALOYSIVS CERCHIARIVS

eiusdem Congregationis F.



Armina isthæc mea , quæ
liberales in manus expor-
rigo , eruditis etiam ocu-
lis submitto , Illustriss. An-
tistes . Extinguere ne in-
cipio debitum , an potius
accendo , dum paginis im-

merentibus tuum pateris nomen inscribi ?
vnam è multis obligationem eluere cogi-
taram , sed video congestis in me donis fe-
liciter obrui ; cum sciam magnis viris nun-
quam satis beneficia rependi , quin ex-
actius aliorum erga se obsequium demere-
ri , cum humilium solutionem non dedi-
gnantur admittere . Quidquid id est , de-
bebant mea carmina Mæcænati optimo


A 2 deuoue-

deuoueri , cuius munificentia se senserant
 magis obstringi , quàm suis pedibus vinci-
 rentur . Ceterum quàm tutiorem in arcem
 ab obtreçantium ictibus confugere pote-
 rant , quàm tuas gentilitias in TVR-
 RES , poetæ cuilibet in Agannippæis
 aquis velificanti portum tutissimum ? Imo
 quis me theonino auderet dente mordere,
 quin à tua bicipiti AQVILA fulmen
 timeret ? Sed nolim ego tantæ maiestatis
 patrocinium ad confodiendas muscas , &
 meras blateronum gerras abijcere . Bar-
 berinas illas APES tuo stemmati ab Vr-
 bano VIII. Rege sacrorum insertas acu-
 leo carere arbitror , quia Regiæ sunt . Vti-
 nam sicut fucos à præsepibus arcent , ita
 momos ab imposturis absterreant , & quæ
 est in carminibus amaritiem suo melle
 compescant . Vale .





LECTORI.



*Oluta orationi vinctam
adiungo, & prosae carmi-
na, ut in tuum gustum, si
non languentes, eneruesque
orationes, saltem carmina
suis pedibus veniant. Sa-
cris, profanisque metris in-
dulsi, tum ne mei instituti obliuiscerer,
tum ut lectoris etiam recordarer, qui pro-
bare solet illa, sed ista legere. Si quid erit
poetico sale conditum, degustabis, sin om-
nia insulsa, & delicato palato iniuncun-
da, tue humanitatis dulcedine condies.
Vale.*



D. Desiderius Cornalbius Præpositus Generalis Clericorum Regularium Congregationis de Somascha, & Doctrinæ Christianæ in Gallia.

CUm duo nostrę Cõgregationis Theologi, quib. libellum carminum à P. D. Ioan. Aloysio Cerchiaro compositum, recognoscendum dedimus, dignum prælo censuerint; Nos eidem Patri facultatem concedimus, vt seruatis seruandis curet imprimendum. In quorum fidem &c.

Dat. Papiæ in Collegio nostro S. Maioli die prima Octobr. Anno M. DC. XXXIII.

D. Desiderius Cornalbius P. G. &c.

EGo infra scriptus de mandato Reuerendiss. Patris Inquisitoris Bergomi Carmina hæc Adm. R. P. D. Io. Aloysijs Cerchiarij Congregationis Somaschæ diligenter legi, in quib. cum ne minimum orthodoxæ fidei, aut bonis morib. detrimentum, sed ingeniosorum poetarum nationis insignie repererim incrementum, digna quæ perpetuis imprimantur præli characteribus censeo. In quorum fidem &c.

Bergomi Nonis Ianuar. An. M. DC. xxxiv.

Aloysius Tassus S. T. D. Canonicus
Ecclesiæ Cathed. Bergomi.

Imprimatur.

Fr. Io. Baptista de Gauardo Inqu. Berg.

Imprimatur.

Iosephus Iapessius Vic. Generalis.

AD

AD R.P.D.

7

IO. ALOYSIVM

CERCHIARIVM

De sua eruditissima Poesi

O D E

R.P. MICHAELIS ARCHANGELI

BOTTI

Clerici Reg. Congregationis
Somaschæ.



Q*ua destinatis frondet honoribus
Facunda Laurus, qua genialium
Suada Cycnorum fluentis
Roris Apollinei liquatur;*

*Qua se beatis corda reciprocant
Lymphata curis; hic tua frontibus
Clio coronatis propinat
Irriguos Heliconis haustus:*

*Seu militares tractet adorea,
Seu Gratiarum temperet otia,
Seu regna Pacis, siue belli
Palladios moduletur ausus;*

*Alumna Phœbi, Martis, & affecla
Vtrinque spirat gratior; ambigam
Fontesne præstent, aut arena,
Dum numeros rotat, aut sagittas.*

A 4 Hec

*Hæc Laureatis Mercurium Choris
Fecit iugalem, nouit & utile
Miscere dulci, cui cor ingens
Vincere nil vetuit Supremum.*

*Grandæua ab ipsis Vena crepundijs
Ad primatraxit pocula Delium;
Et inter arcanos furores
Vix oriens adoleuit oestrum.*

*Non si trecentas quis legat ex tua
Virtute palmas, sat leget; at parem
Accedit ad laudem, quod ipsis
A numeris numerus recedat.*

*Tuis minores non nisi colligit
Pindus coronas Crinibus. Aethere
Iam quære palmas, & Capillos
Disce noua redimire Lauro.*



In Assumptione
B. MARIÆ VIRGINIS.

S O T E R I A.

Cum Pestis, Fames, Bellum per
Italiam grassata vim remit-
terent.

Celebrata Romæ in Collegio
Clementino,

Anno M. DC. XXXI.



*V*spicijs iterum se se felicib. annus.
*I*nduit, & solitos iactantior aula
triumphos

*E*xplicat, auratis cum Virgo du-
cta quadrigis

*I*n calum, victo surgit de funere victrix.

*C*ernis, ut Aligerum varijs ad sidera pōpis

*D*iscolor incedat legio, tenuemque canoro

*A*era concentu mulcens comitetur onātem?

*L*audibus innectit laudes, quod Virgo salu-
tem

*A*ttulerit miseris, ut quondā Martia Diti

*R*oma dabat ternis celebrata trinoctia ludis.

*N*os quoq; pro multis Mariæ Soteria donis

*R*eddimus, & piētis mandamus carmina
muris,

*I*talicis quod Virgo lucem desiecerit oris,

*A*tque nouam promittat opem. Vos digna
canenti,

Fertes animos vati, Insubria quos vita superstes

*Casibus eripuit, longinquis Roma periclis
Vixit io, morbus vexatum lethifer orbem
Deserit, & redeunt pacato secula mundo
Aurea, iam cessit foetis penuria terris,
Iam trabem Bellona gerit; gladijsq; remotis
In noua sceptrigeri conspirans fœdera reges.*

*Viderat Italia portendere sidera cladem.
Ate, Meonides olim quam finxit Homerus
Sedibus eiectam superis, cum tēpora adultis
Apta videns odys, orbem miscere ruinis
Constituit, tripliciq; viros inuadere morbo.
Ergo Famem cum Peste vocat, vocat illicò
Bellum;*

*Huc fide comites, huc mecum, dixit, adeste;
Egregium molimur opus, durabit in annos
Plures factum ingens, irati flammea cali
Stragem pollutis minitantur sidera terris.
Insubricas tentare vias, præcurrat in omnes
Vrbes bellipotens armato milite Maiores.
Mātua dat causas, exundet sanguine tellus,
Consurgant Aquila, consurgant Iulia, totus
Marte sub ancipiti metuat discrimina
mundus.*

Hinc tu perge, Fames, avidis absumere furtis

*Quidquid triticeæ concludunt horrea messis,
Quicquid sollicitis emittunt arua colonis.
Nemo uehat Cererē fœcundis diues ab agris,
Quisq; fame intereat. Tecū, si sola recusas
Pergere, Pestis eat; triplex male rumpitur
agmen.*

*Vos ego non -linquam; rapidas sed in aera
penas*

*Extendam, celeri vacuum per inane volatu
Præcedā, vestros prior ipsa parabo triumphos,*

*Dixerat, & calū reatibus metitur adūcis,
Ac petit Insubricas alis properantibus oras:
Hic subito hostilis sineſto buccina cantu
Cogit ad arma viros, cōcurrūt agmina iūctis
Vexillis, geleata acies, ærata inuentus,
Et pedites, equitesque simul; iam sanguinis
vndant*

*Flumina, vulneribus geminantur vulnera,
pugna*

*Maior inardescit feruor, lacrymabile ubiq;
Cernitur, heu, bellū cāpis ardere Sabaudis.
Mox deſecturis iadudum tabida membris
Corrupto terræ tractu miſerandaque venit
Perque homines, perque aura lues, & lethi-
fer annus.*

*Omnia Gorgoneo tinguntur compita viru,
Sæua ferūt mortē occultis unguēta venenis,
Hic pater, hic natus, viduæ cū fratre ſorores
Intereunt, fluido dimanant corpora tabo;
Nec locus eſt arti medicæ, nec cura medētis.
Iāq; comes ſemper magnorū prima malorū
Dira Fames aderat rabidus furit ardor
edendi,*

*Perque auidas fauces, immenſaque viscera
regnat,*

*Membra ſitu languent, tenuis ieiunia vēter
Ferre nequit, fixis homines radicibus herbas
Vellere coguntur, moremque imitando fe-
rarum,*

Vel ſœno paſci, rigidos vel carpere dumos.

*Sic ſtetit Inſubria, æterni cū victa tonantis
Caſibus humanis pietas, demittere ab alto
Axe Litas renuit, Noxæ quò dāna leuaret.*

*Vna erat in terris supremi filia patris,
 Spōsa parēsque Dei, denicta morte triūphās,
 Quę super æthereas debebat scandere sedes;
 Hęc iubet, è tumulto rediuiuā surgere, & Atē,
 Aera quę liquidum vitiabat pellere, quando
 Surgit ab angelicis Virgo stipata manipulis;
 Lumina siderib. certant, mollesque flagellant
 Colla comę, Tyrio corpus velatur amictu,
 Tota Deū spirat. Veniebant agmine iuncto
 Vita, salusque simul, nec discessura voluptas,
 Laturs auxiliū. Vix prodit in æthera
 Virgo,*

*Cū fugit atra lues, miserum cū deserit orbē
 Sæua fames, positisque quiescunt sæcula bellis.
 Pellitur Italię armipotēs Gradivus ab oris,
 Pax remeat, choręque leues, Annona sub-
 actis*

*Germinat in cāpis, pinguis miratur aristas
 Terra suas, primam vitiata cadauera vitā
 In lesos reuocant artus, redit omnibus idem,
 Et decor, & facies, & duratura venustas.*

*Nectite nūc latę candentia fila sorores,
 Nectite, nemo sibi trāsactos deputet annos;
 Hic vitę natalis erit; cęlestia terris
 Munera demittūt superi; pro munere tauros,
 Quis valeat mactare pares, quis reddere
 honores?*

*Vna inter reliquas Marię gratissima,
 grates*

*Adriaci Regina maris, dilecta Tonanti,
 Vrbs, decus Italię soluit, templumque rotundo
 Marmore sustollit primam testata salutem.
 Exēplū dedit illa, sequētur in ordine plures,
 Ipse ego, pro Roma incolumi, pia carmina lusi.
 Canebam.*

13

DE HÆRESI
ASSUMPTÆ
VIRGINIS

Patrocinio profliganda.

Cum Gustauus Adolphus Germaniam
inuafisset.

P Æ A N.

Decantatus Romæ in Collegio Cle-
mentino.

Anno Domini M. DC. XXXII.



*Vid video armatas acies, & stre-
nuâ cæli*

*Agmina sidereis pugnam prolun-
dere campis,*

*Hoste vel à domito reduces ad sidera tur-
mas*

Virgineum stipare latus, stipare triūphum?

Angelice tam seua parât certamina mētes,

Quæ pacem dixere viris? vrbs illa choreis

Plena, manipulares ad tristia bella phalāges

Expedit, & rigido munit thoraces beatos?

Siccine, commotis præceps discordia terris?

*Cogit in arma Deos, patrioque recedere,
olympo.*

Compellit? tantane animis celestibus iræ?

Auguror: hæreseos prostratis viribus, orbes

Virgo petit superos, & partis leta tropheis

Calicolum pennata cohors adplaudit eunti.

Roma

Roma tibi primū Maria persolvere grates
Cōvenit, & meritos aris imponere honores,
Auspice, quæ Scythicas superasti Virgine
turbas

Vandalico subdacta Duci. Si vocibus aures
Advertes intenta meis, ab origine bellum
Expediam, & tanti causas memorabo
triumphi.

Viderat Argolicis Ioannes exul in oris,
Aethereo magnum fulgere in pegmate si-
gnum.

Et mulier, quod vidit, erat, cui Phæbus
amictum

Iustrabat, cui Luna pedes, duodenaque
crines

Sidera cingebant, tacitas cui squamiger
anguis

Tendebat fraudes, rapidis sed in aera pennis
Ille abiit, sæni ludens aconita draconis.

Ecce Draconigenas in prælia sistit atrox
Hæresis: hæud quos Cadmeo de semine nates
Prisca fides cecinit, sed quos Erimantia
tellus,

Suedia progeniit: Gustavum cogit Adol-
phum,

Finibus egressum patrijs, aliena rapinis.
Perdere regna suis. I, mi carissime, dixit,
Imperium nunc orbis habe; tibi militat
æther.

Si gladiū stringis, si puppibus æquora sulcas
Balthica, felices veniunt ad classica venti.
Dum res Europæ, Christi que evertere gentem,
Cura tibi fuerit, toti dominabore mundo,
Quam Titan ortu terras aspergit Eoo,
Et qua se remeās liquidū demergit in æquor
Iam

*Iam Sigismundo rapuisti regna Polono
Suedica, iam Cimbro violento Marte ty-
rannos.*

*Terrificas, alios querat tua dextera fines.
Non te, non te, inuicte, capit tua Suedia,
aiuto*

*Te pudeat marcere solo, tibi seruiat orbis,
Te Bauarus, te Germanus, te Hispanus
adorent.*

*Non decrunt comites, qui se quibella mini-
strent*

*Auxiliū latura potens, sibi Saxones addent
Et decus, & gentem; prasens erit Anglia,
toto*

*Orbe licet diuisa iacet, dabit Hassia robur
Pubis belligera: hinc fortis vexabit Iberum
Hollandus; ritulis hinc Transiluanus in ar-
mis*

*Proteret Hungariam; veniet Fridericus in
vrbes,*

*Te reuocante, suas, tua laus, tua gloria
semper*

Parcere subiectis, & debellare superbos.

*Dixcrat, & stygio Gustauus percitus æstro,
Pronus ad arma ruit; subito clangore tu-
barum*

*Effera concurrunt acies ad praelia, turmis
Undique cristatis seruet Pomerania, seuum
Cuncta sonat Martem; flauo præcurrit
Adolphus*

*Vectus equo, mediosque alacer bacchatur in
hostes;*

*Te primū tot plena viris, tot clara triūphis
Inuadit Lubeca, Gothos quæque inclyta
reges*

*Vicisti, denicta iaces; Hamburga ruinam
Sic patitur solido quamvis circumdata vallo,
Sic Magdeburgum longo iactata tumultu
Bellorum, hostiles ad cladem prouocat enses;
Tandem hosti cedens flammis exardet
amicis.*

*Nec te defendit rapidus Francfordia Mœ-
nus,*

*Cesaribus quondam sedes electa creandis,
Lipsia, Palladio nequicquam numine tuta,
Dives opum quateris, multo cadit ariete
florens*

*Herbipolis, dulci regio cultissima Baccho,
Sed nimio infelix auro, indefensa tot hostes
Praga nequit longum perferre, Moguntia
claues*

*Porrigit, effreni vires experta furoris,
Et Rhenomale tuta suo; Bamberg a duorum
Arma ducum metuens, duplicem lugere
ruinam*

*Cogitur, aut victor muros conscendat A-
dolphus,*

Aut rapiat victas Gustavo Tillius arces.

*Nec te, Spira, iuuat, nec te iuuat, Ulma, fi-
deles*

*Exercere animos, misera quandoq; triūphas
De virtute scelus; longos Augusta per annos
Tam celebris priscam renouat sub Princi-
pe cladem*

*Acceptam Varo, Monacum post sanguinis
vndas*

*Effusi, ut tectis vicinos arceat ignes,
Hostiles saturare manus compellitur auro,
Vindelicos sic iste Draco discurrit in agros
Contentus nec cade una populatur, & vrbes*

Qua

*Quæ ferro, quæ flammis, quæ obsidione
cruentat.*

*Hæc tua poscebant gelidi vastare dracones
Mœnia, & excisis armato milite muris,
Romanam maculare fidem; sed Virgo pro-
cellas*

*Vandalicas inuicta polū frenatur, & hydrā
In noua quotidie compressit colla tumentē.*

*Hæc est, hæc mulier Pathmos sub rupe
Ioannes*

*Quam vidit, leuibus celi per inania pennis
Efferri, lunam pedibus succumbere cerno,
Sideribus radiare comas, effulgere corpus
Sole nouo, video angelicos formosa ma-
niplos*

*Desuper astra sequi, victoq; ex hoste trium-
phum*

*Ducere, stelliferi video per limina celi,
Festantes gestire choros, & carmina letis
Ingeminare modis; nebula sedet illa curuli,
Ceruleo contecta humeros velamine, vultu
Tela voluptatis iaciens, campōsq; serenans
Aerios, superis sacros inspirat amores.*

*Sic mulier Scythici caput exitiale draconis
Conterit, antiquum bis capta Boemia Regē
Agnoscit, posita assumēs cum belliger arma
Fridlandus, missasq; vocās ad signa cohortes
Pragensem domitis extorquet ab hostibus
urbem.*

*Misit ab Hispanis inuictō milite regnis
Confertas acies, aurīq; talenta Philippus,
Longinquas penetrat sedes patrumque po-
tenti*

*Auxilio releuans, Suedos exturbat ab agris
Franconia, Spirāq; sui sub nominis umbrā*

*Suscipiens parere Aquilonem præcipit
Austro.*

*Parte alia Bauarus proprijs confusus in oris,
Agmine stipato, palmasque aucturus auitas
Vertitur ad bellum, pulsoque è finibus hoste,
Urbes ingreditur patrias, Germania tantis
Cladibus emergens, Mariæ persoluit hono-
res,*

*Hæresis, & stygias fugit indignata sub um-
bras.*

Canebam.



DESERTVM MVNDI

In nouum deliciarum

Paradisum.

In faustissimo Deiparæ Virginis natali die
Conuersum.

GENETHLIACON.



*Ulchrior Eois cur Phœbus prodit
ab undis,*

*Atque diem meliore coma diffun-
dit in orbem,*

*Præpropere vectus curru? quid nectar olym-
po;*

*Sidera mellifluo spargunt, zephyrique te-
pentes*

Florigera argutis demulcent arua, susurris?

Ridet odoratis tellus variata tapetis,

*Omnigenosque sinu profert autumnus ho-
nores*

*Ipsæ etiam volucres celerantem lumina so-
lem*

Festiuo excipiunt cantu, naturaque cursus

Aduertens fortasse alios instare polorum

Ipsa suas miratur opes, an sæcla recurrunt

Aurea, diuorum toties experta fauorem,

An potius nata reparatur Virgine mundus,

*Virgine, quæ seruans niueum sine labe pudo-
rem,*

*Alma parens, & nata Dei, Dea, sponsa
tonantis*

Effudit casto delapsum viscere numen?

*Sic equidem reor, o Veneta laus maxima
gentis,*

*Laurigeræ lux alma domus sacriq; Senatus
Purpureus princeps , facilem concedere
mentem*

*Si dictis libeat , nostrisq; aduertere ceptis ,
Eloquar, hauserunt etenim præcordia Phœ-
bum .*

*Horruerat mundus ; si mundum dicere
possim ,*

*Quem crinem fœderat atrox ; nam flumi-
na , uenis*

*Quæ riguis aurum per lauia saxa trahebāt ;
Limosis fluxere vadis ; reptantia virus ,
Sœuitiam sumpserè feræ ; viridatibus auster
Depulerat folia arboribus , cōsuetaq; fruges
Tradere terra homini , steriles producere
dumos*

*Ceperat, & curuo laniata dehiscere aratro .
Amisus decor omnis erat ; quin pluribus
olim*

*Dētibus à Cadmo Thebani sparsa draconis
Armatus fœcunda tulit ; prognata marito
Fœmina , fœminei verbis delusa colubri ,
Senior at colubro , venturos sola nepotes
Perdidit , & miseras erebi damnauit ad
umbras .*

*Hoc vidit celsa superum regnator ab arce ,
Et fœda tanti commotus imagine casus ,
Ergò me ne hominem cæcis fecisse tenebris ,
Nonne illi os sublime dedi , calumq; tueri
Iussi , ac erectos ad sidera tollere vultus ,
Vt vagâ prospectans rutila tentoria scenæ
Arcanos animo cuperet penetrare recessus ?
Quem mihi plasmani similem , superisque
creauit*

Penè parem , seuo patiar succumbere Diti .

GENETHLIACON. 21

*In formēsque domos, obscuraque regna subire ?
Non ita : sed faciā vacuas implere curules,
Quas aula pulsū diuū liquere rebelles.*

*Infirmū malē sistit opus, quod ducit olympū
Nec benē calcat iter, gressus nisi dirigat
auctor.*

*Fœmina principiū lapsus; hæc funera terris
Attulit; hæc lacrimas; vrgens releuare,
malorum*

*Fœmina debet onus, damnum dedit hortus
& hortus*

*Conferet alter opem; colubro fuit ille re-
clusus,*

Hic conclusus erit; sterili de ventre Puella

Nascetur, miseri generis tutela, salusque;

Auctorem paritura suū; feret ipsa leuamē

Quā licet, & lapsis succurreret fœmina rebus.

Dixit, & impleri celesti pignore sentit

Anna uterum, donumque, suæ mirata senectæ

Procedit pregnant; fixo mox tempore sacrum

Ventris onus ponit. Prodit vaga pupula, celi

Delicium, terra species, Ereboque tremēdum

Prodigium; luci blandos vix pandit ocellos

Sidera suspiciens, alto cum vulnere latus

Ardet amore Deus; tāta ad spectacula celū

Commotum studio visendi excitur, & astris

Agmina labuntur superum, leuibusque choreis

Molles aduolitant cunas, & carmina dulci

Mista sono ingeminant, Reginam voce sa-

lutant.

Pupula blāda iacet teneris circūdata plumis

Flammās ore vibrans, & sunt duo lumina

flammæ;

Poma genis superat, superatque corallia

labris;

Regnat in ore lepos; Charites ad cuncta ministræ

*Officia, innumeris onerant cunabula donis.
Tunc natura, velut posito squalore virentē
Exhilarat faciem, roseis gemmata pyropis,
Garrula crescenti pubescit ripa smaragdo,
Aureaq; in nitido, lymphis immixta sonoris,*

*Currit arena vado: deserti deserti orbis
Deducus, & nomen, qualem finxere priores,
Prima etas rediit, pingues cum agmine campos*

*Ver ornet, plantaq; suis umbracula ramis
Expandant. Iam Noxa fugit, Bellumque cruentis*

*Abscedit terris: pauidas Astræa sorores
Ducit ab exilio, remeat Pax, prodit olympo
Spesq; Fidesq; sacro regnat coniuncta Pudori*

*Relligio; Paradisus adest in orbe secundus,
Prima parens vetitos dum carpit ab arbore fructus,*

*Elisias violenta plagas irrupit, & orbem
Mors fera curripuit: melior traducet ab orco*

Natos esse parens, fructum cum proferet aluo.

*Illa sui fuit è costis fabricata mariti,
Hæc pro gignet calestem sanguine Adamū;
Illa veneniferi decepta est fraudibus anguis,*

Contèret hæc pedibus tumidi capita alta draconis,

Illa nocens homines terrestri exclusit ab horto,

Inferet hæc celi placidis intacta viretis.

*Vos ite, o iuvenes, studiū quos cura mo-
mordit,*

*Adriacæ spes magna togæ, nunc digna labo-
rum*

*Exortæ est Præses, vestras lassare Camenas
Sistite, & Aony quot fingunt numina vates.*

*En noua progreditur stellanti musa cothur-
no,*

*Auroræ similis, calamos huic tradite ve-
stros,*

*Huic vestros sacrate animos, dabit illa bi-
cornem*

*Scandere non montem, celi sed culmine
sistet.*

Canebam.



De laudibus
B. HIERONYMI

ÆMILIANI
Congregationis Somaſchæ
Fundatoris.

EPICINIVM.
Habitum Romæ in Collegio Cle-
mentino .

Anno M. DC. XXX.



N noua fert animus mutatas ag-
mina formas
Dicere , & Adriaci summo bel-
lata tonanti
Bella Ducis , sacrisque exerci-
ta prælia signis ,
Inclÿta Magnanimi linquens cum signa
Leonis
Aemilius vexilla sequi decreuit olympi .
O quæ clara virum sublimi gesta cothurno ,
Calliope , celebras , facili da numine vati
Mæonia laudare tuba , quos Marte triūphos
De sacro Dux iste tulit . Si rauca sonantes
Fistula per lituos , belli penetrare tumultus
Horrisonos poterit , vestras peruadere &
aures ,
Aemilij palmas tenui modulabor auena .
Iam tria pubescens numerabat lustra
Mianus ,
Adriaci cum iura fori pertæsus , in armis
Ver-

*Versari voluit, lateri suspendere ferrum
 Cepit, & undātes galeæ componere cristas.
 Non tulit hos animos belli nutrire Mianū
 Pallas, non Pallas cerebro quæ armata
 Tonantis*

*Prosiluit, non sanguinei germana Gradiui,
 Sed quæ sidereum pariens intacta parentē,
 Calica sub sacris animat certamina signis.
 Aemily validas ardebat pectora flammis,
 exueret mucrone manus, & mēbra metallo,
 Inciperet noua castra sequi: sed clauserat
 aures*

*Mauortis violenta furens in prælia miles.
 Non illū diuina mouent certamina, turmas
 Non placet infernas. Erebi detrudere ad
 umbras,*

*Aut vitijs inferre necem; generosa trophæis
 Belli mēs rapitur, multū sitibunda cruorem
 Dextra petit, gladij tēdēs in vulnera pectus
 Horrida belligeri Martis discrimina an-
 helat.*

*Forſitan Adriaci florentia regna Senatus
 Oderat obscuri tumidus regnator Auerni,
 Inde repugnantes conatur iungere gentes,
 Atq; animis adhibere faces, ut totus in oras
 Conspiret Venetas mundus. Centena pro-
 pinquis*

*Millia sub signi mittebat Cæſar ab agris,
 Gallia pugnaſces dederat generosa phalāges;
 Aſſuetum bello populum ſtiparat Iberus,
 Strenua nē paucas ſociarat Mantua vires,
 Ferrea criſtatas tulerat Ferraria turmas.
 Cum Venetas nutare videns Regina ſecures
 Adria magnanimo metuēda Leone Virago
 Purpureos accire Patres, & damna pericli*

*Instantis narrare cupit . Venere rubenti
 Patritij sub veste senes , retinere curules
 Dispositos iubet illa suas: tunc ardua vultu,
 Maiestate gravi, labris hæc verba disertis
 Proloquitur . Patres, populo rediina Qui-
 ritum*

*Natio, bellū vrget, coniunctis agmina signis
 Austriaci mouere Duces, & Gallus, acerba
 Quem modò clade suis ipsi dissecimus oris,
 Cristas tollit adhuc: Itali, qui nostra tueri
 Regna tenerentur, Reginam vertere curant
 Italia? Innumeras tacito iunxere cohortes
 Federe, vt Adriaci proculcēt culmina regni
 Vt victos trudent Aquila de sede Leones .
 Et iā per venetos excurrunt agmina fines,
 Quā rapido fluius decurrit gurgite Plauis,
 Quā Taruisini surgunt ad sidera montes.
 Ergo equites stipatæ leues, numerate ca-
 teruas,*

*Militiæ date signa noua: tormenta boatu
 Bellica iā rescent, languentes buccina ciues
 Excitet, & pleno rudentur tympana pulsu.
 Surgit apud Querium moles non vltima,
 Castrum*

*Dicta nouū, leni montis, se culmine prodens,
 Hæc ne sublimi excursus prohibebit eque-
 stres,*

*Et pedites remouebit agris: Huc mittite
 auita*

*Scipiadū de gente Ducem, priscoq; nepotem
 Aemilio clarum, cuius virtute Quiritum
 Aemula Carthago cecidit tumultata ruinis,
 Sēsit & extremas inuicta Numātia clades.
 Aemilianus erit, Venetis qui finibus hostes
 Pellet, & ad patrios coget remeare penates,
 Assen-*

Assensere Patres, breuibus mādāta dedere .

Iret , & armato stipatus milite fines

Adriacos tegetet , Germanos arce fugaret .

Protinus insigni decoratus munere , fasces

Accipit Aemilius , gemmataque sceptrā
capeffit

Induperatoris, celeri mox oppida linquens

Taruisina gradu, castrī peruenit ad arcem .

Iam sua Cēsareā fundarāt castrā phalāges ,

Nec procul aprico Callus tria lilia campo

Fixerat, huic acies fortis sociarat Iberus ,

Estensis, Gonzaga Duces ad sūma cateruas

Damna suas, agri lōginqua in parte locarāt .

Postera vix plaustro roseos aurora iugales

Iunxerat, & lucis radios rubicunda ferebat,

Nuntia venturæ cladis, cum tympana rauco

Impulsu resonare iubet, qui summa Palissas

Iura dabat ; capiti galeas posuere cohortes ,

Tormēta & tereti grauidarūt ferrea plūbo,

Iā præceps hinnibat equus, iā spūmea morsu

Frenas reuoluebat, spirāsque è naribus ignem

Iā pedibus pulsabat humū, cum cepit anhelos

Arduus inter equos castris exire Palissas .

Ibat inauratis humeros circumdatus armis,

Vndantes nitida voluens in casside pennas ,

Sceptrā manu quatiēs: cāpo spatiatur aperto

Flammās ore vomens , qualis cum sauus

Achilles ,

Vulturū mortē Patrocli, Vulcania matris

Arma suæ Thetidis , misera sub mēnia

Troiaē

Induit , aut cum Threycia sudaret inhasta

Marspiter , & bellum Rhodopes misceret

in aruis

Pone sequebantur diuersis agmina signis

*Et pedites, equitesq; suo simul ordine, totum
Obnubunt vexilla polū, ferit æthera clamor.
Obstrepat Aemilio vulgus, quid contra ma-
nifolos*

*Innumeros pugnare velit? se dedat amica
Inclamant parti, componat fœdera, gentem
Inculumen seruet, quod si decernere ferro
Rē velit, expectet certum per viscera ferrū,
Iam iam tormentis vulsuros mœnia, diras
Iam saturaturos hostili sanguine dextras.
Nō tulit Aemilius metuētis stridula turbe
Verba, sed accensor rapidas ex ore fauillas
Eiaculans, quò vos, inquit, timor abripit
hostis,*

*Indecores anima? Venetus succumbit Ibero,
Me duce? Germanæ trepidabit nomina gētis
Adriacū robur? Veneto iam pectore dignos
Iā reuocate animos; pudeat liquisse penates,
Vincat amor patriæ; patriæ sacrare cruorē
Summus honor, moriar, sed mors ingloria
vitam*

*Non claudet, locus iste cadet, non seruiet
hosti.*

*Ite, placet vobis, si vos subducere morti.
Viuite; solus ego capitis discrimina querā,
Solut cōtra istas defendam mœnia iurmas.
Si mihi forte mori obtigerit, mihi gloria
mor tis*

*Pata pati, pulchramque pati inter vulnera
mortem.*

*Dixit, & assumptis animis, ac robore mīles
Perfurit in Martem, collatis undique saxis
Congesta tellure locos; instaurat hiantes,
Accumulatq; simul terræ tabulasque, tra-
besque;*

Quod-

*Quodcunque occurrit manibus munimen
ad iētus*

*Aggerat obicibus; surgunt ad sidera muri
Mole noua; subitam Germanus conspicit
arcem,*

*Obstupet, ardescit; plenis iubet ire metallis
Fulmina, terrifico quæ propugnacula pulsa
Discutiāt, cerebroq; fatigēt verberare muros.
Tollitur insignis clamor, rapit æthera pul-
uis,*

*Ac pandit vallum rupta compage ruinam,
Clade patet castrum; Germani corpora in
arcem*

*Vlturi sua fata ferunt; spisso agmine trudūt
Se se innixi humeris, tolluntque per ardua,
scalas*

*Apponunt muris, tentatq; inuadere vallū.
Hic noua fit cedes, crudeſcunt prælia, nigrās
Telorum iacitur nubes & saxeus imber.*

*Sternuntur, scāduntq; reperiuntq; ruuntq;
Omnia dant luctum, horrorem, rabiemque
dolorcmque*

*At noua Germanus sēper molimina tētāt,
Integer & lassō hostiles succedit ad iētus,
Diruta cōpositi scandunt curuamine dorſi,
Obiciunt clypeos dura testudinis instar,
Irrumpuntq; viam. Populi quis fata cadētis
Carminē cōplecti valeat? quis multa ferre
Vulnera; quis cedes? Dum barbarus ingruit
hostis;*

*Et ceco clamore furit, cepere Mianum
Millenos inter gladios, vinctumq; catenis
Ad nigri gelidas raptarūt carceris umbras.
Iamque Aquilæ vexilla volant, iam Cæsar
in oris*

*Clamatur Venetis Princeps, iam Lilia calo
Liberiore fluunt, parto plausere triumpho
Agmina, victricesq; tulere ad sidera voces.
Vidit in obscuris Pallas diuina tenebris
Aemilium, quæ ad sacra volens traducere
castra*

*Vtile nacta sibi tempus, stipata catervis
Aligerum, firmo deiecit cardine postes,
Celesti tetram pellens, & lumine noctem
Talibus alloquitur. Queis te fortuna periculis
Exposuit, dignosce precor; quid bella tibiq;
Profuerint humana, vides. Mea bella ciere
Iam placeat; nō vita meis carissima castris.
Funditur; haud petitur crudeli vulnere san-
guis,*

*Surge agè, tende manus, soluuntur vincula,
velox.*

*Me sequere; In stygias tentabimus arma
phalanges.*

*Pro celo bellum capimus; certamine calum
Calica felici fortunat sidere; quales
Proh tibi propitius comites sociabit Olym-
pus,*

*Qui sacrata crucis plures vexilla per oras
Portabūt, spolysq; feri Phlegetontis onustim
Ad celi referet Capitolia celsa triumphos,
Dixit, & appressū manibus de carcere ducit
Aemilium, vigilesq; suis extecat eundo
Excubias radijs; oculis per tela, per hostes
Subtrahit humanis, tenuesque recedit in
auras.*

*At secum voluens animo, quot cōmoda calū
Aemilius tulerit; media quòd cade suorum
Seruauit viuum, quòd se subduxerit hosti.
Incolumē, Valeāt, dixit, certamina Martis,*

Et

*Et cessent reboare meas tormēta per aures.
 Hasta vale, lorica vale; me bella tonantis,
 Me noua castra vocāt alius stipendia miles.
 Iam tua, Chrīste, sequor, collectoque agmi-*
ne pubis,

Quam cultus vexabat inops, vexabat ege-
stas,

*In subricas, ducente Deo, profectus in urbes.
 Moliri bellum vitij incepit, & Orco.*

*Hic sua contineat certamina Scipio, versos:
 Neue Numantina muros deprædicet urbis,
 Aemilius, quocumque petit, debellat Auer-*
ni,

*Innumeros virtute greges, & Ditis iniquas:
 Detegit insidias; Venetam dum pergit in-*
urbem,

*Sternit auaritiem; pictis vestita tapetis
 Atria denudat, nummisque exēterat arcas,
 Subsidium, miseris; sed quos Vicentia mor-*
bos.

*A te non pepulit, quibus aut Verona periclis
 Te non exemit; pueros cum patre carentes
 Extulit ipse parens; orbas cū matre puellas:
 Legit, ne turpi vitarent corpora quæstu?*

*Sed tunc Tartarei confregit cornua tauri,
 Brixicolas cum dura fames urgeret, & ipsis
 Mendicata prius partiret pabula egenis.*

*Insubricam funesta lues infecerat urbem,
 Corpora iāq; solo tumulis viduata iacebant,
 Hinc pater, inde puer moritur, fraterque,
 sororque*

Tristia languentes animas per fata trabe-
bant.

*Cum monstrū lethale luis iugulare laborat.
 Aemilius, placidisq; prius spirantia verbis:*

EPINICIVM.

*Agmina solatur ; fluido medicamina morbo
 Applicat, & proprijs effert enecta lacertis .
 At qui vipereas vitiorum vicerat artes ,
 Vincere se voluit , scabra cum celsa Soma-
 scha*

*Lustra petens corpus nodosis cadere flagris
 Instituit, recreare leui ieiunia victu ,
 Fonte leuare sitim , gelidoq; recumbere
 saxo .*

*Ista fuere suo præclara trophæa Mianus ,
 Corpore quæ retulit ; Pallas quæ calica cer-
 nens .*

*Expediit currum , deuicto ut corpore terris
 Aemilium super astra ; Ducem vectaret
 ouantem .*

Canebam .



DE BEATO
HIERONYMO
AEMILIANO

Congregationis Somaſchæ
Fundatore,

Cuius Apotheoſis ab Apoſtolica Sede
quamprimùm expectatur.

VATICINIVM.

Habitum Romæ in Collegio Cle-
mentino.

Anno M.DC.XXXI.



*Esinat egregias longæua abolere
vetustas*

*Heroum laudes, auidis nec den-
tibus æuū*

*Corrodat pia gesta ducum; sed prisca ne-
potes*

Erudiant exempla nouos; à laude parentum

Accipiant ventura fidem, miretur & orbis

*Aethereis quot terra viros redimiuerit
astris*

*Aspice, Roma, Patrem; iam tempora
desine longæ*

Dinumerare mora; solertis pollice Apellis

Pictus adest oculis, aderat qui viuידus olim,

Spe maior, fama melior, venerare, Beatus

Iam iam letifono dicetur ab orbe Mianus.

*Hæc ego, si Aonides pandent Heliconæ so-
rores,*

*Fatidicus secreta canam; Vox gloria gentis
 Romulæ obtestor, Tyrio qui murice vestes
 Pingitis, & totum sacris qui Ritibus orbem
 Imbuitis, iunctis audito carmine votis,
 Aemilium superos inter committite Diuos.
 Cesserat Aemili^{us} satis & ad astra volarat,
 Cū soboles Erebi, noctisq; infausta propago,
 Deformis Genius, cui sunt inuisa potentum
 Gesta virum, famam cecis velare tenebris
 Aemili^{us} statuit, fumoque inuoluere laudes.
 Hic fuit, elapsis rigido sub principe sacris,
 Christicolum violare genus, delere supernas
 Qui leges voluit, calo & fidissima quondam
 Pectora propositis gladij terrere periclis.
 Ille per Odryfias Orci vexillifer oras
 Intulit infrendēs Othomannæ cornua lunę,
 Aegyptū, & culta viridātia Phocidos arua,
 Regna Palæstina, gelido cū Bystone Dacos
 Inuasit; quid plura velim percurrere, quādo
 Illyricos penetrādo sinus Epidannia turbis
 Regna suis Veneto rapuit subiecta Leoni?
 Hic fuit ancipites credētū ad colla secures,
 Qui cudit miseris posset quò sternere pœnis
 Surgētē Christi sobolē; Agrippina Nerones
 Iulia non peperit, Didios nō Clara, Seueros
 Fuluīa nō genuit, Stygi^{us} sed monstra fuerūt
 Antri, quæ nigro dimittens carcere Ditis
 Edidit in lucem, iucunda ut munera lucis
 Christicolis raperēt, soliūq; in cade locarēt.
 Nunc etiā Adriaci Patris ne numē adoret
 Orbis, & extinguat fidei inuiolabile pignus.
 Quod nō tētāt opus, quas nō exardet in iras?
 Virgo Somaſchensis calo nō ultima Vestas
 Addictas inter, mærentem squalida vultū,
 Anxia sollicito voluens sub pectore diram.*

*Et Genij rabiẽ, natorum & damna suorum ,
Tendere mæsta parat. mox Relligionis in-
edes ,*

*Et casus narrare suos. In vertice regnans
Hæc Vaticani, scilio confidit eburno*

*Arbitra, cui simplex capiti supereminet ales ,
Eiaculans tenuem niueo de corpore lucem ,
Cultat iara vagos trino diademate crines
Cõtegit, atq; humeros cõuestit palla cadẽti
Syrmate , ducta semur. cingit stola sceptræ ,
pyropis.*

*Non rutilant, geminas sed stringit dextera
claves ..*

*Huc niueis venit circumstipata puellis ,
Virgo Somaschensis, posuim mox prona Se-
natum ,*

*Et summam venerata Deã, sic ore profatur.
Christicolum regina potens, dilecta tonanti,
Quam calum , quam terra colit , mens pro-
uida, mentis.*

*Conscia diuina, interpres, præsaga futuri ,
Semideos tu sola potes coniungere diuis ,
Et meritis conferre decus, cõfringe tumẽtes
Tartarei cristas Genij, quot ubiq; tenebras
Offundat miseris mortalibus , aspice ; diuos
Spernat ut ille , vides ; sensit reboare per
omnes.*

*Urbes Aemilij famam; pia numina votis
Supplicibus rogitare viros , quas negligit
artes ,*

*Vt clarum obscuret terra caligine nomen?
An mea sic soboles meruit ? succumbet
Averno ,*

*Infernum toties quæ debellauit ouantem ?
Ergo vera Fides, Fideiq; columna labascet ,*

*Frigesct Pietas, toto regnabit in orbe
Vana superstitio, damñati numinis error ?
Diuinus me tangit honos ; hæc verba pro-
fundo*

*Corde fluūt ; quid clara mei miracula Miani
Promam , quid laudes memorem ? non ille
cateruam*

*Aucto pane aluit, rigido non marmore lym-
phas*

*Elicuit, fluido extinxit non vlcera tabo,
Claudaque non firmis solidauit corpora
plantis ?*

*Nonne pia aratis lacerauit mēbra flagellis,
Entheus atq; animo superas abreptus in oras
Pallida vertentes ieiunia duxit in annos ?
Angelica laus quanta manus habuisse mi-
nistras ,*

*Montanos domuisse lupos , pepulisse pha-
langes*

*Corporib. Stygias, cūctos vt ferret ad astra
Insubricas peragraffe plagas ? si debita posco,
Si tantum merui, vires compeſce tyranni ,
Si lubet, Aemiliumq; choris adſcribe beatis.
Excepit facili ſubmiſſas aure loquelas*

*Relligio, riſuque oculos ſuffuſa benigno,
Siſte preces, inquit, vanūq; remitte timore ?
Aemily ſat geſta mihi ſunt nota, quod optas
Virgo tenes , & mox poterit quoque terra
Mianum*

*Noſcere conſcriptū ſuperis: conſidere verbis
Virgo potes tranquilla meis ; rem cernere
totam*

*Sed ſi fortè velis, oculos hūc dirige , cælum
Aurata mox claue aperit; patet aula tonātis
Regia, ceruleis panduntur limina campis ,
Aeter-*

Aeternis ubi clara nitent conclavia flam-
mis,

Hic sellas inter varias aurata refulget
Chrysolitis ornata vagis, onerata smaragdis,
Florida quam roseis depicta coloribus Iris
Circuit, & scripto titulus diagrammate
obambit,

Obstupuit mirata loci spectacula vasti
Virgo Semaschensis; dubiam sed provida
mentem

Religio docuit, pretiosa sedilia curvo
Anne vides giro, totum replere theatrum?
Hac sunt, si nescis, coetum dum conuocat
omnem,

Quae posui calcata Deus super astra beatis.
Aspicias omnigeno variatam emblemate se-
dem

Luce superfusam? tituli lege verba; Miano
Sella Parata; librum, quem septem gemma
sigillis

Obserat, an cernis? proh quot secreta re-
condit,

In folijs quot clausa latent? hic scripta ada-
mante

Nomina sunt diuum, sacrisq; arcana futuris,
Euentus habitura suos, digesta per omnes
Aetates, hic cuncta leges miracula Patris
Aemily, hic ductos rigido sub tegmine solés;
Quod cupis, ecce, tibi describitur ecce, quid
ultà

Spē trahis? hic apices oculis aduerte notatos?
Noscere characteres: ò nomē amabile calo,
Nuntius ò terris incundus; In orbe Mianus
Ecce Beatus Erit, sicut iam regnat olympo.
O dignum pietate virum, quis iustior illo,

Quis

Quis magis ætherei flammis exarsit amoris?

Cur magis promeriti diuo tribuantur honores?

Quando erit illa dies, albo signanda lapillo,

Qua te sacrificis templi venerabimur aris,

Qua dabimus pia tura focis, ò fiat, ò unquam

Urbanus mæste soletur vota Somasche..

Canebam..



B. MARIÆ VIRGINIS.

EPIGRAMMATA.

Reginæ plures sibi coronas detrahunt, vt Virginem redimiant.

Explicatur idem argumentum diuersis carminibus, atque sententijs.

CLEOPATRA.

Inuisas inuita trahor Regina per oras,
 Gestiat vt damnis Roma superba meis :
 Illa ego, Niliacos quę traxi in vincula reges,
 Illa ego, Cesareus quam sibi iunxit amor.
 Penas digna luo ; sacris tu Virgo catenis,
 Traxisti ad ventris viscera casta Deum ;
 Iam tua Niliacus præcingat tempora lapsis,
 At mea, quę pectus mordeat, Aspis erit.

ZENOBIA.

Se Regem Regum, solis, lunaq; parentem,
 Stellarum sociū Dux modo Persa canat ;
 Nāq; ego de Syrijs educens agmina regnis,
 Humanum docui posse perire decus.
 Sidera detraxi capiti ; tibi sidera Virgo,
 Supplex, vt cingant tempora sacra, fero.
 Non nisi flāmigeris debes redimirier astris,
 Ad spōsi thalamos dūm super astra volas.

40 EPIGRAMMATA.
CASSIOPEA.

*Mollia torquerē blando quòd lumina vultu,
Quòdq; darē teneris mista ligustra rosis;
Calica Nereides vicit mea forma puellas,
Cessisset victrix aurea poma Venus;
Cerno sed ethereo quales in corpore formas,
Virgo petit superas dum rediuvina plagas?
Luna erit in celis magè splendida; cedo co-
ronam.
Sidus ero saltem Cassiopea polo.*

IVNO.

*Me cali Dominam stulti cecinere poeta,
Aurea & auratis ferta dedere comis;
At dum sidereas Virgo peruasit in arces,
Aurea ferta capit, sceptrâ beata rapit;
Garrula vel Dinos deludet fabula? Iuno
De falso tantum numine, nomen habet.*

OLYMPIAS.

*Quòd decor in roseo splenderet Olympicus
ore,
Aemula quod stellis lumina bina forent;
Edita materna compellor Olympias aluo:
Congrua præclarū symbola nomen habet,
At dū pulchra tuos admiror, Virgo, nitres;
Informis formæ fit mea formatue.
Sertū pono libens; Virgo sit olympia: pono
Nomen Olympiadis: Terrea nomen erit.*

EPIGRAMMATA. 41
B E R S A B E A.

*Mollia dūm vitreo tergebā mēbra lauacro;
Ad raptā à Solymo principe regna vocor.
Nil rapis, ethereas Virgo, dū tendis ad edes,
Sed terra ad celi te rapit astra Deus.
Accipe iā sertū, redeant tibi furtā merenti,
Debeo, quæ rapui, reddere sertā polo.*

CARTHISMANDVA.

*Inuicta extremos tenui Regina Brigantēs,
Cōiugis & traxi ad ferrea vincla pedes,
Exijt at laqueis, concito milite, sertum
Arripuit, vinxit post mea terga manus:
Ille meū tibi, Virgo, dabit diadema: dedisse
Sed dare qui poteram, sumere si volui?*

ARIADNA.

*Angelicis stipata choris dū, Virgo, triūphas,
Summaq; deuictō regna Acherōte petis,
Quām bene lucifluis vestit tua corpora phe-
bus,
Excipit & niueos quām bene luna pedes?
Expectant quid sertā comæ? super æthera
Bacchus
Te mea, quò cingant, astra nouena tulit.*

HYPSICRATEA.

*Non mihi sat visum, thalamos sociasse iuga-
les,
Quin sponsum volui per fera bella sequi:
Fortia diducto munini pectora ferro,
Con-*

42. EPIGRAMMATA.

*Contorſi innicta ſpicula ſana manu .
Stabit in erme caput ? rutilam cape, Virgo ,
coronam ,
Ut galeas en. mibi rado comas ,*

ARTEMISIA.

*Dono tuis rutilum, Virgo, diadema triumphis,
Tristi de fato quos ſuper aſtra vehis ;
Aemula Maſſon ſtruxiſſe buſta ſepulchro ,
Aſtrifer exciperet ni tua membra polus :
Cū t. me ebiberim cineres, cape Maſſoleū ,
Et quod amoris erat pignus, honoris erit .*

HESTER.

*Pulchrior acciti fuerim quod virgo puellis,
Rex dedit ambrosijs aurea ſerta comis ;
At tibi, Virgo, magis caſto nitet ore venu-
ſtas ,
Atque micæ ſertis dignior ipſa meis :
Hoc igitur præcinge tuū diadema te frontē ,
At mihi ſufficiet, Virgo, ſecunda comas ,*

MARGARITA.

*Hoſtica palantes induxi ad prælia gentes ,
Sustinuique mei Martia ſigna viri .
Hinc merita ornarunt gemma mea tempo-
ra, quamvis
Pulchrior & gēmis Margaritis ipſa fore ;
Sed tibi cū tribuant Regina, Virgo, coronas ;
Margaritis ornabit non tibi, Virgo, caput &*

*Regibus ut raperem florèntia regna Boemis
Duxi fœmineas ad ferrabellâ manus :
Bellâui, vici, rapui; felicibus armis
Prostrâui imbelli haud agmine fulta vi-
ros,*

*Quàm melius, Virgo, cingunt sibiserta ca-
pillos ?*

*Quàm melius quatiunt gemmea sceptrâ
manus ?*

*Sum sertis indigna meis ; tibi defero sertâ,
Ipsa homines necui, subtrahis ipsa neci.*

IVLIA AGRIPPINA.

Cûr sæuû effûdi materno viscere monstrû ?

Missa fui Lybicus forsitan vrsa plagis ?

*Infelix : Tu, Virgo, parâs (sacra pignora)
natum,*

*Dat tibi sertâ uterus, qui mihi sertâ ra-
pit.*

DIDO.

Vtitur infelix Dido, totaque vagatur

Urbe furens, querulis & petit astra notis,

Quid fortuna meos voluisti cingere crines,

Floridâ quid sceptro subdere regnâ meo ?

Si turpis iaceo deuictâ cupidine amoris ?

Si vigil in caco corde triumphat amor ?

Fronte coronâ cadat; debet gestare coronâ,

Non Dido infelix, sed sacra Virgo, meâ.

CANDACE.

Grata fui populis, Reginis nomina cunctis

Ipsa dedi: Aethiopes me coluere viri:

Sed

44 EPIGRAMMATA.

*Sed tibi, Virgo, Dei replevit gratia pectus ;
 Concidit ante tuos purpura quæq; pedes .
 Sertum prona fero; gemmatũ Cādacis orbe
 Non nisi Virgineus candor habere meret.*

LEDA.

*Tyndareos infida toros violasse, tonantis ,
 Ut turpi fruerer dicor amore Iouis :
 Per me fatalis ceciderunt mœnia Troia ,
 Arcis dum reuocāt agmina Græca faces:
 Iam mea Troianis tumulatur gloria flāmis,
 Et liquet aternis fulua corona rogis :
 Tu pia, Virgo, Deum castos trahis æthere
 in artus .*

*Cordaq; supremi luminis igne foves .
 Leda sui consuecta viros & ledere ; Leda
 Sertum, quæ nescit ledere, Virgo habeat .*

MANDANE.

*Luxuriare meo genitor de viscere vitem
 Vidit, & Asiacas fronde operire plagas :
 Impius inuidit natum regnare, necandum
 Tradidit, & potuit sic ferus esse pater ?
 Veram, Virgo, tuo fudisti è viscere vitem ,
 Expandit ramos quæ super orbe suos .
 Iam mea scrtæ tibi dono, diademata nati
 Donassem; at nato suscipit Astyages .*

PENTESILEA.

*Virgo triumphato transcendit in æthera
 mundo ,
 Et trahit in calis ad sua iura Deum .
 Effe-*

EPIGRAMMATA. 45

*Effera quid duco lunatis agmina peltis ,
Fœmina belligeros quid petit ense viros?
Virgo , tibi diadema sacro , tuus iste trium-
phus ,
Non homines bello , at vincere pace Deū .*

CAMILLA.

*Fortia sublimi librabam corpora saltu ,
Lambebantq; leues gramina summa pedes;
Virgo , sed aereo tranasti fidera curru ,
Vicisti : calo te mea ferta manent :
Quæ laus est rapidas prævertere cursibus
auras ,
Si quæ sustulerat , deprimat aura solo ?*

PLACIDA.

*Vertere Romanas hostis dum nititur arces ,
Et fera crudeli bella mouere manu :
Tristia conuersum lenui in prælia regem ,
Molliui placidis ferrea corda modis :
Diruere ignifero statuit dū fulmine terras ;
Componit surgens Virgo per astra Deum ;
Quid iactem mea verba ? tibi fero , Virgo ,
coronam ,
Laus est parua hominem flectere ; summa
Deum .*

AMALASVNTHA.

*Germanos pepuli , Burgundos agmine vici ,
Compuli & Italicis tollere castra plagis :
Italiam tenuere Gothi , me Principe , dextra
Firmauique armis Itala regna mea .
Sal-*

*Saluasti, Virgo, deuictō demone mundum,
Num magis inuicta gemmea ferta dabo?*

S A B A.

*Mellea quàm residet verborū copia labris
Virginis, irradiat quàm vaga membra
color?*

*Suscipe, quàm possum tibi tradere, Virgo,
coronam,*

*Nam mihi, tanta dedi munera, nulla
manent.*

*Si quoque vixisses Salomonis tempore, ha-
beres*

Diuitias docto pro Salomone meas.

B E R E C I N T H I A.

*Ardua, Virgo, poli rutilās dū nubila tranas,
Sidereo Dominam te locat axe Deus.*

*Posthac nulla igitur terram regina tenebit?
Sertum, quod terram sustinet, ipsa fero.*

C R E V S A.

*Scriniolo inclusas misit mihi callida flāmas
Medea, & patrios sustulit igne lares.*

*Virgo, tibi natus dimisit ab aethere linguas
Ignitas, vssit corda sacrata focis.*

*Diuersa stāt igne vices; cape, Virgo, coronā,
Tu succensa animos, corpore adusta fui.*

M O N Y M A.

*Omnia dū validi sternuntur castra mariti,
Miles & immiti quilibet ense cadit,
Seri-*

EPIGRAMMATA. 47

*Serica detraxi capiti diademata, collo
Obduxi, inferrem quò mihi saeva necem.
Claudere sed renuit fauces diadema; feratur
Virgo tibi, haud laqueo regìa membra ca-
dunt.*

BERENICE.

*Cum mihi messuerim nitidos pro coniuge
crines,
Protinus ad Veneris lucida templi tui,
Cypride pulchra magis Virgo: quæ munera
tradam?
Sacrabo reliquas num tibi, Virgo, comas?
At tulit in calum versos in sidera crines
Cypria; circumdant hæc tibi, Virgo caput.*

SISIGAMBIS.

*Tàm speciosa meo ridebat gratia vultu,
Ut possem superos illaqueare Deos:
Deiuncto captiva sui Regina marito:
Quis tibi Alexāder tãta trophæa dedit?
Virgo, tibi gemmata fero diademata; misit
Quæ libertatem, gemmea ferta feret?*

ORITHYA.

*Me rapuit patri Boreas, me cedere regnis
Atthidis heu voluit; quæ tibi, spōse, fides?
Non ego Cecropys Princeps dominabor
Athenis?
Ad culta Aeolys deferat antra notis?
Heu ravior: iunctam regno tibi linquo coro-
nam,
Virgo, ero nã posthac spiritus, aura, nihil.*
DE

B. MARIÆ VIRGINIS CORONATIONE.

A N A G R A M M A T A .

Gaude Maria virgo Deipara cunctas hæ-
reses sola interemisti in vniuerso Mun-
do.

A N A G R A M M A .

C*Inge, Virago, tuos rutilo diademate
crines,
Sacra parēs hominis munera sume Dei,
Aliud.*

Assumpta est Virgo ad Cælum, in quo gau-
deant Angeli laudantes benedicant Do-
minum.

Anagramma.
*Lingue solum, conscende polum, redimita
Virago,
Gaude, nata Dei, nā noua ferta dabunt.*
Aliud.

Assumpta est Deipara Maria in Cælum,
gaudent Angeli, laudantes benedicunt
Dominum.

Anagramma.
*Sume poli, benedicta parens, delata nitentis
Munera, dum regni ad gaudia summa
vocat.*

Aliud.
Tota pulchra es amica, ac vt lilia inter
spi-

spinas, Cœloque nitens porrigis io, ecce omnia.

Anagramma.

Angelicis stipata Choris, inuect à que Olympo

Inclita Regales accepit Virgo coronas.

Aliud.

Assumpta est Virgo Maria in Cœlo, ac omnium Regina stellato nunc sedet solio.

Anagramma.

Sidera Cœlesti cingent mea tempora ferto, Illa sua à summo lumine signa vocant.

Aliud.

Benedicta tu in mulieribus, & benedictus fructus ventris tui Iesus santa Maria.

Anagramma.

En sitibunda tuum tradunt tibi sidera sertum,

Absit ne ut seruis filius, ecce caue.

Aliud.

Maria Virgo superis iuncta en terris surgit.

Anagramma.

Virginis auratis cinguntur tempora fertis.

Aliud.

Assumpta est Virgo Maria in cœlum.

Anagramma.

Imponunt almīs en vaga ferta comis.

Aliud.

Iesus Rex tantus parentem capit, & ornas

Anagramma.

Te Pater, & natus, te Spiritus axe coronāt.

Aliud.

Maria virgo assumpta est in Cœlum.

Anagramma.

Summo Virgo sua lumine ferta capit.

C

Aliud.

Aliud.

Cœlestis Virgo specie tua, ac pulchritudine
 mea intende prosperè procede, & regna,
 lumen, & luna maris, nitor gentis,
 Cœli fidus, cara salutis nuntia, terribilis
 ut castrorum acies, atrium Regis
 beatum, & nisi nata Dei Dea mater
 Maria.

Anagramma.

*Serta præcingant capitis capillos,
 Et manus ceptum nitidas adornet,
 Membra Cœlesti videat Virago.*

Sidere cincta.

*Verius morte en iugulas suavi;
 Luce nascenti, radijs nitendo
 Clara terrestri heu tumulo resurge in
 Aethers ab imis.*



BEATAM VIRGINEM³¹

In tot belli, pestis, famis calamitatibus , allaturam orbi cadenti opem, ostenditur.

ENBLEMATA.

Columba cum oleæ ramo virenti.

Ex lib. Gen. c. 8.

INclyta demersi quondam compendia mundi,

Terrarumq; ingens cymba vehebat onus;
Utque oleæ ramum defessa columba virentē
Attulit, exhaustis arca resedit aquis,

Tu nunc sanguineo, fluitat dum gurgite mundus,

Deseris heu nostrā sacra columba ratem?
Sanguine humus tegitur, superum pete culmina, oliuam

Astra dabunt; oleam bellica terra negat.

Phœbus contra Pythonem.

Ex Mythologis.

Vandalicus nostras dum perfurit Hydrus in oras,

Auspice te, Virgo, pulsus in antra fugit:
Sic Phœbi cecidisse ferunt Pythona sagittis,
Cum sano Græcas perderet ore plagas:
Ille manu, & iaculis horrentem perdidit anguem,

Est tamen ista tui lauræa tota pedis.

*Dianæ simulachrum, quod contra Ætolos
illatum, illos vertit in fugam.*

Ex Plut. in Arato.

*Figere in aduersam Trinia sua lumina for-
mam*

*Nemo potest, stupidos nam facit illa vi-
ros,*

*Sic quōdā cōtra Ætolos illata maniplos,
Compulit infami vertere terga fuga;*

*Quis tecum, Virgo, valeat cōferre Dianam,
Si curuata tuos excipit illa pedes?*

*Insurgant modò bella licet, dum surgit in
æthram;*

Maiestate tui numinis acta cadent.

Angelus Sennacheribi exercitum sternens.

Ex lib. 4. Reg. cap. 18.

*Affyrius Solymæ cingebat mania Princeps;
Sanguineo ut sacras verteret ense domos,*

*Cælestis patrio miles cum venit Olympo,
Agmina; armata strauit iniqua manu,*

*Turbabant Italos hostilia praelia fines,
Fessa; sub rigido Marte gemebat humus,*

*Aliger haud terras, calum sed Virgo petiuit,
Attulit ille necem, sustulit ista necem.*

*Tutula ingenioso stratagemate Romam à
Sabinis obsessam liberans.*

Ex Plut. in Camillo.

*Dū premit Ausonios armato milite muros
Hostis, & albenti sternere luce putat;*

Tutula sublato Romanos euocat igne,

Et

Et libertatis seruatuetur opes.

*Germanos infesta volant vexilla per agros,
Miles & urbanas diripit ense domos,
Sed pia Virgo animat iunctos in praelia reges,
Ancilla, & summi Principis illa fuit.*

Nauis cum tritico. Ex Prou. c. 31.

*Cerula longinquo veniens ex equore nauis
Triticeas nostro in litore fundit opes,
Virgineum ingreditur ventrem Deus, illa
latentem*

*Deuehit, & panis præbet in orbe Deum;
Terra neget fruges; homines si pane carebunt.
Terreno, æthereum iam pia Virgo dedit.*

Halcyone in scopulo, quæ maris tranquillitatem portendit.

Ex D. Ambr. ex lib. Hexam.

*Seu Boreas tumidis in litora seuiat undis,
Seu notus elati sidera pulset aquis.*

*Alcedo in scopulo nidum si collocet, omnis
Ponit in expletas equoris unda minas;
Fluctuet immani bellorum turbine mundus,
Sanguinis & calidas astuet inter aquas,
Exprimit Halcyonē Virgo rediuiua, salutē
Nuntiat illa salo, nuntiat ista solo.*

*Virgo inter Leonem, & libram signa
cœlestia.*

*Ne Leo succendat radijs seruētibus orbem;
Neue sub irato indice causa cadat;*

Erigone mollitq; animos, & temperat iras;

54 EPIGRAMMATA.

*Obliquo mediam nam tenet orbe domū;
Fidite mortales, irati flamme a celi
Sidera mitescent, æthera Virgo subit.*

Amalthea Iouis nutrix.

Ex Mythol.

*Nutrix esse Iouis, si quando Iupiter infans,
Dicitur hæc, puero lac dedit illa Ioui,
In calū trāslata fuit, dehinc nect̃ar Olympo
Depluit inque homines, defluit inq; deos.
Vbere de celis pleno sacra Virgo tonantem:
Nutristi, hinc supero te locat axe Deus:
Mater es, & virgo, nutrix fuit illa, tonanti:
Ida dedit nect̃ar, nect̃areum ipsa facis.*

Mulier innixa columnæ.

Ex Valer. lib. 43.

*Quæ virides gestat laurus innixa columnæ
Nos omni tutos Virgo timore monet.
Quis metus humanas poterit percellere
mentes?
Sponso innixa suo sidera Virgo petit.*

Aten noxiā tres Litæ depellant.

Ex Homil. lib. 19. Il.

*Tres natas, mundū volucris cū lederet Ate
Altitonans supera misit ab arce Deus;
At modo cum ternis iactetur terra periclis
E terris Mariam tollit ad astra Deus,
Quin tres unam pepulerunt orbe ruinam,
Tres Italis noxas nunc fugat una plagis.*

Dra.

Draco ante mulierem parituram, vt filium voraret. *Ex Apoc. Ioan. c. 12.*

*Squamiger exertis affurgit faucibus anguis,
Prugeniem mulier dum paritura dolet,
Torquet ad insidias sinuosa volumina, pēnis:
Illa sed assumptis ania lustrā petit:
Ecce draconigenas effudit Suedia, natos
Vt Maria nō iam dente, sed ense vorent,
In sua sed Scythici remeabunt antra dra-
cones,
Aligerum pennis Virgo per astra volat.*

M. Coriolanus Romam obsidione pre-
mens. *Ex Plut. in Coriol.*

*Martius en patrios scelerato milite muros
Obsidet, & ciues sternere cade parat,
Electere non illum sacri potuere ministri,
Ponere maternus bella coegit amor,
Christicolum quam seua premunt certami-
na terras,
Quam fudit seuos haresis atra Duces?
Qui valeat tantos belli sedare tumultus,
Non alius, mundi quam pia mater erit.*

Ancilia cēlo delapsa. *Ex Plut. in Num.*

*Hereticas metuenda times quid Roma pha-
langes?
Magnanimo regnat nō venē corde timor..
Millenis Virgo clypeis armata, rebelles
Ad tua nō patiūtur surgere damna duces,
Cēlica te quondam seruarunt scuta, timebis
Si Virgo est turris, scuta ubi mille iacēt?
C. 4. Iu.*

Iuditha Holopherni caput excindens.

*Ex lib. Iudith. cap. 13.**Dum putat Hebraeas Holophernes sternere
turbas,**Nec sibi posse parem credit habere ducẽ,
Protegat ut ciues, armatum quærit inermis
Iuditha, & sumpto demetit ense caput,
Sic dum Germanas inhiat subuertere sedes
Heresis, & Scythicas cogit ad arma ma-
nus,**Virginis auxilio prostrata extinguitur, illinc
Si patriæ, mundi prouenit inde salus.**Arca federis, quæ mænia Ierichuntinæ Vr-
bis diruit clangentib. tubis. Ex Ios. c. 6.**Vrbis ad aspectum fertur vix arca, tubarum
Cum subito ad sonitum menia celsa ruunt;
Virgoque sidereas vix celi surgit ad arces,
Cum fera pugnacis heresis arma cadunt,
Par utriusque decus; dono sed dispare, sacras
Res tulit illa Deo, sed tulit ista Deum.**Admirabilis Virg. de morte triumphus
explicatur.**Tumulus Platonis, cui insidet
Aquila.**Spiritus è calo quondam venisse Platonis
Dicitur, ut domini viseret ossa sui,
Exuias Aquila sumpsit, libratus & alis
Expansis bustum constitit ille super,
Labitur æthereis animus de sedibus, artus
Visitet*

EPIGRAMMATA. 57

*Visitet ut terris incluta Virgo tuos,
Spiritus ille suū in corpus remeare volebat,
At tuus intactum corpus ad astra vehit.*

Moles Hadriani, quàm hodiè Castellum
Sancti Angeli vocant.

*Hic ubi sublimem cernis consurgere turrim,
Quam cingunt fossis mœnia ducta cauis.
Aelia erat moles; Michael sed pœniger arcē
Istam caelesti lapsus ab arce colit,
Virgo in Idumæis stabant tibi marmora
terris,*

*Vt caperent artus post tua fata tuos,
Turba sed aligerum, translato hîc corpore,
sedit,*

Liior ita aligerum tangere corda potest?

Sepulchrum Achillis amaranthinis coro-
nis profeminatum. *Ex Philostr. in Ic.*

*Thessala purpureis amarāthi turba coronis
Aemony sparsit saxeæ busta ducis:*

*Immortale foret clari quòd nomē Achillis,
Ut flos hîc virides tollit in astra comas:*

*Accipe quæ tumulo tradūtur Virgo coronas,
Immortale tui pignus honoris erunt:*

*Sol furat, humor aquæ desit, præ frigore vitā
Amittant; vitam viuida Virgo dabit.*

Electra cum puellis cæsariem intueniens
super Agamemnonis sepulchrum.

Ex Aeschyl. in Cleop.

*Vix Agamemnoniū lugēs Electra sepulchrū
Visitat, & flauas cernit adesse comas:*

Cum venisse suum subito coniecit Orestem,

58. EPIGRAMMATA.

*Vt functi coleret condita membra patris.
Quis neget angelicas volitasse ad busta pha-
langes:*

*Virginis, Elysias dum tenet urna rosas?
Scilicet à nostris rapuerunt lilia spinis,
Spinis cognatas & tribuere rosas.*

Palladium in arce Troiæ..

Ex Virg. l. 2. Aen.

*Desine Troiugenum miracula tollere, signū
Iam nec Palladium Troes in astra ferāt:
Portētū nā maius adest; pro Pallade Virgo,
Celsis pro Troia mēibus, orbis adest:
Attulit optatam Pallas, Virgoque salutem:
Illa manendo dedit, hæc abeundo tulit.*



DE HÆRESI PROFLIGANDA⁵⁹

Anno M. DC. XXXII.

Vaticinia in Augustialibus Collegij Clementini.

LV DIS EDITA

Quo anno Gustauus Adolphus occisus est..

Vaticinium: Primum..

*InVentæst fortIs MVLLer :: nVnC VIr-
go LabantIs
hæresIs eCCe potens: Conteret Ipsâ:
CapVt..*

Vaticinium: Secundum..

*DVM petIs, ò VIrgo, festIVIs astrâ:
trophæIs
ante perIt gressVS hæresIs aCtâ tVos..*

Vaticinium: Tertium..

*astrâ petIs VIrgo:: hæretICas: hInc peLLe
CaterVas
saCra Vlget terrIs te: DVCE: tVta FI-
Des..*

Vaticinium: Quartum..

*CVr Ita festIVIs plaVDIt. ConCentIbVS:
æther?
an.CeLos strato VIrgo DraCone petIt?
C. 6. Va-*

60 EPIGRAMMATA.
Vaticinium Quintum.

*VIX laCet heretICI prostrata potentia
regis
Celestes tranat CVM sacra Virgo pla-
gas.*

Vaticinium Sextum.

*tV petIs ad CæLos , CælestIs Virgo ;
sV perba
heresIs InVICto tV peDe CoLLa terIs.*

PESTIS , FAMIS , BELLORVM
calamitates à Virgine discussas
ostenditur .

S*Impferat omnipotens violenti fulminis
ignes ,
Vt triplici mundum vulnere contereret ,
Iamque repentinis nutabat cladibus orbis ,
Iam reagens equi senserat arma Dei :
Quis valeat sentis delere piacula mundi
Quæritur, & tantas flectere voce minas :
Desine terra Dei dextrâ trepidare minâs,
Mitis in amplexum Virginis illa ruit .*

Aliud.

*Non prius infausti requierunt classica belli,
Deseruit nostras quàm pia Virgo domos:
Quid non sub tali Domina sperare licebit ?
Quale dabit, si sic deserit, auxilium .*

Aliud.

*Effera compositis mitescunt secula bellis ,
Et terso pharetram sanguine tela petunt:
Cessat*

EPIGRAMMATA. 61

*Cessat bellorum sonitus, pax occupat orbē ;
Virgo per aerias dum petit astra plagas :
Prisca Sabinarum fileatur fama, tulerunt
Bellum illa pacem rapta Virago tulit .*

Aliud .

*Aethereum vix tētat iter rediuiua Virago ;
Clarius & solis lumine celsa petit .
Cum surgit flauis ubertas aurea campis ,
Messorum tardas increpat atque manus
Cernit enim Mariam lictis discedere ter-*

*ris ,
Muneribus vacuum nollet abire Deam .*

Aliud .

*Pandit opes natura suas si versa, famesque
Si perit, & placido sidere gaudet humus .
Ne mirere, Ceres potuit quod diuite curru
Matrē adiens, natū Virgo aditura facit .*

Aliud .

*Bellorum quid cessat amor ? quid buccina
cantum ,*

*Raucum oblita silet ? quid negat arma
furor ?*

*Euentus quæ causa noui ? cum Virgo reuifcat
Cælum, pax terris nascitur in medijs .*

*Terribili castrorū instat salit illa, coh'ortēs
Terrenæ athereas pertinuere acies .*

Dic ut lapides isti panes fiant .

Matth.4.

*Dum nullo Christus tenuaret corpora victu,
Et coleret solis tesqua habitata feris ;
Aduenit assumpto demon sub corpore ,
panes*

Ut fieri inbeat, frigida saxa gerit :

Stu-

*stituisse, ò vecors, in panem marmora verti
Dum tentas, vertet; tu petra semper eris.*

Nonne & Catelli edunt de micis ?

Matth. 15.

*Sidonias Christus cum se conferret in oras,
Antè sacros iacuit. fœmina strata pedes ;
En mea nata, inquit furys agitatur Avernii,
Et tenera immundus corpora demò habet
Sum canis, at domini nutrit quoque mensa
catellos,
Sin pellis; Strygium tu quoq; pelle canem.*

Tolle grabatum tuum, & ambula..

Ioan. 5.

*Languidus ad tremulas Salomonis venerat
undas,
Aegra ut saluificis mēbra lauaret aquis :
Fortè aderat Christus, casu qui tactus
acerbo,
Artubus an morbum pellere vellet, ait ;
Ille quidem vellet, sed homo, qui mergeret
vndis
Commotis agri corpora, nullus erat :
Surge, ait hic Christus, veterisq; cubilia lecti
Tolle, hominem queris ? non ego factus
homo,*

Homo quidam erat diues.. *Luca 16.*

*Accubat ad mensam pretioso diues in auro,
Suggestit & lautas turba ministra dapes;
Hic gula delicias studiosa parauerat omnes
Om-*

EPIGRAMMATA. 63

*Omnigenos dederat culta coquina cibos :
Unus erat , panis qui frustra rogabat egenus ,
Nec tamen heu panis frustula egeus ha-
bet ;*

*Cur epulo renuis neglectas tradere micas ?
Vel cur deciduas non legit ille dapes ?
An nisi te flectit miseri vox una rogantis .
En quam multiplicis vulneris ora petūt .*

*Canes veniebant, & lingebant vlcera eius.
Luca 16.*

*Heu ne me miserum , diues , dimitte pre-
cantem ,
Ne tua , queso , meis viscera claude malis ;
Non posco argentū , non auri pondera posco ,
Sola meam frangat mica relictā famem .
Exiguas mihi , auare , negas concedere mi-
cas ?*

Pasco tuos proprijs carnibus ecce canes .

*Pater da mihi portionem , quæ me contin-
git . Luca 15.*

*Immundas , fili , mauis habitare tabernas ,
Cum tibi , cum seruis atria nostra vacent .
Nescis , heu nescis peregrine incōmoda vite .
Crede , mihi nimium mēbra fatigat iter .
Cum varias tādē mundi percurreris oras
Solutus , lassus , inops patriā tectā petes ,
Sed tu , ne toties vocem patiāre monentis ,
Ne vē notet lusus virga paterna tuos :
Longinquas , incaute , cupis volitare per
urbes ,*

I, fuge , sed poteras tutior esse domi .

Do-

*Alta Gapharnaice penetrat vix maniat
Christus*

*Vrbis, cum sacros dux iacet ante pedes.
En meus in lecto decumbit seruulus, inquit,
Occupat & seuus lāguida membra dolor,
Non est, cur nostri venias in limina tecti,
Dic verbum, fiet sanus ab ore puer,
Quid nequeat divina fides? dimitte meden-
tes,
Confide, & morbos pellere verbaqueunt.*

De D. Thoma Aquinate.

*E vestris calammum pennis aptate volucres
Aligeri, Thomas scribere plura cupit,
Ille per ingenuas doctum caput extuli ar-
tes,
Dumq; studet, Christus saepe magister
adeft:
Omnia ni scribat celi secreta, docete,
Si non & vobis doctior ille fuit.*

Improbam fœminam titione fugat.

*Sensit, ut in thalamo solum lupa vinula
ephæhum,
Turpesque incauto posse parare dotos;
Pergit, & argutis demulcēs pectora verbis,
Suadet, ut efficijs gaudeat ille suis?
Ignitum inuenis viso discrimine lignum
Arripuit, & casto cogitabire lare.
Vtitur imbellē contrā quid terre puellam?
Furem virgnea viderat esse niuis.*

De

De vno, ex quadraginta martyribus, qui
in tapefactum balneum defiluit.

Nocturnas sub aquis horas traducere praeses.
Martyribus iussit, dum fera saeuit hyems.
Non poterat gelidos vnus perferre liquores,
Frigida sed tepidis corpora mersit aquis,
Nō corpus, sed corda gelat; dū balena tentas
Heu calida, in calidis mēs tibi friget aquis.

De D. Gregorio, cuius mensæ Christus
accubuit.

Obuia Gregorius disponit fercula mensis,
Vt pauper vires turba fouere queat.
Ille suis vinum manibus propinat in auro,
Conditas patinis porrigit ille dapes.
Accubat hic etiā vili sub tegmine Christus;
Gaudet & ingesto pascere membra cibo,
Non veniat Christus cur vestra ad prandia
scitis?
Quod pauper vestra ad prandia nemo se-
det.

De sudore Christi sanguineo.

Dum tristis viridi Christus prosternitur
horto,
Et supplex geminas tēdit in astra manus;
Aduolat aethereo inuenis demissus Olympo,
Qui docet instantis tempus adesse necis,
Christe, rubro mistum desudas sanguine
rorem,
Subiectom & riguo proluis amne solum,
Immani terram vitio macularat Adamus,
Iste, ut purgetur terra, cruore lauat.
S. Crux

S. Crux arbori aheneæ in templo Salomon-
nis confertur .

*Arbor in excelsis Salomonis aheneatêplo
Stabat , & e medio vena fluebat aquæ ;
Nonne refert fontem , medio quæ pectore
Christi.*

*In trifida erumpit sanguinis unda trabe ?
' Arboris illa omnes pellebat. lympa do-
lores ,
Dic, Lōgine crucis quid iuuat iste cruor ?*

De Beato Ioanne Dei ..

Super domum nascentis radius affulget .

*Prodit ad occidui vitales luminis auras
Ioannes , tecti & culmine flamma nitet ;
An nouus in terris hodiè nascetur Iulus ,
Cum radius supero missus ab axe cadat ?
Non venit ille polo demissus , at. undique ,
natum.
Emissus solem nuntiat esse nouum ..*

Ab irruenti Gallorum excitu liberatur à
Virgine ..

*Quis furor in medios te miles , compulit ho-
stes ?*

*Quid cupis armata surripuisse manu ?
Nonne vides plenis volitantia lilia campis ,
Te Gallo cinctum milite nonne vides ?
Verte pedem , fuge bella , fuge ; imo siste pe-
des hic ,
Adstat Virgo ; sub hac Pallade tutus eris .*

EPIGRAMMATA. 67
Libros hostenos donat, inhonesto
adurit.

*Hauferat aethereas Ioannes pectore flamas,
Nec poterat longæ tædiæ ferre moræ;
Protinus ad libros, denudat scrinia, donat
Innocuos, nocuos scindit, & igne cremat.
Ite libri, vestris inueniunt sata corda Camenis
Arsistis, flammæ altera flamma voret.*

Virginis effigies oranti Ioanni se prodit,
cum esset cortinis obleuata.

*Virginei penetrat Ioannes limina templi,
Sollicitas humili fundat ut ore preces,
Pronas in occulta veneratur imagine Diuâ,
Dique se se oculis prodit imago suis,
Quidni siderei pateant tibi culmina templi,
Si tibi terreni panditur ara poli?
Audierat susas veli sub tegmine voces,
Qui sic oraret, Virgo videre cupit.*

Stultum se fingit.

*Omnia commissas vulgat per compita cul-
pas,
Fædæque Ioannes membra volutat humo,
Mox crucis assumpto cætena dat oscula ligno,
Te sic insanum fingere posse putas?
Haud patitur cordi contraria fingere vultum
Dius amor; qui sic desipit, ille sapit.*

Aperto semper capite peregrinatur.

*Turbato præcepit calo seu decedat imber,
Excipiatur albas sordida terra nives;
Seu*

*Seu Boreas fauis conturbet flatibus aethram
 Ioannis velant tegmina nulla caput.
 Non timet irato de missa incommoda celo,
 Intulerat sacrum iam super astra caput.*

Christum infantem humeris gestat.

*Non fat habes leuibus deferri, pupule, ab
 Austris?
 Sufficit Angelicas non tibi adesse manus,
 Quid tibi, Christe, cupis nostras succumbere
 vires,
 Quid toties hominū lāguida colla premis?
 Scilicet astra duos possunt gestanda gygan-
 tes?
 Christus Christophoros optat habere duos.*

Aliud. In idem argumentum.

*Lassantur fractae pueri sub pondere vires,
 Et multus Diui sudor ab ore fluit;
 An leue, Ioannes, reputas deferre puellum;
 Non puer est, humeris quem geris, at
 Deus est;
 Nil labor Herculeus fesso sucredat Atlanti
 Vix calcste senex tollere posset onus;
 Christophori pateris ne vicem? sed maior
 es illo,
 Christophorus trunco nititur, ipse tibi,*

Christi pedes sub specie pauperis lauat.

*Pauperis ut plantas Ioannes proluit unda,
 Defixa in plantis vulnera bina videt;
 Suspicit, & Christū vili sub corpore credēs
 Pro-*

EPIGRAMMATA. 69

*Protinus in flammās cernit abire leues;
 Debueras oculos sacro non figere vultu,
 Si nescis, pro oculis auolat ille tuis.*

Flammās illæsus ingreditur.

*Flamma pias populata domos volitabat, &
 ignis*

*Iactabat rapidos tigna per alta globos;
 Maior in ignito flagrabat pectore feruor,
 Voluebantq; alias æthea corda faces;
 Irruit in flāmas, & flammis extulit agros,
 Sic te, Ioannes, ledere flammā timet?
 Cedat, qui pueros texit Babylonis ab igne,
 Ille Deo similis, totus at iste DEI.*

**B. Virgo Ioanni ante crucifixum oranti
 spineam Christi coronam imponit.**

*Pendent exanimes mēbris stillātibus artus,
 Luget & ad nati calica Virgo pedes;
 Ingreditur tēplū, & sacro sub stipite Diuus
 Deposuit lato pectore plura pati;
 Illicō descendit Virgo, capitiq; precantis
 Quæ Christi cingit tempora, ferta locat.
 Audierat natum iam de Ioanne loquentem
 Virgo sibi, mulier, filius ecce tuus;
 Ioannem ut vidit; quidni daret illa coronā
 Ioanni natum credidit esse suum.*

**Raphaelē Arcangelum habet in Noso-
 comijs administrum.**

*Acstuet impatiens curis lethalibus æget,
 Extremumque trahat febre fructū diē;
 Dum-*

70 EPIGRAMMATA.

Dummodò Ioannes morituro unguenta ministraret,

Integer exiliet, qui prius ager erat.

*Languenti quidni valeat conferre salutem ;
Si Raphael secum est, si medicina Dei ?*

Panem multiplicat.

*Sua fames miseris mordebat viscera, panis
Quemque illis posset tradere, rarus erat.
Paucula collectis Ioannes frustula micis.*

*Diuidit, & Cereris crescere sentit opes ;
Sint nitidis tibi, sponsa, manus repleta hyacinthis,*

Diue, tua est panis munere plena manus.

*Biduum ieiūno tres panes cum amphora
vini deferunt Angeli.*

*Errabat vastis Ioannes deuus agris,
Et longum fessus sollicitabat iter ;
Bis iam Phœbus equos liquidis immerserat undis,*

*Vllum nec cupido sumpserat ore cibum ;
Afferret cum nullus opem, defixit Olympo
Lumina, & æthereo poscit ab axe dapes ;
Ternos inde videt Bacchi cū munere panes,
Hanc tibi, Ioannes mittit olympus opem ;
Gaude, dimidium Paulo Deus ante solebat
Mittere, tu Cereris munera terna capis.*

Nixis genibus occumbit.

*Senserat extrema Diuus properantia vitæ
Stamina, ad æthereos posset ut ire lares.
Desi-*

EPIGRAMMATA. 71

*Disiliens lecto sacra mille oscula figit
 Inde cruci, flexo poplite & emoritur.
 Fastosos deceat stantes occumbere Reges,
 Vir nixis genibus religiosus obit.*

Ad sepulchrum sanantur infirmi.

*Hic ubi flammigeras suspendit lapidas urna
 In paruo magnum clauditur orbe iubar;
 Cernis ut affixis circumdatur illa tabellis,
 Mutaque collatam vota loquuntur opem?
 Nemo hic curuato Ioannem poplite adorat,
 Qui sibi nō modicam dicat adesse manū;
 Hūc cæci, hūc claudi, hūc surdi properate, sa-
 lutem,
 Quam tribuat, clauso à corpore marmor
 habet?
 Ipse lapis traheret functo de corpore vitam,
 Mortua sed reputat claudere membra
 magis.*

*Adhibita domus B. Ioannis humo mulier
 ab ægritudine conualescit.*

*Heu languet mulier, vitā cui fata reposcunt,
 Discedunt oculi, cetera torpor habet:
 Vix lentus tennes absorbet anhelitus auras,
 Mortuaque in viuo corpore spirat adhuc;
 Quem morbum nulla potuere Machaonis
 artes
 Pellere, de collo pendula pellit humus;
 Solus homo primam traxit de pulvere vitā,
 Debuit & vitā scæmina habere ab humo.*

dam miracula

ERONYMI ILIANI

tionis Somaschæ
Fundat.

multiplicat.

*errabant turbatum nu-
um,*

atque albas sordida terra

ili prius abdebatur in

plurima turba cibos;

panis fragmēta Mianus,

manu crescere sentit opē,

longa olim dextera Per-

anus pane Maianus erit.

marmore educit.

minum sitis arida fauces,

ales. petra negabat aquas;

at felici in marmore Chri-

è gelido marmore lympha

et rigidis de rupibus unde ?

at, Christus, qui est petra,

as.

D

Aliud.

*Dū cubat Aemilius scabri sub formice saxi
 Cautes ex oculis imbre cadente rigat :
 Nil mirū reddant latices quòd saxa precāti,
 Quas biberat lacrymas, reddit amica
 filex.*

Claudum facit incedere.

*Oderat Aemilium vesano pectore claudus,
 Rem magnam faceret, si foret ille bonus;
 Laferat innocua maledictis nomina famę,
 Nec linguae poterat ponere tela suę;
 Audit ad Aemilij plures properare cadaver
 Venalesque petit, possit ut ire, manus :
 Deuehitur; functumq; pio veneratus honore
 Corpus, sacratos concidit ante pedes :
 Surge miser; grallas tumulo suspende re-
 lictas,
 Aemilij gressum re docuere pedes.*

Muti linguam soluit.

*Nō poterat mutus claras distinguere voces,
 Faucibus hærebat sed pigra lingua cauis,
 Cū mater cupidis implens pia sidera votis,
 Aemilium nati soluat ut hora, rogat.
 Clara puer subito concepit verba; quid in-
 quit?*

Non loquitur, Diuum prædicat Aemiliū.

Hydrope laborantem sanat.

*Inflabat tumidam matrona hydropisis aluū,
 Totaque siue uterus, siue erat alius uter;
 Concuperet cum semper aquam, vix ebibit
 undam*

Aemi-

*Aemilij , nocuam mox aqua pellit aquā ;
Hec aqua vera fuit ; potanti suscitāt ignem
Illa nouum , veterem discutit ista sitim .*

Sanguinem mulieri sistit .

*Fœmina sāguineā profundit naribus undā ,
Feruida q; immodicis febribus ossa calēt .
Nulla potest fluidum remorari petra cruorē
Totus precipiti flumine sanguis abit ;
Marmoris ut partem tetigit , quo membra
 locabat
Aemilius , febris stante cruore fugit ;
Quid vinctos suluo desertis Iaspidas auro ?
Ecce rudi tactus marmore sanguis abest .*

Mortuum ad vitam reuocat .

*Iam puer aethereas animum exalarat in
 auras ,
Ac dandū tumulo iam breue corpus erat :
Aduenit Aemilius flexo mox poplite cælū
Suspicit , & puerum surgere voce iubet :
Ille resurrexit vitali redditus aure ,
Seq; exinde alium nouit habere patrem .*

In conuiuio lacrimatur .

*Pinguia dum positis sternuntur fercula
 mensis ,
Et sociant lautas mollia vina dapes ;
Assidet Aemilius , sacro mox percitus igne
Exorto madidas proluit imbre genas :
Viderat in cyatho purum bulire falernum ,
Diluat ut vinum , lumine fundit aquas .*

Aliquot Insubriæ Ciuitates Hieronymum Parentem agnoscunt.

V E N E T I A E.

*Vbi colligere cœpit pueros parentibus
orbatos.*

Sannazarium Remondo conciliat.



Vid mea laurigeri stupeant natalia vates?

*Quid surgant cunis iurgia sana
meis?*

*Me probat hic, regnem Venetas quod Virgo
per undas*

*Non posuisse homines, sed posuisse Deos;
Ille canit, maior Venetis ut gloria surgat,*

*Non posuisse Deos, sed posuisse homines;
Tuba file; excisa vity cum mole Mianus*

*Diuina cines innouet arte meos,
Hereat illa tuæ stabilis sententia menti,
Et posuisse homines, & posuisse Deos.*

V I C E N T I A.

*Vbi ciues pietatis exemplo ad pietatem
inflexit.*

Cur ego viniferos iactem Vicentia colles,

Pampineo tollam quid iuga culta Deo?

Pectore si discors medio bacchatur Erynnis,

Mars piter armigera si ferus vrbe furit?

Prelia iam valeant; ponat sacra castra

Mianus,

Christo, quæ suenit vincere, victa cadat.

BR I-

Vbi misericordiæ, quam vocant donum,
erexit.

*Cū mea dulciloquus pervasit tecta Mianus,
Ad cœli tutum pectora flexit iter;
Atria iam surgunt sacras pietatis in ades,
Iam non castra volo, sed pia claustra colo;
Flectere sāguineas nequeat faciūdia mētes?
Ferrea eram, Aemilij cerea fio modis.*

T A R V I S I V M.

Vbi vitæ spiritualis auram in templo Deiparæ Virginis haufit.

*Quis locus æthereis superet mea munera donis?
Quæ gens Taruisi vincere fata queat?
Ipsa fero excepi redeuntē Marte Mianum;
Ipsa renascenti Iuno secunda fui,
Scilicet Insubricas percurrere debuit vrbes
Vrbem pro cunis hinc habuisse decet.*

B E R G O M V M.

Vbi publicas meretrices ad religiosum
conclaue traduxit.

*Fœda lupanatis proculcat limina, turpes
Agnus ut ætherea molliat arte lupas,
Flecteret illecebris genialis turba Mianū,
Terrenum æthereus ni superaret amor.
Ergo suaviloquis demulcens pectora verbis*

78 EPIGRAMMATA.

*Coniungit sponso corda aliena Deo :
Quis canat Aetnaeis deuinctam Cyprida
vinclis ?
En alio melius rete ligata Venus .*

NOVVM COMVM,

Vbi ciues ad nouos mores animauit .

*Quinque colonorum dederit quod millia
Caesar
A Como Comum nuncupar vrbe nouum.
Heu senui in vitijs , longosque in crimine
soles
Praterij; melius dicerer esse vetus .
At dum diuini spargit pia semina verbi
Aemilius , primos cogit & ire dies :
Felix orta meo Phoenix rediuiua sepulchro
Non Comum esse vetus dicor , at esse
nouum .*

P A P I A .

Vbi pium Columbinæ locum excitauit .

*Ille ego priscorum sedes clarissima regum ,
Nobile & altiloquæ Palladis hospitium .
Heu quot claudio meis inopes in mœnibus .
eheu
Deseruit priscos regia gazalares :
Dum tamen Aemilius languentes stipat
egenos ,
Et media viles incolit vrbe casas .
Maius sumo decus, coluerunt mœnia reges ,
At modò me Pietas , me deus ipse colit .
ME-*

MEDIOLANVM.

Vbi aurum à Franciſco Sfortia Duce miſ-
ſum repudiavit.

*Divitiis opulenta meas ſuper aſtra fere-
bam,*

Iactabam rutilas ambitioſa domos:

Urbis cum ſubiit tennes Hieronymus ades,

Excelſoque meas, pectore ſpreuit, opes:

*Auri ſacra famas hominum quod pectora
cogit?*

En auri Aemilius neſcit habere famem.



S. Crux arbori aheneæ in templo Salomonis confertur ..

*Arbor in excelsis Salomonis aheneæ tēplo
Stabat, & e medio vena fluebat aqua;
Nonne refert fontem, medio quæ pectore
Christi.*

*In trifida erumpit sanguinis unda trabe?
'Arboris' illa omnes pellebat lymphæ do-
lores,*

Dic, Lōgine crucis quid iuuat iste cruor?

De Beato Ioanne Dei ..

Super domum nascentis radius affulget ..

Prodit ad occidui vitales luminis auras

*Ioannes, tecti & culmine flamma nitet;
An nouus in terris hodiè nascetur Iulus,*

*Cum radius supero missus ab axe cadat?
Non venit ille polo demissus, at undique,
natum.*

Emissus solem nuntiat esse nouum ..

*Ab irruenti Gallorum excitu liberatur à
Virgine ..*

*Quis furor in medios te miles, compulit ho-
stes?*

*Quid cupis armata surripuisse manu?
Nonne vides plenis volitantia lilia campis,
Te Gallo cinctum milite nonne vides?
Verte pedem, fuge bella, fuge; imo siste pe-
des hic,*

Adstat Virgo; sub hac Pallade tutus eris.

Li-

Libros hostenos donat, inhonesto adurit.

*Hauferat athereas Ioannes pectore flamas,
Nec poterat longa tedia ferre mora;
Protinus ad libros, denudat scrinia, donat
Innocuos, nocuos scindit, & igne cremat.
Ite libri, vestris inueni sat corda Camenis
Arsistis, flammis altera flamma voret.*

Virginis effigies oranti Ioanni se prodit,
cum esset cortinis obleuata.

*Virginei penetrat Ioannes limina templi,
Sollicitas humili fundat ut ore preces,
Pronas in occulta veneratur imagine Diuā,
Dique se se oculis prodit imago suis,
Quidni siderei pateant tibi culmina templi,
Si tibi terreni panditur ara poli?
Audierat fusas veli sub tegmine voces,
Qui sic oraret, Virgo videre cupit.*

Stultum se fingit.

Omnia commissas vulgat per compita culpas,

*Fedaque Ioannes membra volutat humo,
Mox crucis assupto cetera dat oscula ligno,
Te sic insanum fingere posse putas?
Haud patitur cordi contraria fingere vultu
Dius amor; qui sic desipit, ille sapit.*

Aperto semper capite peregrinatur.

*Turbato praeceps calo seu decidat imber,
Excipiat albas sordida terra nives;*

Sen.

*Seu Boreas sauis conturbet flatibus aethram
Ioannis velant tegmina nulla caput.*

*Non timet irato de missa incommoda caelo,
Intulerat sacrum iam super astra caput.*

Christum infantem humeris gestat.

*Non fat habes tenuibus deferri, pupule, ab
Austris?*

*Sufficit Angelicas non tibi adesse manus,
Quid tibi, Christe, cupis nostras succumbere
vires,*

*Quid toties hominū lāguida colla premis?
Scilicet astra duos poscunt gestanda gygan-
tes?*

Christus Christophoros optat habere duos.

Aliud. In idem argumentum.

*Lassantur fracta pueri sub pondere vires,
Et multus Diui sudor ab ore fluit;*

*An leue, Ioannes, reputas deferre puellum;
Non puer est, humeris quem geris, at
Deus est;*

*Nil labor Hercules fesso succedat Atlanti
Vix calcste senex tollere posset onus;
Christophori pateris ne vicem? sed maior
es illo,*

Christophorus trunco nititur, ipse tibi,

Christi pedes sub specie pauperis lauat.

*Pauperis ut plantas Ioannes proluit unda,
Defixa in plantis vulnera bina videt;
Suspicit, & Christū vili sub corpore credēs
Pro-*

EPIGRAMMATA. 69

*Protinus in flammis cernit abire leues;
Debueras oculos sacro non figere vultu,
Si nescis, pro oculis auolat ille tuis.*

Flammis illæsus ingreditur.

*Flamma pias populata domos volitabat, &
ignis*

*Iactabat rapidos tigna per alta globos;
Maior in ignito flagrabat pectore feruor,
Voluebantq; alias æthea corda faces;
Irruit in flāmas, & flammis extulit agros,
Sic te, Ioannes, ledere flammæ timet?
Cedat, qui pueros texit Babylonis ab igne,
Ille Deo similis, totus at iste DEI.*

B. Virgo Ioanni ante crucifixum oranti
spineam Christi coronam imponit.

*Pendent exanimes mēbris stillātibus artus,
Luget & ad nati calica Virgo pedes;
Ingreditur tēplū, & sacro sub stipite Diuus
Deposuit lato pectore plura pati;
Illic descendit Virgo, capitiq; precantis
Quæ Christi cingūt tempora, ferta locat.
Audierat natum iam de Ioanne loquentem
Virgo sibi, mulier, filius ecce tuus;
Ioannem ut vidit; quidni daret illa coronā
Ioanni natum credidit esse suum.*

Raphaelem Arcangelum habet in No-
comijs administrum.

*Æstuet impatiens curis lethalibus æget,
Extremumque trahat febre fructu e diē;
Dum-*

70 EPIGRAMMATA.

*Dummodo Ioannes morituro unguenta mi-
nistret,
Integer exiliet, qui prius ager erat.
Languenti quidni valeat conferre salutem;
Si Raphael secum est, si medicina Dei?*

Panem multiplicat.

*Saua fames miseris mordebat viscera, panis
Quemque illis posset tradere, rarus erat.
Paucula collectis Ioannes frustula micis.
Diuidit, & Cereris crescere sentit opes;
Sint nitidis tibi, sponsa, manus repleta hya-
cintus,
Dine, tua est panis munere plena manus.*

Biduum ieiuno tres panes cum amphora
vini deferunt Angeli.

*Errabat vastis Ioannes deuus agris,
Et longum fessus sollicitabat iter;
Bis iam Phœbus equos liquidis immerferat
vndis,
Vllum nec cupido sumpserat ore cibum;
Afferret cum nullus opem, defixit Olympo
Lumina, & æthereo poscit ab axe dapes;
Ternos inde videt Bacchi cū munere panes,
Hanc tibi, Ioannes mittit olympus opem;
Gaude, dimidium Paulo Deus ante solebat
Mittere, tu Cereris munera terna capis.*

Nixis genibus occumbit.

*Senferat extrema Diuus properantia vitæ
Stamina, ad æthereos posset ut ire lares.
Desi-*

EPIGRAMMATA. 71

*D'siliens lecto sacra mille oscula figit
Inde cruci, flexo poplite & emoritur.
Fastosos deceat stantes occumbere Reges;
Vir nixis genibus religiosus obit.*

Ad sepulchrum sanantur infirmi.

*Hic ubi flāmigeras suspendit lāpadas urna
In paruo magnum clauditur orbe iubar;
Cernis ut affixis circumdatur illa tabellis,
Mutaque collatam vota loquūtur opem?
Nemo hic curuato Ioannem poplite adorat,
Qui sibi nō modicam dicat adesse manū;
Hūc cæci, hūc claudi, hūc surdi properate, sal-
lutem,
Quam tribuat, clauso à corpore marmor
habet?
Ipse lapis traheret functo de corpore vitam,
Mortua sed reputat claudere membra
magis.*

*Adhibita domus B. Ioannis humo mulier
ab ægritudine conualescit.*

*Heu languet mulier, vitā cui fata reposcūt,
Discedunt oculi, cetera torpor habet:
Vix lentus tenues absorbet anhelitus auras,
Mortuaque in viuo corpore spirat adhuc;
Quem morbum nulla potuere Machaonis
artes
Pellere, de collo pendula pellit humus;
Solutus homo primam traxit de pulvere vitā;
Debuit & vitā sœmina habere ab humo.*

*Œtauum rutilans Latona recurrit ad orbẽ,
Ex quo foemineo fistula crure tumet;
Sydera sollicitat, Ioannem voce fatigat,
Exilit & plagis foemina sana suis;
Non poterat Deus haud voces audire pre-
cantis,
Os aperit duplex, duplicat inde preces.*

Mulier tacto B. Ioannis baculo parit.

*Non poterat clauso conceptũ viscere pignus
Edere, crudeli tactu dolore parens;
Ioannis tangit baculum, mox fisa tonanti
Obscuro ventris carcere reddit onus;
Quis non obstupeat virgæ miracula? flores
Nō dedit, & fructũ reddere virga potest.*

Cacæ puellæ dat lucem.

*Perdiderat lucem lucis pupilla paterne,
Vnica lux, patris pupula, matris amor;
Ipsa dies tenebris obscurior esse putatur
Nocturnis, tenebras orba puella facit?
Ioannes restincta refert in lumina lucem,
Et nouus irradiat tristia tecta dies;
Pro caca haud decuit miseros lugere paren-
tes;
Facta est calitibus notior orba procis.*



B. HIERONYMI

ÆMILIANI

Congregationis Somaſchæ
Fundat.

Panem multiplicat.



*Aeca pererrabant turbatum nu-
bila celum,
Pandeſbatque albas ſordida terra
niues ;*

*Parca Ceres ſterili prius abdebatur in
arca ,*

*Poſcebatque ſuos plurima turba cibos ;
Proijcit in gremiũ panis fragmẽta Mianus,
Triticeamque manu crefcere ſentit opẽ ,
Longimanum fecit longa olim dextera Per-
ſam ,*

Aucto Largimanus pane Maianus erit .

Aquam è marmore educit .

Vrebat ſiccas hominum ſitis arida fauces ,

*Duraque fontales petra negabat aquas ;
Inſculptum rogitat felici in marmore Chri-
ſtum ,*

*Limpida , & è gelido marmore lympha
venit :*

*Quidni diſſluerẽt rigidis de rupibus unda ?
Chriſtum orat , Chriſtus , qui eſt petra ,
mittit aquas .*

D

Aliud.

*Dū cubat Aemilius scabri sub formice saxi
 Cautes ex oculis imbre cadente rigat :
 Nil mirū reddant latices quòd saxa precāti,
 Quas biberat lacrymas, reddit amica
 filix.*

Claudum facit incedere.

*Oderat Aemilium vesano pectore claudus,
 Rem magnam faceret, si foret ille bonus;
 Laferat innocua maledictis nomina fame,
 Nec lingua poterat ponere tela suae;
 Audit ad Aemilij plures properare cadauer
 Venalesque petit, possit ut ire, manus :
 Deuehitur; functumq; pio veneratus honore
 Corpus, sacratos concidit ante pedes :
 Surge miser; grallas tumulo suspende re-
 lictas,
 Aemilij gressum re docuere pedes.*

Muti linguam soluit.

*Nō poterat mutus claras distinguere voces,
 Faucibus harebat sed pigra lingua canis,
 Cū mater cupidis implens pia sidera votis,
 Aemilium nati soluat ut hora, rogat.
 Clara puer subito concepit verba; quid in-
 quit?*

Non loquitur, Diuum predicat Aemiliū.

Hydrope laborantem sanat.

*Inflabat tumidam matrona hydropisis aluū,
 Totaque siue uterus, siue erat aluus uter;
 Concuperet cum semper aquam, vix ebibit
 undam*

Aemi-

EPIGRAMMATA. 75

*Aemily, nocuam mox aqua pellit aquā;
Hæc aqua vera fuit; potanti suscitatur ignem
Illa nouum, veterem discutit ista sitim.*

Sanguinem mulieri sistit.

*Fœmina sāguineā profundit naribus undā,
Feruida; immodicis febribus ossa calēt.
Nulla potest fluidum remorari petra cruorē
Totus præcipiti flumine sanguis abit;
Mar moris ut partem tetigit, quo membra
locabat
Aemilius, febris stante cruore fugit;
Quid victos suluo desertis Iaspidas auro?
Ecce rudi tactus marmore sanguis abest.*

Mortuum ad vitam reuocat.

*Iam puer æthereas animum exalarat in
auras,
Ac dandū tumulo iam breue corpus erat:
Aduenit Aemilius flexo mox poplite cælū
Suspicit, & puerum surgere voce inbet:
Ille resurrexit vitali redditus auræ,
Seq; exinde alium nouit habere patrem.*

In conuiuio lacrimatur.

*Pingua dum positis sternuntur fercula
mensis,
Et sociant lautas mollia vina dapes;
Assidet Aemilius, sacro mox percitus igne
Exorto madidas proluuit imbregenas:
Viderat in cyatho purum bulire falernum,
Diluat ut vinum, lumine fundit aquas.*

Aliquot Insubriae Ciuitates Hieronymum Parentem agnoscunt.

VENETIAE.

*Vbi colligere coepit pueros parentibus
orbatos.*

Sannazarium Remondo conciliat.



Vid mea laurigeri stupeant natalia vates?

*Quid surgant cunis iurgia saeva
meis?*

*Me probat hic, regnem Venetas quod Virgo
per undas*

*Non posuisse homines, sed posuisse Deos;
Ille canit, maior Venetis ut gloria surgat,*

*Non posuisse Deos, sed posuisse homines;
Tuba file; excisa vitij cum mole Mianus*

*Diuina cines innouet arte meos,
Hecreat illa tuae stabilis sententia menti,*

Et posuisse homines, & posuisse Deos.

VICENTIA.

*Vbi ciues pietatis exemplo ad pietatem
inflexit.*

Cur ego viniferos iactem Vicentia colles,

Pampineo tollam quid iuga culta Deo?

Pectore si discors medio bacchatur Erynnis,

Mars piter armigera si ferus urbe furit?

Prelia iam valeant; ponat sacra castra

Mianus,

Christo, qua suenit vincere, victa cadat.

BR I-

Vbi misericordiæ, quam vocant domum;
erexit.

*Cū mea dulciloquus peruasit tecta Mianus;
Ad cœli tutum pectora flexit iter;
Atria iam surgunt sacras pietatis in ades,
Iam non castra volo, sed pia claustra colo;
Flectere sāguineas nequeat faciūdia mētes?
Ferrea eram, Aemilij cerea fio modis.*

T A R V I S I V M.

Vbi vitæ spiritualis auram in templo Deiparæ Virginis hausit.

*Quis locus æthereis superet mea munera
donis?
Quæ gens Taruifi vincere fata queat?
Ipsa fero excepire deuntē Marte Mianum;
Ipsa renascenti Iuno secunda fui,
Scilicet Insubricas percurrere debuit vrbes
Vrbem pro cunis hinc habuisse decet.*

B E R G O M V M.

Vbi publicas meretrices ad religiosum
conclaue traduxit.

*Fœda lupanatis proculcat limina, turpes
Agnus ut ætherea molliat arte lupas,
Flecteret illecebris genialis turba Mianū,
Terrenum æthereus ni superaret amor.
Ergo suauiloquis demulcens pectora verbis*

Coniungit sponso corda aliena Deo :

*Quis canat Aetnaeis deuinctam Cyprida
vinclis ?*

En alio melius rete ligata Venus .

NOVVM COMVM,

Vbi ciues ad nouos mores animauit .

*Quinque colonorum dederit quod millia
Caesar*

*A Como Comum nuncupar vrbe nouum.
Heu senui in vitijs , longosque in crimine
soles*

*Praterij; melius dicerer esse vetus .
At dum diuini spargit pia semina verbi
Aemilius , primos cogit & ire dies :
Felix orta meo Phoenix rediuna sepulchro
Non Comum esse vetus dicor , at esse
nouum .*

P A P I A .

Vbi pium Columbinæ locum excitauit .

*Ille ego priscorum sedes clarissima regum ,
Nobile & altiloque Palladis hospitium .
Heu quot claudio meis inopes in mœnibus .
eheu*

*Deseruit priscos regia gaza lares :
Dum tamen Aemilius languentes stipat
egenos ,*

*Et media viles incolit vrbe casas .
Maius sumo decus, coluerunt mœnia reges ,
At modò me Pietas , me deus ipse colit .*

M E .

MEDIOLANVM.

Vbi aurum à Franciſco Sfortia Duce miſ-
ſum repudiavit.

*Divitiis opulenta meas ſuper aſtra fere-
bam,*

Iactabam rutilas ambitioſa domos:

Urbis cum ſubijt tenues Hieronymus ades,

Excelfoque meas, pectore ſpreuit, opes:

*Auri ſacra fames hominum quod pectora
cogit?*

En auri Aemilius nescit habere famem.



D V O D E C I M SVETONII CÆSARES

Epigrammatis illustrati,

C. IVLIVS CAESAR.

Animaduersa apud Herculis templum
Magni Alexandri imagine ingemuit,
& maiorum rerum occasiones
captare cepit.

Vidit in Herculeæ Pellæ Iulius ade
Principis effigiem; vidit, & inge-
muit,

Hic, ait, hic iuuenis domitum sibi subdidit
orbem,

Ipse vir ignoto deses in orbe moror?

*Arma mihi, tractanda mihi date bella Qui-
rites;*

Romano subdam barbara colla iugo.

*Si sciret, procul à patria non quæreret ho-
stem,*

Maior Roma alijs hostibus hostis erit.

Capite detecto præcedit exercitum.

Seu sol æstiuo radios iaculetur olympo;

Seu niger hybernis ingruat imber aquis:

Agmen inoffenso præcedit vertice Caesar,

Calica nudatum nec timet arma caput.

*Quenam te posthæc offendent tela? proba-
tum*

Ad celi corpus vulnera, Caesar, habes.

In

In ancipiti pugna equos dimittit, ne milites fugiant.

Effera dum versat dubius certamina Ma-
uors,

Et victuro anceps pendet ab ense decus;
Cesar equos mittit, pedibusque laceffere
pugnam.

Cogit, & ipse pedes primus in arma ruit:
Quidni persequeris positâ post terga salutē;
Non potes instantis robora ferre ducis.
Quadrupedes habeant pauidi; dum Caesar
in armis.

Feruet, vult socijs quattuor esse manus.

Inclinatam aciem solus quandoque
restituit.

Hostica Romulides metuebant signa cohör-
tes,

Vnaque erat timidis vertere terga salutē:
Solus in aduersos raptò mucrone maniplos
It Caesar; quanam vos fuga cepit? ait.
Ferte aquilas, conferte pedem, distringite
ferrum,

Vos inimica premunt agmina? Caesar adest.

C. Oppio ægroto lectum cessit, ipse humi
sub die recubuit.

Lustra per, & sylua; errabat Caesar, amicū
Cum videt urgenti succubuisse malo,
Vnum erat, vnius caperet quod membra, cu-
bile,

Copia Apollinei nulla medentis erat.

*Oppius in lecto decumbit, sub Ioue Caesar.
Febribus hic senis, alter amore calet.*

Flumina traiecit inflatis vtribus.

*Possit ut hostiles Caesar perstringere tur-
mas,*

*Terrarum haud peragrat ingera, sorbet
iter,*

*Turgida si celerem remorentur flumina
cursum,*

Inflato liquidas traiecit utre vias.

Si nando Caesar madidos lassaueris artus,

Indumenta potes pandere, ventus adest.

*Per stationes hostium Gallico habitu pe-
netrauit ad suos.*

Longinquas Caesar terras subigebat, inaudit

Cum sua braccatos cingere castra duces.

Protinus afflictas hostis ne poterat arces,

Sollicitis properat tradere rebus opem.

Sumit, Gallorum mētibus corpora, braccas,

Militis & ficto decipit arma dolo.

Excipitur notis ignotus ab hostibus hostis,

Nullaq; sic vaser est, causa timoris adest;

Dumq; potest, noctu castris elapsus, & hoste

Deluso, ad trepidos dux venit ille suos:

Inuictus veris fuerit dux Caesar in armis,

Fortior assumpto militis ore fuit.

Pronus in libidines fuit.

Pronum te in Venerem fuisse dicunt.

Maternum à Venere ortū habere dicas.

Equum

Equum habuit pedibus propè humanis insignem, nec patientem sessoris alterius.

*Hinnit, ubi rauco strepuerunt cornua cantu,
Strenuus & Martè Caesaris optat equus:
Non illi solido distenditur ungula gyro,
Sed velut humanos scinditur in digitos:
Audaci nullum patitur considerare dorso,
Solut equi Caesar frena tenere potest.
Bucephalum nostro cessent cōponere vates;
Hic homini similis fingitur, ille boui.*

Gladio, & calamo ambidexter.

Non sat erat, Caesar, ferro superasse tyrannos,

Vt tibi perpetuum nomen in orbe foret?

Quid pergis victas à te narrare phalanges?

Præter mucronem, tingere cur calamum?

Palmas fortè tuas melior scripsisset Homerus:

Laudatorem operis non decet esse sui.

Scilicet hoc alios voluisti vincere reges,

Bellarunt alij, tu tua gesta canis.

*Nando læuam efferebat, ne Commentarij,
quos tenebat, maderent.*

Hostiles vitare manus dum Caesar anhelat,

E cymba medias desilit inter aquas;

Innatat auxilio dextra, læuæque libellos

Sustinet, excellens utraque præstat opus.

Cæsareæ aut timuit Neptunus verbera dextre,

Credidit aut leges tradere velle mari.

Prolapsus è naui in continentem, Teneo
te, inquit, Africa.

*Africate teneo, dixit, cum lapsus ab undis
Perculit, effuso corpore, Caesar humum;
Ut libet, augurium in melius conuerte, ca-
dentem.*

Africa te, Caesar; sed magis ipsa tenet.

Admotum sæpius cæpiti suo diadema re-
pulit, ac Ioui misit.

*Aufonia Caesar regnare affectat in vrbe;
Sed regale dari nomen ab vrbe vetat.
Regia dum capiti desertur fascia, crines
Cingeret, at magno mittitur illa Ioui.
Quantis iactatur regnandi insania curis?
Pectore quot fluctus ambitiosus agit?
Dum regnare cupis, nec vis regnare, ligaret
Non sanum melius fascia spreta caput.*

Lauream coronam perpetuò gestabat.

*Accumulant tumido Patres dum Cesari
honores,
Nullus ei gratus esse videtur honos;
Perpetuò gestanda datur dum laurea, cunctis
Gratior est donis laurea; caluus erat.*

Cum victimæ cor defuisset, pro ostento
non duxit.

*Victima inherēbat sacris, cum vidit aruspex
Mactatam solito corde carere feram..
Nuntiat heu quanto infelix hostia casus?
Gran-*

EPIGRAMMATA. 85

*Græde aliquod poscit signa per ista Deus:
Irrisit Caesar, careat si corde, quid, inquit,
Quid refert? sat erit, me cor habere ducē.*

*Cum immolanti diffugisset hostia, nihil
deterritus bellum contra Iubam
promouit.*

*Sistitur infelix ardentem victima ad aras;
Tutaque delusos effugit ante Deos.
Obstupuit, steteruntque comæ, præfagia va-
tes*

*Dum videt, atque Iubæ bella timenda mo-
net:*

*Impavidus metuenda tamen certamina Cæ-
sar*

*Negligit, & timidos cogit in arma daces:
Maeste animo, Caesar, fugiat licet hostia sæ-
cris,*

Quis scit, an hostilem nuntiet illa fugam?

*Dum cœnaret, finem vitæ commodissi-
mum reputauit inopinatum, ac
repentinum.*

*Pingua dum poscunt hilarem conuiuia vitæ,
De mæsto Cæsar funere verba facit.*

*Improbat, egrotos quæ sensim repit in artus:
Quæ rapit incolumem mors, inopina pla-
cet.*

*Ne timeas propere morieris funere; plures
Per plagas, animam funderè Roma dabit.*

86 EPIGRAMMATA.

Ante mortem sibi visus est in somnijs supra nubes volitare, & cum Ioue dextras iungere.

*Quis neget è calis descendere somnia, certâ
Cum sæpè inueniât somnia nostra fidem?
Iulius est superas sibi visus surgere in arces,
Atque Ioui extensas iungere sæpè manus.
Cum Ioue diuisum imperium olim Caesar
habebat,
Calica terreno iungere regna cupit.*

Cum se strictis pugionibus peti animadu-
uerteret, toga caput obuoluit.

*Integra dum Caesar pleno dat iura Senatu,
Negligit & mortis præuia signa sua..
Consurgunt strictis diri pugionibus hostes &
Nec pudet affines tingere cade manus.
Non timuit Caesar, vestis sed tegmine vultû
Condidit, haud poterat grande videre
scelus..*

Curiam, in qua occisus est, obstrui
placuit.

*Luctum, Casare mortuo. Quirites
Indicunt, patriæ parentis atrox
Ut funus celebrent, rogo vorandas
Congessit paleas caterna plebis,
Promptas artifices scidere vestes,
Processit viduo latina cultu
Matrona, Isacida frequenter ipsi
Flentes ad vetitum steterè bustum -
Et ne perpetuus deesset ultor*

Con-

EPIGRAMMATA. 87

*Consensu populi, patrumque iussit
 Occludi illicò curiam Senatus.
 Quid tanto scèleri medela prodest?
 Quid sacrū obstruitis locum, Quirites?
 Ne crimen penetrare in cor ullum,
 Cines claudere corda debuissent.*

*Illo mortuo stella crinita per septem dies
 continuos fulsit.*

*Stella vagū crinita caput, dū Caesar obiit;
 Porrexit radians sole micante iubar:
 Fortè noua cælum comitatur lāpades funus,
 Aut luctum cæli sanguine tincta notat:
 An magè, Roma, tuus delapsus Caesar,
 Olympo
 Ad cognata sibi mortuus astra redit?*

De eodem argumento.

Aliud.

*Cæsaris Augustus celebrat cū funera ludis;
 Ecce repentinum sidus in axe micat:
 Fortassis voluit fatuos deludere vates,
 Dicere qui mortem regibus astra putant.
 Innocua haud signāt morituros fidera reges:
 Cæsare defuncto, stella comata venit.*

Pater patriæ dictus est.

*Vix coniurata repetito vulnere dextra,
 Cæsaream indigna cade bibere necem.
 Cum spreuere hilari matrona incedere cul-
 ta,*

De-

88 EPIGRAMMATA.

*Defluere Patres funera, fleuit eques,
Erexit mœrens sublimem Roma colum-*
nam,

Et fassa est Patria, marmore teste, Pa-
trēm.

*Debuerat celare scelus: dum talia scribit,
Aggravat indignum nescia Roma scelus.*



89

OCTAVIUS AVGVSTVS
C Æ S A R.

Mater eius Accia somniauit intestina sua
ferri ad sidera ; Pater eius Octavius
ex utero coniugis iubar solis
exortum.

P Rob quanta effudit incundo gaudia vul-
tu ,
Accia, cum tumidus pignore venter erat:
Vidit enim somnum capiens sua viscera ad
æthram
Deferri, & cali septa per ampla trahi ;
Pandite fatidici quid signent somnia vates,
Qui fluet è matris viscere, qualis erit ?
Exponenda alijs si sunt insomnia somnijs,
Sol erit; en solem somniat esse pater .

Vespere infantem cunis reposuit nutrix,
mane in turri reperit contra solis
exortum.

Vespere condiderat teneris nutricula cunis ;
In pueri ut caderet luminabina sopor ;
Mane volens alijs vigilantem inuoluere
pannis ,
Deposito vacuum repperit effectorum .
Conscendit turrim, hic solem expectabat
alumnus ,
Ut rutilum viridi tolleret amne caput .
Sol tardabat equos , roseoque pudore rube-
bat ;
Natum quod solem cerneret esse alium .
Cum

Cum primum loqui cepit, ranas sile-
re iussit.

*Rana coaxabat limoso in gurgite, blandis
Cum tereret plantis florea prætata puer.
Audiit attonitus rauco stridore strepentem,
Et subito mutam præcipit esse feram,
Res mira; hæc tacuit, reliquæ sunt iussa se-
cuta,
Facta est amisso marmure muta palus.*

Deambulant in litore piscis ad pe-
des iacuit.

*Pompeius Siculas vexabat nauibus oras,
Nescius imperij ponere iura sui;
Cum parat Augustus ponto committere classem,
Et freta nauali sollicitare tuba.
Vixque pedem sicco defigit litore, piscis
Cum saliens medijs prodiit vltus aquis.
Pandere vela potes; spondet Neptunus ho-
nore;*
Nuntius ecce tuos mittitur ante pedes.

Aquilifero legionis suæ grauiter saucio,
Aquilam humeris subiit, diuque
portauit.

*Aspera coniunctis feruebat pugna manipulis,
Ictus cum diro signifer ense cadit;
Non tulit Augustus Romana signa cohortis
Horrida in hostiles cede venire manus;
Sed curuans humeros aquila perrexit in
hostem,
Stætia nã poterat signa probare Ducem.*

Bru-

Bruti caput Romam mittit, ut statuae Ca-
saris submittatur.

*Humano saevas desistite sanguine dextas
Imbuere, ense alium qui ferit, ense perit.
Ausus in agnatum patriae cōsurgere patrem
Augusto Brutus sceptrā tenente cadit.
Et qui viventi submittere colla negarat,
Mortui ad effigiem projicit ecce caput:
Cesareiq; basim dum tentat vertere regni,
Cesareae statuae cogitur esse basis.*

Corpus Alexandri, corona aurea imposi-
ta, ac floribus aspersis, de sepulchro
veneratus est.

*Tollite marmoreum Pario de pegmate cul-
men,
Ut pateant oculis ossa sepulta meis;
Iste ne Alexāder, rerū qui pōdere Magnus,
Audit, & totus quo minor orbis erat?
Vnus Pelleum iuvenem non ceperat orbis,
Et modò defunctum tā brevis urna capit?
Sistite, me Augustū Romana dicere gentes:
Pro Augusto Augustus dicier inde volo.*

Nocturno tempore lecticam eius fulgur
perstrinxit.

*Effrenate negas stolidis quid Cantaber ausis
Accipere Ausonij regia iura ducis?
En venit innumeras ducēs ad bella cohortes,
Et ferro, & flammis te, tua regna dabit;
Nō metuis iusta metuēda incēdia pugna?
Irato en minitans fulgor ab axe preit.
Urbe*

Vrbe Apollonia reuertenti circulus ad speciem
cælestis arcus. super caput
affulsit.

*Dū remeas, Auguste, tuā successor in urbē,
Circulus aërio cingit in axe caput.
Scilicet extincto veniebas Casare Romam;
Circulus in regem te redimire cupit.*

Primo consulatu augurium petenti, duodecim se vultures, vt Romulo, obtulerunt; & in illud eiusdem, Urbem lateritiam reperi, relinquo marmorea.

*Ne timeas, Caesar, meritos tibi patria fasces
Deferet, & tinget murice Roma togam;
Aspice vulturios: bis seno en agmine currūt,
Et commune tibi Romulus omen habet;
Coctilibus primus fundauit Romulus urbē,
Qui Romā condāt marmore, primus eris.*

Sub habitu Apollinis cænæ assidet.

*Sternite secundas spatiosa per atria menses,
E celo lapsos excipit aula Deos;
Huc iam torquatas egit Cytherea columbas,
Hic cū Gorgoneo crine Minerva sedet:
Inuida sceptriferum comitata est Iuno maritum,
Ipseque sub Phœbi syrmate Caesar adest.
Nil mirum pane, & vino si Roma labores,
Quanti sit, ne scis, pascere velle deos.*

Aquila prandenti panem rapuit, ac reddi-
dit. Antithesis ad Epigramma
celebris poetæ.

*Dum patulis, Cæsar, celebras cōiunia syluis,
Ecce Iouis præpes surripit, ungue dapes;
Ab Ioue consuerat diuisam sumere mensā,
Te similem cernens credidit esse Iouem.
Quin negat esse Iouem; ambrosiam nam pa-
sta supernis
In mensis, panem nauseat illa tuum.*

*Dum ludos celebrat, laxatis sellæ compa-
gibus cadit supinus.*

*Ibat, ut inselitos Marcelli in puluere ludos
Augustus populo conspiciente daret;
Stridula sollicitat veloces plaustriungales,
Plenaque confusis feruet arena viris;
Decubitur sella Cæsar, lorisque solutis
Subiectam pulsat semisupinus humum;
Quid magè ridiculos optat inducere ludos?
Ridiculum ludum dum cadis, ipse facis.*

*Audita Variana clade caput foribus
illisit.*

*Audit, ut Aufonias Germana per arua
phalanges
Sub Duce Quintilio succubuisse neci;
Percitus insanas exardet Cæsar in iras;
Duraque squalenti limina fronte petit:
Quid frōtē iactare iuuat? ni perdere velles,
Debebas aliud mittere in arma caput.*

94 EPIGRAMMATA.
Dum Pater patriæ dicitur, lacrymatur.

Suscipe, quos mittit titulos, Auguste, senatus;

*Te saluere iubet Roma patrem patriæ.
Nō tibi tot vecti in Capitolia celsa triūphi,
Non tibi tot victi, Marte furente, duces:
Non tantū decoris mūdo data iura tulerunt.
Quid rigat humentes deflua gutta genas;
Scilicet aut luxit, pro parte fuisse tyrānum,
Aut lacrymæ Romam parturientis erāt.*

*Certo die quot annis sub habitu pauperis
stipem mendicat.*

*Vineat ut iratā Nemesis, sub paupere cultu
Pro modico extensas porrigit asse manus:
Incerta metuit Cæsar ludibria sortis,
Incipere hic mauult sapius esse miser.*

*Epistolas Sphingis imagine signare
solebat.*

*Clausā peregrinas excurrit epistola terras,
Et petit ignotas nuntia facta manus;
Inuia mortali custodit symbola menti,
Et ne cernantur condita, sphinge premit.
Sit secreta licet; recipis quicunq; papyrus
Nī capis, en Sphingem, quæ tibi pandat,
habet.*

*Oculos habuit adēd nitidos, ut intuitum
prohiberet.*

*Exerit ardentes bino de lumine flammæ,
In-*

ÉPIGRAMMATA. 95

*Inque oculis oculos sistere nemo potest.
Nocturnas, Auguste, potes pulsare tenebras,
Regia sic gemino, frons tua sole nitet ;
Solares oculis radios tibi, Caesar, inesse,
Qui te non audet cernere, testis erit.*

*In morbo delirans, se à quadraginta iuue-
nibus abripi dicebat.*

*Postremas moriens trahebat horas
Præsentî sibi mente Caesar, unum
Ostendit specimen phrenesis in se
Nam somno pauesactus à relicto
Quadraginta humeris rapi dolebat :
Quis deliria mentis ista dicat ?
Caesar vaticinatus est futurum,
Defunctum totidem extulere serui.*

*Morti proximus comam sibi pecti
postulauit.*

*Ultima producit vitæ spiramina Caesar,
Et secto pecti vult elephante comas ;
Scilicet extremū cū claudere debeat actum,
Prodire incomptis criminibus haud voluit.*



CLAVDIVS TIBERIVS

C A E S A R .

In aquas Aponi talos iaciens, augurium
capturus, vidit numerum senarium
Veneris extaret.

Regnandi cupidus Patauina Tiberius
arua
Venerat, ex Aponi cū petit omen aquis;
Proijcit auratos stagnantia in aquora talos,
Qui Veneris medio signa dedere lacu.
Regna Venus promittit, aquis licet obruta,
Caesar
Cum fuerit, Veneres proferet ille novas.

Aquila nunquā anteā Rhodi conspecta
in culmine domus eius affedit.

Quò petit altisoni præpes regina tonantis,
Quidue per ignotas cernitur ire plagas?
Desine fatorum scrutari arcana, Tiberi,
Romani imperij hæc omina certa cape:
Te querit volucris Rhodiā defessa per urbē,
Ecce tua tandem confidet illa domo.

Vestimenta mutanti tunica ardere
visa est.

Exue sollicitam turbato pectore mentem
Claudi, defuncto Cesare, Caesar eris;
Transfer priuatas in regia vellera vestes,
En tunicas saluo corpore flamma vorat.
De-

Deferentibus Imperium, Nescitis, inquit,
 quanta bellua sit imperium.

*Imperium caperet, vita nisi fata timeret.
 Hinc vocat ambitio, detrahit inde timor;
 Quanta sit Imperium nescitis bellua, dixit;
 Romula quam cuperem sceptrum tenere,
 tacet;
 Te cupere imperium credo iam nosse, fu-
 turum
 O te utinam scirent belluam in imperio.
 Pati non poterat adulantes, cum ipse ma-
 ximè adularetur.*

*Abeste longè, abeste blandi palpones,
 Qui facitis esse cæcidum ipsū nigrorem;
 Hæc aula regios canes non enutrit.
 Gentem Tiberius recusat Comædam.
 Adeone Caesar ferre non potest illos?
 Imò nihil plus diligit; quid ergo vult
 Abesse? Solus ipse vult adulari.*

Appellari non vult Pater Patria.

*Exoptata alijs Caesar cognomina Patris
 Contemnit Patria, Vitricus esse cupit.*

Nocturno tempore res obiectas videt.

*Nox tegat obscuras tetra caligine terras,
 Subtrahat & radios aurea luna suos;
 Cōspicit in medijs Caesar quæcunq; tenebris,
 Et sibi dùm nox est, tum facit esse diem,
 Ausonij signa imperij mutate, Quirites,
 Præfuerint Aquila, noctua Præses erit.*

E Po-

Popinas inhibuit .

*Romanam frenare gulam dum Claudius
optas ,
Quid sua cauponi vendere vina vetas ?
Claudius, atq; Nero, cum iam ante Tiberius
esses ,
Nonne Biberius, es Caldius, atq; Mero?*

Cum tonat, lauro se cingit .

*Dum clausus vastis reboat mugitibus aether,
Et trifida erumpunt nube tonante faces;
In caua se pauidus recipit penetralia Caesar,
Munit & attonitū fronde virente caput;
Ne timeas, feriunt sublimes fulmina mon-
tes;
Te nihil in toto est vilius imperio .*

Draconem, quem manu nutriebat à for-
nicis consumptum inuenit .

*Pascebat colubrum colubro crudelior, iētum
Cum formicarum morsibus esse videt;
Talia si quæris, quid signent omina, Caesar,
A numero debes, ipse cauere tibi .*

Interdicit, ne capite damnatos propinqui
lugerent .

*Nouum seuerioris ò genus pœnae ?
Dies ab ense nullus ire permissus;
Festus profestus hostias dat humanas .
Mortem parentū nec sinit suos flere;
Oculis, Quirites, denegate ploratum ,
In*

*In corde lacrimas siccatur dolor magnus.
At si abstinere vis dolore Romanus,
Tu morere Caesar, tota Roma ridebit.*

*Ignis in morituri cubiculum illatus extin-
ctus, ac diu frigidus repente
exarsit.*

*Tradiderat lecto moriturus corpora Caesar,
Hic ubi Miseni villa superbit agri;
Cum cinis infertur, tenui lucente favilla,
Ut lento vigeant membra calore magis:
Frigidus evasit, qui iam conceperat ignem
Carbo, carbonem mox novus ignis habet.
Viventem refouere negant elementa tyran-
num,
Dum moritur, vellet flamma parare rogam.*

*Fame occidit nepotes, & à Caio nepote
veneno interficitur.*

*Qui prius Aufonio macularat sanguine sce-
ptrum,
Nec sine cæde ullum sinerat ire diem;
In proprios cepit crudelior esse nepotes,
Quos diræ voluit succubuisse neci:
Perge, tuam saturare famem cum strage
nepotum,
Dum sities, tradet pocula mista nepos.*



100
CAIUS CALIGULA
CÆSAR.

Natus est in campo militari.

S*Piraturum oculis quis Caium bella negasset?*

In medio Caius milite natus erat.

Splendorem ille prius gladij, quam lumina solis

Vidit, & à caligæ nomine nomen habet;
Et tamen ut Maiors ortus; velut alter Iacchus

Vixit ab antiquis degener vnus auis.

Classica materno metuēs sub viscera perdijs
Non ut bellaret, prodijt, ut fugeret.

Multi pro egrotantis salute caput vouerunt.

Vix capit imperij Caius moderamina, læguēs

Cogitur ostrino cum dare membra toro;

Vrbs illo surgit surgente, caditq; cadente,

Sic amat excidium uescia Roma suum:

Quid caput ægroto offertis per principē
ciues?

Sanus erit, vestrum demetet ille caput.

Optauit, vt populus vnā haberet
cervicem.

Nec dū Tātaleas saturasti sanguine fauces,

Sanguineas Tyberis dū tamē vrget aquas?

Quid cervicē optas vnā gestare Quirites,

Vt percussa vno vulnere Roma cadat?

An stultā gladio gentem vis tollere? maior

Stultitia est, te vnū, Cæsar, habere caput.

Sta-

Statuæ Iouis caput ademit suo imposito.

*Natus in Ideis olim qui iupiter ærui
 Cogitur è patrijs exul abire locis ;
 Et qui fulmineo feriebat turbine reges ,
 Trucus ad imperium Caesaris ecce iacet ;
 Quid timeant miseri sæuo sub principe ci-
 ues ,
 Si caput æternis amputat ille Djs ?*

Templum suo nomini erexit , aureumque
 sibi condidit simulachrum .

*Libera quæ pepulit crudeles Roma tyran-
 nos ,
 Cogitur en reges sustinuisse duos ;
 Caius adorari se vult , ut numen ab orbe ,
 Et parili statuam mandat honore coli ;
 Quali ipse induitur trabea , vestitur imago ,
 Nullumq; in duplici numine numẽ inest .
 Quis tamẽ effictũ viuopro principe nollet ?
 Aureus vnus erat , ferreus alter erat .*

Lunam vocabat in amplexus .

*Aurea dum pleno collucet Cynthia gyro ,
 Et cum sideribus ducit in axe choros :
 Consurgens lecto Caesar veneratur , & orat ,
 Blanda ut in amplexus decidat illa suos :
 Si cupis amplecti Lunam , dormire deceret ,
 Luna sui somnos Endimionis amat .*

Interdiũ cum Ioue Capitolino fa-
 bulatur .

Scipiade Caesar renouas exempla prioris

*Tarpeio ingreditur limina sacra Ioui ;
 Testa Dei subiere ambo, coluere tonantem,
 Sed non consilio consulere pari ;
 Scipio consuluit, patriam ut defenderet ar-*
mis,

Consuluit, ut patriam destruat iste suam.

Iouem prouocat ad pugnam, cum toni-
trua timeret.

Si clara obscurum spargantur in aethera
flamma,

*Hæc oculis Cæsar lumina ferre nequit ;
 Si tonitru maiore cadant è nubibus ignes,
 Sub socio pavidus delitet ille toro ?*

*Hiccinè qui natus medijs bellator in armis ?
 Hiccinè qui summum poscit ad arma Io-*
uem ?

*Iupiter insolito si turbine misceat orbem,
 Pugnabis, Cæsar, vel miser antra petes ?*

Nolebat suam Cæsarum imaginibus
inferi.

*Inter Cæsareas Caium ne ponite ceras,
 Indignum tali se videt esse loco.*

Latialis Iupiter dici voluit.

*Imperat, ut Latia dicatur Iupiter ora,
 Drusillamque tenet fœdere coniugij ;
 Quis neget esse Ioui similem ? si iuno to-*
nanti,
Sic Drusilla tibi est & soror, & coniux.

Homeri carmina abolere cogitauit.

Mæonij famam cupidus deperdere Homeri
Do-

*Docta prius Cæsar scripta abolere cupit;
Vt Phœbæa nouis vratur Troia fanillis*

*Consumi Iliacum carmen ab igne iubet;
Neu Laertiades orbem percurrat Vlysses;
Curat, ut à terris dux vaser exuleat.*

Aemulus antiqui vult esse Platonis, A-
thenis

Depulit hic vatem; depulit vrbe alius..

*Tempora sua dolebat nullis calamitatibus
insigni.*

*Augusti Caius laudabat tempora, cladem
Patria quòd Varo sub duce passa foret;
Quòdque Fidenati cecidissent millia circo
Felices Claudij dixit abisse dies.*

*Vt foret aeterno memorandus nomine, pestẽ,
Aut aliud cupijt serpere in orbe malum;
Stulte, quod exoptas misero discrimina
mundo?*

Te regere imperium magna ruina fuit .

*Cum vxoris collum oscularetur, dicebat
tam bona ceruix simulac iussero,
demetur.*

Oscula dum collo Cæsar delibat amica .

Vt pateant animi symbola certa sui .

*Tam bona de metur, dicit, si iussero ceruix,
Et mea, quam feriunt, oscula, sica petet;
Fortè cupit sædi detergere basia amoris,
Non aliter tergi basia sæda queunt .*

Amicos è ponte in mare proturbat .

Arcuat ingentem spatiosa per aquora pon-
tem,

Vt queat in liquidis ire pedester aquis :

*Huc vocat Ausonios ficto sub fœdere ciues;
 Mox in subiecti proijcit ima freti?
 Non sat erat, ciues proprio mersisse cruore,
 Nunc etiã equoreis mergere pergit aquis,*

In nummorum se aceruo reuoluit.

*Insanam saturare famem cū Caesar aueret
 Auri; sic aurum pectora nostra rapit?
 Fulgida compleuit diffusis atria nummis,
 Seque per immensas voluere cepit opes:
 Garrula non memorent Phrygium mihi sa-
 cula Regem,
 Auri qui nimio pondere diues erat;
 Ille manu quidquid caperet, vertebat in au-
 rum,
 Ex auri tactu hic aureus esse cupit:
 Aureus ille asini Rex stultus habebat; asellū
 Aurati in cumulo pulueris iste refert.*

Nummos proijcit in plebem.

*Ne tenebris gazas tegeret, sed prodigus auro
 Regales Caesar dilapidaret opes,
 Magnanimus Iuli conscendit culmina tēpli,
 Atq; in feruentem munera spargit humū:
 Aurea sub Caio unusquisq; redisse putaret
 Secula, ni ferrum sapius ille daret.*

*Acie disposita in litore Oceani, machinisq;
 directis, nemine opinante, quid acturus
 esset, repente, vt conchas legerent, im-
 peranit, Oceani spolia voticans.*

*Bellica quo tēdūt Romani fulmina Martis.
 Quid*

Quid petit innumeris machina plena focis?

Quid sibi dispositæ cupiunt in litora turmæ?

Quem, Cai, inuitas ad fera bella ducem?

Nullus adest hostis, paccatus in æquore regnat

Neptunus, tecum quod meditaris opus?

Bellum Cæsar amat fuso sine sanguine, conchas

Hinc vacuas, belli vanatrophæa legit.

Iouis simulachrum Olympiæ; quod Romam asportare placuerat, repente cachinum edidit.

Cassius ingrati tincturus sanguine regis.

Ferrum, cum socijs sollicitabat opus.

Iam Cæsar moriturus erat, cum audita cachinum est

Lignea Olympiaci reddere imago Iouis.

Diffugere omnes fracti formidine signi,

Sistite; quis turbat pectora vestra timor?

Iupiter extremam Cai qui senserat horam,

Hostis de interitu iubilat ecce sui.

Pace cum Ioue inita suum palatium, ac Iouis templum ponte coniunxit.

Vt Ioue cum summo necet commercia Cæsar,

Ipsâ cumq; animo iungat ut ille domum;

Transmisit pontem diductis arcubus, alæ

Hinc ades surgunt Cæsaris, inde Iouis:

Pax erit: iratum pacasti Roma tonantem,

Arcus enim signum fœderis esse solet.

Pulchros, & comatos occipitio raso
deturpat.

*Furba puellares iam pridē imitata capillos
Crispantes varia struxerat arte comas :
Viderat hos Caesar blādo sibi plaudere cultu,
Munditiaque novos instituisse choros :
Mox iubet, oblongos tonderi forcipe crines,
Et vetat occipitis crescere posse nemus :
Insidias timuit, quis enim nō iure timeret,
Crinibus occultos dū videt esse homines ?*

Coronas instituit Solis lunæ, ac siderum
imaginibus distinctas, quas explora-
torias dixit.

*Caius, ut excubias Romæ se ducere mōstret,
Præcingit luna, sidere, sole caput.
Proh stultæ excubiæ, radijs simulachra co-
ruscant,
Tu somno indulges; hoc vigilare fuit ?*

Præclusis horreis famem populo in-
dixit.

*Roma fame ut pereat, Cereris præcludit ari-
stas,
Mains at est populo claudere corda, nefas,*

Pane ex auro proponit.

*Cœnam Romulea daturus aulæ
Panem porrigit aureos, deceret.
Caium non alios habere panes.*

107

C. CLAUDIUS CAESAR.

*Dum latebra se occuleret, Caesar
est factus.*

SEnferat extinctum crudeli funere Caium
Cladius, & totā cede mactare domum;
Cā nigra supremi conscendit culmina tecti,
Seque citò turpem proripit in latebram.
Hūc properans miles cecis educit ab um-
bris,
Perge, ait, in lucem, tu modò Caesar eris;
Non occidisti, mutasti Roma tyrannum,
Bellua de cauea non nisi sēna venit.

• Plures aquæductus condit.

*Quæ vaga per varias currebāt flumina ter-
ras,
Ad clausos Caesar pertrahit ecce sinus;
Hūc Tiburtinis Anio descendit ab agris,
Et quæ sulphureis vnda tepescit aquis;
Quique per albentes pacato gurgite ripas,
Curtius irriguas in mare voluit aquas.
Tāto Roma prius fuerat, maculata cruore,
Claudius ut maculas diluat, addit aquas.*

Deponere sæpè tentauit Imperium.

*Cæsaris excipiat Romanus fata Senatus,
Audiat insidias Martia turba meas;
Non igitur Caesar scelerato à milite tutus?
Quisque petet sacrū Cæsaris ergò caput?
Sumite Romulidæ vestri moderamina regni,
In latebras vellet Claudius ire suas.*

Dum ius diceret, tactus nidore fumi,
è folio defilit cœnaturus.

*Cæsare dum pendens agitur iudice causa,
Ac sua sollicitus iura patronus agit;
Sensit inhalatum vicino Cæsar odorem
De lare, & appositas Martis in ade da-
pes,
Defilit è folio, templiq; reposta penetrans
Atria, cum mystis mysta gulosus adest.
Scilicet ambigui iactatur questio iuris,
Quod ius sit melius, noscere Cæsar auet.*

Vxorem Messalinam, cum occisa esset,
ad cœnam vocari iubet.

*Iusserat uxori vitam mucrone secari,
Dignaq; criminib. premia habere suis;
Ad solitas Cæsar mensas cū manere cūbens
Vxor, ait, veniat, mensa parata iacet.
Non meminit iusto uxore perisse sub ense,
Non vnda Lethes, mergitur ille mero.*

Sepulchrum patris fulmine tangitur.

*Altitonans ignita vibrat dum tela paternū
Aethereo & tumulum disicit igne Deus;
Mors tibi, Cæsar, adest; divino fulmine tacta
Ut te suscipiat, panditur urna patris.*

Boleto medicato ab altera vxore Agrip-
pina necatur.

*Cuncta super Cæsar boletos fercula laudat;
Nec sine boletis cœna parata placet;
Bole-*

EPIGRAMMATA. 109

*Boletos dedit vxor anus, sed felle perim-
Etos,*

*Lethi & boleti causa fuere sui:
Vxorem ante vnam Caesar ingulauerat; à se
Dum scelus auertit, punit vna scelus.*



PIO
NERO CLAVDIVS
CAESAR.

Eius ad cunas duo dracones excubant,
eoque se proferente diffugiunt.

D*um iacet in cunis Caesar nutrice re-*
mota,

Irreplitque levis membra tenella sopor ;
Erectis vigilant cristis utrinque colubri ,
Proxima nec puero dira venena nocent .
At vix explicitis è lecto se artubus effert ,
Cum subito refugis dissiliere globis .
Agnouere eius puero recubante venenum ,
Dum stat, maiorem pertimere feram .

In infantia sub pædagogo tonsore nu-
tritus est .

Radere Romanum nil mirū nosceret aurū ,
Sub tonsore puer Claudius altus erat .

Lucio Senecæ erudiendus traditur .

Aequet ut ex cultis crescētes motib. annos ,
Informat puerum Palladis arte sophus ;
Vidit in immiti spirantem fronte furorem ,
Sanguineasque oculis vidit inesse notas ;
Clementem docto descripsit pollice regem ,
Vt lecto sineret tam ferus esse libro ;
Sed, Luci, ista tua cōtraria dogmata festa ,
Dum, mihi, laudas, secta seuera placet ;
Discipulū conspecta mouet si vita docentis ,
Stoicus, heu vereor, ne velit esse puer .

Cum

EPIGRAMMATA. III.

Cum mortis sententiæ subscribere deberet, quam vellem, inquit, nescire literas.

*Crudelem posthac appellet nemo Neronē,
Mitior hoc nostro Casare nemo fuit.
Debet enim meritæ cū se subscribere morti,
Cadmæas optat non didicisse notas;
O vafer, ò vecors; quis non cognosceret artē?
Scribere nō calamo, sed magis ense cupis.*

Vestæ sacrificans contremiscit.

*Destinat Ausonia Caesar discedere ab urbe,
Et petere Eoas, mane rubente, plagas:
Ingreditur tamen ille prius sacra limina
Vestæ,
Ut cremet accensis turea dona focis:
Incipiunt horrere coma, gelidusq; pererrans
Ossa tremor ceptis cogit abire sacris:
Antimuit ne grata forēt sua munera Diuæ?
Incastum an castam se videt ante Deā?*

Prægnantem vxorem calce interficit.

*Solemnis iā festa aderant certamina lustrī,
Ut caperet victor laurea ferta Nero:
Hic igitur Tyrio vestitus murice, circum
Ingrediens cythara pollice fila premit;
Roma stupet, vocisq; modos mirata fatetur,
Diuinum sacro ē gutture abire melos;
Ebrius ille data plena dulcedine laudis
Turgida Propææ viscera calce petit;
Se putat esse Iouem; vxorē nā Iupiter olim
Ut pareret, tonitru; sic Nero calce ferit.*

Pa

Palatium erigit ex incendio Romæ.

*Arserat heu proprijs infelix Roma caminis,
Cū Nero sublimē struxit in vrbe domū:
Explicat hinc frondens viridantes porticus
umbras,*

*Inde caua immenso gurgite stagna iacent.
Aurea de spatio consurgunt tecta patenti,
Clarus ubi aurato stringitur orbe lapis.
Viderat ardentem conceptis ignibus urbem,
Gēmarū ardere hinc precipit igne lares.*

Illo vix egresso theatrum corruit.

*Parthenopes iam Caesar erat digressus in
urbem.*

*Vt cantu impleret plena theatra suo.
Post mittit ludos, victor que recedit arena,
Dumque abit applausu letus, arena cadit.
Si Nero dū caneret, cecidisset arena, fuisset
Cantator Cycnus funeris ipse sui.*

Dum Herculem insanum repræsentat in
scena, tyro miles ad eum soluen-
dum accurrit.

*Desinat insanum mihi reddere fabula, ceco
Cum foret Alcides captus amore Ioles.
Aspice, ut Herculeos sublimi in pegmate
mores*

*Ipso haud inferior Hercule Caesar agat:
Et gemit, & ridet, cadit, exilit, æstuat, ipsa
Queis deuincitur vincula, cara tenet;
Siste parū miles, quid vincula soluere tētas?
Insanum nullum tam benè vincula decent.*

Mu-

*Cum docto Cæsar pulsaret pollice chordas;
E circò poterat tollere nemo pedem;
Quin natos legimus materno viscere partus,
Ducere tam longas non potuere moras;
Quis miretur equas haustis producere vêtis?
Cæsaris audita en fœmina voce parit.*

In theatro canens non laudantes occidi
imperat.

*Prodit inaurato vestitus sÿrmate Cæsar,
Quamvis non Cæsar, sed cytharædus erat;
Stat baculus manibus, plecto lyra pendet
eburno
Exhumeris, cingit picta corona comas:
Incipit ambrosiam iucundo è gutture vocem
Mittere, & arguta plectere fila chelys.
Turba tacet defixa oculis; qui negligit aures
Porrigere, huic vitam surripit ense Nero:
Dulcia sirenũ modulatur Carmina Cæsar,
Namque homines, postquam concinit, ille
vorat.*

Romam appellare voluit Neropolim.

*Scipiade tribuit subuersa Numantia nomẽ,
Deletæ hic Romæ tradere nomen auct.*

Parris Patriæ nomen recusauit propter
iuuenilem ætatem.

*Vectus ad imperiũ cunctos ambiuit honores;
Atque omni ornatus Cæsar honore fuit.*
Ro-

Roma se cum Patria cuperet quoque dicere Patrem,

*Non decet hoc iuuenē sumere nomen, ait;
Compositi ne signum animi reputate, Qui-*

rites,
Abnuet hoc nomen sumere, cum poterit.

Matris ventrem lacerat.

*Viscera transadigit matri; quod tale tulisset
Monstrū, plectendus vulnere venter erat.*

*Illius statua ictu fulminis ad informe æs
liquefacta est.*

*Diruit effigiem fulgur, sternenda Neronis
Fulgure cum potius ferrea corda forent.
Nō illa in mutilas cecidit diffracta figuras,
Amisit formam sed liquefacta suam;
Abstulerant Romæ primum incendia
vultum.*

Nec seruanda mali principis est statua.

*Roma fugiens ad evitandam mortem, fa-
cto terræ motu, & fulgure di-
gnosçitur:*

*Velatus faciem, pannoso cinctus amictu,
Atque pedes nudus diffugit urbe Nero.
Et qui Casarea primum languebat in aula,
Casareo exutus querit honore locum.
Cælum demissō fugientem fulmine terret,
Terra dehiscens pandit hinc sinum.*

Cum hostes vrgerent fossam excauari iussit,
ipse frustula marmoris colligebat
humando corpori.

*Instabat stricto rigidus mucrone satelles
Vestigans vario calle Neronis iter:
Fata timens, fieri dimenso corpore bustum
Imperat effosa cum sibi Caesar humo;
Effodiunt serui tenera tellure sepulchrum,
Frusta, quibus surgat, marmoris ille legit.
Marmora in immenso consumpserat omnia tecto,
Nil mirum, tumulo marmora defuerint.*

Pugione se iugulauit.

*Audierat mortem sibi decreuisse Senatum,
Inuia mox densis uepribus antra subit.
Ast ubi carnifices sensit properare, repente
Arrepto iugulum confodit ense suum.
Pœnituit scuisse nimis; nimis ille cruorem
Hauserat, hinc alio redditur ore cruor.*

Sepulchrum illius fulmine tangitur.

*En tua turbatum veneratur funera calum,
Fulmina dum summo Iupiter axe vibrat.
Pro Roma mittit superis de sedibus ignes,
Debuit has olim reddere Roma tibi.*



116
SERGIUS SULPICIUS
GALBA.

A mulæ partu Imperij omen accepit, cum
avus dixisset, regnaturum, cum mula
peperisset.

F*Oetum mula dedit ; regnabis Galba ;
quod horum
Prodigium maius, Galba, sed esse putas ?*

Cum palatium ingrederetur , terra
mugijt .

*Regia dum Romæ pervadit mœnia Caesar ,
Mugitum insolito terra fragore dedit ;
Pasiphae natum se dixerat esse ; inueneus
Non alia ad regnum debuit ire tuba .*

Lautiore cœna ingemuit .

*Ingemuit Caesar, cum cepit carpere mensis ,
Quas epulum dederat Pontificale, dapes :
Non eadem civi, & regi sunt pocula danda ,
Vina bibunt ciues cacuba, Rex lacrymas .*

Numulario malè pecunias numeranti ma-
num iussit amputari .

*Expositis campis tractabat scœnora mœsis ;
Intentus plures quarere semper opes :
Cūq; repēdendū numerasset subdolus aurū ,
Abscissa iussit Galba carere manu :*

Auri

*Auri disce lucrum, qui vis ditescere ab auro,
Carior est auro quolibet una manus.*

*Iter ingrediens ingentem auri summam
ferebat.*

*Dū septemgemina Caesar Capitolia Romæ;
deserit, inque alias destinat ire plagas:
Auro vicinā locupletat Galba quadrigam,
Absque auri nullum pondere tentat iter:
Fortē putas emere exhausto tibi munere vi-
tam?*

*Auri ferro minus, nam minus se vales.
Aliud.*

*Non erat hic custos lateri tibi Galba vehen-
dus,
Aurum præ cunctis hostibus hostis erit.*

*Monile, quod fortunè Thusculanę paraue-
rat, Veneri Capitolinæ detulit.*

*Sergius è gaza torquem secreuerat omni,
Fortunę vñ donum traderet ille sua:
Protinus hæc Veneri, mutata mête, dicauit,
Hec ratus Idaliæ dona decere Deæ:
Si vano ludis Fortunam munere, tollet
Sic Fortuna tibi, quod dedit, imperium.*

Sacrificanti corona excidit.

*Saucia lethali dum victima concidit ictu,
Sacrificoque recens ara cruore madet:
Galba tuis regale cadit diadema capillis,
Suspitor hoc pedibusnectere vincla tuis.*

*Dum loqueris, Caesar, nullum dant castra
curulem,
Nec potes antiquo tu pedestare, cades.*

Mortuus à cane defenditur, ne caput ex-
cindatur.

*Cesareum fidus gressum vestigat Hilastor,
Et fessus varias itque,reditque vias,
Conspicit in media sordescere corpus arena,
Lictor & extincti corporis esse cupit:
Desine Cesareum miles laniare cadaver;
Tu canis officium perficis, ille hominis.*

Demortui caput saxi petitur.

*Vix fuerat rigido Caesar mucrone perēptus,
Bellica suspensum cum regit hasta caput:
Ora petit miles iactis stillantia saxi
Atq; recisa mori vix benè mēbra putat:
Quis neget hunc Orpheo similem post fune-
ra? traxit
Ille canens lapides, dum trahit iste, tacet.*



119

OTHO SALVIVS.

Noctu errabundus inualidum quem-
que sago iactabat.

Noctibus errabat, cæcis ut fortè tene-
bris,

*Turpia contegeret crimina mollis Otho ;
Dramite sed si quis contrà veniebat eodem,
Ibat ab excusso missus in astra sago .*

*Roma caue, Regem Latio committere Otho-
nem ;*

Nam pila, si regnat, mox erit imperium .

Cum deficientibus lecticarijs cursum ce-
pisset in castra, laxato calceo re-
stitit.

Tristia vicinam minitantur viscera mortē

Galbæ ; hinc fortunam mutuatur Otho suā ;

Nec mora, femineam, celato corpore, sellam

Intrans, fœmineæ decipit arte senem ;

Deficiunt humeris serui, non deficit Otho,

Præcipiti reliquum sed pede carpit iter :

*Otho siste gradum ; ligulam constringe so-
lutam,*

Regnum ne rapias, calcens ipse vetat .

Non adhuc repositis in templo Martis an-
cilibus, ad bellum pergit, quod erat
infaustum.

Credita nec Martis fuerāt ancilia templo ;

Strenuus ad bellū cum properaret Otho :

Cur

*Cur dirū est, scutis nondū pugnare repostis ?
Bellū urget ? profunt. iā tibi scuta magis .*

*Ad bellum proficiscens subita Tyberis
inundatione retardatur .*

*Siste, quid arma rapis , Caesar ? cunctando
Quiritum*

*Rem Fabius, tardo & milite restituit :
Est tibi vincendus lentis Vitellius armis ;
Proderit in longas ducere bella moras :
Forſitan & Tyberis superato gurgite pugnā
Differt, aut mortem lacrymat ipse tuam.*

*Faciem quotidie rasitabat , ac pane ma-
dido linebat .*

*Barbatus odit Caesar, lanugo per ora
Ne serpat, cunctos rasitat ora dies .
Quin madidū molli distēdit pollice panem ,
Leuior ut fiat oblita lacte cutis :
Reginam melius ciues dicetis Othonem ,
Vllum namque viri non habet ille pilum.*

Libenter Ifidis sacra celebrabat .

*Scis, cur Isiacos ludos daret Otho libenter ?
Non se debebat radere, caluus erat .*

Plutoni sacrificat , quod dirum erat .

*Senſerat hostiles Otho properare phalāges,
Plutoni sacris cum dedit exta focis :
Victurus nemo Plutonis libat ad aras ,
Reddere nam Pluto vota sinistra solet :
Pro-*

Providus est Caesar; Stygias ruiturus ad umbras

Vult sibi tartareos conciliare Deos .

*Bellum civile pertæsus, malo mori, dixit,
quàm imperare .*

*Anceps stabat adhuc dubio victoriâ Marte,
Forsitan & poterat vincere mollis Otho :
Ciuita cum Caesar pertæsus prælia, dixit
Quàm regnare, mihi credite, malo mori :
Patria si moriar, viuet; queis Roma labascet,
Vnquam non viderat Itala terra dies :
Dixit & arrepto pectus pugione petiuit,
Si mollis vixit, fortior occubuit .*

*Neronis accepto cognomento seipsum
occidit .*

*Ne timeas alium succedere, Roma, Ne-
ronem ,*

*Alterius maculas diluet iste Nero .
Non hic traiciet maternum cuspide ventrẽ,
Non frater gladio, non soror vlla cadet :
Omnes Otho colit ; quòd si se interficit, an-
num
Ipse sibi saltem debuit esse Nero ?*

Ante mortem pecuniam distribuit .

*Decretat celerem Caesar sibi tradere mortẽ,
Aduerso bellum claudere Marte timens :
Sed prius in thalamũ caros accersit amicos,
Plenaq; imparit aurea dona manu .
Regnũ armis alieno inuaserat ære grauatus,
Quod debet, moriens soluere vellet Otho .*

Noctu tentatis duobus pugionibus mane
se interficit.

*Duplicis explorat gladij moriturus acumen,
Saluus, ad mortem non satis unus erat?
Languida mox alto cōponit corpora somno.
Credibile est, illum pœnituisse mori.
Dulcius inò mori curat, dum viscera ledit
Post somnum, fratrem sic soror excipiet.*

Haud procul à rogo multi se milites
occiderunt.

*Mos fuit, extinctos in cœlica numina reges
Scribere, sic pietas nos facit esse Deos:
Non tamen Otho fuit superum descriptus
in albo.
Inuictò quàmvis foderit ense latus:
Roma ingrata fuit, sed soluit debita miles,
Victima Cæsareum dum cadit ante rogu.*



AVLVS VITELLIVS.

Originem eius alij à Fauno, alij
à sutore deriuant.

Quis primaeva tua dederit cunabula
genti,

Lis inter ciues vertitur una tuos;

Hic tibi tradit auos regali è stipite, vili

Te sutore alius peierat esse satum.

Hinc gentilitia primus stat in arbore Fau-
nus,

Hinc sine descripto nomine sutor adest;

Auctori cui danda fides? mihi credere præ-
stat,

Vitelli, incerto te patre progenitum.

Natalem eius diem horruere parentes.

Patria cur, Caesar, non te formidet adultum,

Si dum ventre fluis, te timet ipsa parens?

Tristia viderunt in calis sidera vates,

Grande aliquod veniet, te exoriente, ma-
lum,

Prodyt ostentū, quod nulla putauerat etas,

Progenuit Faunus Semicaper Vitulum.

Caligulae carus fuit per aurigandi, Clau-

dio per aleæ studium; Neroni, quia il-

lum orauerat, vt inter cytharæ-

dos contenderet.

Si regit aurata Caius per septa quadrigas,

Hic quoq; quadrigas emulus Aulus agit:

Si tibi nocturnum, Claudii, rapit alea somnum,

Lusor in excubijs principis Aulus adest.

*Si Nero clamoso cytharam pulsare theatro,
Debet, tu cytharæ plectere fila facis:*

Quā benè tergemini unus blādiris amicis?

Quæ sunt in reliquis crimina, solus habes.

Mittitur in Germaniam à Galba, cum nulum minùs esse metuendum diceret, quàm qui de solo victu cogitaret.

Aulum Galba gulæ cum cerneret esse ministrum,

Germani iussit militis ire Ducem.

Molitur sublime nihil, quē blanda voluptas

Illaqueat, cui pro sanguine vina placent.

Galba time, regni non deficit usq; cupido,

Si gustare fines, hauriet imperium.

Itineri conficiendo vnionem matris ab aure detraxit.

Mittitur Odrýsias belli præfectus in oras;

Qui propriæ nescit vincere bella gulæ.

Candidulum matris furatur ab aure lapillũ,

Vt longum diues gemma ministret iter:

*Omen, mœsta parens, lævum; nam gentis
honorem*

Filius amittet, sustulit ille decus.

Milites si ientassent sciscitabatur, seq; fecisse ructu ostendebat.

Nullũ Roma habuit regnãte humanior Aulo

Qui

Qui fuerit socios sic amat ille suos.

Strenuus ingreditur pingues conuiuia popinas

Accubat, & summo vellicat ungue dapes:

Postulat, an ientent, & ne reuerentia turbet,

Ructando ventrem se saturasse probat.

*Quàm decet esse bonos tali sub principe mo-
res,*

Cui tam compositis moribus esse placet?

Vesperascente die Imperator est factus.

Iam celer astrifero vesper prodibat olympos,

Et festinabat mergere Phœbus equos;

Agmina cum caelo dextras tenuere supinas;

Romani & regni te coluere ducem:

*Romanus iam Cæsar ades, breue tempus at,
Aule,*

Roma dabit, tenebras vespera sera vehit.

Imperator salutatus, & circumlatus non

antè redijt, quam ardente

triclinio.

*Deuictus per castra humeri processerat Au-
lus,*

Dictus & à lato milite Cæsar erat:

Ardua cum repetens Prætorij tecta, camini

Ignem cognouit corripuisse lares:

Leuum præcípites omen timuere phalanges,

*Principium imperio quòd fera flamma
daret.*

*Vana quid, Aulus ait, casus portenta ti-
metis?*

En nocte alluxit appropiante dies.

*Concipit ardentem cœnatio fervida flāmas .
 Cum decus Ausonij Cæsaris, Aule, capis,
 Senferat, haud Romæ, sed Regem te esse co-
 quine,
 Maiorem hinc ignē preparat illa coquo ,*

*Patinam habuit, quam appellavit clypeum
 Mineruæ .*

*Euomit, ut comedat, comedit, sed ut euomat,
 Aulus ,*

*Et secat in quatuor prandia lauta diem .
 Quin vastam curvo lancem sibi condit in
 auro ,*

*Quem sacra clypeū Palladis ille vocat ;
 Aemulus ab fieri Spartani militis optat ,
 Nā clypeo pugnat strenuus hoc, & in hoc .*

*Romam tendens Aquilam habuit
 præuiam .*

*Ducit in Ausonias bellum Vitellius oras
 Romani cupidus sceptrum tenere Ducis ;
 Aduolat æthereo præpes gratissima regi ,
 Et dubium signis præuia monstrat iter .
 Quidni Romanas rapiat Vitellius arces ?
 Omē habet ; volucris præuolat ante rapax .*

*Spreto Cæsaris nomine laurus à capite
 cecidit .*

*Agmine stipatus multo contendit ad urbem
 Aulus, regnandi nobile calcar habet ?*

Dum-

*Dumq; amnis pertentat aquas, de vertice
laurus:*

*Decidit, ac dubio corda timore ferit;
Cæsaris abnuerat nomen, redimire capillos:
Hinc Auli laurus Cæsariana: negat..*

*Audiens se diù imperaturum, si matri su-
peruiueret, illi toxicum porrigit..*

*Audierat se posse diù regnare, parentis
Si post interitum viueret Aulus adhuc.
Nec mora; regnandi cupidus pietatis honorẽ
Destruit, ac matri dira venena parat;
Suxerat infecto sparsum puer ubere virus,
Pocula vir factus quid nisi mista daret?*

*Filiũ Petroniũ altero captum ocu-
lo peremit..*

*Toxica miscuerat patri Petronius, vno,
Nil mirum, vultus lumine captus erat,
Hunc tamẽ arrepto Cæsar mucrone petiuit,
Dissimilem caco viderat esse patri..*

Mutum alterum filiũ habuit..

*Qui voces formare nequit, progignitur al-
ter ::*

Prodere non poterit crimina sedã patris..

*Dona, & ornamenta templorum
surripuit..*

*Curam te fateor tenere Romæ,
Sed donis spoliis lares Deorum..*

*Res falsa est dominū esse, mox latronē,
Qui non prouidet, & rapit, Vitelli,
Hic latro mihi publicus videtur.*

*Aurum templorum orichalco, argentum
stanno commutauit.*

*Mutat stanno argentum, orichalco mutat
& aurum,*

*Ausus diuinas tollere Caesar opes:
Quem non decipiat furtiuis artibus, Aulus,
Si vel presentes decipit ille Deos?
Iura reddentis gallinaceus insedit
capiti.*

*Pacificum in bello scandis cur, Aule, tri-
bunal?*

*Cur dicis medio iura togata foro?
Innumeris metuendus adest cū millib. Otho,
Tu tamen in causis desidiosus agis?
Pro rostris sint castratibi, sint classica lites,
Te sacer en Martigallus ad arma vo-
cat.*

In idem argumentum.

*Heu fuge, Vitelli, crudeles heu fuge terras,
Surripiet miles qua tibi sceptrā dedit:
Inuidet armipotens Romano Gallia regno,
Nunc capiti Gallus imminet ecce tuo.*

*Inter epulas incendium Capitoli
contuetur.*

*Aspera dum scādit Capitoli saxa Sabinus,
Tarpeia & socios tuos in arce locat:*

*Irruit infesto decertans agmine miles,
Et iacit igniuomas in vaga tecta faces:*

*Aspicit interea medijs ardere fauillis
Vrbem Aulus, positas nec sinit ire dapes:
Anxius, an totā perdant incendia Romam,
Perdere cum regno prandia cepta timet.*

Gla-

Gladium consuli porrigit, ut interficeretur.

*Ciuica pertasus committere prelia Caesar
Aurato constans exiit ense latus.*

*Mox ferrum adstanti tradens, hoc percutere,
dixit*

Me quoque, sic patriæ fata piabo mee.

*Abnuìt in dominum gladium dstringere,
consul;*

Carnificem fieri te decet, Aule, tui.

*Comitantibus pistore, & coquo Roma
fugit.*

*Aduentare ferum Caesar cognouerat hostem,
Et iam iam Romæ mœnia posse capi;*

*Cum sella clausus patrias desertur in ades,
Hinc & pistorem ducit, & inde coquum:*

*Inseruire gulæ postquam sibi iusserat orbem,
Hos stipatores fecerat esse suos.*

*In cella se abdit præligato foribus cane, &
intus opposito lecto.*

*Nescius, an fugeret, patrijs an sisteret oris,
Caesar in urbanas itque reditque domos:*

*Vt tamen esse videt vacuam custodibus aulam
Angusta vernæ militis æde latet.*

*Hostibus inde canem venientibus obicit,
intus*

Opposito foribus excubat ipse toro.

Hec te non celas, sed pandis, o Aule, latentem;

Latrabit clausam nam canis esse feram.

Proiectus est in Tyberim.

*Vrbs letare, tuas quæ fax accenderat ades,
En medio Tyberis gurgite mersa iacet.*

130
VESPASIANVS
AVGVSTVS.

Dum sederet ad mensam humanam canis;
manum intulit..

Cur canis humanam desert in limina
dextram,

Dum lautā ad mensam Vespasiane sedes?
Ante Cyclopes, an te genuere Britanni,

Aut alia humanis carnibus altera parens?
Vtere sorte tua: tibi quæque potentia cedit;

Hoc notat intra ades à cane lata manus:
Cæco lumen reddidit..

Cæcus, ut audiuit toti dare iura Canopo
Augustum, sacros procidit ante pedes:

Mox rogat, ut sputo vitiatos illinat orbes,
Et gemino primum ponat in orbe diem.

Intinxit Cæsar precibus compulsus amicis,
Dignus, quem cæcus cerneret, ille fuit..

Amphitheatrum condit..
Surgit in æthereos sublimis machina tra-
ctus,

Septenis maior collibus illa fuit:
Non tantum natura tulit, sed montib. ipsis

Cæsis, ars maius sustulit una iugum:
Desine in hoc Cæsar, spectacula tradere

circo,
Spectaculo est maius quolibet istud opus..

Super vrinam vectigal posuit..
Sordida foetētē mitrebat Roma Mephitim,

Cū foret in cunctis amphora fracta locis:
Restituit Cæsar, iusso quadrante, matellas,

Ve-

*Venit & è lotij pensio magna lucro :
 Ebria Roma merū vel sistē haurire, vel aurū.
 Solue libens ; nasum Vespasianus habet .
 Ingenia , & artes maximè fouit .
 Pulsa redi, neglecta, redi sapientia, magnum
 Proposito virtus munere calcar habet .
 Annua Rhetoribus dantur centena disertis ,
 Et quos depulerat Roma superba , vocat :
 Multorum insidijs fuerat vexata luporum ,
 Custodes posthac nutriet illa canes .
 Viso comete crinito iocatur .
 Qui nouus aethereo splendet in orbe co-
 metes ,
 Non mihi funesto nuntiat igne necem :
 Vltima Parthorum portendit fata tyranno ,
 Crinitum regem stella comata notat ;
 Mox Caesar moreris , Caesar te stella voca-
 bat ,
 Odit enim caluum stella comata ducem .
 Stans obijt .
 Senserat urgeri proprio se funere Caesar ,
 Cum voluit molli tollere membra toro :
 Stādo decet regem vitam spirare , sed Eben :
 Dum moreris, non stas, Vespasiane, cadis .*

TITVS VESPASIANVS.

Sordidis, & obscuris ædibus natus est .

T*Itē, tuo ad lucē vitæ dū nasceris orthu ,
 Incluta te fæda parturit ade parens ;
 Nasceris in thalamo , tenebroso an nasceris
 antro ?
 Virtutes animi sic meruere tui ?*

*Sic licet è tenebris venturam noscere lucẽ ,
Post tenebras oritur clarior inde dies .*

Amor , & deliciæ generis humani di-
ctus est .

*Tandem leta feros exegit Roma tyrannos ,
Urbis delictum regnat , & orbis amor .
Tristia compositis cesserunt funera bellis ,
Non hic ciuiles sollicitabit opes .
At vix accepto moritur moderamine Titus ,
Delicias hominum conuenit esse breues ,*

Mitissimus fuit in imperio .

*Qui prius urbanos gaudebat sanguine fasces
Tingere , Cæsareum mitigat aula Ducem :
Est experta pium , timuit quem Roma Ne-
ronem ,
Mores quandoque in principe mutat ho-
nor .*

Delatores vrbe depulit .

*Noxia ciuilem miscebat turba quietem ,
Tutam cui vitam mors aliena dabat :
Ad iuga prærupti defertur inkospita montis ,
Ciuibus hic pœnas , quas dabat , illa luit .
Redita Roma sibi est , miserisque exempta
periclis ,
Viuere te tutus principe quisque potest .*

Sacrificanti hostia diffugit.

*Sistitur ardentis taurus moriturus ad aras,
 Caesaris ut manibus victima cesa cadat;
 Ille tamē metuēs presentis vulnera mortis
 Liber ab instanti, Caesaris ense fugit.
 Casareā immerito formidat bellua dextrā,
 Nūquā tam mites senserat illa manus.*

Cælo sereno intonuit, dum sacra faceret.

*Aethere tranquillo tonuit, cum turea diuis,
 Flecteret ut Caesar numina, dona daret.
 An cælo placuisse notat vox munera? mu-
 nusque
 Accepisse pium nuntiat illa Iouem?
 Auspiciū Titus metuit, dumq; aere puro
 Nubibus intonuit, nubilat ille animum.*

Leëtica iter faciens feбри correptus
 cælum aspicit.

*Leëtica dum Caesar iter consumeret, intrā
 Venarum sensit serpere claustra febrim:
 Dimotis plagulis rutilū conspexit olympum,
 Immeritamque sibi luxit adesse necem:
 Cur gemis? haud te terra meret, quem su-
 spicis, æther,
 Dum reboat, Caesar; te super astra vocat.*



134-
FLAVIUS DOMITIANVS.

Ad malum punicum natus est.

TE mala, o Flavi, portendunt punica Re-
gem,
Portendunt etiam punica mala malum.

Muscas venatur.

Multa palatinam volitabat musca per aulā:
Gestans ore tubam, cuspide bella ciens:
Insidias timuit, gladioq; armatus acuto
Infestas Cæsar figere cepit aues;
Pertinuere fera pugnantis vulnera dextrę,
Omneque muscarum perdidit aula genus:
Musca erat, heu nimium Romane, Flavius
Urbi.
Consortes regni Cæsar habere negat.

Filius Palladis dici voluit.

Palladis ut gnatum ciues te, Cæsar, adorant
Pallade sed natus dicitur esse draco.

Vites succidi iubet.

Viderat Ausonius Leneum Cæsar in agris
Bacchum pampineis luxuriare comis;
Hic neglecta Ceres paucas numerabat ari-
stas,
Consita cum solis vitibus arua forent.
Ceditur irato Nysæus principe palmes,
Cogitur & Latius Bacchus abire plagis,
Iam profligarat virgatis tygribus Indos,
Romula ne rapiat sceptra, fugatur agris.
Do-

*Nomen trade aliud; dominum si Roma saluta-
luta;
An non te servam libera Roma facis?*

*Occiditur ab eo, qui coniurationis indi-
cium afferebat.*

*Quintam sollicitus metuebat Flavius horā,
Iam sibi vicinam gnarus adesse necem:
Horret, ut allatos pacta de cade libellos
Accipit, atq; aliquid grande latere timet:
Formidare necem, Caesar, desiste futuram,
Qui tibi namq; necem nunciat, ille necat.*

Interfectori oculos effodit.

*Saucius ut ferro iacuit, presentia Caesar
Fata tamen sorti pectore spreuit adhuc:
Namq; inuasorem contra surrexit inermis;
Ac valido apprehensum robore stravit
humi.
Mox digitis fodiens oculos, si fortē necabis,
Occisum non me, cace, videbis, ait.*

Sagittandi peritissimus fuit.

*Quotquot in Albano te spectauere theatro,
Innumeras certa sternere cade feras:
Noxia tā doctae stupuerunt fulmina dextrae,
Teq; scopum optassent scire ferire minus.
Namq; ubi desisti viles tibi ponere metas,
Roma scopus facta est ictibus una tuis.*

DE FONTE LAPIDEO

ab Urbano VIII. in declivi planitie montis Pincij sub forma navis extracto.

S*Axea consurgit fontano è gurgite navis :
Quæ medio vitreas pectore fundit
aquas.*

Vidimus equoreas decurrere ligna per undas,

*Sed mergi liquidis tabrica saxa vadis :
Sola, Urbane, tuæ sunt hæc miracula vocis,
Iussisti, & placidis petra superstat aquis.
Ludovicus XIII. Galliarum Rex Rupeculam
obsidione debellat.*

Belliger inuictis rutilat Ludovicus in armis,

*Ut Gallo subdat Santona colla iugo ;
Iam quatit hostiles iterato verbere muros,
Iactaque ab accenso pulvere saxa volant :
Non tamen infesto proturbat mœnia pulsu,
Mœnia stant, hostes nil fera saxa timēt.
Quid faciat ? Cererem subita obsidione
coercet,*

Sola fames rabidos apta domare lupos.

In idem argumentum.

*Seu quod Annibalis cunctado fregerit arma,
Cunctator Fabius dictus ab urbe fuit :
Aemulus Ansoniæ Gallus virtutis in hoste
Non fuit, at muros per latus omne premit.*

Ad fera precipites vocitet quis praelia Gallos ?

Et cunctatores Gallia ferre potest.

Albertus Valstenius Fridlandiæ Dux, su-
premus Cæsarei exercitus Impe-
rator in tabula depictus.

*Natus ad imperium, imperij defensor, &
armis*

*Inclutus, hoc celsum spirat in ore decus :
Messuit innumeras hostili è sanguine pal-
mas.*

*Arctoa domuit monstra tremenda plaga,
Quanta Ducem laus est bello superasse dra-
conum ?*

*Hic Gothico septus milite Adolphus erat ;
Herculeus fileatur honos, unū ille draconē,
Albertus plures fortior edomuit.*

De cæde Alberti Valstenij Ducis Fridlan-
dij, qui lethaliter fauciatus fu-
inum ex ore ructavit.

*Proditor Imperij, quæ Cæsar tradidit arma,
Cæsaris in sacrum contulit arma caput :
Cæsareos ardere lares, totamque rebelli*

*Austriacā statuit perdere in igne domū ;
Dūq; parat rabidas tectis apponere flāmas,
Absumptus flammis concidit ipse suis.*

*Nō perijt ferro, facib; sed adustus Auerni est.
Ostendit missus fumus ab ore faces.*

Aliud.

*Non est Cæsareum sat agas cur ledere nomē
Fridlande, una tuis fors tribuenda dolis :*

*Cōtulit ingētes nimium tibi Cæsar honores,
Lapsum debueras inde timere tuum ;*

*Tu tamē ingratis cōtemnens munera verbis
Oppressum imperio Cæsaris esse doles :*

*Perdite, quid quereris ? fumum dum mit-
tis ab ore,*

Attulit interitum qui tibi, fumus erat.

Hen-

Henricus. Dux Memorantius Tolosæ capite plectitur ..

Die 30. Octobris 1632..

Ausus in innocuum bello consurgere regem,

Et miscere armis Gallica regna suis:

Perdidit ambitos titulis spoliatus honores,

Perdidit & claris nobile nomen aus:

Diuinam per Franca fidem seuerè priores

Illi arua, humanam prodidit iste fidem;

Coniurata sequens armatis castra manipulis

Nescit, heu vitis bella mouere suis ..

Perfoluit meritas Henricus funere pœnas,

Dumq; caput tollit, perdidit ille caput ..

*Gustauus Adolphus Suediæ Rex duorum
tormentorū ictib. sauciatus interiit.*

Die 16. Nouembris 1632 ..

*Miscebat Gothicis Germanica regna ca-
teruis*

Gustauus, gelidæ cura tremenda plage;

Hostica Vandalico ducens à litore signa

Theutonicas auido fuderat ense manus;

Et iam iam parto veniebat palma triumpho,

Cum mors cupressum protinus atra dedit,

Occidit ab duplici tormenti glande petitus;

Non poterat seuum sternere sola ducem ..

*In obitum Caroli, Comitiss de Poppe-
nhaim, qui in præliō occisus fuit ..*

Die 16. Nouembris 1632..

Suedica Germani cum prælia ferre manipuli:

Non possent, pauidè terga dedere fugæ?

Carolus haud fugit, sed vocib. agmina sistens:

In magè confertas proruit ense acies;

*Dumque inimica cupit propellere signa, du-
ce sque*

In sua Vandalicos trudere castra, cadit;

Occidit

*Occubuit latus : Gustauum nouerat ante
Occisum, occiso non piget hoste mori .*

*In obitum Friderici Comitis Palatini, qui
interijt 29. Nouembris 1632.*

*Exul ab imperio, & patrijs Frideric⁹ ab oris
Querebat stabilem per loca amica locū ;*

*Sedibus excepit proprijs Hollandia, sortem
Astra aliam donec propitiata darent ;*

*Venit ab Aristois multo cum milite regnis
Suedicus, & pulso tradidit ultor opem :*

*Antiquas victor domin⁹ remeauit, in vrbes,
Sed longas nequijt tutus habere moras :*

Noluit extincto Gustauo viuere ; ab illo

*Namq; Comes factus, maluit ire comes .
Carolus Einmanuel Sabaudia Dux inter*

varia belli pericula illæsus .

*Hostica dum feruent collatis praelia signis ,
Pinguis & effuso sāguine inundat humus .*

*Carolus aduersos pugnax irrūpit in hostes ,
Quaq; necat gladio, quā fugat ore acies .*

*Dūq; unū tot tela ducē, tot fulmina poscunt,
Per media illudens ictibus arma ruit :*

Palladia cinctum ne dicas egide pectus ,

Obiicit explosis pectus inerme globis ;

*Dum nihil ergo faces grauido timet are to-
nantes ,*

Terrenum melius dixeris esse Iouem .

*Ambrosius Marchio Spinola in obsidione
Casalensi moritur, dum eam Urbem*

Toradius discipulus tutaretur .

Venerat Ambrosius Belgarū victor ab oris,

Venerat Italici gloria prima sagi .

*Vna erat Austriacos renuens admittere
muris :*

Vrbs vna erat is fisa Casalis erat .

Pro-

*Protinus excelsis obducit mœnia vallis
 Spinola, & explosa sternere glâde parat ;
 Mœnia tutatur validis Torasius armis ,
 Et negat obsessa tollere ab vrbe pedem ;
 Spinola quid faciat ? moritur ; vincente
 magister*

Discipulo mains mutuât inde decus .

De cognomento Scipionis Africani .

*Scipio discinctos bello superauerat Afros ;
 Intuleratque feras Romula signa plagas :
 Nec satur, angustos Romam vexisse triumphos
 Africus à demito dicier hoste cupit ;
 Non satis , heu ? fuerat, populos vastasse su-
 bactos ,*

Ni victis etiam nomina rapta forent .

*De Agrippina , quæ de Nerone loquens ,
 occidat , inquit , dum imperet .*

*De nato audierat, si Romula Sceptra potitus,
 Agrippina , fore ut traderet iste necem .*

*Non curo, dixit, fodiat mea viscera ferro ,
 Imperet his vitam non ego curo meam ;*

Oh quanto nati mater flagrauit amore ?

Se casam voluit , Caesar ut ille foret .

*Monyma Mythridatis vxor diademate se
 cupiens occidere .*

*Audisset cum castra sui deuicta mariti ,
 Neglexit tristes Monyma ferre dies :
 Sed regale trahens refugis diadema capillis ,
 Composito inseruit fime ligata caput :
 Fascia at innocuas renuit præcludere fauces,
 Fascia natali sic fuit illa suo .*

*Carthismandua Brigantum Regina mari-
 tum regno spoliare cupiens occiditur .*

*Sumere deuicto volui diadema marito ,
 Sed tulit ille meis aurea ferta comis :*

Mox

EPIGRAMMATA. 141

Mox vinxit post terga manus ; proh fœmina fallax ?

*Quã cuperẽ vinctas ante habuisse manus.
Penthesilea ducens agmen Amazonum.
Denici mulier Grecas inuicta phalanges,
Et secui mammas, ut magis apta forem.
Quid mamas secui? si qui me fudere mãm̃is
Lac vidisset, adhuc crederet esse virum?
Zenobia Palmyreorum regina se ipsam in
captiuitate solatur.*

*Dũ captiuã trahor Tarpeiẽ ad culmina rupis,
Fit rupes casus publica scena mei;
Nobilius nunquam spectauit Roma trophæũ,
Quã cum me seruã libera Roma videt:
Si libertatem victæ Romanus ademit,
Cum libertate heu vita perempta foret;
At mea si rigidis onerauit membra catenis,
Nõ tamẽ est nodis mens mea vincta tuis:
Dedecus est vinci, sed cum me vicerit armis
Romanus, victrix dat mihi Roma decus.
Sophonisba Masanissæ vxor missum ab illo
venenum haurit.*

*Sic nostros, Masanissa, toros coniungis
amaror?*

*Sic & coniugij toxica fœdus erunt?
Ebrius heu nostræ fueras dulcedine formæ;
Pocula quid mirum si mihi felle reple?
Urbanus VIII. Barberinas Apes Thomæ
Mallonio Cõgregationis Somaſchæ Epi-
scopo Belunensi in insigne Mallonium
inferri concedit.*

*Cur gentis desumit aues Urbanus, auitas,
Mallono & propriũ stẽmate stẽma locat?
Scilicet hæ vacuo volitabant aere, flores
Ut libet, Thomæ ad gramina mittit apes.*

De

De Aquila Mallonia, & tribus montibus.
*Tres montes quid stemma tenet? quid in
 æthera pennis*

*Non fertur superi præpes adunca Iouis?
 Expansi quæ fulva plagis spatietur olympi
 Malloni poterit firma manere iugis?
 Hic videt Ideos forsitan consurgere montes,
 Regia non alio culmine sistit avis.*

In Mallonij nomen.

*Illyricas tendis cur, optime Præsul, in oras,
 Non procul undè armis Turcica turba
 furit?*

*Ferrea quis frangat populorū pectora? fortis
 Malleus, alliciat? melleus ore fauus,
 Malloni, nūc iure igitur te Urbanus adoptat,
 Malleus es calamo, melleus eloquio.*

*Ad Serenissimam Genuæ Rempublicam,
 quod Stephanū Auriā in Ducē elegerit.
 Perpetuis reliquæ parēt dum regibus vrbes,
 Quid mutas plures Ianua celsa Duces?*

*An quia, cum paucos alie, tu florida multos
 Qui regale ferāt pōdus, Athlātas habes?
 Quot ciues numeras, tot sūt sudamina regni,
 Dumq; labant alie, tu magè firma viges;
 Quæ laus est sanctis dominantem legibus,
 AVREVM.*

*Ferrea dum currūt tēpora, habere Duci?
 Sepulchrum Cæstij, qui vnus ex Epuloni-
 bus erat, pyramidata structura, quod
 partim intrā, partim extrā Romæ mœ-
 nia confurgit.*

*Quid Roma tumulare negas tua corpora,
 Casti?*

*Quid non Dardania totus in vrbe iaces?
 Respondere tua voluerunt funera vite,
 Quod*

EPIGRAMMATA.

Quod passa est, voluit redire: Roma tunc
Perdidit Epulo media te capiente: Roma

Dimidium inde tui corporis ala vocat.
Sabinæ coronatæ spineo lecto à Romanis.

Quis raptas docuit spinis redimere Sabinæ?
Debebat spinas rapinus habere: curas.

De sue, qui Romæ in quodā Collegio con-
tubernales duodecim gallinas vorant.

Mane suburbano pullos portat ab agro
Rusticus, & socios fecerat esse suas;

Cum suis neglecto deplumat fursure pullos,
Suetaq; pertasus prandia, dente vorat;

Cui non mouissent spectacula talia risum,
Sobria dum pavidas bellua mordet aues?

Accipere è mēsis prius ossa cadentia fuerat,
Gustare optavit nunc caro, quid saperet,

Aliud.
Sic conuiuentes laceras, sus improbe, pullos?

Hospitiū sacram sic colis ergo fidem?
Custodem volucrum te rusticus esse futurum

Crediderat, reperit, cū gregis esse lupum;
Mactauit solus quondam Bursis amicos,

Nunc didicit socias perdere porcus aues.
Aliud.

Cum sue viuēbant vili sub tegmine pulli,
Quos stabuli dudum iunxit amica quies;

Sed cum dira fames auidū corroderet aprū,
Pullorum pepulit carnibus ille famem.

Que ponent posthac ciuiles fercula mensa,
Incipiunt pulli si cibis esse suis?

Aliud.
Et tua delicias gula sus amat improbe? pullis

Desine depasci, te decet esse fabas.
Quid comedēt pueri, cū Bacchanale redibit,

Et postent hilares prandia tanta diēs?
Rurē

*Sic licet è tenebris venturam noscere lucẽ ,
Post tenebras oritur clarior inde dies .*

Amor , & deliciæ generis humani di-
ctus est .

*Tandem lata feros exegit Roma tyrannos ,
Urbis delictum regnat , & orbis amor .
Tristia compositis cesserunt funera bellis ,
Non hic ciuiles sollicitabit opes .
At vix accepto moritur moderamine Titus ,
Delicias hominum conuenit esse breues ,*

Mitissimus fuit in imperio .

*Qui prius urbanos gaudebat sanguine fasces
Tingere , Cæsareum mitigat aula Ducem :
Est experta pium , timuit quem Roma Ne-
ronem ,
Mores quandoque in principe mutat ho-
nor .*

Delatores vrbe depulit .

*Noxia ciuilem miscebat turba quietem ,
Tutam cui vitam mors aliena dabat :
Ad iuga prærupti desertur inospita montis ,
Cinibus hic pœnas , quas dabat , illa luit .
Redita Roma sibi est , miserisque exempta
periclis ,
Viuere te tutus principe quisque potest .*

Sacrificanti hostia diffugit.

*Sistitur ardentis taurus moriturus ad aras,
 Caesaris ut manibus victima cesa cadat;
 Ille tamē metuēs presentis vulnera mortis
 Liber ab instanti, Caesaris ense fugit.
 Cesareā immeritō formidat bellua dextrā,
 Nūquā tam mites senserat illa manus.*

Cælo sereno intonuit, dum sacra faceret.

*Aethere tranquillo tonuit, cum turea diuis;
 Flecteret ut Caesar numina, dona daret.
 An cælo placuisse notat vox munera? mu-
 nusque
 Accepisse pium nuntiat illa Iouem?
 Auspiciū Titus metuit, dumq; aere puro
 Nubibus intonuit, nubilat ille animum.*

Lectica iter faciens feбри correptus
 cælum aspicit.

*Lectica dum Caesar iter consumeret, intrā
 Venarum sensit serpere claustra febrim:
 Dimotis plagulis rutilū conspexit olympum,
 Immeritamque sibi luxit adesse necem:
 Cur gemis? haud te terra meret, quem su-
 spicis, æther,
 Dum reboat, Caesar; te super astra vocat.*



134.
FLAVIVS DOMITIANVS.

Ad malum punicum natus est..

TE mala, o Flavi, portendunt punica Regem,
Portendunt. etiam punica mala malum..

Muscas venatur..

Multa palatinam volitabat musca per aulā:
Gestans ore tubam, cuspide bella ciens:
Insidias timuit, gladioq; armatus. acuto
Infestas Caesar figere cepit aues;
Pertinuere ferae pugnantis vulnera dextrę,
Omneque muscarum perdidit aula genus:
Musca erat. heu nimium Romane. Flavius
Urbi..
Consortes regni Caesar habere negat..

Eilius Palladis. dici voluit..

Palladis. ut gnatum ciues te, Caesar, adorant
Pallade sed natus. dicitur esse draco..

Vites succidi iubet..

Viderat Ausonys. Leneum Caesar in agris
Bacchum pampineis luxuriare comis;
Hic neglecta Ceres paucas numerabat. aristas,
Consita cum solis vitibus arua forent..
Ceditur irato Nysæus principe palmes,
Cogitur & Latys Bacchus abire plagis,
Iam profligarat virgatis tygribus Indos,
Romulane rapiat sceptra, fugatur agris..
Do-

*Nomen trade aliud; dominum si Roma sal-
lutas,
An non te servam libera Roma facis?*

*Occiditur ab eo, qui coniurationis indi-
cium afferebat.*

*Quintam sollicitus metuebat Flavius horã,
Iam sibi vicinam gnarus adesse necem:
Horret, ut allatos pacta de cade libellos
Accipit, atq; aliquid grande latere timet:
Formidare necem, Caesar, desiste futuram,
Qui tibi namq; necem nunciat, ille necat.*

Interfectori oculos effodit.

*Saucius ut ferro iacuit, presentia Caesar
Fata tamen sorti pectore spreuit adhuc:
Namq; inuasorem contra surrexit inermis;
Ac valido apprehensum robore stravit
humi.
Mox digitis fodiens oculos, si fortè necabis,
Occisum non me, cace, videbis, ait.*

Sagittandi peritissimus fuit.

*Quotquot in Albano te spectauere theatro,
Innumeras certa sternere cade feras:
Noxia tã docta stupuerunt fulmina dextra,
Teq; scopum optassent scire ferire minus.
Namq; ubi desisti viles tibi ponere metas,
Roma scopus facta est ictibus una tuis.*

DE FONTE LAPIDEO

ab Urbano V I I I. in declivi planitie montis Pincij sub forma navis extructo .

S *Axea consurgit fontano è gurgite navis .
Qua medio vitreas pectore fundit
aquis .*

Vidimus equoreas decurrere ligna per undas ,

*Sed mergi liquidis lubrica saxa vadis :
Sola, Urbane, tue sunt hac miracula vocis ,
Iussisti, & placidis petra superstat aquis .
Ludouicus XIII. Galliarum Rex Rupeculam obsidione debellat .*

Belliger inuictis rutilat Ludouicus in armis ,

*Ut Gallo subdat Santona colla iugo ;
Iam quatit hostiles iterato verbere muros ,
Iactaque ab accenso pulvere saxa volant :
Non tamen infesto proturbat moenia pulsu ,
Moenia stant, hostes nil fera saxa timēt .
Quid faciat ? Cererem subita obsidione
coercet ,*

Sola famas rabidos apta domare lupos .

In idem argumentum .

*Sæua quod Annibalis cunctado fregerit arma,
Cunctator Fabius dictus ab urbe fuit :
Aemulus Ansonia Gallus virtutis in hoste
Non furit , at muros per latus omne premit .*

Ad fera precipites vocitet quis praelia Gallos ?

Et cunctatores Gallia ferre potest .

Albertus Valstenius Fridlandiæ Dux, su-
premus Cæsarei exercitus Impe-
rator in tabula depictus.

*Natus ad imperium, imperij defensor, &
armis*

*Inclutus, hoc celsum spirat in ore decus :
Messuit innumeras hostili è sanguine pal-
mas.*

*Arctoe domuit monstra tremenda plagæ,
Quanta Ducem laus est bello superasse dra-
conum ?*

*Hic Gothico septus milite Adolphus erat ;
Herculeus sileatur honos, unū ille draconē,
Albertus plures fortior edomuit.*

De cæde Alberti Valstenij Ducis Fridlan-
dij, qui lethaliter sauciatus fu-
num ex ore ructavit.

*Proditor Imperij, quæ Cæsar tradidit arma,
Cæsaris in sacrum contulit arma caput :
Cæsareos ardere lares, totamque rebelli*

*Austriacā statuit perdere in igne domū ;
Dūq; parat rabidas tectis apponere flāmas,
Absumptus flammis concidit ipse suis.*

*Nō perijt ferro, facib. sed adustus Auerni est.
Ostendit missus fumus ab ore faces.*

Aliud.

*Non est Cæsareum sat agas cur ledere nomē
Fridlande, una tuis fors tribuenda dolis :*

*Cōtulit ingētes nimium tibi Cæsar honores,
Lapsum debueras inde timere tuum ;*

*Tu tamē ingratis cōtemnens munera verbis
Oppressum imperio Cæsaris esse doles :*

*Perdite, quid quereris ? fumum dum mit-
tis ab ore ;*

Attulit interitum qui tibi, fumus erat.

Hen-

Henricus. Dux Memorantius Tolosæ capite plectitur ..

Die 30. Octobris. 1632..

*Ausus in innocuum bello consurgere regem,
Et miscere armis Gallica regna suis:
Perdidit ambitos titulis spoliatus honores,
Perdidit & claris nobile nomen avis:
Diuinam per Franca fidem seuerè priores
Illi arua, humanam prodidit iste fidem;
Coniurata sequens armatis castra manipulis:
Nescit, heu vitis bella mouere suis ..
Persoluit meritas Henricus funere pœnas,
Dumq; caput tollit, perdidit ille caput ..
Gustauus Adolphus Suediæ Rex duorum
tormentorū ictib. sauciatus interiit.*

Die 16. Nouembris. 1632 ..

Miscebat Gothicis Germanica regna cæteruis

*Gustauus, gelidæ cura tremenda plage;
Hostiæa Vandalico ducens à litore signa
Theutonicas auido fuderat ense manus;
Et iam iam parto veniebat palma triūpho,
Cum mors cupressum protinus atra dedit,
Occidit ab duplici tormenti glande petitus;
Non poterat seuum sternere sola ducom ..
In obitum Caroli, Comitissæ de Poppe-
nhaim, qui in prælio occisus fuit ..*

Die 16. Nouembris 1632..

*Suedica Germani cum prælia ferre manipuli:
Non possent, pauide terga dedere fuga?
Carolus haud fugit, sed vocib. agmina sistens:
In magè confertas proruit ense acies;
Dumque inimica cupit propellere signa, du-
ce sque
In sua Vandalicos trudere castra, cadit;*

Occidit

*Occubuit latus : Gustauum nouerat ante
Occisum, occiso non piget hoste mori.*

*In obitum Friderici Comitis Palatini, qui
interijt 29. Nouembris 1632.*

*Exul ab imperio, & patrijs Frideric⁹ ab oris
Querebat stabilem per loca amica locū;*

*Sedibus excepit proprijs Hollandia, sortem
Astra aliam donec propitiata darent;*

*Venit ab Arctois multo cum milite regnis
Suedicus, & pulso tradidit ultor opem:*

*Antiquas victor domin⁹ remeauit, in vrbes,
Sed longas nequijt tutus habere moras:*

Noluit extincto Gustauo viuere; ab illo

*Namq; Comes factus, maluit ire comes.
Carolus Emmanuel Sabaudia Dux inter*

varia belli pericula illæsus.

*Hostica dum feruent collatis praelia signis,
Pinguis & effuso sāguine inundat humus.*

*Carolus aduersos pugnae irrūpit in hostes,
Quaq; necat gladio, quā fugat ore acies.*

*Dūq; unū tot tela ducē, tot fulmina poscunt,
Per media illudens ictibus arma ruit:*

Palladia cinctum ne dicas agide pectus,

Obiicit explosis pectus inerme globis;

*Dum nihil ergo faces grauido timet ere to-
nantes,*

Terrenum melius dixeris esse Iouem.

*Ambrosius Marchio Spinola in obsidione
Casalensi moritur, dum eam Urbem*

Torasius discipulus tutaretur.

*Venerat Ambrosius Belgarū victor ab oris,
Venerat Italici gloria prima sagi.*

*Vna erat Austriacos renuens admittere
muris:*

Urbis vna erat is: fisa Casalis erat.

Pro-

*Protinus excelsis obducit mœnia vallis
 Spinola, & explosa sternere glâde parat ;
 Mœnia tutatur validis Torasius armis ,
 Et negat obsessa tollere ab urbe pedem ;
 Spinola quid faciat ? moritur ; vincente
 magister*

Discipulo maius mutuât inde decus .

De cognomento Scipionis Africani .

*Scipio discinctos bello superauerat Afros ;
 Intuleratque feras Romula signa plagas :
 Nec satur, angustos Romam vexisse triumphos
 Africus à demito dicier hoste cupit ;
 Non satis , heu ? fuerat , populos vastasse su-
 bactos ,*

Ni victis etiam nomina rapta forent .

*De Agrippina , quæ de Nerone loquens ,
 occidat , inquit , dum imperet .*

*De nato audierat , si Romula Sceptra potitus ,
 Agrippina , fore ut traderet iste necem .
 Non curo , dixit , fodiat mea viscera ferro ,
 Imperet hic vitam non ego curo meam ;
 Oh quanto nati mater flagrauit amore ?
 Se casam voluit , Caesar ut ille foret .*

*Monyma Mythridatis vxor diademate se
 cupiens occidere .*

*Audisset cum castra sui deuicta mariti ,
 Neglexit tristes Monyma ferre dies :
 Sed regale trabēs refugis diadema capillis ,
 Composito inseruit fune ligata caput :
 Fascia at innocuas renuuit praecludere fauces ,
 Fascia natali sic fuit illa suo .*

*Carthismandua Brigantum Regina mari-
 tum regno spoliare cupiens occiditur .
 Sumere deuicto volui diadema marito ,
 Sed tulit ille meis aurea ferta comis :*

Mox

Mox vinxit post terga manus; proh fœmina fallax?

*Quã cuperẽ vinctas ante habuisse manus.
Penthesilea ducens agmen Amazonum.
Deici mulier Græcas inuicta phalanges;
Et secui mammæ, ut magis apta forem.
Quid māmās secui? si qui me fudere māmīs
Lac vidisset, adhuc crederet esse virum?
Zenobia Palmyreorum regina se ipsam in
captiuitate solatur.*

*Dū captiuā trahor Tarpeię ad culmina rupis,
Fit rupes casus publica scena mei;
Nobilius nunquam spectauit Roma trophæū,
Quam cum me seruā libera Roma videt:
Si libertatem victæ Romanus ademit,
Cum libertate heu vita perempta foret;
At mea si rigidis onerauit membra catenis,
Nō tamẽ est nodis mens mea vinctæ tuis:
Dedecus est vinci, sed cum me vicerit armis
Romanus, victrix dat mihi Roma decus.
Sophonisba Masanissæ vxor missum ab illo
venenum haurit.*

*Sic nostros, Masanissa, toros coniungis
amaror?*

*Sic & coniugij toxica fœdus erunt?
Ebrius heu nostræ fueras dulcedine formæ;
Pocula quid mirum si mihi felle reple?*
Urbanus VIII. Barberinas Apes Thomæ
Mallonio Cōgregationis Somaſchæ Episcopo
Belunensi in insigne Mallonium
inferri concedit.

*Cur gentis desumit aues Urbanus auitas,
Mallono & propriū stēmate stēma locat?
Scilicet hæ vacuo volitabant aere, flores
Ut libet, Thomæ ad gramina mittit apes.*

De Aquila Mallonia, & tribus montibus.
*Tres montes quid stemma tenet? quid in
 aethera pennis*

*Non fertur superi praepe adunca Iouis?
 Expansi quae fulva plagis spatietur olympi
 Malloni poterit firma manere iugis?
 Hic videt Ideos forsitan consurgere montes,
 Regia non alio culmine sistit avis.*

In Mallonij nomen.

*Illyricas tendis cur, optime Praesul, in oras,
 Non procul undè armis Turcica turba
 furit?*

*Ferrea quis frangat populorū pectora? fortis
 Malleus. alliciat? melleus ore fauus,
 Malloni, nūc iure igitur te Urbanus adoptat,
 Malleus es calamo, melleus eloquio.*

*Ad Serenissimam Genuæ Rempublicam,
 quod Stephanū Auriā in Ducē elegerit.
 Perpetuis reliquæ parēt dum regibus urbes,
 Quid mutas plures Ianua celsa Duces?
 An quia, cum paucos alie, tu florida multos
 Qui regale ferāt pōdus, Athlātas habes?
 Quot ciues numeras, tot sūt sudamina regni,
 Dumq; labant alie, tu magè firma viges;
 Quæ laus est sanctis dominantem legibis,
 AVREVM.*

*Ferrea dum currūt tēpora, habere Duci?
 Sepulchrum Cæstij, qui vnus ex Epuloni-
 bus erat, pyramidata structura, quod
 partim intrā, partim extrā Romæ mœ-
 nia consurgit.*

*Quid Roma tumulare negas tua corpora,
 Cæsti?*

*Quid non Dardania totus in urbe iaces?
 Respondere tua voluerunt funera vite,*

Quod

Quod passa est, voluit reddere Roma scel^o;
 Perdideras Epulo mediā tu sup^{er}ioris urbē,
 Dimidium inde tui corporis illa tenet.
 Sabinæ coronatæ spineo ferto à Romanis.
 Quis raptas docuit spinis redimire Sabinas?
 Debebat spinas raptus habere torus.
 De sue, qui Romæ in quodā Collegio con-
 tubernales duodecim gallinas voravit.
 Mane suburbano pullos portarat ab agro
 Rusticus, & socios fecerat esse suis;
 Cum suis neglecto deplumat fursure pullos,
 Suetaq; pertæsus prandia, dente vorat;
 Cui non mouissent spectacula talia risum,
 Sobria dum pauidas bellua mordet aues?
 Accipere è mēsis prius ossa cadentia fuerat,
 Gustare optauit nunc caro, quid saperet,
 Aliud.

Sic conuiuentes laceras, sus improbe, pullos?
 Hospitiū sacram sic colis ergo fidem?
 Custodem volucrum te rusticus esse futurum
 Crediderat, reperit, cū gregis esse lupum;
 Mactauit solus quondam Busris amicos,
 Nunc didicit socias perdere porcus aues.
 Aliud.

Cum sue vivebant vili sub tegmine pulli,
 Quos stabuli dudum iunxit amica quies;
 Sed cum dira fames auidū corroderet aprū,
 Pullorum pepulit carnibus ille famem.
 Quæ ponent posthac ciuiles fercula mensæ,
 Incipiunt pulli si cibis esse suis?
 Aliud.

Et tua delicias gula sus amat improbe? pullis
 Desine depasci; te decet esse fabas.
 Quid comedēt pueri, cū Bacchanale redibit,
 Et postcent hilares prandia tanta dies?
 Rurē

*Ritè sapit; dominis debet servire Nouembri,
 Seruiat ut melius, pinguior esse cupit.*
 Aliud.

*Viderat in stabulo gallinas porcus eodem
 Deciduas domini e prandio habere dapes,
 Inuidus alterius fructu, grunnitibus ipsis
 Est visus tales fundere ab ore sonos;
 Sic? totam sustento meis qui carnibus edem,
 Vlla non possum pellere carne famem?
 Quæ somnum abrumpunt vigiles glocitando
 volucres*

*Pinguescent damno septa per ista meo?
 Nulla solet plures nutrire culina gulones;
 Ante illas comedam, mox ego solus ero.*
 Aliud.

*Gaudet aper dominum cernens sibi iungere
 pullos,
 Venandique aptum tempus adesse videt;
 Si gallina volat, rapido ferit aera saltu,
 Si celerat cursum, cursitat ille celer,
 In gyrum expansis si pullus deniat alis,
 Sus etiam pedibus circumit omne latus.
 Sistite frondiferis expandere retia syluis,
 Exerto volucres en aper ungue capit.*

In auarum ligatorem.

*Cinna dolet metuens tetricas amittere lites,
 Nec curis animi spes manet vlla sui,
 Consulit Entellum, causæ qui pondera li-
 bret,*

*Et docto coram iudice iura ferat,
 Aurea facundæ commendat munera lingue,
 Quæ truculenta etiã flectere corda queat,
 Nil tamen Entello donat; dum Rhetor lau-
 dat,*

Estq; nimis Logicus, perdere Cinna cupit.

In



In Caufidicum.

*Agit sonanti voce Maximus causas,
Et instat, & strepit, & plenis tonat
buccis.*

*Adeone doctus est? indoctior nemo est.
Quid ergo Cerberus latrat? petit panē.*

Senex religiosus calamo, & atramento
pingens.

*Sistite Protogenes tabulis miscere colores;
Nec pennicillos dextera vestra regat;
Depingit Raphaet, calamo scribente, figuras,
Scribit, & è ductis surgit imago notis,
Spirant i pictas animaret imagine chartas;
Mortua ni inciperet iam senis esse manus,*

De duobus Ducibus Vicentinis Roberto,
& Fabio Trissinis, qui in defensione
Garesij perierunt.

*O duo Trissineæ bellantia fulmina gentis;
Et Vicentini gloria rara fagi.
Quam benè concordi miscetis praelia signo?
Quā bene vos animat seu per arma Leo?
Cur non consimili caditis quoque vulnere?
cur non*

*Mors eadem comites vos facit esse pares?
Robore Robertus cum præstet, robore vinci
Debuit; ars Fabij vindicis arte manus.*

In opus de Sorgia flumine Iosephi Ma-
riæ Suaresij.

*Hæc tua sunt, Ioseph, doctæ miracula lingue;
Per te præclarum Sorgia nomen habet,
Scilicet illa quidem vitreis delabitur undis,
Surgit at eloquio Sorgia facta tuo.*

146. EPIGRAMMATA.
De corallio ab eodem laudato.

*Dum rubra suauiloquis, Iosephe, corallia:
dictis.*

*Et docta ramos arboris arte vehit
Quis patet? à verbis deriuat planta colorẽ,
Et ramis addunt byssina verba decus.*

De puero Tybere demerso, dum sui um-
bram in aquis aspiceret.

*Ad Tyberius cū fortè puer cōsisteret undas,
Cerneret & puerū surgere in amne parẽ;
Extulit inde pedem, pede subsultauit imago,
Extulit inde manū, sustulit unda manum;
Arrisit proprij deceptus imagine vultus,
Et puerum in pueros se putat isse duos:
Extendit dextram, sociū qua ducat ab undis.
At medias rapitur cernuus inter aquas:
Hic trahit, umbra trahit, corpus luctatur,
& umbra: at
Corpus dum rapuit, fortior umbra fuit.*

Ad elegantissimum poetam Antonium
Brunum. In geminam eius Venerem cæ-
lestem, & terrestrem.

*Antoni, Veneres duas dedisti,
Et quas parturiť fretum; polusque
Fœtu vno ingenij paris gemellas,
Horrebant oculi videre casti
Nudas, & lare sordido iacentes;
Vt possent Sophie subire tecta,
Et cum doctiloquis viris, morari
Vestiti metrico poeta cultu.*

De eruditissimis Augustini Mascardi dissertationibus in Cebetis tabulam ..

*Ut vite quivis perfectæ attingere culmen
 Posset, & a victis præmia ferre dolis:
 Arte cebes mira tabulâ descripsit, & omnes
 Obscuris mores pinxit imaginibus..
 Nullus erat, tabulæ qui credita symbola nosset,
 Sordere in tenebris ars ea fecit opus:
 Depulit eloqui Mascardus luce tenebras,
 Tam clarè ignotas prodidit ille notas;
 Nunc enigma Cebes Sphingis sua dogmata
 dicat;
 Pedibus exposito dogmate hic alter erit ..*

Ad Io. Baptistam Manzinum de Exercitijs:
 eius Rhetoricis, quæ Furores iu-
 ventutis appellavit ..

*Dum plures solus fingis, Manzine, loquentes,
 Multorum & lingua munera solus habes;
 Cur matura vocas iuveniles scripta furores,
 Nobile cur humili nomine gaudet opus?
 Si sic declamas iuvenili percitus ostreo,
 Quid quoque, cum senior Nestore Nestor
 eris.?*

Ad Petrum Franciscum de Paulis celeberrimum Poetam ..

*Carmina, Petre, solet primævus promere
 fervor
 Cum iuuenis mollè plectat Apollo chelyn:
 Tu tamē in primo, qui carmina flore iuventa*

*Fudisti haud cessas fundere metra senex :
 Aut voluit te dia suum esse Poesis olorem ,
 Aut, sene te, venam non senuisse dedit .*

In ostentatorem doctrinæ.

*Doctores , Philomuse, vincis omnes ,
 Si te, grammaticæ petunt magistri
 Verbis grammaticæ obruis magistros ,
 Iam cedunt tibi Rhetores, tuæque
 Linguae Tullius invidet disertæ .
 Migrant docti sono sophi Lyceo ,
 Et liquunt vacuas tibi cathedras ,
 Ne totam moveas scholam , timentes .
 Doctrinam tetigisse te fateris
 Vix sacram, & superas statim docentẽ .
 Si sic proficis , anteuertis omnes .
 Quin mendacia plura quis loquatur
 Si lis est, duo verba penè dicis ,
 Et mendacia trina dicis; hoc si
 Sciu'ssem , proprias canente laudes ;
 Doctrinam celebrante te tuamque,
 Mentiri, Philomuse, subdidissem .*



149

D E T V B E R E,

Quo in dextera tumefcente,

Reuerendiss. P.

HENRICVS ANTONIVS

B V R G I V S

Ordinis Seruorum B. M. V. Generalis extinctus est.

Epigramma.

E Didit Eloquij nuneo candore volumen
Burgius, in Sophia gloria prima choro;
Immortale sibi peperit per secula nomen;
Mors hoc ulcisci seua cupiuit opus.
Dextra, ait, eternis scripsit miracula chartis
Pro tanto pœnas crimine dextra luet.

In idem argumentum.

Epigramma.

Sic, Henrice, cadis? quæ debet dextera lecto
Tollere, te letho cedere dextra facit?
Quæ pœnâ rapuit truculenta mortis ab alis,
Scriberet ut libros, te modò dextra necat?
Dextra fuit, doctis scripsit dũ talia chartis,
Sed te dum necuit dextera, laeva fuit.

Cum Patauij Philosophicas theses tueretur
Henricus.

Epigramma.

Cum Ioue conquesta est quondam Sapientia,
paucos.

Alliceret Sophia cum mœdo rarus amor.

Iup-

150 EPIGRAMMATA..

*Iuppiter, ah dixit, vilescere dogmata nescis,
 Si teneat Sophia dogmata quisque? sile..
 Scripsit Aristoteles, Hæricus scripta tuetur,
 Non alios querat nescia terra sophos..*

De poemate celeberrimi Vatis Hispani
 Lupij de Vega, cui titulus, Laurus
 Apollinis..

Epigramma..

*Scribis Apollineum facundo carmine laurum,
 Dignus Apollinea cingere fronde caput..
 Ambigo, Vega, tuæ num frontis adaucta la-
 bore,
 An calami succo creuerit illa tui;
 Hoc scio, te Phæbo non æquè inscribere lau-
 rum,
 Cum prognata tuo sit tua planta solo..*

De alio eiusdem auctoris poemate:
 Circes. inscripto..

Epigramma..

*Solis inaccessos habitabat filia lucos
 Sæta venenato spargere felle dapes..
 At modò Parnassi ad colles translata bi-
 cornis:
 Haustas de Vægæ gurgite potat aquas..
 Quæque deerrantes socios deuinxit Vlyssis:
 Libera per Mundi cogitur ire plagas..
 In varias prius ausa homines mutare figuras
 Mutata in metricum se videt esse sonum..*

Ad:

EPIGRAMMATA. 151

Ad Illustrissimum Virum Marcum Fa-
letum Cremæ Prætorem.

Epigramma.

CREMÆ LOQVITVR.

*Prudēti dū, Marce, tuæ moderamine lingue,
Legifero dicis turbida iura foro;
Nemo sacrum linquit merita sine laude tri-
bunal,*

*Sic æquæ causæ pondera lance tenes.
Iustitiam cōmendat inops, cōmēdat & auro
Inclutus, occultos non timet illa dolos.
Iam Cremæ dicebar, medys quod adusta
fauillis,*

Nunc succensa tui dicar amore Crema.

Ad eundem, qui Cremæ Illustrissimum,
& Excellentissimum virum Bertuc-
cium Valerium.

Ad Sereniss. Hispaniarum Infantem Car-
dinalem Venetum Oratorem.
excepit hospitio.

Epigramma.

*Pergit, ut Austriacū cōmuni nomine fratrem
Adriacus culto nuntius ore colat.*

*Insubricas dū tentat iter peregrinus in oras,
De se plaudentes cernit ubique lares.*

*At tibi cōmissæ excipitur vix mœnib. urbis,
Conuulsa e proprio cum Crema visa solo.*

*Aduentu gestiuit Eques, gestiuit egenus,
Exposuit cunctas culta fenestra nurus,*

*Tu tamē impensis superās immanib. omnes
Par tibi, par summo visus es esse viro.*

*Ibat ad Infantem gentili e sanguine Iberum
Peruenisse putat, dum tua tecta subit.*

Ad

Ad Patrem

D. Michaelem Archangelum Bottum de
sua Tragædia, quæ Arginaldus
inscribitur.

Epigramma.

*Lugubre iam Michael tractas quid fata co-
thurno,
Vitalis fidibus si venit auratus?
Scilicet obscuris dū plectra recessibus inferis,
Das Lucis rutila non nisi luce frui.
Exprimis occiduas per docta Epicedia pom-
pas,
Argutumque fuerunt mesta Theatra se-
num;
Sanguine quin spumant dum Regia sceptrā,
cruentos
Verri inter latices Aurea Vena fluit.*

Aloyfius Tassus Canonicus Bergomi lau-
dat Aloysij Cerchiarij scripta poetica
impressa Bergomi typis M. Ant.
Rubei de anno 1634

*Dum scribis Cerchiare tui prodigia cantus,
Prisca silet Vatum gloria, fama stupet.
Nam graue tam dulci carnem modularis
aena
Aemulus ut litui sis Citharæq; simul.
Cerno; melo Tuscos, si vis gravitate latinos
Vincere, sic gemina cingere fronde caput.*

F I N I S









